



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

A 469336

DUPL

45 Braehm

1791



879.8

C 186

S

JI,


RIS

ATV,

NIL,

UNIVS.

TERVM.



Campano, Giovanni Antonio

IOANNIS ANTONII CAMPANI,
EPISCOPI APRVTINI,

O P E R A
SELECTIONA.

QVIBVS CONTINENTVR

DE REBVS GESTIS
ANDREAE BRACHII

LIBRI SEX,
CVM VITA PII II, PONTIFICIS
MAXIMI, DESCRIPTIONE THRASIMENI,
DE INGRATITVDINE FVGIENDA LIBRIS
TRIBVS, DENIQVE DE REGENDO MAGISTRATV,
ET DE DIGNITATE MATRIMONII,
LIBELLIS SINGVLARIBVS.

RECENSIT

FRID. OTTO MENCKENIVS.

LIPSIÆ,
APVD IACOBVM SCHVSTERVM,

MDCCXXXIV.

Rates
Grant
5-22-29
18522



LECTORI SALVTEM.

Vt nunquam ego cum inepto illo et moroso hominum genere rem habui, quibus extra patriam prorsus nihil placet, et qui sua malint stercorea lambere, quam lautissimis aliorum dapibus ingenium animumque pascere; ita, IOANNIS ANTONII CAMPANI, eruditissimi Italorum, quae supersunt monumenta aurea, et ad posteros commemoranda, quam primum eorum dignitatem ac praestantiam inspexi, facile me impetraui, ut in manus traderem Germanis meis. Sed poenitet me laboris

PRAEFATIO.

mei, si eo forsan res ceciderit, ut
vanam hoc ipso gloriam captasse,
et aliquod inter eruditos occu-
passe nomen, dicar. Non me fugit,
quam sit pretio ea res aestimandi
leui et exiguo; et aliorum du-
dum exemplo didici, ingenio ad
haec, quae praestiti, opus esse ad-
modum pusillo, et sudore nullo
prorsus. Quin mihi ipsi risum
mouent, si quos uideo interdum
alienis laboribus superbire tur-
piter, omnemque famam suam ex
scriptis aliorum petere, et inter
suauissima ingenii torpentis otia
numerosas Scriptorum cateruas
emittere. Quo artificio ii inpri-
mis vtuntur, quibus alia omnia,
quam ingenium sagax et foecun-
dum, natura concessit, et ad co-
natus magnos dedit uirium et fa-
cultatis parum. Quos, cetero-
quin ita comparatos, ut in obscu-
ro latere turpe putent, et intra
prae-

P R A E F A T I O.

præcordia sentiant effraenem
quandam inclarescendi libidinem,
facile patimur, per hos cuniculos
in arcem gloriae et honorum in-
uadere, et imperitae plebis iudi-
cio callide in rem suam uti. Mihi
vero, quod minime pudet publi-
ce hic eloqui, illorum exemplum
imitari, et incerta hac lubrica-
que uia ad immortalitatem graf-
sari, nunquam in mentem uenit.
Etenim de his, quorum opera
uetustatis sordibus purgatae, ad
pristinum nitorem redeunt prae-
stantissimae magnorum homi-
num reliquiae, ita ego prorsus
existimo, rem utique bonam, et
ad futuras aetates omnes longe
fructuosissimam, suscipere, quin
illud a nobis impetrare facillime,
ut ad literarum incrementa haud
contulisse parum dicantur, at
eruditionis magnae, et ingenii
nulli ex uulgo dati, frustra a no-

P R A E F A T I O.

bis laudem expectare. Et, quem-
admodum de panno artificiose
contexto non tam mercator, qui
uendit, quam artifex, qui texuit,
laudatur, et aedificium pulcherri-
me exstructum architecto maio-
rem, quam his, qui instrumenta
et materiam prae buerunt, famam
parit, ita callidissimi illi et hone-
ste otiosi alienorum Operum edi-
tores non tam suae, quam alio-
rum, existimationi consulere, et
ferendi quidem, forsan laudandi
etiam, sed intra eorum, qui ex se
ipsis gignunt pulchrum et uenu-
stum aliquid, longe collocandi
subsellia uidentur. Neque adeo,
quo ipse indignum me fateor,
plausum posco; sed, ut nemini
inuideo laureolas suas, simili la-
bore furtim ex Helicone surre-
ptas, ita, si, praeter haec ipsa, ni-
hil ego unquam praeclari et exi-
mii perfeci, aut in posterum per-
fici-

P R A E F A T I O.

ficiam, ipse referri nomen meum inter uiros bonos, quam eruditos, malo. Quo ipso rem facere gratissimam iis uideor, qui, laudatissima quaeque, et in praestantissimis habenda, nihili putare, et palam proscindere, natura ipsa edocti, hoc liberiores se nactos uituperandi occasionem putant, quo minus in re ipsa decoris inesse. atque gratiae intelligunt. Rudes nempe illi et inficeti homines, qui malint per omnem uitam suam clausum os gerere, quam laudanda laudare semel, et quibus nugae et quisquiliae suae auro quouis cariores habentur, alia aliorum omnia uix obolo aestimantur aut teruncio. Sed ab his ipsis ut laudari nunquam cupio, et, si cupe-rem, frustra cuperem, ita nec reprehendi me de facto per se bono, et, si non post hominum memoriam maximo, tamen honesto,

P R A E F A T I O.

patiar. Neminem de hoc labore meo praeclare nimis et magnifice sentire, sed nec nimis sordide quemquam et abiecte, uolo. Multum profecto interest, utrum non laudanda praestitisse, andigna contemtu, et culpanda publice, dicaris. Illud honeste te uiuere et secure finit intra parietes tuos, hoc latere te nec volentem patitur, sed foras exire iussum, communi omnium ludibrio exponit. Non me male adeo de te mereri, intelliges, puto, Lector, si rationem aequitatis habes. Et, si blando interdum ac benigno uultu legis scripta aliorum putida et inficeta, in quibus succum neruumque frustra quaeras, si, grassari hos impune per orbis eruditi theatra, et ridendam dare exteris Germaniam nostram, tolerabilem rem puras, si in miselli et inelegantis ingenii partu inuenusto ac deformi conatum
pro-

PRAEFATIO.

probas, et admurmuratione tua excitandos ad maiora putas homines natura ineptos, et suae imbecillitatis minime ignaros, quidni ego aliqua Lectorum dignus gratia existimer, qui, ab illo inde tempore, quo primum litterarum sacris me addixi, illud unice agendum mihi ratus, ne quid loquacitate mea uel molestus sim eruditis, uel damnosus honori patriae, tacere docui, donec aliquando maturescerent, iuueniles musas meas, et, ne turpe cuiquam rusticumue dici posset silentium meum, grauiores interea in mei locum Oratores substitui. Nec forte ex Lectorum meorum numero tam rudis et ignobilis palati vnum arbitror, qui post conditissima CAMPANI fercula crudas et incoctas offas nostras appetat, et diuitiis his paupertatem nostram

P R A E F A T I O.

rie, uel ingenio, uel exercitatione diligenti, ad ueteris Latii elegantiam masculumque robur tam accessisse prope intelligis; non est profecto dubitandi causa ulla, quin in clarissima hac luce, inter fulgidissima tot scientiarum artiumque lumina constitutus, eorum omnium, quos admiranda sapientiae doctrinaeque exempla aetas nobis vetustior proponit, leuissimo negotio aequaturus sis gloriam. Satis te profecisse in literis, et orationis Romanae facultate, putabis, ubi CAMPANI in dicendo affecutus uim, et quasi senatoriam grauitatem, melleae non expertem suauitatis, fueris. Neque uero is ego sum, qui manibus Tuis excutiam antiquissimos illos Romae septicollis Senatores, admirabiles omnis eloquentiae conditores et artifices, quibus qui carere se posse putat
hoc

P R A E F A T I O.

hoc nostro tempore, nae is fallitur multum, et, quarum dulcedinem non sentit, nunquam Romani sermonis ueneres et gr̃atias attinget ; uerum, si uarietatem, et optimorum Scriptorum gratam uicissitudinem, amas, si, quid ualeat hoc nostro aeuo ad dictionis uere Latinae elegantiam partim studium continuum, partim ingenii non uulgaris quaedam dexteritas, ipsis edoceri exemplis cupis, denique si ueteres imitandi artificium petendum ex recentioribus, iisque omnium optimis, existimas, vnum ex superiorum temporum memoria CAMPANVM legendum, vnum hunc diligenter manibus uersandum, vnum prae ceteris tenerrime complectendum, suadeo. Nam, si in aliis flumen uerborum et numerosam orationem TVLLII, in aliis neruos et pondera sententiarum

PRAEFATIO.

LIVII, mollem in aliis SALLUSTII
dictionem, aut facundiam QVIN-
TILIANI, admiraris; quanto plu-
ris aestimandum eum putas, in
quo non harum uirtutum vna
aut altera, sed coniunctae omnes
atque confociatae eminent, ami-
cissimeque conspirant. LIIUIANI
sermonis in affectata grauitate de-
lectaris? *Historiam* CAMPANI
Brachianam lege, primo hic,
vt uides, loco collocatam, quam
ipse ille TITVS meus facile agno-
scat partum suum, et qua, nescio,
an quid magis unquam scriptum
Latine exstet, magis quod uetusta-
tem oleat, et aures animosque le-
gentium permulceat. SALLUSTIA-
nos prae ceteris uerborum floscu-
los lacteamque ubertatem amas?
Iucundissimum ingenii pabulum
CAMPANI *de Ingratitudine fu-
gienda* libri dabunt, compositissi-
mi profecto, et, vt pleni praece-
ptis

PRAEFATIO.

ptis morum et antiquae uirtutis exquisitissimis exemplis, ita ex ipsa orationis structura, et molli uerborum compositione, singularem ad persuadendum uim habentes. Quibus si vnum *in-
gratitudinis* uocabulum exularet, quippe barbarum, et delicatis auribus oppido molestum, sed quod ipse SCALIGER *necessarium* dicit *ad significandum id, quod frequentius, quam sol ipse, inuenitur*, uix, quod reprehensione in his dignum iudicarem, quidquam esset. De reliquis CAMPANI scriptis nihil dicam, sed, ut me ipsum, haec legisse, nunquam poenituit, ita nec tibi, Lector, quod certo scio, fructum eorum lectio nullum afferet. Et quid opus his esse commendatione putem, quae parentem suum CAMPANVM agnoscunt, sui ubique similem, et leuissimas aetatis suae lab-

be-

P R A E F A T I O.

beculas, quibus non nisi raro ad-
 modum deformatum conspicias,
 praeclaris multis eximiisque uir-
 tutibus compensantem. Diu est,
 quod tuum, Lector, plausum
 tulere huius maximi Italorum
 politissimae *Epistolae*, et mirae
 uenustatis *Carmina*, quibus id ef-
 fectum est dudum, ut nihil de
 CAMPANO dici possit tam prae-
 clare et magnifice, quod non iure
 ipse suo ferre a posteritate uidea-
 tur. Et, si, quod laetus animad-
 uerto, continuo haec tuis ma-
 nibus tenes, si dormire te-
 cum pariter ac vigilare iubes,
 denique si TULLIANO illas, haec
 CATVLLIANO aeuo dignissima
 putas, non habet, cur mino-
 rem sibi de his, quae cura nostra
 partim iam prodeunt, partim se-
 quentur proxime, a te gra-
 tiam promittat CAMPANVS no-
 ster. Sunt illa, quod probe te
me-

P R A E F A T I O.

meminisse credo, anno Seculi prae-
 sentis septimo a Parente meo, IO-
 ANNE BURCHARDO, prelis Li-
 psiensibus excusa; maximo pro-
 fecto eorum omnium commodo,
 qui, uetustioribus illis *Operum*
 CAMPANI editionibus, vnde sci-
 licet haec nunquam antehac exi-
 erant, destituti, mellitissimis his
 deliciis non sine dolore summo
 sibi uiderant carendum. Et, ut
 maiores ei, quam forte putes, su-
 scepto hoc labore, superandae
 difficultates fuerint, quod Codex
 ille *Operum* CAMPANI, quo uten-
 dum ipsi vno fuerat, Venetorum
 formis A. 1502 expressus, men-
 dis esset prorsus innumeris corru-
 ptus, et Augiae stabulo comma-
 culator, vnde factum, ut, nisi con-
 iectura et ingenio, plerisque me-
 dela adhiberi nulla potuerit, iam-
 que adhuc quaedam, uix Critico-
 rum acutissimo sananda, uulnera

P R A E F A T I O.

superfint, *a*) tamen, quum eius rei gratiam a bonis multis iniisset, et auidissime exceptum Germanis aequae, atque exteris, CAMPANVM suum intelligeret, non tædere ipsum laboris coepit, sed eodem modo, Operum CAMPANI quicquid supererat, inueteratis prorsus fordibus liberare, et in Germanorum aliqua luce collocare, plane ipsi fuerat constitutum. At, quum in eo iam esset, ut opus, laudatissime inceptum, sed interruptum postea, et satis diu intermissum, tandem, nobis applaudentibus, perficeret, honestum hoc consilium, ut his similia non pauca, quae animo uolvebat olim, mors praematura

a) Sunt haec Parenti, non sine iniquitatis nota, exprobrata a Biographo Gallo, NICERONIO, in *Commentariorum, ad Uitas et scripta eruditorum pertinentium*, quos ad hunc usque diem edere sermone uernaculo pergit, *Tomo II. p. 277.*

P R A E F A T I O.

ra intercepta. Itaque, paterna uelut haereditate deriuatam ad me arbitratus hanc prouinciam, ut partim optimi Parentis manibus rem gratam facerem, et huius pie colere memoriam uiderer, partim obsequii mei documenta publica coram iis ederem, quibus auctoribus ipsa haec aggressus sum, simulque communem ciuium meorum sitim restinguerem, *Epistolis et Carmi-*
nibus CAMPANI, annos iam fere triginta inter Germanos uersantibus, nunc demum iungenda duxi scripta doctissimi Italorum reliqua, id, nisi res mihi falso blandiatur, hoc ipso affecturus certissime, ne quis, lectis his, frustra a me propositum Lectoribus nouum hoc limatissimae doctrinae et Romanae facundiae exemplum criminetur. lamque proposito meo, et tuae

P R A E F A T I O.

expectationi, satisfactum esse par-
te uides; nec, carere te his, quae
restant, culpa mea, patiar, modo
non haec a te fastidiri, sed ex-
peti et flagitari serio, intelligam.
Et, si per spatii, quo circum-
scripsimus nos ipsos, angustiam,
et scriptorum CAMPANI CO-
piam, id licuisset, uenissent utique,
quaecunque nos debemus poli-
tissimo huius Itali ingenio, con-
iuncta iam in manus tuas. Sed
non id scilicet mensura libri tu-
lit, aequaturi, si fieri posset, mo-
lem *Epistolarum CAMPANI*, ab
optimo Parente editarum. Non
igitur hac uice, nisi *de rebus ge-
stis Brachii Libri VI*, cum *Ui-
ta Pii II, Pontificis Maximi*,
nec non *Descriptione Thrasime-
ni, de Ingratitudine fugienda Li-
bris III*, denique *de regendo
Magistratu*, et *de Dignitate ma-
trimonii*, libellis, in publicum con-
spe-

P R A E F A T I O.

spectum prodeunt. Sed sequen-
 tur hac ipsa presso pede *Orationes*
 uariae, eaeque mirae uenustatis
 singulae, in quibus CICERONIANAE
 eloquentiae facile uestigia cogno-
 scas. Implebunt haec similiter,
 ut *Epistolae*, et illa reliqua, quae
 iam dedimus foras, Uolumen in-
 tegrum, ut, acceptis his, habitu-
 rus sis *Operum* COMPANI cor-
 pus pulchrum et compositum,
 trium spatio Uoluminum inclu-
 sum, idque apte, meo iudicio, et
 ad usum Lectorum prorsus ac-
 commodate. Sed, age, iam de
 me ipso pauca. Nam, quod alii
 multis uerbis, nec sine cothurno,
 facere consuerunt, id breuiter
 me et restricte exequi coram Le-
 ctore sagaci et intelligente con-
 uenit. Quod ad ipsum edendi
 laborem attinet, non hic, fateor,
 tantum mihi molestiarum deuo-
 randum fuisse, quantum Parenti
b 3
olim,

PRAEFATIO.

olim, suis sordibus *Epistolas* et *Carmina* purganti, propterea, quod subsidia, quibus in rem meam vterer, comparata mihi plura longe, eademque insigniora, essent. Nam, ut dicendi initium ab *Historia Brachiana* faciam, eam ut emendatissimam hic exhiberem, oppido me iuuit labor GERHARDI IOANNIS HEROLDI HOECHSTETENI, qui librum eleganter doctum anno Seculi XVI quinto et quadregesimo Basileae in forma minori, quam octauam uocant, satis emaculate edidit, nec non celeberrimi Uiri, LVDOVICI ANTONII MVRATORII, Musae nostrae amantissimi, qui nuper demum huic *Historiae*, nec ei immerenti, locum dedit in *Scriptorum Italiae Uolumine XIX* p. 431, praeclare ita de ciue nobilif-

P R A E F A T I O.

bilissimo et vniuersa Italia pro-
meritus. Hos ego duces secu-
tus, et MVRATORIANA prae-
sertim editione hoc oportunius
fidentiusque usus, quod eliminandae
illi insignem opem attulisset In-
terpretatio huius Operis Italica,
tentata olim a POMPEIO PEL-
LINO, Perusino ciue, et A. 1572
Uenetiis uulgata, Historiam, si
quid mihi recte blandior, inte-
gerrimam et plane incorruptam
dedi, talem nempe, cuius non
poeniteret profecto, si uiueret,
Auctorem suum. Neque tamen
solertia hic aut labore mihi opus
fuisse nullo putes; quin ita potius
persuade tibi, quantumuis in *men-*
dis et erroribus restituendis *b)* uin-
dicandisque laborauerit HOECH-

b 4 STETENVS,

b) Sunt haec uerba HOECHSTETENI in
literis ad Philibertum ac Christophorum,
Principes Badenses, ipsi CAMPANI Hi-
storiae praemissis.

P R A E F A T I O.

NVS, quam diligentem etiam hi
Commentarii editorem nacti sint
MVRATORIVM, accidisse tamen
haud raro, vt in vno eodemque er-
rore conspirantem vtrumque ani-
madverterim, vbi, pro ingenii
modulo, nunc perperam coniun-
cta separanda, nunc, quae incu-
ria scribarum exciderant, sup-
plenda, nunc, quae alieno loco
errabant, in ordinem redigenda
fuerint. Nec pauca obuuisse
mihi memini, quae, an ita scri-
pta essent a CAMPANO, subdu-
bitabam mecum, sed quibus
uim inferendam, ne oleas edi-
toris translire, non putavi.
Cuiusmodi locutiones, aut senten-
tiae, sicubi inter legendum te of-
fenderint, aut, his facile carere te
posse, crede, aut rectiora, si quid
uales ingenio, substitue. Quae
Uitae Brachianae adiuncta ha-
bes scripta CAMPANI reliqua,
non,

P R A E F A T I O.

non, nisi ex *Operibus* eius, coniunctim editis, innotuisse mihi, fateor. Nam, etsi dudum noueram, *Uitam Pii II, Pontificis*, Francofurti apud *Egenolphum*, forma quadruplicata, *c)* et *de Regendo Magistratu* librum Louanii primum A. 1548 ex officina *Seruatii Sassenii*, forma minima, *d)* postea A. 1618 Coloniae Agrippinae, *e)* figillatim prodierunt, nunquam tamen ita mihi esse felici contigit, ut libellos hos intueri propius, et meis tenere manibus, potuerim. Transcribenda igitur haec mihi omnia ex ipsis *CAMPANI Operibus* fuisse, non quidem illis, quae diximus in Venetorum officinis excusa, sed aliis uetustioribus, et

b 5

ue-

c) Vid. GESNERVS in *Biblioth. p. 383. B.*

d) Vid. *Biblioth. Telleriana p. 362.*

e) Vid. TH. HYDE *Catal. Biblioth. Bodlei.*
p. 131.

P R A E F A T I O.

uenerabili aetate sua in cimeliorum loco habendis, quin ita hic locorum raro obuiis, vt, qui uisa sibi testentur, sint paucissimi. nec ipse in horum numero fuerit olim Parens meus. *Impressa haec Romae, characteribus Uenetis, per Eucharium Silber, alias Franck, unius ipsius Michaelis Ferni, Mediolanensis, cura, correctione, et impensa, Anno Christ. Sal. MCCCCXCV, pridie Calendis Nouembris, ultima Codicis nostri pagina testatur. Ingens frontem et magnifice in lignum incisa campana ornat, quam uerba cingunt sententiosa, et ad CAMPANI laudem composita. Addidit Inscriptionem Editor:*

Pulsa-

P R A E F A T I O.

*Pulsabat solida et toti notissima
mundo,*

*Per coelum et terras fama
uagata mea est.*

*Turbida tempestas rupit me,
sola Tyferni*

*Nubila dum sonitu rumpere
posse puto.*

*Me miseram fului rapiebant
frusta metalli,*

*Et, qui curaret reddere, ne-
mo fuit.*

*Sed me iterum Fernus uigili
sudore Michael*

*Iam tandem fudit prae pie-
tate meus.*

*Haec, vltro olim atque liberaliter
mecum communicata ab erudi-
tis-*

PRAEFATIO.

tissimo Uiro, IOANNE ERHARDO
KAPPIO, Oratore Lipsiensi, et
hoc tempore Academiae pa-
triae Rectore Magnifico, rebus
nostris inter paucos amicissimo,
quam primum accuratius inspexi,
et cum Codice illo *Operum* CAM-
PANI altero, paullo recentiori,
contuli, equidem, in quo discre-
pent haec inter se, quantum ad res
ipsas, nihil inueni, at, quod ad
integritatem literarum, et curam
operarum, attinet, Codicem hunc
Romanum multis modis praefe-
rendum illi Ueneto, cognoui. Bi-
berunt igitur ex hoc fonte atua
nostra, et, quamuis errorum, (vt
nunquam penitus his carent ue-
rustiores libri,) non omnino tol-
lendum nihil fuerit, toleraui ta-
men aequo animo has molestias,
quippe nihili putandas, si cum il-
lis comparentur, quas et Parenti
olim

P R A E F A T I O.


olim deuorandas dederat, et mihi ipsi, si hoc nempe vtendum vno fuisset, minabatur codex Uenetus. Idque adeo si actum a me diligenter uides, ne culpa nostra gemmae hae Campanae amitterent natium et uenustum decus suum, nec, in Germaniam translatae, alieni soli maculas contraherent; iam praestitisse hoc in loco, quo parum glorioso Editoris munere defungor, mihi satis uideor, nec ipse a me quidquam, amice Lector, praeterea desideras. Praestiti tamen his ipsis plura, Lector, et tuis commodis, quod spero, satis inseruient appositae partim ad paginarum marginem notae breues, et dictorum CAMPANI argumenta continentes, a quibus tamen seiungendae sunt nonnullae aliae, in *Historia Brachiana* obviae, quippe ex editione Basileensi huc translatae, et criticae indu-

P R A E F A T I O.

dustriæ uestigia præbentes, partim notabiliorum rerum Index locuples et copiosus, ad calcem Operis adiectus, cuius utilitatem satis cognoscent ii, qui rerum magis, quam uerborum, in CAMPANO delicias sectantur. Denique, ut aliorum magis, quam meo, testimonio de horum librorum dignitate et præstantia constaret, horum nonnullis commendatitias MICHAELIS FERNI, primi Editoris, ad Lectorem Epistolas præmisi, quibus lectis, quid cuique libro boni insit, uel ipso me tacente, intelliges. Plura non addo, nec, inter uepres et dumeta nostra te morari, amoeniora iam CAMPANI uireta ante oculos habentem, fas existimo. Age, iam Deorum domicilium, dulcissimam Campaniam ingredi, et, inter otia iucunda, suauitate loci, quantum satis est, et ipse potes, frui.

IOAN.

**IOANNIS ANTONII
CAMPANI,
EPISCOPI APRVTINI,
DE
VITA ET GESTIS
ANDREAE BRACHII
LIBRI SEX.**





ANTISTITI PERVSINO,
IOAN. ALEX. VI.
PONT. MAX. DATARIO
OPTIMO,
PERENNI MEMORIAE ET IM-
MORTALI GLORIAE DICAUIT.
MICHAEL FERNVS,
MEDIOLANENSIS.

*Non parua est gloria, Pater Reuerendissi-
me, ei urbi quum Principi dominari con-
zingit, vnde aliquando uiri clarissimi, bello,
paceque, domi, militiae, prodire. Commu-
nisque prope est cum Principe ciuium etiam
demortuorum splendor, et gestorum fama, si-
cut ea gloria etiam nostra censetur, et no-
bilitas, quam ex gente nostra maiorum ali-
qui peperere. Inter Opera, quae prae-
stantissimum illud Campani, Episcopi postea
Aprusini, ingenium procudit, quae ego eden-
da*

MICHAELIS FERNI

da meo summo labore, studio bonorum literatorum, suscepi, celebratissima habetur Brachiana Historia, utpote in qua is omnes eloquentiae nervus qui totus sublimis et excelsus in omni scriptorum genere, fuerat, iam, quum iunior, intendit. Ut plane doctissimus quisque fateatur, nihil ab annis mille citra scriptam maiori gratia, seu sili maiestate quadam et elegantia, seu luce, fide historiae, et rerum gestarum dignitate et magnificentia. In qua res unius Brachii huius olim, et principis huius tuae inclytæ urbis, cui Pontificem tua Te praestantissima uirtus, nulla suffragiorum mendicatione, propriis uirtutum comitiis, suffecit, complexus, uisus est mihi Qu. Curtium imitatus esse, qui unius Alexandri Macedonis uitam, bella gesta, uictorias, consilia, dicta, facta, complexus fuit, nisi quod, quum par illi semper incedat, praecellat interdum, nunquam deficiat. Et hoc gratior esse perenniorque potest Historia, quod integra exstat, illa plurima sui parte deperiit. Et Campanus in concionibus, ubi historiae uis tota defudas, uehementior. Viuidius penetrat, urget impensius, suadet dissuadetque uelocius, in proponendo uarior, irritando asperior, sedando et dissoluendo aptior et faciliior. Summus

P R A E F A T I O.

mus in delectando, ubique docet, ubique delectat, ubique afficit, semper alacris, grauis, et magnificus, splendore uerborum, et sententiarum grauitate, ubique admirabilis. Ut; quum nec Curtius quidquam, quod in Historia expeti possit, in commendando uno Alexandro posthabuerit, facile tamen deprehendas, interessse plurimum Italo et Barbaro, et gloriae Brachii nihil defuisse, nisi quod illis priscis Seculis nasci non contigit. Quibus quum multi certare gloria cum Alexandro perhibeantur, rerum gestarum magnitudine, felicitate, et successu, pauci etiam anteponantur; Brachius quidem, et is aliquanto etiam interuallo, anteponi potuisset, quod nec maiori militum numero pauciores pugnas obiuit, nec minoribus cum Regibus praeliatus, tenuiores copias fudit, deleuitque. Vbi hoc ad gloriam accedit, quod in media Italia, quum res bellica floreret, pugnacissimos contra imperatores semper uictor exstitit, uictus, nisi in morte, nunquam fuit. Hanc ego tanti Principis historiam cui dicarem, dubium me plura diu detinere. Et erant tam magnifica gesta Principi dicanda, et, cui dicanda, integrum non erat. Tua religio, tua sanctissima uita, a sanguine et bellico fremitu aliena, tam natura, quam moribus, et

MICHAELIS FERNI

uitae instituto, pium aliquid ex adytis diuorum, et de sacris penetralibus, exposcebat. Uicit me gloriae cupiditas tuae; expugnavit illa ipsa in Te, tuamque Perusinam urbem, disciplinarum altricem, deuotio. Quasi nefarium me piaculum committere sentirem, nisi, quod vnum non multis ante Seculis florenti illi et imperio maximae affulsit, afflictae iam, et factionibus detritae, urbi, lumen intra principes suos continerem, et iucundiorum sub tuo numine ciuibus tuis magnanimi olim Principis sui lectionem redderem, Teque hac immortalitate, cui semper labores omnes meos, fortunas, sanguinem, vitam, deuotas habui, apud ciues tuos condonarem. Fuere etiam complura, quae me in hanc sententiam et allexerunt, alia, et confirmarunt. Nam, si paullo accuratius poteris hanc Historiam percurrere, fuit hic genti tuae deditissimus, ut pro his asperrima bella gesserit, et denique pro illorum imperio stabiliendo opes, sanguinem, vitam, non uouerit modo, sed uel etiam effundere non pepercerit. Quotus enim nationis tuae hunc non summa ueneratione, ne Te modo dicam, non prosequetur, quo constet, Alfonsum Aragonensem, Regum, qui unquam in Italia reuerarint, pace belloque clarissimum, cuius
ne-

P R A E F A T I O.

nepotem, alterum Alfensum, atque alterum Ferdinandum, pronepotem, hoc anno tantis uestris periculis aduersus Gallorum tempestatem defendere annixi patrio quodam studio estis, cariorem neminem habuisse, et cui maiori fide se, exercitum, imperium, fortunas, uitam denique ipsam, cognouimus commississe. Huius ille uirtute in regnum apulit, huius industria, uigiliis, labore, studio, pacatissimo regno potitus. In hunc unum quum sanguineas acies cruentus Mars concitaret, quum non tam de imperio, quam de salute et uita, dimicaretur, securus quiescebat. Hunc in regiam stirpem adsciuit. Huic Capuanum principatum tradidit, et praeclaris et immortalibus beneficiis affecit. Porro cui non iucundum et plenum summae uoluptatis esset, illas Thebas, Athenas, Megaras, illam Corinthum, Lacedaemonem, Babyloniam, Macedoniam, nouo Principi perlustrare, et pro religione quadam, suspensio pede, tantorum memoria ducum peragraré, et quaerere, qua in urbis parte ille Epaminondas, ille Agesilaus, ille Alcibiades, ille Themistocles, ille Cyrrhus, ille Alexander, uini consedissent; quo in loco Senatus haberetur; illi effigiatóres, illi exactissimi naturae expressores diuersarentur. Sentio iam mecum

MICHAELIS FERNI

*Ulam mirificam cordis titillationem, solidam-
 que delectationem. Hanc Historiam quum le-
 geris, quoties aut negotium eo Te postulabit,
 aut secedendi uoluptas alliciet, ubi illos Bar-
 tolos, illos Baldos, illos Angelos, illa legum
 scrinia, et Iurisconsultorum uberrima pe-
 tiora, gymnasium omne, euolueris, Academi-
 am omnem percensueris, ubi augusta moenia
 perlustraues, fidem Perusinarum, robur et
 uetustatem, contemplatus eris: quaeres po-
 stremo, nisi quod magis autumo, inprimis,
 ubi illa alta Balionum domus, in qua tum
 celebre Brachio insonuit praeconium? Vbi
 felix illa tellus, quae Brachium ipsum, tan-
 tum imperatorem, sustinuit? Quibus altus
 in aedibus? Quo sub tecto tanti Principis ui-
 ta peracta? Aderunt cani senes, qui a pro-
 genitoribus fide integra hauserint omnia, re-
 censebunt stupido Tibi angustias imperii Pe-
 rusini auctas, et unius huius uirtute, consilio,
 et robore, amplificatas. Quae Tibi expres-
 sior, quae optatior, poterit contingere uolu-
 ptas? Ego Tibi semper, nescio, quo fidere,
 propensissimus fui, Te colui, Te Numinis in-
 star habui, obseruaui. Cum haec mecum
 cogitarem, non potui equidem hanc non Hi-
 storiam, ex qua tantam concepturus esses
 cum tuae gloriae recognitione delectationem,
 par-*

PRAEFATIO.

porum. Quidem munus, sed quo nihil inops,
qui sola uirtute nitatur, praestare maius
possit, dedicare. Tu, cuius ingenium uni-
cum est, quo totus obstupeas orbis, qui nun-
quam rerum magnitudine, sicut nec ille qui-
dem Brachius olim, frangeris, si non bella,
sanguinem, caedes, bellicosissimi Ducis proba-
bis, ingenium tamen illud Campani nostri,
proditum ad lumen et gloriam seculorum no-
strorum, qua soles praeclara omnia, comple-
tere. Cernae saltem, quibus praeesse Te de-
derit uiris, cui, et quam gloriosae, ciuitati,
Deus. Et quum per otium leges, tui additis-
sini municipii, Michaelis, qui in Te totus ui-
uit, didiceris memor esse. Vale.

Ad Eundem:

Desine mirari ueterum iam denique
pompas,
Fortunas, animas, praelia clara Du-
cum.

Non minor en nostris uirtus et gloria;
par est

Pectoris ingenium, corpore robur idem.
Quantus Alexander, quantus uel Caesar
in orbe,

Tantus et in Latio Brachius iste fuit.

Non

MICHAELIS FERNI PRAEFATIO.

*Non contra Reges, populi, non Roma, nec
urbes,*

Uix contra soli praeualuere Dei.

*Inuictus semper prostravit cuncta, nec
vni*

Francisco puduit succubuisse Duci.


Ille uiros inter nostros, mortalia certe

Inter nec fuerat corpora, Diuus erat.

*Aspice sed, quanto nitidus splendore per-
egit*

*Noster Campanus, qua quoque cun-
cta fide.*

*Audio, quum diuina fuit facundia, dices,
Historiae cunctas hic habet unus opes.*



IN

IN LIBROS
DE
VITA ET GESTIS
ANDREAE BRACHII,
IOANNIS ANTONII
CAMPANI

PRAEFATIO.

Vitam & res gestas BRACHII scri- Laus eorum,
pturus, si nihil aliud, hoc cer- qui aetati suae
to spero me affecuturum lau- consulere co-
dis, quod aetati consulere con- nantur.
bor meae. Nam, quid alii sen-
tiant, nescio: mihi quidem illud imprimis
videri solet honestissimum, qua quisque na-
tus sit tempestate, eam omni cura efficere
praeclaram, & quo maxime potest, studio,
aut factis, aut dictis illustrare, nec pati eos
occidere, qui summa ope, ut immortales
sefe facerent, studuerunt. Nec est, in quo
magis accusari negligentia nostra possit,
quam si, quae tempora nos in lucem edi-
derunt, ea nos incognita praeterire, & ab-
dita iacere in oeculto, plus quam ingrati,
A patia-

Cum animi
iucundius ali-
mentum non
sit, quam me-
moriam gesta-
rum rerum;

ipse Autor
res gestas Bra-

patiamur. Ut enim anni vices poma, sic aeta-
tes ingenia suo decori atque ornameto pe-
pererunt. Nec tempus ullum fuisse censeo,
in quo & qui gerere praeclaras res, & qui
gestas scribere possent, natura abunde non
tulerit, alteros ut tanquam meterent gloriae
segetem, alteros ut horreo penuque repo-
sitam instruendae posteritati, tanquam fa-
miliae alendae, reservarent. Nullum enim
iucundius est animi alimentum, quam me-
moriam gestarum rerum: qua qui careat,
is neque imitari praeclara majorum possit
facinora, & veluti novum quendam ejectus
in orbem, rudis omnium rerum imperitus-
que versetur, nec maximam ac certissimam
naturae suae partem dignitatemque respi-
ciat. Siquidem praesentia brevia sunt, eva-
nescuntque uno ictu oculi: futura vero,
nulli mortalium explorata. Sola, quae prae-
terierunt, & certa sunt, & in immensum re-
petuntur: ut tam diu fuisse quis in vita,
quam longe repetere praeterita videatur.
Sensu enim hominis vita, non spiritu est
metienda. Sed, cum tanta sit magnitudo
rerum aetate nostra mari terraque in Italia
gestarum, ut exercere vel summa possint
ingenia, feci, quod solent, qui in hortos aut
rosaria admissi, quia cuncta pudet, pauca
quidem illi, sed tamen pulchriora, decer-
punt, & graviora suscipere etiam ipsis mo-
lestum est, quae feruntur. Tum hic mihi
unus visus est, non modo quem nostris
homi-

hominibus anteponerem, sed quo iusta acie cum vetustate certare posset aetas nostra, si modo, ut homines, sic etiam tempora considerentur. Quem enim ex omni antiquitate reperies, nullius ope atque auxilio fretum, eo imperii gloriaeque pervenisse? Veterum alios patria atque avita extollebant regna, aliis civitates & republicae stipendia, commeatus, delectus, suppeditabant. Plerosque domi literis atque otio deditos favor populi repente ad militiam emittebat, (quasi idem esset gladio certare, quod lingua, idem foro moderari, quod acie,) qui si magna peperere imperia, non tamen uno seculo, non uno privatae opis duce, tantum accessionis est factum. Nam & magnis copiis, & multos annos, vel circa unam haerebant urbem: huic omnia contra; militiae & labori deditum, virtus militem, eadem imperatorem effecit: & patria nudus ejectus, intra paucos annos, parva manu, totam aut domuit, aut agitavit Italiam. Nec est, quod vetustatem accusem, sed nostros interdum homines priscais comparo: quos, si jure id facere possem, cur non libenter etiam anteferrem? Quo magis eos demiror, qui vetera consecrati, dum aliena colerent, sua inculta desertaque reliquerunt. Sic probant, quae non viderunt: quae viderunt, tanquam neglecta improbataque praetereunt. Nam pauci sic perieciune complexi sunt Italiae gesta, ut desiderium nobis,

chii scriptis
exponere in
animum in-
duxit.

In morem eo-
rum, qui non
nisi vetera
consecrantur,
graviter inve-
nitur.

4 IO. ANTONII CAMPANI PRAEFATIO.

non notitiam, reliquisse videantur: quorum sublimia & praeclara ingenia, nisi quod alienis invigilarunt, etiam in hoc ipso scribendi genere veteres aequare potuerunt. Nec tamen illorum me magnitudo deterrebit. Spero equidem, ut senes puerorum solent ludos, ita illos mea haec acerba, atque immatura rudimenta, summa cum delectatione, nulla cum invidia, spectantes, errata aetati, cetera industriae daturus. Et fortasse in hoc quoque pueros imitati sumus, qui, pro laudis aemulatione, graviora, quam ferant humeri, suscipere onera consueverunt. Ut cunque tamen futura res est, magno accedemus animo ad res gestas tanti Viri perscribendas: qui si annum quintum, ante me natus, est mortuus, tanto nos magis adulandi vacabimus suspicione. Et qui eius gerendis rebus interfuerunt, ita eas memoriter solent enarrare, ut ipse quoque mihi, qui nondum eram, videar interfuisse. Nonnulla tamen, quanquam certi erant autores, quia superare fidem videbantur, sponte nostra praetermisimus, satis haec futura arbitrati, quae tanquam illius clarissimi Viri primitias nostrae aetati redderemus, simulque ut ceteros pari spe aut immortalitatis, aut, si hoc nimium est nobis, certe diuturnitatis excitaremus ad gloriæ decus.

Omniem adulandi suspicionem a se studeat remove.

Omnia ea praetermittere constituit, quae fidem superare videntur.

IO. ANTONII CAMPANI
 EPISCOPI APRVTINI,
 DE VITA ET GESTIS ANDREAE
 BRACHII, PERVSINI, ITALICAE MILITIAE
 IMPERATORIS OLIM STRE-
 NVISSIMI,

LIBER PRIMVS.

Brachiorum familiam, sunt, qui in Origines Fa-
 Barchinos Carthaginenses referri miliae Brachi-
 velint, autoremque originis fuisse orum.
 Hannibalem, quod neque a vetu-
 state generis, & magnitudine gestarum
 rerum, neque a nominis similitudine dicunt
 abhorрere: nam, & a Barchinis Brachios
 potuisse dici, & vulgus aliquid, ut solet in
 tanta diuturnitate temporis, intercidiſſe pu-
 tant. Sed res est perobscura, & quæ non
 modo in aetates multas, sed supra ipsam
 pene vetustatem, repetatur. Quocirca mi-
 hi neque affirmare est in animo, propter tam
 longam antiquitatem temporum, diuini-
 tatemque regionum, neque negare. Illud
 satis constat, a forti ac robusto eius familiae
 viro, cui primo id inditum nomen, forte
 Brachios appellatos, eosque Perusiae multis
 iam seculis nobilitate atque opibus claruiſ-
 ſe, principemque civitatis tenuiſſe locum.
 Hoc, non opinione ſolum iam infita &
 inveterata, sed certissimis eius urbis, vetu-
 ſſimisque annalibus, comprobatur, extitiſſe

ex ea familia multos foris domique claros viros, qui partim militaribus dediti studiis, partim reipublicae regendae intenti, non parvam sibi ac suis posteris gloriam pepererunt. Extant enim monumenta maiorum, quae, etsi non accurate magnificeque scripta sunt, continent tamen aliquid, quod legi possit, & sunt cognitione dignissima, iis praesertim, qui non tam scriptorum elegantiam desiderant, quam notitia delectantur antiquarum rerum. Sed Perusinum imperium haud sane stabile fuit: quippe nunc optimates gerebant rempublicam, nunc plebei, suis usque viribus, invadebant: & civitatis regimen non aequitate & moderatione, sed vi atque armis, quaerebatur; qui victores fuissent, victos alios caede, alios exilio mulcabant. Plebeis rempublicam obtinentibus, multi ex ea familia caesi, plerique in exilium pulsi; contra vero, cum ad optimates pervenisset imperium, plebeis magna ex parte civitate ejectis, paucis etiam invidatis. Forte Brachiorum autoritas atque opes summae habebantur: illi magistratus gerere, legationes obire, & cum paucis civitatis statum defendere solebant: finitimis quoque regionibus magni atque incliti. Etsi scio, me non de vetustate generis & splendore maiorum, sed de unius BRACHII gestis, dicere instituisse. Nascitur BRACHIVS Perusiae, Calendis Iuliis, anno religionis nostrae millesimo trecentesimo sexa-

Nativitas Brachii.

sexagesimo octavo, patre Oddone, viro
 imprimis claro, matre autem Jacoba ex ve-
 rustissima Montemelinorum familia: ut, utrum
 genus nobilitate praeferret, plane es-
 set incertum: potentius tamen paternum
 habebatur. Tradunt, Andreæ huic primum
 fuisse nomen; mox, propter ingentem con-
 ceptam spem, gentili nomine Brachium ap-
 pellatum: parentem vero, qua die natus ^{Mathematico-}
 esset, ad Mathematicos detulisse, consuluisse ^{rum de eo-}
 se, quid puero boni malique portendi arbi- ^{dem prae-}
 traheretur, responsumque, in summum & ^{gium.}
 aetatis suae clarissimum bello virum evasu-
 rum. Hinc maiore cura ac studio educa- ^{Adolescentis}
 ri coeptum: hinc paedagogos, qui & in ^{institutio.}
 corrupte custodirent, & prima literarum
 praecepta traderent, adhibitos esse. Inter-
 ea, mortuo patre, pueritiam sub matris tu-
 tela egit, nec minore cura instructus, jam
 tum magnitudinem animi ultra aetatem
 ostendebat: nec, quibus ceteri adolescen-
 tes, deditus voluptatibus, sed equitandi, sal-
 tandi, currendi, studiis intentus, corpus per
 varios labores exercebat. Traductus Mon-
 tonum, paterni iuris oppidum, mirifice sibi
 oppidanorum animos conciliavit. Sed na- ^{Invidiae ei}
 ta ex virtute (ut fit) invidia, qui alterius ^{structae.}
 erant factionis, (nam hic, quoque erant si-
 militates) tendere in eum ac duos natu
 grandiores fratres infidias coeperunt: quae
 cum parum procederent, aliam aggressi
 viam, fraternas discordias ferere. Sed.

cum nec eae quidem processissent, omnia intestina seditione agitare, manifestas odii faces popularium animis inicere conabantur: maxime eius adolescentis virtus, ut amicos ad favorem, sic inimicos ad invidiam & maturandum facinus armabat. Res ad tumultum venerat. Fratres primum consilii inopes, sedare eam rem, omni, qua possent, aequitate & moderatione tentaverunt, sed, inimicis noctes ac dies ad juvenum perniciem tumultuantibus, primus BRACHIVS arma cepit, vel iussu fratrum, qui aetati magis imputari facinus volebant, si quid accidisset, vel quod illi magis populus faucebat; sic, clientum collecta atque armata manu, alterius factionis principes, autores seditionis, diversa via adortus, duos medio in foro obruncat: tertium, qui Perusiam forte perrexerat, eadem illa die in itinere revertentem excepit, atque sua ipse interfecit manu. Quieta res post haec ab tumultu fuit, omnium animis in ejus adolescentis spem erectis. Sed, cum iam matura militiae videretur aetas, decimum octavum aetatis annum, vel quod fata eum ad majora vocarent, vel quod animus natura magnus nihil existimaret otio turpius, non amplius domesticis deliciis vires emolliendas, sed tentandam rei militaris fortunam, constituit: quo maiores suos, quorum praeclara facinora memorabantur, aut aequaret gloria, aut, quod magis cupiebat, anteciret. Sic ani-

animam ad maxima quaeque paratum, incertum tamen, quo potissimum intenderet, variis consiliis agitabat. Sed, cum per id ^{Primum eius stipendium militare.} tempus inter Ariminenses & Feltranos bellum esset exortum, Montono sub matris ac fratrum imperio relicto, perexiguo comitatu in Feltranorum castra concessit: illi perbenigne acceptum 15 equitibus praefecere. Hoc primum eius stipendium fuit; quod non tam virtute, cuius nullum adhuc foris extabat exemplum, quam generis nobilitate, adeptus est. Adeo nobilitas ipsa, nescio quid magnum, etiam tacita, pollicetur. Nec multis post diebus, cum acrius instaret bellum, gloriae cupiditate incensus, maius aetate ac viribus opus aggressus est. Non procul a castris oppidum Forum Sempronii Ariminensium praesidio tenebatur, quod non solum armis, sed etiam situ naturaque munitum, Feltrani capere non poterant. Hic BRACHIUS, suis appellatis militibus, paucis etiam adjunctis alienis, ^{Excursionem faciens,} hostilem agrum excurrit, magnaeque pecorum coacta praeda, compluribus etiam captis agrestibus, lactus in castra revertebatur: tum vero, qui oppido praesidebant, a fronte statim, atque a tergo ex occulto, adoriuntur; oppidani quoque suos adiuvant, & clamore pugnantem hostem saxisque terrebant. Ingens hic oritur praelium; illos pudor atque ira, hos periculi magnitudo stimulabat. Vicit tamen multitudo paucitatem:

& qui praedam egerant, fusi fugatique ter-
capitur a Fel- ga verterunt. BRACHIVS, multis acceptis vul-
tranis, graviter neribus, ab oppidanis morienti similis ca-
vulneratus. pitur: nam, inter cetera vulnera, & medio

pectore traiectus erat, & alterum telum ad
alteram partem humeri penetraverat. Op-
pidani, quem pugnantes non poterant, ca-
ptum interficere cupiebant, non tam mor-
tem, (quam non multo post putabant futu-
ram) quam mortis accelerationem quaeren-
tes. Cessit tamen immanitas avaritiae, quippe,
dicente illo, si se vivum servassent, duo mil-
lia nummum accepturos, tandem vitae pe-
percerunt. Interea, qui terga verterant, ut
est fortuna belli, praeter spem resumptis
animis, tanto conatu referuntur in hostes,
ut impetum illi sustinere non possent: at-

Suorum vir- que ita perterriti, BRACHIVM multis confos-
tute in liber- sum vulneribus reliquerunt; exceptus sta-
tatem vindi- tim a suis, & reductus in castra, magna cum
catur. diligentia curatus, tanto periculo praeter

Novum, id- spem omnium liberatur. Nec multis post
que gravius, diebus, cum eundem agrum populare-
inter depo- tur, cervice vulnus accepit, quo laevum con-
pulandum tur, tractum latus diu mansit immobile: sed
vulnus acce- aetate fretus & Medicorum diligentia, post
pit. aliquot menses movere brachium coepit;

illi fomenta, illi balneas, illi omnia genera
medicamentorum adhibebant, quo reliquo
lateri sensum motumque restituerent; bra-
chio autem libere laxato, cruri quidem pe-
nitius mederi nequiverunt, sed tamen, non
solum

solum ut ambulare posset, sed etiam, ut ne deformiter quidem incederet, effecerunt. Ea tempestate Perusinorum status penes Turbae Perusinae optimates & nobilitatem erat: sed, quo plenus reliqua intelligi possint, pauca quaedam aliquanto altius repetemus. Perusinorum imperium, fama est, satis magnum potensque fuisse: ex altera parte Tyrrenum mare, Adriaticum ex altera, contingebat. Aretinos, Clusinos, Cortonenses, Thudertinos, & qui finitimi sunt populi, in eorum, volunt, fuisse potestate. Sed nihil humanis in rebus potest esse perpetuum. Nam, cum cives otio dediti, imperio atque opibus valerent, superbia simul cum divitiis aucta est: &, quibus finitimi resistere non poterant, in sua ruentes viscera, ipsi sese domuere. Acres deinde seditiones ortae, coepta intestina bella, plebs factionibus primum elata, mox a nobilitate oppressa, in vices acta est. Optimatibus deinde inter se dissidentibus, plebs ipsa capeffit imperium: optimates civitate pelluntur: tam diu in exilium acti, donec armis plus possent. In tantis rerum fluctuationibus fines imperii angustiores facti: &, qui ad utrumque mare pertingebant, vix in paucos monticulos modicumque agri recessere; cetera finitimi, sola concordia potentiores, invaserunt: satis magnum exemplum futurum posteris, nisi mortalium oculos stulta cupiditas occaecasset: nullum corpus constare posse, cuius mem-

Italiam factiones, civiliaque & domestica bella conficiunt.

membra inter se ipsa dissentiant. Nemo est, qui rem publicam privatae anteponat atque suae. Sed esto, concedatur hoc hominum aviditati; nemo est, qui dignitate sua sit sine civium suorum calamitate contentus. Ergo nostram hanc Italiam, principem omnium terrarum, non exterarum gentium nationumque victoriae illustrant, sed diversae factiones, civiliaque & domestica bella conficiunt. Quae imperia maiores nostri sua virtute peperere, ea temeritate nostra defecerunt; confligimus, oppugnamus nos ipsos; & quorum maiores universam terrarum orbem obtinebant, nostri nos parietes & tecta non capiunt, cives nostros pellimus civitatibus, vicinos & familiares non urbe solum, sed tota interdum regione praecipitamus, & quorum tueri deberemus vitam, eorum spiritum ac sanguinem affectamus. Nam quae in Italia, non dicam civitas, sed exigua & montana villa, non domesticis factionibus distinctur? Qua ex urbe? Quo ex oppido non exules plures, non etiam rebelles, invenias? Quocirca illa arma, illae vires & conatus veterum, clarissimos triumphos innumerabilesque victorias ex hostibus reportabant: nos, quia nostra tela in viscera nostra perstrinximus, nostro frangimur impetu, & veluti maris undae, unum in locum ex diverso concurrentes, nostra sola impulsione collidimur. Nam quis est per Deum immortalem, qui
non

non magis cogitet, quo pacto cives suos possit invadere, quam quemadmodum fines imperii propagare? ut plane in omnium seculorum aetatumque sortes, & in postremam morum foeditatem, incidisse videamur. Quorum eadem sunt tecta, iidem lares, sepulchra, templa, parietes, aspicere non possumus: quibus iura, leges, instituta divina atque humana communia sunt, eos domo exturbamus, alienos & peregrinos invitamus. Sed ne feramur longius. Ea tempestate Perusinum imperium nobilitate obtinente, plebei partim erant trucidati, partim, quo sua quemque sors egerat, vagi atque exules ferebantur. Qui civitati praerant, cum Bonifacio, summo Pontifice, foedus percusserant. Non multo post, quo tutiores forent, ad eundem civitatis cura imperioque delato, adeo libertatem suam amittere, quam alienam reddere, maluerunt. Inter haec, qui alterius erant factionis, oppidum in agro, Perusino Derutam intraverunt, quorum Dux Biorodus Michilocius, bellicae rei laude insignis, atque illa aetate clarissimus, cum magnum in Gallia exercitum comparasset, ubi exules invaluisse, & captum oppidum a suis, accepit, in Perusinum cum septem millibus delectorum militum proficiscitur: castris deinde secundum Tyberim locatis, urbem obsidere instituit. Qui civitatem regebant, vel quod inter se dissiderent, vel quod hostium

Foedus cum Pontifice initum.
Unde origo sequentium turbarum.
exti-

Montonum tenebant, ad deditiōem sollicitarent. Illi saepe ante BRACHIUM redire co-
nati, tradito oppido, fratrem receperunt.

Ad Brachium
alloquium.

Huius respon-
sio.

Fertur Biordus, antequam ille rediret ad
suos, perbenigne hominem allocutus, ob-
tulisse, si secum militare vellet, stipendium,
quantum ne apud Feltranos habuisset. Ma-
gna & in hoste & in victore clementia. Il-
lum vero egisse gratias tradunt, & in hunc
ferme modum respondisse: non volunta-
tatem sibi deesse sub illo militandi, ceterum
fortunam adversari: *Si tua, inquit, sti-
pendia sequi velim, aut ipse ignavum me
senties, aut patriae proditorem: si enim tua
secutus signa in acie non fuero, si tuum
hostem non feriam, si castra deseram, quid,
nisi ignavi militis & perfidi transfugae opus,
egero? Sin vero inter primos in acie con-
stitero, contra quos erit eundum? Si egre-
gie pugnavero, quos petam? si fugientes
persecutus fuero, si gladium perstrinxero,
non fratres invadendi erunt? non ferendi
amici? non patria denique ipsa violanda?
Proinde quod fortuna nostra non patitur,
nec tu petere debes, nec ipse praestare. Ille
animi magnitudinem admiratus, abundi
potestate facta, hominem apud suos saepe
postea commendavit: ut saepe virtus etiam
apud hostem laudari solet. BRACHIUS, amif-
so paterno oppido, armis equisque spolia-
tus, Burgum in exilium proficiscitur. Per
id tempus Florentini, vel ut sui fines impe-*

Exul est Bra-
chius.

nū tuerentur, vel quod bellum finitimis in-
 ferre statuissent, ingentem peditum atque
 equitum exercitum comparaverant. Omni-
 bus autem copiis praeerant duo clari bello
 viri, Crassus Venusinus, & Binnus Monto-
 politanus. Ad quos scribam cum misisset **La Florenti-**
 BRACHIVS, triginta equitum stipendium ac- **norum castra**
 cepit, atque ita, rebus omnibus, quae bello **pervenit.**
 nū forent, equis, armis, militibus, compa-
 ratis, in Florentinorum castra pervenit, ani-
 mo nunquam amplius rei militaris intermit-
 tendae. Inter haec Riordo, quem supra ab **Novae turbae**
 exilio revocatum ostendi, a suis interfecto, **Perusinae.**
 variae res secutae sunt: exules in spem re-
 cuperandae civitatis erecti, crebra inter se
 consilia agitabant, & qui urbem obtinebant,
 morte eius viri perculsi, novis factionibus
 laborare, crebrosque tumultus facere nuncia-
 bantur. Qua spe elatus BRACHIVS, pau-
 co coacto milite, ad Mitiam quandam Peru-
 sinum proficiscitur. Erat autem Mitias vir in-
 primis bellicosus, domi nobilis, ex Oddonum
 familia, qui & ipsi non postremum inter o-
 ptimates nobilitatis locum obtinebant. Ho-
 minem hortatur, ut impetum faceret in Pe-
 rusinum agrum, facile oppida quaedam in
 eorum potestatem esse ventura, plebeiis ca-
 pitali inter se odio dissidentibus. Ergo pri-
 mo impetu Montemmelinum & Castellum
 vetus, duo montana oppida, receperunt. Bo-
 nifacius quoque Pontifex, haud oblitus iniu-
 rias, Broliam quandam, magnum illa tempe-

state virum, legionibus exercituique praefectum, bellum movere in Perusinos iussit. Ille apud Asisium castris locatis, hostium agrum excurrere, populari, vastare omnia, et, si aperto bello non posset, insidiis opprimere conabatur: saepe ad urbis portas ita cum BRACHIO sese ostentare, ut & plebeios conterreret, & optimatum, qui clam favebant, animos excitaret. Plebeii, tantis difficultatibus circumventi, tradendae Galeatio, Mediolanensium Duci, urbis consilium iniere; missi legati, qui & deferrent ultro imperium, & Ducis auxilium implorarent. Non ingrata res Mediolanensi fuit. Missa ad defendendam urbem delecta militum manu, quamdiu Perusini in fide mansere, auxilium praestitit. Anno sequenti, mortuo Duce, maiora, quam unquam antea, secuta bella. BRACHIVS, ceterique exules, qui nihil nisi de recuperanda patria cogitabant, quod ipsi per exiguas haberent copias, cum Pontifice agere coeperunt, ut, quantum maximum posset, exercitum compararet, exules optimatesque reduceret; futuram profecto deinde Perusiam sub Pontificum potestate, quieturumque ecclesiae imperium: optimates quamdiu civitatis gubernacula gessissent, summis Pontificibus paruisse semper. Plebeios, quum ad delendum ecclesiae imperium finitimorum auxilia defuissent, externa & peregrina invexisse arma, atque ex alio coelo tela, milites, duces, accitos esse. Movere Pontificem iustae exul-
 lum

lum preces. Itaque, novis factis auctionibus, maioreque decreto stipendio, copias, quantas nunquam ante, comparavit. Duces exercitus fuere quatuor: Paulus Urfinus, vir armis & consilio clarus: Mustarda, cuius nomen bellicis in rebus haud obscurum fuit: Comes Carrariae tertius, cuius aetate nostra multae res gestae variaque bella memorantur. Hi omnes Pontificis fratri parere iussi. Ille ducebat exercitum, illi datum imperium movendi belli: sed tamen, ut eorum, quos paulo ante dixi, consilio uteretur, quod locorum situm tenerent, & rei militaris peritiores haberentur. Florentini quoque, qui superiore anno cum Pontifice societatem fecerant, auxilia misere. Duces Florentini exercitus fuere Crassus & Binus, sub quibus, ut supra dictum est, BRACHIVS paulo ante militaverat. Tantis unum in locum coactis copiis, Nonis Octobribus in fines hostium pervenere. Perusini, quod ad se tuendos expedire arbitrati sunt, ne improvisos hostis adoriretur, equitatum non parvum, sed pro tempore non satis magnum, coegere. BRACHIVS omni vi atque studio duces, ut urbi appropinquarent, hortabatur: quod eo consilio faciebat, ut plebeii aut in desperationem adducti dederent sese, exulesque reciperent, aut, quod magis futurum existimabat, totis viribus in certamen egrederentur; quod si fecissent, non dubitabat, paucos a multis, imperitos ab exercitatis, posse superare.

10. ANTONII CAMPANI

sari. Ipse interea totius exercitus gratiam inire, amicos sibi ex optimis fortissimisque viris plurimos facere, studebat. Sed amator virtuti non deest. Iam cuncto exercitui carus, & ducibus non minus, quam militibus, acceptus erat. Itaque multi eum benigne alloqui, nonnulli suam polliceri operam, atque omnes eius virtutem admirari. Ille, quos sibi amicos fecisset, secum una ducere, ex omni parte hostium fines excurrere, vexare omnia atque incendere. Noctu haud aliter, quam interdiu, praedae undique agebantur; hostibus ingens terror incutiebatur. Milites propterea nonnullos subornat, qui ad hostium castra transeuntes, transfugas sese esse simularent, explorarentque, quid praesidii, quid spei, quid etiam consilii apud hostes agitaretur. Qui, statim imperata facientes, omnia ad BRACHIVM ipsum, certa explorataque referebant. Quaedam etiam oppida partim metu sollicitata, partim corrupta promissis, sese Pontifici quum dederent, pleraque unius BRACHII nomen interponebant; illum pacis, illum foederis autorem invocantia. Intra paucos dies quatuor & quinquaginta castella ab hostibus ad Pontificem defecere. Inter ea Perusini omnem peditatum equitatumque dies atque noctes in armis esse iubent, quo libere vagantem hostem aut procul a finibus arcerent, aut, si hoc facere non possent, a continuis excursionibus populationibus-

busque prohiberent, aut, si ne id quidem liceret, hostes non longo intervallo sequerentur, oppidaque oppugnare aggressos ipsi a tergo incompósitos perturbatosque invaderent. Paulatim deinde audaciores facti, maioribusque accitis copiis, cum creptam hostibus oppugnandi facultatem putarent, non iam illatum propulsare bellum, sed ultro ipsi inferre, videbantur. Itaque per eos dies, quasi deleto & non a tergo relicto hoste, oppidulum plebis, sex millium passuum procul ab urbe Perusia situm, quo plerique optimates initio belli convenerant, omnium generum machinis oppugnare statuerunt. Hac re per transfugas cognita, **BRACHIVS**, cui pro magnitudine animi cuncta tardius geri videbantur, & victoriam inerte conceperat, ducum tarditatem plerumque criminatus, nunc per imprudentiam elapsam, nunc per ignaviam neglectam victoriam exprobrabat. Cognoscere illos per aliena, alienoque certare imperio: se vero ac ceteros exules pro vita, pro salute, pro dulcissima patriae caritate, dimicare. Haec totis iam castris efferebantur, unum esse, qui maledicta in duces intorquere non dubitaret. Eam rem plerique in bonam, nonnulli deteriorem, ut fit, in partem accipiebant. Duces ad se vocatum paucis increpant: mox, quid ipse faciendum putaret, quasi ludibrio quaerunt. Ille non eos, sed cupiditatem suam accusandam esse respondit: qui

pro desiderio patriae, quicquid factum non
esset, fieri potuisse videretur: ceterum, si
suum consilium non aspernarentur, brevi Pe-
rusinum exercitum posse deleri, modo di-
gnum putarent, cuius monitis uterentur.
Ducibus, consilio inter se inito, placuit pri-
mum, quid ille cogitasset, audire. Mox o-
mnes, eius probata sententia, rem illi uno
consensu detulerunt. Postridie eius diei
BRACHIVS duces monet, ut exercitum
omnem arma capere, totaque die in equis
esse, iubeant: se, quid hostes facerent, ex-
pedita manu exploraturum, atque eorum
invasurum castra: ipsi paulatim appropin-
quantes, eius fugam expectarent: daturum
operam, ut irritati hostes ultra ducum ca-
stra sese a laeva insequerentur: ipsi deinde,
a tergo palantes, dissipatosque, adorirentur.
Affuit benigne fortuna. Nam, quum Peru-
sini milites suos, qui pabulatum ierant, fu-
gientes, atque inimicorum insequentia signa,
conspexissent, magno clamore atque impe-
tu in BRACHIVM feruntur. Ille fugi-
endi resistendique dubitabundus, paulatim
cedendo, iam a laeva suorum castra relique-
rat: tum vero, ingenti sublato clamore, si-
mul ipse a fronte restitit, simul a tergo u-
niversus exercitus, perturbatos insequendi
studio ordines, effusamque hostium aciem,
invasere. Pugnatum est magnis utrinque
animis; alteri, quod propriis sedibus decer-
tarent (quae res excitare potest etiam igna-
vos)

vos) acerrime praeliabantur: alteros partim gloria bellicae rei, partim patriae cupiditas, incendebat. Hic unius BRACHII virtus claruit maxime, cum quod eius consilio gesta res esset, tum quod, ubi gladio decertandum fuit, unus multorum sustinuit impetum, & quem ceperat, locum, quoad reliquae appropinquarent copiae, fortissime defendit, demum, ubi permixtae fuere acies, alios hasta percutere, alios stricto mucrone ferire, hostium ictus scuto excipere, gradum sibi victoria facere, cernebatur. Postremo, cum illi vim hostium diutius sustinere non possent, alius alium in locum diffugere. Hoc praelium haud sane cruentum fuit, paucis admodum militibus caesis. Ceterum capti equites circiter mille: signa militaria & machinae complures. Hac tam subita victoria potiti duces, non amplius, quam mille passus, procul ab urbe castra posuere. BRACHIVS, tametsi omnia recte procedebant, in summa celeritate suorum tarditatem atque ignaviam accusabat., ipse cum ceteris exulibus noctes atque dies in armis, in equis esse, vexare hostes, plerumque ad civitatis portas manus cum hoste conferere, inimicos contumeliose appellare. His rebus perterriti ple-

Quibus effecit, ut Perusia in potestatem Pontificis veniret.

beii, cum obsidionem in dies acriorem, atque omnem spem auxilii viderent esse sublatam, veriti, ne quis in civitate tumultus per alterius factionis viros concitaretur, legatos ad Pontificem misere, qui pacem peterent, & si alio

Deceptus a
Pontifice
Brachius.

alio pacto impetrari non posset, urbem imperiumque deferrent, obsidesque promitterent. Pontifex, ceteris conditionibus repudiatis, daturum se pacem respondit, si modo & exules reciperentur, & imperium sibi traderent civitatis. Ad haec legati respondere, de imperio quidem tradendo conditionem accepturos esse: de exulibus autem recipiendis nihil iniussu populi promissuros: habere certos legationis suae terminos, ultra quos nihil sine populi consensu, atque autoritate suorum civium, possent statuere. Pontifex, ut est natura mortalium plerumque ad utilia, quam honesta, propensior, urbem eo pacto recepit in potestatem, ut cives stipendia solverent, ceteraque imperata facerent, exules autem a finibus viginti millium passuum intervallo decederent. Hac re exulibus nuntiata, quibus victoria iam manibus pressa teneri videbatur, & patrii lares, quo plus affuerat spei, eo magis obversabantur animis, incredibili dolore affecti sunt: in desperationem adductos etiam iniuria stimulabat, quippe qui magna spe plenos extrema subisse pericula, solosque victoriam Pontifici se dicerent peperisse, nunc ab illo deceptos, a Diis atque hominibus destitutos esse, nunquam amplius patrios lares, nunquam maiorum sepulchra, revisuros. Sed, ubi vix dominatur, vana est, etiamsi sit iusta, querela. Post Perusiae deditionem, ceteri exules, quam procul iussi erant, profugi abiere: BKA-

DE REBUS GESTIS BRACHII LIB. I. 35

CHIVS, Binnum & Crassum secutus dūces, Proficiscitur
 Florentiam ad militiam proficiscitur. Inter ^{Florentiam}
 hæc mortuo Bonifacio, novoque suffecto Pon- ^{ad militiam.}
 tifice Cosma Sulmonensi, qui cognomento Tumultus
 Innocentius septimus est appellatus, Roma ^{Romani.}
 tumultus afferebantur: Ludovicum, Pontifi-
 cis nepotem, duodecim cives Romanos, quod
 seditionem excitassent, securi percussisse: uni-
 versam deinde civitatem concitatam ad arma,
 in molem Hadriani fecisse impetum: Pon-
 tificem occulte per Ianiculum Viterbium ef-
 fugisse. Hac re audita, BRACHIVS, qui Quo se con-
 nihil nisi bella quaereret, Romam se contu- fert Brachius
 lit, ubi quum forte Mustardam, quem Bonifa- militaturus.
 cii copiis praeesse dicebamus, primo statim
 adventu offendisset, militare sub eo statue-
 rat, quod & illi cognitus esset, & Mustarda
 summo contenderat studio, ne vir strenuus
 ac manu promptus sub alio quoquam mili-
 taret. Sed, fortuna toties spes eius iam con- Spe vero sua
 ceptas abrumperente, postridie, quam ipse Ro- excidit.
 mam venisset, Mustarda per invidiam inter-
 ficitur. Novum consilium capiendum erat; Fata eius Vi-
 tandem, multis ultro citroque agitis, Viter- terbii.
 bium petere constituit. Septem eum co-
 mites sequebantur. Huc quum satis vesperi
 venisset, fertur coenandi gratia in merito-
 riam divertisse tabernam: quum pecunias,
 quas hospiti solveret, non haberet, alteram
 vestis partem dissuissse, argenteis lymbis He-
 trusco & Gallico more distinctam, atque
 eam hospiti pro pecunia dare voluisse: il-

Volsuvii,

& Fulginei.

Stipendia
Brachii a-
pud Alberi-
cum Barbia-
neum.

lum autem hominis liberalitatem admiratum, simul & misertum necessitatem, non solum non accepisse tunicam, sed ultro quatuor aureos nummos invito tradidisse, scripsisseque ad filium, qui Volsuvii forte idem exercebat, ut BRACHIVM transeuntem susciperet hospitio, & quatuor praeterea aureos donaret: filium vero parentis iussis magnifice paruisse. Summa profecto liberalitas, si & dantis conditionem, & accipientis fortunam, consideres. BRACHIVS, omni spe destitutus, quum Florentiam redire decrevisset, iter Fulgineo fecit: sed forte domo, qua dormiebat, incensa, equos, arma, vestes, uno incendio amisit. Erant haec, ut arbitror, fortunae praeludia, quo gratiora, quae secuta sunt, viderentur. Nudum ducem nudi comites intuebantur, & quid iam miseri agerent, aut quid consilii caperent, nesciebant. Qui Fulginei regnabant, diu antea eius nobilitate & familia cognita, tam acerbum casum miserati, vestes, equos, arma, pecunias, contulerunt. Ubi Florentiam ventum est, quum omnia quietiora viderentur, in Galliam proficiscitur. Per id tempus bellum inter Albericum Barbianum & Bononienfes asperri- mum gerebatur. BRACHIVS, quo liberiorum praedandi occasionem nancisceretur, in Alberici castra concessit, acceptoque duodecim equitum stipendio, singulis diebus clam aperteve, quae melior dabatur occasio, in hostium fines impetum faciebat, saepeque
magnum

magnum hostibus incutiebat terrorem, magna eius facinora utrisque castris praedicabantur, & quo plus peperisset gloriae, eo militibus carior, ducique acceptior evadebat. Habet hoc virtus bellica, ut admiratione, quam invidia, praestet. Bononienſes, poſt magnos delectus habitos, Berardonem quendam exercitus imperatorem fecere. Hic, non minus copiarum magnitudine, quam virtute militum, fidens, non multum procul ab Alberici exercitu poſuit caſtra: hoſtium deinde ſpecta paucitate, ſaepe aciem expediebat, ſaepe ad hoſtium caſtra faciebat impetum, quo non ſolum pugnandi praeberet facultatem, ſed etiam hoſtium animos ad pugnam irritaret. Alberici caſtra inter Caſtellum Bononiense atque Imolam, non procul a flumine recedebant: hoſtium vero ſtationes, ſecundum flumen ipſum, Sanguinarium accolae vocant, poſitae conſpiciebantur: utraque acies ad decertandum parata, ſpe tamen plenior Berardonis exercitus. Hic BRACHIVS, ut erat natura impiger atque ardens ſtudio gerendarum rerum, Albericum hortatur, ut cohortes in armis eſſe iubeat, totumque exercitum contineat in ordine: videre hoſtes quidem magno animo capeſſere bellum, contra vero ſuos non parum multitudine eſſe perterritos, ideoque opus eſſe conſilio; primum locum occupari oportere, quo ſui commodius in hoſtes praeliarentur, ſe cum centum delectiſſimis equitibus ſeceſſurum in laevam,

vam, proculque inde flumen mille passuum intervallo traiectionem, mox, cum in certamen utrinque itum esset, hostes pugnantes & perturbatos a tergo aggressurum. Placuit duci consilium, statimque pauca pro tempore locutus, BRACHIO cum equitibus, quos mallet, abire iussit, aciem & ipse explicavit. Principio hostes, quanquam maioribus freti copiis, militum tamen virtute repellebantur: mox, paulatim labente paucitate, maiore facto impetu, ordines perturbant. Albericus, desperata victoria, terga verterat, fugientem hostes persequantur. Inter haec BRACHIVS, a tergo se ostendens, mittit, qui Alberico nuntiarent, fisci a fuga militem, & in hostem converti. Ipse interea clamando persequentes adoritur. Illi, subito tumultu perterriti, in fugam sese vertere conabantur, sed, iam a fronte atque a tergo instante hoste, omnes ad unum aut capti, aut caesi sunt. Paucis post diebus, nondum hoc finito bello, Albericus, a Duce Mediolanensium accepto stipendio, novam expeditionem parabat. Proficiscentes interfluentem amnem traicere oportebat. Hac re cognita, hostes, non multum procul inde locatis castris, transitum prohibebant. Rhenum flumen vocant accolae, qui iugis Apennini defluens, Bononiensem irrigat agrum. Erat a tergo explicata hostium acies, parata, si traicere coepissent, extremos adoriri: tum fluminis ingens altitudo, vadumque perangustum, ut non statim totus finis

Brachii victoria.

Novae Alberici expeditionis.

mul exercitus, sed vix singuli, aut ad summum bini equites, transmittere possent. Hostes non procul a flumine fossa altissima munitant castra, animo non prius abeundi, quam aut invaderent transeuntes, aut fame conficerent. Hac re permotus Albericus, incertus, quid consilii caperet, milites in concionem vocavit, tum etiam a minimis postulata sententia. Alii rates aedificandas, alii equitatum noctu natationi subiiciendum, plerique expectandum hostium discessum censebant. BRACHIVS, sententiam rogatus, *Brachii sententia & consilium.* haud dubium, inquit, non antea discessurum hostem, quam nos exercitum traiecerimus, quod sine periculo nostro non putant futurum; habeo tamen consilium, si vobis etiam probetur, nullo cum periculo transeundi. Iussus aperire, materiam, inquit, censeo ex proximis sylvis caedendam, tresque simul aedificandos pontes: fossam post haec, qua subitus adventus hostium, quoad traiciantur cohortes, impediatur, procul inde deducendam. Placuit res duci, multaue deiecta materia, tres uno die pontes, non multo interiecto spatio, aedificantur. Fossa deinde non longe a pontibus duum millium passuum complexa longitudinem, sudibus trabibusque ex altera parte munitur. Quod ubi Bononienses intellexerunt, impedituri munitionem, liberum in campum exiere, nec tam ut facultatem praeberent pugnandi, quam ut intra munitionem, si transire hostes cuperent,

sent, magno impetu irrumperent, fossamque transilientes caederent ultimos, atque diriperent. Interea BRACHIVS, cuius diligentia placebat duci, impedimenta & leviter armatos milites per omnes simul pontes anteire iubet, statim deinde Albericum cum ceteris cohortibus subsequi. Ipse cum delectissimis equitibus ad fossam, quo iam hostes pervenerant, conuersus, ad illorum conatus atque impetum resistebat, & , ne vallum transire possent, impediēbat. Sic ubi omnes copiae ad alteram fluminis ripam evaserunt, ipse, paucis acceptis vulneribus, priusquam hostes fossam superarent, proximo ponte celeriter se recepit ad suos. Hae res adeo gratiae duci fuere, ut unius BRACHII consilio atque opera, & victum Berardonem, & flumen traiectum esse, fateretur: statimque, ubi ad Fornaces est ventum, stipendium auxit, equos largitus est, & , qui ante id tempus duodecim praeerat equitibus, septuaginta praefecit. Hoc primum virtuti praemium datum.

Laudatur virtus Brachii ab Alberico pro concione.

Paucis post diebus Albericus, castris inter Mutinam & Castellum francum locatis, BRACHIVM ad se venire iussum magnifice pro concione laudavit, & , centum quinquaginta equitum aucto stipendio, hortatus est ceteros, ut non inviderent hominis fortunae, sed eius potius similes esse conarentur: satis multa praemia habituros, si illius cum fidem, tum virtutem, imitarentur: solum esse, cuius opera & profligasset hostium copias, & pontem inco-

incolumi exercitu traiecisset: qui nisi fuisset, aut ferro, aut fame omnibus fuisse pereundum. Tum non solum struxisse tot pontes, & fossam vallumque duxisse, sed cum paucis hostium gladiis sese obiecisse: totum exercitum eius constare beneficio, a quo, dum alienae salutis confuleret, suam esse neglectam: proinde velle ostendere, apud se & ignaviam & virtutem internosci, alteram ornatum se praemiis, contempturum alteram, & ne nomine quidem appellaturum. Haec quum dixisset, Arcerium, Galdarinum, Arnaldum, atque alios, qui cum BRACHIO ad vallum subsidio remanserant, sub eodem militare iustos, equestri ordine & militari dignitate donavit: qui postea suum secuti Imperatorem, in clarissimos viros evasere. BRACHIO Et mirifice autem exercitus imperium, militare signorum custodiam, & praeterea sua domestica insignia, maiorumque ornamenta, concessit: quibus eius posteris in hunc usque diem usi sunt. Dum haec geruntur, Veneti, quorum opes late mari terraque patebant, vel quod de finibus contenderent, vel quod latius propagarent imperii terminos, Patavinis bellum inferre coeperunt. Albericus propter affinitatem, quae erat sibi cum Patavinorum Tyranno, novo audito bello, legiones in expeditionem eductas auxilio misit: tres viri iussi legionibus exercituique praeesse, BRACHIVS primus, alter Laurentius Cotignolanus, tertius Ruffus Aquilanus: omnes manu

Mittitur Brachius Patavinis auxilio contra Venetos.

Interea con-
stat ipſi
invidia,

nu & confilio prompti. Patavium profe-
ctis, quod uſu venire ſolet, ex gloria &
virtute, livor atque invidia conflata eſt. Nam
BRACHIVM, multa facinora rei bellicae
fortiter cauteque gerentem, favor militum
ingens eſt ſubſecutus; illum omnes comita-
ri, eundem in acie ducem habere cupiebant,
quos ille duxiſſet in praelium, non poſſe
vinci, arbitrabantur. Nam & locum ad prae-
liandum aequum iniquumque dignoſcere,
aciem quam apertiſſime ordinare, & boni
cum militis, tum imperatoris, munus obire,
omniaque & fortiter audere, & conſulte fa-
cere, cognoscebant. Reliqui duces, tametiſi
graviter ferebant, primum tamen iracundi-
am tenuere, mox, ubi paulatim intumeſcens
invidia ſe amplius cohibere non potuit, di-
ſcordias ſerere, & ſeditionis cauſas captare
coeperunt. Poſtremo imperium, quod erat
commune tribus, menſtruo iure ſuo quiſque
ſibi menſe arripuerunt. Tertio iam adve-
niente menſe, quo BRACHIO debebatur
exercitus, confilio inter ſe inito, tradere ve-
xilla recuſabant: rati, duobus unum, viribus
& auctoritate imparem, reſiſtere nullo mo-
do poſſe. Milites, ubi rem cognoverunt,
concitati ad arma, impetum in ſigna faciunt,
ſigniferis erepta ingenti cum clamore ad
BRACHIVM deferunt: illum ducem, il-
lum imperatorem ſuum, magno plaufu fa-
voreque appellantes, virtutem in coelum tol-
lunt, eius auſpiciis atque ductu ſe invictos
eſſe,

esse, reliquos non honesta gloria, sed turpi ambitione, contendere: hac de re, quae tectior erat invidia, in apertum odium similitatemque conversa. Literae ad Albericum datae, quae grave ambitionis crimen, invasum a BRACHIO imperium, deferebant. Denique, ubi, confecto bello, ad Albericum redire, ut quisque aut oratione subdola, aut apertis conviciis valebat, infensum illi suspectumque facere conabantur: qui, ut sunt aures hominum nimis in re sua credulae, facile persuasus est, adversante nemine. Quocirca illis ipsis, quorum impulsu haec faciebat, ad se vocatis, consilium de interficiendo BRACHIO inivit. Uxor erat Alberico honesta inprimis, & mansueti ingenii mulier. Haec Ruffi & Laurentii orationibus saepe apud virum interfuerat, criminaque toties ad maritum delata perceperat: quae cum non inscia consilii, virum magna incensum ira non potuisset mitigare, BRACHIO per fidelem nuntium significat, ut quamprimum Alberici finibus decedere festinaret, coepisse illum consilium eius interficiendi; docet deinde, quo modo, & a quibus persuasus, id agere statuisset. Scire se, eius virtutem marito saepe opitulatam, fidem vero plurimis argumentis perspectam esse, ideo suam etiam gratiam interposuisse, ut eum viro reconciliaret: illum falsa oratione adductum, ira praecipitem agi; proinde fugeret statim, ac temporis cederet: siquidem pati non potuisse, ut & vir ingratus,

Initur consilium de eodem interficiendo.

Quod ipsi per uxorem Alberici nuntiatur.

Unde ad hostium castra perfugit.

Quod aegre habet ipsum Alberici exercitum.

Alberici poenitentia & ad Brachium litterae.

& parricidae voti compotes efficerentur, innocentissimi & fortissimi viri morte. Hoc nuntio accepto, BRACHIVS, qui procul inde duum millium intervallo stationes habebat, de tertia vigilia, ad hostium castra perfugit: magna pars suorum militum nudis equis, sine sella, sine freno, vecti; tanta erat fugiendi festinatio. Albericus non prius de fuga certior factus, quam exercitus omnis sublatum paucorum invidia clamaret: iam homines ignavos, quibus nihil nisi verba magnifica forent, affecutos esse, quod saepe antea tentassent: quem ipsi offendere nequissent, duci perdendum curasse: habere tamen gratias Deo immortalis, quod sceleratorum manibus incolumem eripuissent: iam statim audituros, qua gratia hostes essent recepturi, quae daturi virtutis praemia: mox sensurum Albericum, quantam accessionem hostibus fecisset. Dum haec totis legionibus efferuntur, Albericus, sera poenitentia ductus, scripsisse ad eum fertur: habere gratias Deo, qui, ne furori locus esse posset, de fuga eum admonere voluisset: scire se, nihil BRACHIVM, nisi nobilitate sua dignum, molitum esse. Memorare deinde coepisse fortia gesta, & fidem laudare, quam cum saepe alias, tum proximo bello, perspexisset: nec negare, de eius morte cogitasse, affirmare tamen, non sponte motum sua, sed alieno impulsu concitatum: satis illi magnas poenas & poenitentiam suam, & calumniatorum contem-
tum

tum esse daturum: orare per pristinam amicitiam, ad se rediret, id non solum tute facere posset, sed maius etiam stipendium accepturum, modo iniurias ipse oblivisceretur: saepe ex huiusmodi suspicionibus arctiores conflatas amicitias. Haec ab illo scripta referuntur. Ad quae BRACHIVS in haec Huius Responso. verba respondit; extant enim exemplaria literarum eius subsignata manu, quanquam vulgari & quotidiano sermone perscripta: Ego quidem, Alberice, quamdiu tuum secutus sum imperium, nulla in re offendi dignitatem tuam. Quod ipse interficiendi mei consilium ceperis, facile putarem ignoscendum, nisi scire debuisses, imperatorem nemini utramque aurem pandere oportere, sed alteram conviciatori accommodare, defensori servare. alteram: ipsum deinde medium, tanquam arbitrum, inter duas aures sententiam ferre. Qui autem tibi de mea, ut ego censeo, virtute, ut ipsi volunt, ambitione, detulerunt, fecerunt callide: quod enim ipsi praestare non poterant, id in altero accusaverunt. Nam, si in acie fortiter dimicare, pericula pro laude adire, exercitum aut victorem, aut incolumem, in castra reducere, gloriam quaerere imperatori suo, ambitio dicenda est, fatebor equidem, ambitiosum me fuisse; fatebor, si hoc est eripere imperium, me tibi imperium eripere voluisse: sin, quae in rem tuam conducerent, omnia diligenter executus, mortem tamen timere a te potui, non

est mihi consilium, iterum vel fidem tuam, vel meam fortunam tentare. Magna illa & ampla tua in me beneficia, etiam si nova perfidia violata non essent, ingratum certe me non habuerunt. Saepe periculo capitis mei gratum me cognovisti, tametsi provide gessimus omnia: quae si aequum iudicem nacta forent, non tu curator meae mortis, sed ultor, esse debuisses. Nunc vero, quando ita res tulit, habe tibi, atque amplectere, qui magis amicos tuos lingua pellere, quam hostes manu fugare, didicerunt. His literis acceptis, Albericus, quo sibi eum aut omnino reconciliandum, aut saltem leniendum, tentaret, Pontificis legato, qui Bononiam praesidio tenebat, BRACHIVM per literas quam amplissime commendavit. Legatus, cui multa eius viri iam pridem erant audita facinora, trecentis equitibus praeesse iussit; quae res partim eius virtuti, partim Alberici commendationi, tributa est. Paucis post mensibus finito stipendio, ad Mediolanensium Ducem profectus, illo quieto, nec bellum cum quocquam gerente, ad Bononienses reversus, eadem, qua prius, *cognitione receptus est; cum in itinere agrestes, quod ad pabulationes frumentationesque extra callem milites exirent, impetum in eum fecissent, in fugam conversos, intra oppidum Ossam compulit, statimque ex omni parte aggressus, sine machinis, sine sagittariis, expugnavit: cetera in praedam militibus data: ipse quatuor millibus nummum

Commenda-
tur ab ipso
Alberico Bra-
chius Pontifi-
cis legato, Bo-
noniam prae-
sidio tenenti.

* *condizione.*

num acceptis, captivos liberos dimisit. Aliquot Bononiam re-
 post deinde mensibus Bononiensium finito sti-
 pendio, animo ad patriam intento, in Hetru-
 riam cum suo equitatu venire contendit: multi-
 cum sine stipendio secuti, partim diuturna
 consuetudine, partim futuri belli spe, moti:
 existimabant enim, virum strenuum; cupidum
 gerendarum rerum, nullo pacto quieturum. I-
 taque, magna ad eum militum frequentia con-
 fluente, quam primum Burgum pervenit, o-
 ctingenti equites, lustrato exercitu, in castris re-
 perti sunt iam in ipso itinere. Imolae tyran-
 num quatuor millia nummum dare sibi coe-
 gerat, bellum minatus, nisi dedisset. Inter haec
 Innocentius Pontifex moritur, sufficiturque
 Gregorius, qua tempestate tres simul Pontifices
 creati memorantur, Gregorius, Benedictus, A-
 lexander. Quae seditio aliquot mensibus agita-
 ta, divina atque humana cuncta permiscuit. Pe-
 rusini, quorum res penes plebeios alterius fa-
 ctionis erat, cum BRACHII subitum ad-
 ventum intellexissent, (iam enim tantus eva-
 serat, ut inimicis terrori esse posset,) solliciti
 de imperio, statim, ne quid ille de impro-
 viso moliretur, exercitum undique coegere,
 Paulo Urfino omnibus copiis praefecto: soli-
 tum in mensem stipendium datum. Missus
 deinde magnus peditatus atque equitatus ad
 oppidum Fractam, in extremis eorum fini-
 bus situm: admoniti, ut, quid ille consilii ca-
 peret, explorarent, &, si copias traicere in Pe-
 rusinum agrum vellet, transitum per angu-
 stias

versus, contem-
 dit in Hetru-
 riam.

Novae turbae
 Romanae.

stias facere prohiberent. Dum haec geruntur, Ludovicus Firmanus, quem superioris Pontificis nepotem ostendi, reliquo Piceno agro armis subacto, Rocham contractam, quae ab eius defecerat imperio, magno apparatu omnium rerum oppugnabat. Equitum erant circiter duo millia: par peditum: numerus posita castra non procul ab oppido, quod in monte editissimo situm, nisi diuturna obsidione capi non poterat, montis radices occupaverant. Oppidani, alterum obsessi mensem, cum, re frumentaria deficiente, fame gravissima premerentur, durissima quaeque experiri, quam deditionem facere, malebant. Consilio igitur inter se inito, legatos ad BRACHIVM mittendos decrevere, qui, ostendentes, quanto in periculo versarentur, auxilium per omnem conditionem implorarent, orarentque, ut obsessos beneficio suo liberaret, in potestatemque reciperet, dicerentque, non se ad libertatem respicere, sed dominum mutare statuisse. BRACHIVS, data dextra, legatos bono animo esse iussit, seque ut biduo, aut ad summum triduo, expectarent, admonuit: aut omnino liberaturum ipsos obsidione, aut praesidium atque annonam impositurum. Postridie eius diei, incertis omnibus, quo proficisceretur, Picanos versus castra movit: vix decem millia passuum progresso, literae oppidanorum nomine redduntur, quibus significabatur, obsidione liberatos, pacem fecisse, non amplius auxilio opus esse: dis-

A Rothenfibus per legatos imploratur Brachius.

Auxilio ipsis venit.

ces-

cessisse Ludovicum cum omnibus copiis, atque in ultimos Piceni agri fines exercitum esse dimissum. BRACHIVS, cognita fraude, celerius succurrendum iudicavit; continuoque diurno ac nocturno itinere properanti, aliae redduntur literae, quibus idem, quod prioribus, continebatur. Nec iis quidem demoratus, quo minus, quam citissime posset, in Picenos perveniret, quum iam sex millia passuum oppido appropinquasset, misit, qui obliquo tramite, procul hostium castris ingrediens, auxilium venisse nuntiaret. Venienti portae aperiuntur, atque una voce, uno consensu omnium, dominus est appellatus. Haec prima iacta fundamenta futurae magnitudinis, primum tam magni imperii domicilium. Hoste statim abeunte, BRACHIVS porta egressus, Calzarolum, quod ab hostibus tenebatur, oppugnare adortus, primo impetu irrupit: hic triginta equites, qui praesidio erant relictī, capiuntur: oppidanorum opes direptae sunt, corpora illaesa liberaque permansere. Altero deinde die, Castitionum, Castitionum, quod erat finitimum castellum, eodem impetu capit. Ranerius Perusinus, cum quinquaginta equitibus praesidio collocatus, a BRACHIO dimissus, a Ludovico, pro re male gesta, in vincula coniicitur. Con- tinuo proximum castellum, Montem altum vocant incolae, situ egregie munitum, expugnavit. Huic Rodulfus Perusinus cum triginta millibus praesidebat: capti ad unum :

quibus redimendi facultas esset, in vincula coniecti sunt: ceteri, sine armis, sine equis, dimissi. Quatuor continuis diebus quadruplici victoria potitus, hoc modo paulatim

Quibus rebus fundatum imperium proferebat. Interea Lu-
valde perter- dovicus, subita suorum defectione atque ex-
ritus Ludovi-
cus Firmanus, pugnatione permotus, proxima castella mu-

nire, praesidium disponere, turres murosque reficere, fossa valloque moenia praecingere, iter variis locis interrumpere, ramis truncisque impedire, denique cuncta, quae ad reprimendum hostilem impetum conducirerent, pa-

in extremos rare, festinat. Sed, ubi omnia vi superari vi-
Picnos refu- det, veritus, ne subito hostis adventu inire
giendum con- praelium cogeretur, in extremos Picenos
stituit, refugendum constituit, sibi diffusus ipsi, si

forte manus conferere, aut in apertum certamen universis copiis venire, contenderet.

Quod consi- Igitur, praefectis militum ad se vocatis, quid
lium praefe- sibi faciendum videretur, aperuit, adiecit-
tis militum que, inunita esse vicina oppida, oclusos ho-
dectum, sti aditus, angustias proximorum montium

occupatas: quo diutius illic cum reliquo exercitu moraretur, hoc plus rei frumentariae consumpturos: satius esse, frumenti quod superesset, relinquere oppidanis, quam milites nequidquam absumere: BRACHII impetum perbreve fore, frumentum illi & com-
meatus brevi defecturos: suis vero, si in fide manerent, se aliunde subministraturum, omniaque belli adiumenta suppeditaturum. Plena desperationis videbatur oratio. Angelus
Per-

Pergulensis, Perius Navarinus, reliquique ab illis omni-
 praefecti militares, uno consensu debortari, ^{bus. damna-}
 consilio abeundi damnato, coeperunt, si ^{tur.}
 hostibus cederet, non oppida solum, sed
 etiam illa ipsa praesidia, quae imposuisset, in
 eorum ventura potestatem. Quae proxima
 castella non defectura, si fugientem aspexis-
 sent illum? in quo retentura spem auxilii,
 si ab eodem deserantur? Plurimum inter-
 esse, fugere quisquam, an timere, videatur:
 illud temere desperantis esse, hoc consulte
 providentis. Quanquam ne timorem qui-
 dem praeferendum esse bella gerenti. Pro-
 bum imperatorem aut spe, aut spei simula-
 tione, plenum esse oportere. Eius frontem
 atque oculos intueri ceteros, eo animo exer-
 citum esse, quem praestari ab imperatore
 suo videant, si timidum, si haesitantem, si
 denique rebus diffidentem suis, aspexerint, ne
 boum paria detinere fugientes: sin ducem
 alacrem & magna spe plenum, circumeun-
 tem & hortantem suos, viderint, ne in magno
 quidem periculo pertimescere: saepe dubiis
 in rebus spem profuisse, metum ne in se-
 cundis quidem iuvare. BRACHIVM ho-
 minem esse novum, non suis opibus, non
 alieno stipendio, sed sola virtute, nitentem.
 Pecunias perpaucae, quas vi & rapinis coe-
 gisset, iam omnes consumptas, conductos mi-
 lites, ubi stipendio fraudentur, turmatim
 transfugituros: proinde resisteret statim in-
 termoriturae procellae. Nam, si hunc fuge-

ret, quid iudicatuſos finitimos populos? quos porro in amicitia, quos in ſocietate manſuros? Quod ſi nec ſe fortunae committere, belliſue diſcrimen adire ſtatuiffet, commodius tamen videri, hoſtes a rapinis excuſionibusſue prohibere, obſiſtere, a fronte ſemper infeſto agmine, nec tamen pugnan- di praeſbere facultatem: non illos palantes populatuſos agrum, non ſegetem ſuccifuros, non in oppidanorum oculis aedificia & vil- las incenſuros. Sin praelio certare mallet, ſe copiis ſuperiorem fore, praeſtare nume- ro exercitum ſuum: tum ſuis in agris, ſuis in domibus, ante ſuorum oculos pugnatu- rum. Magnum id eſſe virtutis incitamen- tum, nec minus terroris incutere hoſtibus, quam animi ſuis addere. Multa in eam ſententiam proſecti adiecere: ſed timidita- tem animi vix unquam verborum attollit

Spretis tamen oratio. Ludovicus, multis ultro citroque
eorum ratio- dictis, Angelo Pergulenti oppidis praeſidiis-
nibus, exerci- que praeſoſito, in ultima Picentum loca fu-
tum relinquit gienti ſimilis proficiſcitur. Remanſere in
Ludovicus. exercitu equites mille & quingenti, pedites

ſere totidem. Sed Angelo ut minus auto-
 ritatis, ita plus induſtriae atque animi, erat.
 Itaque aut vi propellere hoſtem decreverat,
 aut belli dilatione fatigare. Per hos dies
 BRACHIVS, cui iam non exercitus ſolum,
 ſed etiam oppidi, cura habenda erat, forte ad
 ſubterfluentem rivum deſcenderat. Cauſae
 deſcendendi fuere oppidanorum preces, qui-
 bus

bus, diuturna obsidione vexatis, frumentarias etiam molas hostes eripuerant, casamque diruerant. Illi, reficere cupientes, quod hostium exercitus prope esset, descendere sine magno praesidio non audebant. Secuti erant BRACHIVM centum equites, ex omnibus, quos haberet, delectissimi, non tam studio pugnandi, quam ne hostes furtim excurrentes in se incederent: quippe incognitam hostibus eam profectionem arbitrabantur. Angelo, ut sunt prava hominum ingenia, per transfugas nuntiatum est, BRACHIVM prima statim aurora cum paucis ad rivum profecturum. Sic, ubi primum illuxit dies, cum septingentis equitibus, ad eum locum contendit. Prior tamen BRACHIVS ad rivum pervenerat. Qui, conspecta appropinquantium hostium acie, magno in se clamore atque impetu venientium, equum conscendit, conversusque ad suos, in ma-
 Brachii ad
 gno, inquit, periculo aut fugiendum est no-
 suos adhorta-
 toria oratio.
 bis, aut fortiter resistendum: indecorum illud & ignavi militis opus, hoc vero magni est animi & praeclara cupientis. Possumus nos quidem tute fugere, sed quid aliud optare hostem putatis, quam fugientium terga respicere? Non incius ad hoc discrimen veni, sciebam, hostes impetum in nos esse facturos, eamque ob rem ex omni vos exercitu delegi, ut hic dies & virtutem nostram, & hostium ignaviam, testaretur. Scio enim, non opus esse hortationibus, nec stre-
 qui

nui militis est, plus de aliena multitudine, quam de sua virtute, cogitare. Totius vos exercitus nostri robur obtinetis; si reliquis copiis decertarem, milites, iam dudum de fuga statuissem. Gladios vestros non magis ipse hoc bello vidi, quam hostes sensere. Solum vos in acie dimicastis, soli in castella impetum irruptionemque fecistis. Reliqui milites, nisi quod ornamento sunt, impedimento nobis, non auxilio, fuere. Plura dicerem, nisi hostis appropinquaret. State animo praesenti, & venientium impetum sustinete, magnam hodie reportaturi gloriam. Haec cum dixisset, milite in ordinem atque agmen disposito, collem proximum paululum editum occupavit. Putabat enim, universum hostium adesse exercitum. Nam & ingens venientium strepitus exaudiebatur, & pulvis late surgens, quo minus omnes eorum cerneret copias, impediebat. Suos deinde, iustos expectare hostem, in collis radicibus collocavit. Collis autem non praeruptus atque asper, sed molli acclivique iugo surgebat, ut, si multis pauci resistere non possent, in supremum recipere iugum sese equites potuissent. Haec agentem magno cum impetu hostes adoriuntur. Armati milites, superiore pugnantibus loco, venientium agmen exceperunt, fortissimeque restiterunt. Hostes, nunc paululum regressi, nunc recentem submittentes turmam, quasi murum ariete percuterent, assiduos in BRACHIVM impetus

Gum Angelo
pugna.

petus faciebant. Ille suos, ut ordinem servarent, nec locum, nisi dato signo, defererent, admonerat. Ipse nunc eminus hasta, nunc cominus gladio, venientium adversa ora feriebat: mox lassatos hostium ordines conspiciens, signum manu dat, ut apertos inordinatosque adorianantur. Illi, imperata facientes, in adversam efferuntur aciem. Mox, multa edita caede, ne circumventi a multitudine, receptu prohiberentur, colligunt sese, multisque acceptis illatisque vulneribus, ad tumultum revertuntur. Hostes instaurant praelium, & recentes fessis, vulneratis integri, succedunt. BRACHIVS, ne lassitudine milites afficerentur, omnes quidem in acie esse, sed a fatigatis tutiore loco dimicari, iubet, observataque occasione erumpendi, hostes primos in fugam convertit, reliqui ad subveniendum excitantur. Hoc modo quatuor continuis horis pugnatum est: demum hostes, multis cohortibus unum in agmen acceptis, delectam peditum manum in duo cornua partiuntur: his praecipunt, ut, dum equestre agmen ad radices totis decertarent viribus, ipsi dextra laevaue in interiora colliculi iuga penetrarent. Hac re cognita, BRACHIVS quindecim equitibus descendendum ab equis, & ne pedestris acies pugnantibus a tergo superne adoriretur, ordinemque perturbaret, iugum mature occupandum, demonstrat. Pedites, quorum pauci ad medium iam evaserant collem, ab equitibus

missis, pecunia, allicere, copias undique comparare, & omni conatu hostem, quem venientem arcere non poterat, iam prementem submovere conabatur. Adscitis deinde sibi Martino Faventino, & Carrariae Comite, equitibusque ad tria millia comparatis, adversus BRACHIVM, qui ad Montem Conscium, paucis ante diebus captum, stativa habebat, cum omni exercitu proficiscitur.

Pugna Brachii
cum Ludovico,

& victoria.

Eorum adventu cognito, BRACHIVS, ne detrectare pugnam crederetur, passuum duo millia processerat. Ibi parva in planitie structis utrinque ordinibus, quod erat reliquum diei, pugna consumtum est. Pugnatum est aliquot continuis horis: hostium equi attriti multi, capti etiam nonnulli: belli finis repulsi duces fuere: qui, magna vi reiecti, in proxima se castella receperunt. BRACHIVS haud dubie victorem exercitum in castra reduxit. Fama invicti ducis iam undique per finitimos vagabatur. Sed, cum ceteri pacem postularent, soli Fanenses non misere legatos, vel quod maritimam incolentes oram, multo intervallo ab inimicis distare se crederent, vel quod Ludovici praesidio tenerentur. At BRACHIVS, qui omnem eam regionem aut vi subegerat, aut societate coniunxerat, cum parte copiarum, expeditisque militibus, Fanum contendit, finesque depopulatus, aliquot non satis munitis castellis expugnatis, petentibus pacem dedit. Hac fama belli ingens ad eum militum

tum multitudo praedae cupida confluebat. Ludovicus, cum videret nunquam sine suo detrimento, & suorum pernicie contendisse, oppida praeterea alia vi expugnata, alia sua sponte secuta victorem, &, quae in fide mansissent (quae pauca erant), vectigalia tardius pendere, pleraque etiam omnino recusare, milites (quod liberior praedandi esset occasio) quotidie ad hostes transire, animos popularium, aut repentinis rebus perterritos, aut more suo cupidos novarum rerum, odio & satietate esse mutatos, consulendum rebus suis, nec omnium defectionem expectandam, decrevit. Mittuntur igitur legati, qui cum BRACHIO pacem atque amicitiam facerent, initaque societate, foedus aequo iure percuterent, dicerentque, placere Ludovico, ad colloquium venire, velle se cum BRACHIO multis de rebus agere, ipse diem locumque constitueret, se eius fidei salutem suam crediturum. Legati, pace impetrata, de colloquio retulerunt. Placuit ea res BRACHIO: sequens dictus est dies, quo in agrum Cingulanum dux uterque conveniret. Ludovicus cum quindecim equitibus, sine telis, sine armis, ultra eum locum processerat, BRACHIVS etiam cum paucis inermibus obviam profectus est. Complexi mutuo sese, multa in eam sententiam dixerunt: non de sanguine & vita inter se, verum de gloria atque imperio, esse certatum: consuluisset tandem

Conveniunt
Brachius &
Ludovicus,

D

utri-

utrique fortunam, quae, omni sublata contentione, inceptum bellum victi ac victoris amicitia composuisset. Sperare, sempiternam eam fore benevolentiam, modo alter acceptas bello iniurias oblivisceretur, alter illatas oblivioni traditas non dubitaret. Profecto nihil mortalium animis, cum furore stultitiaque armantur, pertinacius: inde cades, inde, quae sedari saepe nullo modo possunt, odia & similitudines, oriuntur. Contra quum humanitatem & rationem induerunt, nihil mollius flexibilisque reperies. Paucis verbis, uno nutu, uno officio, ardentissima quaeque odia restringuntur. Duo duces, paulo ante infensissimi, non prius ex eo loco discessere, quam ex inimicis atque hostibus socii atque amici facti, omnia inter se pollicerentur: saepe inde alter alterius usi opera. Quibus diebus haec facta sunt, ex castris Ludovici quingenti equites transfugerunt, atque Asculum concesserunt. Opinio est, sollicitatos ab Asculanis, qui paulo post rebellionem fecerunt, & pecunia esse corruptos. Ludovicus, Asculi defectione audita, ingenti dolore affectus, quod urbs erat situ munitissima, & a suis etiam militibus, qui transfugerant, defendebatur, odio atque ira incensus, ut alteros fugae, alteros rebellionis crimine punire posset, consilium capiebat. Placuit tandem mittere, qui a BRACHIO peterent auxilium, periculum facturo, an verbis facta responderent. BRACHIO

DE REBUS GESTIS BRACHII LIB. I. 51

CHIVS statim, ut & amici & socii ulcisceretur iniurias, simulque ut suis militibus praedandi occasionem non denegaret, exercitum in expeditionem eduxit. Iunctis copiis, Rogerium ac Fabricium, suae factionis viros, qui & ipsi Perusia exulabant, exercitumque mille & quingentorum equitum comparaverant, vocandos per literas adiungendosque constituit. Illi, acceptis literis, cum omnibus copiis ad BRACHIVM convenerunt. Paratis, quae ad expugnationem erant paranda, Asculum, qua parte adiri expugnarique posset, tanto impetu sui milites irruerunt, ut, qui in moenibus erant collocati, omnibus deiectione propugnaculis, BRACHIANORVM impetum sustinere non possent: transfugis omnibus equi armaque erepta sunt, fugae autores trucidati, urbem diuturna pace opulentam milites diripere, autores rebellionis capitali supplicio damnati, alii in crucem sublati sunt, alii securi percussi. Ludovicus, Asculo recepto, BRACHIANIS quidem militibus dona distribuit, BRACHIO autem ingentes egit gratias, expertus & hostem perniciosum, & socium fidelem sibi utilemque fuisse. Dum haec ad Asculum geruntur, Carolus Malatesta, qui Ariminensibus imperabat, bellum contra Camertes suscepit. Causa suscipiendi non satis certa, nisi quod aviditas imperii, quo plura habet, hoc maiora concupiscit, nec ulla re tam facile potest, quam aliena calamitate, satiari. Came-

Auxilium fert
Brachius Lu-
dovico contra
Asculanos,

eosque ad
obsequium
redigit.

Carolus Ma-
lateſtam ex
finibus Ca-
mertium
pellit.

rini imperium duo fratres obtinebant: ii ſuis diffidentes viribus, auxilium a BRACHIO atque opem per legatos imploraverunt. Iam hoſtes caſtellum Ramunni, quod erat in Camerti agro, expugnaverant, proximumque agrum ſtrage atque praeda late populati, quae aſportare non poterant, incendendo villas, aedificia diruendo, cuncta vaſtabant.

BRACHIVS, omni cunctatione abiecta, cum omnibus copiis in Camertium fines pervenit. Eius adventu perterriti hoſtes, primum praeda rapinisque abſtinuerunt. Mox, illuc adducto exercitu, nec pugnam facere, nec obſidionem expectare, ſunt auſi. Itaque fuga praecipites acti, caſtellum, quod vi ceperant, metu reliquerunt. Tuti celeritate hoſtes fuere. Vix enim quinque paſſuum millia BRACHIVS appropinqua-
verat, cum illi non prius conſulvere de con-
ſpectu, quam de fuga ſtatuere, ac Fabria-
num, finitimum Camertibus oppidum, quam
celerrime confugerunt. BRACHIVS, ne
milites longo itinere laſſos nimio ſtudio in-
ſequendi fatigaret, ingreſſus caſtellum, unius
diei quietem conceſſit. Omnibus deinde
corpora curare iuſſis, ad inſequendum ho-
ſtem proſtigandumque contendit. Ipſe de
tertia vigilia delecto equitatu antecedens, ſub-
ſequi reliquos iuſſit. Id eo conſilio factum,
ut paucitatem deſpicientes hoſtes, in certa-
men venire, & multi cum paucis manus
conferere non dubitarent: quod ſi face-
rent,

rent, facile interventu reliquarum copiarum opprimi posse existimabat: sin vero intra moenia se illi continerent, totum se agrum ante eorum oculos vastaturum. Oppidanorum oculis triste spectaculum. Hostes primum non ausi sunt ad praelium descendere: mox per exploratores de eorum adventu ac numero certiores facti, quadrato agmine, ut redeuntes cum praeda, graves impeditosque invaderent, duo millia passuum processerunt. Quippe aut fugituros BRACHIANOS putabant, aut, si praelium inire velent, praedam esse dimissuros. Praelium aliquandiu de industria tractum, donec reliquae cohortes, quas subsequi iussas ostenderam, advenire potuissent. Illae, praedae cupiditate adductae, diverso itinere per hostium agrum fusae palantesque vagabantur. Quae res ubi per suos BRACHIO est nuntiata, veritus, ne, si ipse pugna discederet, cohortes ab hostium equitatu diriperentur: simul ipse bellum fortissime sustinet, simul mittendos curat, qui reliquas copias a praeda revocarent, aut, si egissent praedam, reducerent. Milites statim dicto audientes fuere. Hostes, ubi ingentem conspexere praedam, greges atque armenta abduci, agrestes victis trahi manibus, tabulas, ligones, sarras, asportari, magno pudore atque ira perciti, impetum in dissipatos facere voverunt. Conversos BRACHIVS a tergo adoritur, ordines perturbat, & qui recuperare

rare praedam volebant, praeda & ipsi efficiuntur. Capti sunt equites ducenti, reliqui Fabrianum praecipiti fuga delati. Ibi collectae reliquiae confirmatique ad resistendum animi, maxime omnium ad iniquitatem loci cogi hostem atque opprimi posse arbitrabantur: & BRACHIANI aequae recentipraelio, & longo discursu fagitati, deficiebant. Iam ad Apennini radices pervenerat, cum non procul a tergo Fabrianensium ingentem sub armis manum conspicatur, modico intervallo a dextra properantium. Horum consilium erat instare ad montis usque suprema iuga, eaque, si possent, priores occupare, hostemque adscensu prohibere. BRACHIVM multa impediabant, nox iam imminens, loca salebrosa atque ardua, & hostibus quam sibi notiora: maxime omnium lassitudine equorum promovebatur: non illi urgeri calcaribus, non virgis excitari poterant: singulo quoque gradu subsistere, ac spiritu, ac spuma & sudore laborare. Milites periculi magnitudine attoniti esse, plerique munienda vallo & fossa castra cense-re: quae res ut prope necessaria videbatur, ita plus periculi, nihil cibariorum, nihil pabuli habentibus afferebat. BRACHIVS primum anceps animi, mox omnibus ultro citroque agitatis, ex omni praeda equas ante mittit, atque iis equos alios intermisceri, alios haerere vestigiis, permittit. Illae recentes stimulis actae,
magna

magno cursu ad montis iugum evadunt. Equi, natura (ut fit) libidine incitati, fortius subsequuntur, cursum quamvis fatigati adaequant. Hac celeritate effectum, ut prior ipse occuparet cacumen, atque equi lassitudinem, quasi natura ita iubente, deponerent. His rebus gestis, BRACHIVS, adventu brumae, militem ad hyemandum dimittit: nec multis post diebus, cum apud Rocham hybernaret, nuntiatum est, trecentos Martini equites oppidum Lepirum, quod situm est non longe a Cingulanorum finibus, occupasse. Qua re nuntiata, BRACHIVS, omnibus copiis ex hybernis deductis, illuc noctu agmine infesto proficiscitur, oppidumque egregie munitum aggressus, oppidanos se dedere volentes non audivit. Captum oppidum, atque direptum est: trecenti Martini equites, rebus omnibus spoliati, dimittuntur. His rebus permoti Cingulani, quod nimis vicinum haberent bellicosum hostem, agri vastationem causati, quinque millia nummum, si agro discederet, oppidumque traderet, obtulerunt. Accepta conditione, stipendium ex ea pecunia militibus datum est, exercitus iterum ad hyberna reductus. Quieturus iam BRACHIVS videbatur, cum Cingulani, Lepiro oppido in potestatem recepto, timere de fortunis suis coeperunt, veriti, ne, vere adveniente, hostes, meliorem nacti tempestatem, aliquam belli causam occasionemque perquirerent: nunc

Lepirum ca-
 pit & diripit.

Cingulano-
 rum cum
 Martino Fa-
 ventino con-
 tra Brachium
 conspiratio.

denum, priusquam periculum incumbere-
rent, providendum esse rati. Consilio in-
ter se inito, legatos ad Martinum Faventi-
num mittunt, petentes, quantum praesidii
opus esset, ad hostium excursiones rapinas-
que coercendas: malle se affirmantes eius
copias suis rebus alere, quam hostibus diri-
piendas vexandasque praebere. Faventinus,
probato consilio, gratias egit, quod in se
fidem habuissent, mittitque sexcentos equi-
tes, ex iis, quos haberet, delectissimos. His,
iubet, ut Cingulanorum fines ab hostium
populationibus tueantur, simulque ne teme-
re praelium cum hoste committant: satis
habere dicens, si a rapinis atque incendiis
prohiberent. BRACHIUS datam sibi oc-
casionem suscipiendi belli non putavit ne-
gligendam. Confirmatis suorum animis,
nos, inquit, bella, o milites, saepe quae-
sivimus; at, illa nunc sua sponte cum sese
offerant nobis, eamus, quo pavor hostium
longa quiete sopitos, excitavit. Satius est
inferre bellum, quam propulsare. Augea-
mus sane terrorem, ne otio nostro confi-
dentes, erigantur animi. Facilius enim op-
primuntur, qui de fuga & calamitate, quam
qui de victoria & praeda cogitaverint. Iis
dictis, per omnes stationes militum edici iu-
bet, postridie in armis essent, &, quae ad
profectionem multorum dierum necessaria
forent, compararent: paucos deinde prae-
misit, qui a proximis oppidis peterent com-
mea-

Huius ad
suos adhor-
tatio.

Proficiscitur
hinc Brachius


meatus, negantibus bellum indicerent, ipsi in agrum
 cogendo frumento, in primis hostium fini- Cingulano-
 bus eius adventum expectarent. Quod eo rum.
 consilio faciebat, ut, si diutius in Cingulano-
 rum agro morandum esset, magna frumen-
 ti suppeteret copia. Nam asperitate hyemis
 rara pabula reperiabantur, & hostes omnia,
 quae exercitum alere possent, aut in oppi-
 dum ex agris contulisse, aut, quae suppor-
 tari nequiverant, incendisse, ferebantur. Cir-
 citer Calendas Martias cum omnibus copiis
 in Cingulanorum fines profectus, haud pro-
 cul ab oppido duum millium intervallo con-
 fedit. Vix castra erant munita, cum per ex-
 ploratores, quibus ille, militari more, etiam
 minimis in rebus utebatur, nuntiatum est,
 Cingulanum populum armatum occurrere:
 esse equitum septingentos, peditum duo mil-
 lia. BRACHIVS, quod equitatu praeva-
 lebat, in patentem processit campum, atque
 ibi, structa acie, hostium adventum expecta-
 bat. Oppidani, magna spe destituti, quod
 speraverant de improvviso castra munientem
 adoriri, pugnam eo in loco committendam
 non putaverunt, ne, si quid adversi accidisset,
 recipiendi sui in oppidum, quod pro-
 cul certaretur, facultas esset erepta. Hac de
 causa, paulatim cedendo, ne ordines pertur-
 barentur, ad oppidi muros pervenerunt,
 parati expectare hostem, si manu decernere
 statuisset, eum locum peropportunum fore,
 nec oppidanos ab equitatu hostium circum-

Eiusdem cum
his pugna,

veniri posse arbitrabantur, & si acrius premerentur, facilem in oppidum esse receptum. Contra BRACHIANOS aut nullam victoriam, aut insignem calamitatem, reportaturos. Si vincerent, paratum esse victis perfugium in oppidum: si vincerentur, quo se reciperent, non habituros. BRACHIVS, etsi cognoscebat hostium consilium, confusus tamen militum virtute bellique peritia, quadrato & ipse agmine incedebat, ratus, oppidanos, ubi moenibus appropinquassent, conversos in se praelium inituros: fieri posse, ut freti vicinitate oppidi, ab ordine discederent, dissipatos facile opprimi posse. Nec sua eum consilia fefellissent, nisi, qui praesidio erant relictī, assueti bello viri, in ordine continuissent populum, & quid, si non parerent, futurum esset periculi, ostendissent, iubentes, ut extra moenia belli exitum expectantes, sinerent militem cum milite, equitatum cum equitatu, contendere: tunc se oppidanorum opera ufuros, cum praelii ratio postulare. Quod si omnino aliquid & ipsi facere voluissent, contenti essent procul confertum in hostem conicere tela, & pugnantem saxo sagittaque propellere. Inito bello, acriter utrinque pugnatum est: hostes saepe repulsi intra portas se recipiebant: mox, maioribus resumptis viribus, in BRACHIANOS magno cum impetu eruptionem faciebant, quos cum rursus intra portas agerent, ab oppi-

DE REBUS GESTIS BRACHII LIB. I. 29

oppidanorum telis confodiebantur. Perdurante ad noctem praelio, tribus continuis nocturnis horis, facibus lychnisque accensis, & per oppidi moenia dispositis, tanto utriusque studio pugnatum est. Nam & oppidani victoriam ex fatigato hoste superabant, & BRACHIANI bellandi studio tenebantur. Haec duo praelia, Cingulanum, & quod apud Rocham gestum est, maxime omnium, quae gesserat, illustria & periculosissima fuisse memorantur. Milites ex utraque acie vulnerati fere omnes, equi plerique eviscerati caesique traduntur. Pugnatum est, quamdiu pugnandi facultatem hostes fecerunt. BRACHIVS, insigni & illata & accepta calamitate, victorem exercitum, quod hostem intra moenia compulisset, pro concione laudavit. Medici ex proximis urbibus acciti, qui vulneratos diligentissime curarent. In ipso reditu, Fabrianensi depopulato agro, Saxiferrati Tyrannum in societatem recepit.



IOANNIS ANTONII,
EPISCOPI APRVTINI,
DE VITA ET GESTIS AN-
DREAE BRACHII, PERVSINI.
ITALICAE MILITIAE IMPERA-
TORIS OLIM STRENU-
ISSIMI,

LIBER SECVNDVS.

Ladislavus,
Rex Neapo-
litanus, mit-
tit legatos
ad Brachium.

Dum haec in Picentis geruntur, La-
dislaus, Rex Neapolitanorum, magnis
ex Italia coactis copiis, quum He-
truscis inferre bellum, Romamque occu-
pare, statuisset, legatos ad Brachium misit,
Ottinium Neapolitanum, summas autorita-
tis virum, & Matthiam Perusinum, qui no-
bilitatem secutus, in exilium cum ceteris o-
ptimatibus eiectus, aliquot annos sub Rege
ipso militaverat. Legati, magnifice accepti,
Regis mandata exposuerunt: nunc tempus
esse recuperandae patriae, non negligen-
dam eam occasionem, Regem modo seque-
retur, haud defuturum exulibus auxilium:
Regem ad paucos dies in Heturiam magnas
traiecturum copias, atque ipsum in expedi-
tionem esse venturum: comparasse equitum
viginti millia, quibus non modo Perusiam
oppugnare posse, sed omnem Italiam brevi
esse subacturum. Proinde sequeretur in-
vi-

victi Regis auspicia, nec offerenti sese fortunae deesset: exules si nunc in tanta rerum opportunitate negligerent, non semper eam occasionem habituros. Polliceri Regem stipendii quantum ipse copiarum coegisset, non equitibus, non peditibus pecuniam defuturam. Haud difficile fuit persuadere cu- ^{Huius re-}
 pientem; tamen, ne quid inconsulte facere ^{sponso.}
 videretur, legatis respondit: se quidem tanto Regi immortales habere gratias, velle tamen cum militibus consultare, postero die quam plenissime responsurum. Omnibus igitur equitatus peditatusque ductoribus ad se venire iussis, primum Regis mandata aperuit, mox etiam a minimis postulata sententia, cum adiecisset, nihil se sine militum consilio statuere voluisse, ingens omnium clamor est subsecutus: eius esse consilium capere, utrum statueret, in eius arbitrio & potestate esse. Quod ad se pertineret, nunquam deserturos imperatorem suum, maxima quaeque adituros pericula: duceret, mitteret, quo videretur, se, quoties opus esset, omnes pro eius dignitate morituros, illum ducem, illum parentem esse. Multis animi studio excussae lacrymae, vocem ferre prohibebant. Constat enim, omnium aetatum imperatorum neminem suis militibus fuisse cariorem. Nam animi magnitudinem in admirationem conversam, insita a natura linguae suavitas adornaverat: nemo blandius appellare milites, nemo nec lenius
 erra-

Brachius
cum copiis
Romam ver-
sus conten-
dit.

In quo itin-
re Verchia-
num capit.

Collem me-
dium occu-
pat.

errata castigare, nec ardentius ad bellum ex-
citare, consuevit: tum milites in summa
discrimina non mittere, sed ducere, labori,
vigiliis, inediae, non magis, quam ceteri, suc-
cumbere, praedam reliquam militis facere,
sibi solum imperium quaerere: hinc amor
exercitus, hinc illa ingens militum benevo-
lencia conflata est. Igitur Calendis Aprilis,
quatuordecim millibus nummum acceptis a
Rege, stipendioque militibus distributo, cum
omnibus copiis Romam versus contendit.
Erant in exercitu equites ad mille & ducen-
tos, pedites circiter mille, pauci Picentum
praesidio relictī. Iter erat per Fulgineatem
agrum. Cives eius, transitum aegre ferentes,
frumentum & commeatus exercitui praebe-
re noluerunt. Quare permotus **BRACHIVS**, agri parte infesta populatione va-
stata, oppidum Verchianum, decem mil-
libus passuum procul ab urbe, praecipiti at-
que edito in colle situm, expugnavit, diri-
piendumque militibus dedit. Plenum erat
oppidum frumenti, quo agrestes ex omni
agro, veluti ad munitum & commune hor-
reum, comportaverant. Post haec, in Tu-
dertinorum fines castris permotis, secundum
Tyberim aliquot dierum stativa habuit,
quoad reliquae copiae, quas undique acci-
perat, convenirent: quum nec legati qui-
dem ipsi, quod Regis literas expectabant,
profectionem accelerarent. Dum in Tuder-
tino moram traheret, ne milites continenti
bello

bello affueti otio torpescerent, Collem medium, Tudertinorum oppidum, quod non longe a Perusinorum finibus aberat, durissima oppugnatione aggressus, in Regis ditionem subegit. Hac re permoti Perusini, quibus iam pridem eius potentia suspecta erat, Ruffum Aquilanum & Ciccholinum Michilotum, plebeae factionis principem, ad proxima tuenda castella miserunt, qui, cum apud Derutam, munitissimum situ oppidum, cum suis copiis morarentur, Collis medii oppugnatione audita, inconditum BRACHII exercitum, & capiendo oppido intentum, de improvviso adoriri, hostesque aut cadere, aut oppugnatione prohibere, statuerunt. Itaque, vix coepta oppugnatione, Ruffus Aquilanus & Guido Perusinus cum quadringentis equitibus a tergo sese ostenderunt. Hos subsidiarii equites quingenti, quibus Ciccholinus praeerat, cum magna agrestium multitudine, quanto intervallo cerni ab hostibus non possent, subsequabantur. BRACHIVS, hostium adventu per Perusinos speculatores cognito, Gulielmum Mecham ^{fugat,} cum duabus cohortibus procedere, & praedium committere quam aequissimo loco, iubet. Eius impetum hostes sustinere non potuerunt. In fugam terga vertentibus, Ciccholinus, quem subsidio suis venire monstraveram, infesto occurrit agmine, factoque in persequentes impetu, BRACHIANI multitudinis vim non sustinuerunt. Tum

BRA-

BRACHIVS centum delectos atque hastatos immittit equites, iussos, hostem, suis imminentem, quanto maximo possent, conatu adorirentur. Ii tanto impetu in adversam se intulere hostium aciem, ut, plerisque equo excussis, reliqui in fugam verterentur, non prius fine fugiendi facto, quam Derutam fusi contreritique pevenissent. BRACHIVS victum ac dissipatum hostem persequendum militibus demonstrat, qui, imperata facientes, vulneribus tardatos corripere: pedites aegre fugam molientes ad unum capti vinctique in castra retrahuntur. Gulielmus, cum duabus illis cohortibus reliquisque hastatis equitibus persecutus hostem, ad Derutae portas pervenit. Deruta, in colliculo paulo editiore sita, planitiem habet ad portas late iacentem, in qua cum alia quaedam aedificia, tum meritoriae tabernae plurimae, viam, qua Romam itur, hinc atque hinc cingunt. Hic cum omnes hostium copiae, quae ex conflictu evaserant, colligere sese, ac instaurare bellum coepissent, auxiliantibus oppidanis, & in BRACHIANVM militem superiore loco tela ac saxa iacentibus, pugnatum est aliquamdiu acerrime. Sed hostes, priore calamitate perterriti, plerique intra oppidum refugere: capti equites ducenti quadraginta, inter quos & Ruffus Aquilanus, paulo ante exercitus ductor, victoriam insigniorem fecit: aedificia illa, quae diximus, direpta atque incensa omnia.

omnia. Interea BRACHIVS oppugna- & Derutam
tionem oppidi non prius dimiserat, quam expugnat.
intra moenia milites, plurimis circum ere-
ctis scalis, irrupissent. Igitur, duplicata victo-
ria, utrumque militem, & qui profligaverat
hostes, & qui oppidum expugnaverat, pro
concione laudavit. Haec in Tudertino ge-
renti, Regis literae perferuntur, quibus signi-
ficabatur, captam esse Romam ad aedem Ha-
driani, & praeterea fanum divi Petri ob-
sessum habere, aditus undique esse praeclu-
sos, venturum se cum omnibus copiis in
Heturiam, nec opus esse obsidionem suo
praesidio firmare: Romanos ipsos urbano
exercitu & arcem & templum obsessuros,
se nullo pacto exercitum distrahere statu-
isse, habere in armis equitum viginti mil-
lia, peditatum dimidio minorem: matura-
turum, ut quam primum totum bellum in
Heturiam transferretur: orare BRA-
CHIVM, quas coegisset, copias, ut cuique
opus esset, equis atque armis communiret,
expectaretque eius adventum: interea au-
geret, quoad posset, exercitum, & quot pos-
set, pedites undique & sagittarios compara-
ret, iis maxime opus esse oppida atque
urbes oppugnaturum. His literis acceptis,
BRACHIVS, quod existimabat, Regem non
ita statim venturum, munitis ad medium
collem castris, saepe nunc Tudertinum,
nunc Perusinum excurrere agrum, finitimis
magno erat terrori. Fama erat, Regem nul-

Litterae Regis
Ladislai ad
Brachium.

Variae huius
excursionis.

Perusinatorum
Legati ad
Ladislaum,
primum de
pace cum eo
agunt,

post civita-
tem atque
imperium ipsi
offerunt.

* *ipsum.*

la humana vi contentum, regna atque im-
peria subversum venire, eiecturum eos, qui
regnarent, atque exules, quorum postea fi-
de uteretur, in suas urbes, atque in suam
quemque patriam reducturum. Perusini,
iam pridem hac fama perterriti, ubi, capta
Roma, tantas Regis copias adventare ad in-
vadendum Hetruriae imperium acceperunt,
consulendum rebus suis, nec tantam belli
molem expectandam, statuerunt. Itaque,
publico inito consilio, Legatos, qui, nisi de
reducendis exulibus, nullam pacis conditio-
nem recusarent, comineatus auxiliaque pro-
mitterent, postremo, si aliter omnino non
possent, civitatem atque imperium dederent,
ad Regem mittere decreverunt. Legati Ro-
mam profecti, de pace primum agere coe-
perunt: sed, Rege in exules propensiore,
multum diuque nequidquam peractum est.
Illi, pace non impetrata, societatem facere
contendebant: quem ille imperasset, eun-
dem Perusinos vel amicum, vel hostem, ha-
bituros esse, affirmantes: transitum, arma,
tela, frumentum, militem, praebituros. Nec
hanc quidem conditionem accepit Rex, ratus,
constantius in fide mansuros exules, qui sua
opera civitatem recuperassent. Hac re a-
nimadversa, legati frangendum Regis animum
imperii cupiditate tentaverunt. Aditu ita-
que * rerum ad Regem postulato, nova in-
terposita conditione, civitatem atque im-
perium obtulere, si modo exules omnes pro
ho-

hostibus haberi, & regio exercitu ac regno decedere, iuberentur. Rex tantam invadendae Hetruariae occasionem non putavit repudiandam, eam unam esse urbem, bello, quam paci, commodiorem: nec frumentum solum (cuius est feraçissima) suppeditare: sed viros bello assuetos, sed arma etiam, subministrare posse. Utraque enim re Perusini abundare ferebantur: quippe factiones iam inveteratae, crebraeque seditiones, & popularium animos ad bellum assuefecerant, & omnis generis invexerant arma: tum saepe ex multis audierat gentem esse sua quadam natura bellicosam. Haec Regem movere. Sunt, qui fuerint opinati, inter ceteras conditiones rem scelestam ac nefariam adiectam esse: promisisse Regem, cum primum **BRACHIVS** ad se venisset, statim in vincula coniecturum, receptaque deinde civitate, aut suorum manu necaturum, aut Perusinis necandum traditurum. Quam perfidiam, etsi a regia dignitate alienissima censenda est, tamen, quae secuta sunt, verisimilem effecisse indicantur. Et Rex ille, sanguinis, quam gloriae, avidior, multis cladem intulisse ferebatur, atque aliis inedia, aliis ferro, vitam ademisse. Post Legatorum discessum, Rex, priusquam traiceret copias, ad **BRACHIVM** scribit, ut, quam maturissime fieri posset, cum omni exercitu contenderet Romam: statuisse, non ante movere castra, quam cum eo de ratione movendi

*Perfidia Regia
in Brachium.*

*Illius ad hunc
literae.*

di belli communicaret, exercitumque coniungeret. Cum literae essent redditae, consuetudine sua, BRACHIVS, omnibus ductoribus ad se vocari iussis, Regis imperata ostendit, simulque edicit, ut equos atque arma in parato habeant, prima luce iter ingrediendum esse. Haec dicenti literae Ottinii, regii Legati (quem diximus), afferuntur; is erat longe acceptissimus Regi, & eam ipsam ob rem omnium particeps consiliorum, quem BRACHIVS, cum Legatus ad se venerat, magnifice acceptum honoratumque remiserat: pollicitationes quoque multae cum intercessissent, utriusque animum summa (ut fit) benevolentia & singulari amore devinxerant. Igitur Ottinius amici magis, quam Legati, officio functus, BRACHIVM de Regis consilio certiore facendum putavit. Literae fuere eiusmodi: Cum Rex Legatum me mississet ad te sollicitandum; nihil feci reliquum, quo minus eius tibi societatem persuaderem. Sperabam, vestram amicitiam Regi quidem usui, tibi vero & usui & ornameto, fore, nec existinavi, ut, cuius foedus atque amicitiam postulabant, ei cladem atque exitium importarem. Maiores mei, cum opibus & potentia claruissent, magis tamen fide & vitae integritate claruerunt. Habeo proposita mihi exempla maiorum, malle cum fide oppetere mortem, quam perfidam vitam agere. Sic mei me parentes edocuerunt, non aliter serviendum esse Regibus, quam

Epistola Ottinii.

DE REBUS GESTIS BRACHII LIB. II. 69

quam honeste, & cum nullius calamitate, fer-
viendum. Eam ob rem, cuius ego curavi di-
gnitatem, eius indignissimam mortem sustine-
re non potui. Proinde cave, ne in Regis de-
venias manus; video, illum magis alieni
commodi, quam sui decoris, habere ratio-
nem. Cave, cuiquam te credas, ne ad eum
profectus, nimis bona fide capiare. Quid
ille paraverit, ne quaeras. Nihil tam ho-
neste fileri, quam scelus, potest. Vale, &
tui curam habe. His literis acceptis, BRACHIVS, suspensus aliquamdiu & attonito
similis, non modo sermone abstinuit, sed
vultum coloremque variatum a mirati mi-
lites sunt. Tabernaculum deinde ingressus,
ostio obserari iussu, lectaque iterum epi-
stola, animum in diversa consilia agitabat:
non posse credere, tantum Regem dolo
eum petere, a quo nulla in re esset offen-
sus, id ne tyranni quidem esset: tum Ot-
timum Legatum haud temere in suspicionem
se coniecisse. Repetere deinde altius coe-
pit, iussisse primum Regem, ut ipse cum
suo exercitu in Hettruria remaneret, expecta-
retque eius adventum: mox, ubi Perusino-
rum Legati ad eum venissent, statim mu-
tasse sententiam, & pacem cum Perusinis
factam audiebat, etsi nihil certi de deditione
referebatur: quid eius equitatu Regi opus
esse Roma capta? non hostes prope adesse,
non illic geri bellum. Ubi commodius,
quam in hostium finibus, copias iungi posse?

Maxime hinc
perturbatur
animo Bra-
chius.

Optime se ex-
cusat Ladis-
laus.

Huius con-
siliū de ca-
piendo Bra-
chio.

Nam, si consulere de bello velit, quid euntem militem fatigare, paulo post rediturum? Si Hetruscos bello petere decrevisset, quid Romam in Hetruria bella gerentem exercitum revocaret? Cum multa ad suspicionem concurrerent, inprimis tamen Ottinii literis movebatur, hominis fama & nobilitate clari. Sed, ne fraudem odio incenderet, ad Regem misit, qui dicerent, adversa teneri valetudine, eamque ob rem statim literis parere non potuisse, ceterum, quam primum cessaret morbus, cum equitatu profecturum Romam, & quae essent imperata, facturum omnia. Eam rem moleste tulit Rex, cum quod verebatur, detecta fraude, ingentem regio splendori maculam profusam, tum quod Perusia quam maturissime potiri cupiebat, cui rei maxime obstare putabat BRACHII salutem. Sed, quo celeriter incepta perficeret, sex millia delectorum equitum in Hetruriam quam ocysime traiecit, ducemque his Troiae comitem praefecit, eique imperavit, ut celeriter ad BRACHII castra contendens, direpto exercitu, ipsum in vincula coniiceret, nec cuiquam profectionis suae causam, nisi re perfecta, patefaceret. BRACHIVS, cum esset nuntiatum, tantum copiarum Regem praemittere, crebros speculatores in venientium castra mittendos curavit, qui omni via atque studio tam subiti adventus causam certam ad eum exploratamque referrent. Et, cum Tudertinum ingres-

agrum, & decem millia passuum appropinquasset, Gulielmum Mecham ad eorum ducem cum muneribus mittit, eique imperat, ut Otinium, quem una venire intellexerat, quam occultissime posset, conveniret. Ille, ut erat imperatum, ad castra profectus, hominem conventum per fidem atque amicitiam orat, ut, si quid BRACHIO impendeat periculi, certiore facere eum velit: sua opera in Regis amicitiam venisse, sua opera infidiis non esse circumventum, nunc accumulandum beneficium esse. Ille rem omnem, ut se haberet, edocuit: promississe Regem Perusinorum legatis, ceteros quidem exules perinde atque hostes habiturum, BRACHIVM vero aut necare, aut tradere necandum: ea conditione Perusinos civitatem atque imperium esse pollicitos. His rebus cognitis, BRACHIVS, haud amplius expectandum ratus, trecentis equitibus Tudertinorum praesidio relictis, ipse cum cetero exercitu in agrum Picenum concessit, primaque habuit stativa inter Senogalliam & montem Alboddi. Mox, Esi urbe recepta in potestatem, Regis copiae, quas adventare monstraveram, ad urbem oppugnandam venerunt, munitamque situ & armis obfusione cinxerunt. Hic, BRACHIO eruptionem faciente, saepe acriter pugnatum est. Hostes, post aliquot praelia, multis acceptis vulneribus, discesserunt. Interea Rex cum reliquis copiis, modico Romae praesidio re-

De quo certior factus Brachius,

a copiis regis oppugnatur,

sed sua virtute liberatur.

Paratur a Rege
bellum contra
Florentinos.

Quorum res
describuntur.

lisco, Senas, placidissimam Hetruriae urbem, contendit, quod sperabat, inita prius Senensibus societate, oportere bellum Florentinis movere posse, quod agrum Senenses haberent finitimum, & commeatus abunde suppeditare possent, tum ex altera parte ad inferum mare pertinerent. Qua spe adductus, complures onerarias naves aedificandas curaverat, ut, quae res bello usui forent, sagittae, tormenta, & alia machinarum armorumque varia genera, mari celerius, quam terra, vectarentur. Florentinorum opes ea tempestate haud satis magnae erant, sed angustos imperii terminos insita genti calliditas tuebatur. Iis nullae gentes neque animo ad res magnas gerendas, neque consilio, praestant. Saepe cum finitimis populis rem gesere, cum aut ipsi ultro inferrent bella, aut ab aliis illata propulsarent; nunquam tamen succubuisse, sed latius semper propagasse imperii fines traduntur: non satis bellicosi illi quidem, (ut plane possit intelligi, bella ipsa non magis vi corporis, quam animi consilio, procedere,) sed industria rerum gerendarum mirifice praediti: tum lautitiis & domesticarum rerum magnificentia clari. Tempia, fora, parietes, privata atque publica aedificia, cuncta, sublimia. Multo spatio circum urbem altissime surgunt villae, nec pressius agrestes casae, quam urbanae domus, erectae conspiciuntur. Florentinum ingressus agrum, alium quendam censeas patere orbem:

orbem: ubi urbem intraveris, alterius orbis domicilium videas. Hanc civitatem multi Reges, multi populi, bello petiere. Sed tanta in libertate defendenda vis fuit, ut saepe, necessitate inveniente consilium, Regum ac populorum incepta conatusque perfregerint, & ubi bellum a potentioribus esset illatum, uno statim momento concitarent finitima bella, & cum semper Italiam, tum plerumque magnam orbis partem, ad arma impellerent, Reges atque auxilia ex alio quodam aecirent orbe. Iam nunc reliquae Italiae non tam viribus, quamquam & illae supra modum auctae sunt, quam consilio atque astu, metuendi. Ergo, ubi tanti exercitus adventum acceperunt, peritos rei militaris ad conducendum ex omni Italia exercitum dimisere: ad BRACHIVM quoque, Mittunt Legatos ad Brachium. quem iam pridem suspectum Regi atque infernum audiverant, eorum venere Legati, petentes, ne peregrinum & incognitum Hetruscae genti Regem patrium atque avitum regnum occupare permetteret: nunc ulciscendas esse acceptas iniurias, non solum deceptum esse a Rege, sed etiam proditum esse, hoc ipse sibi persuaderet. Florentinos non ante libertatem, quam vitam, amissuros, nec ulla re alia, quam Regis aut discessu, aut fuga, destituros a bello. Iam pecuniarum tantum exactum esse, ut totum biennium exercitum, quantum opus foret, queant conducere: illos in patria, Regem in alieno so-

lo, inter ignotas atque ideo infirmas gentes, dimicaturum : sperare, ultorem affuturum Deum : nullis illum laceffitum iniuriis, nulla in re offensum a populo Florentino, quietis & nihil ad sua iura pertinentibus inferre bellum. Quid facturum putaret Hetruria subacta? quibus infidiis eius caput petiturum, cuius nunc, violata fide, sanguinem vendere ausus esset? Proinde resisteret inimici nefario sceleratoque furori, &, ut ceteri Hetrusci, auxilio veniret : Regem, etiam si esset amicus, unum esse & multis periculis expositum hominem, brevi, aut suorum infidiis, aut hostili vi, aut (quod necesse esset) aetatis, maturitate, occisurum. Populum Florentinum immortalem fore: nec libidine legere amicos, sed fide atque officio tueri, solitum. Nunc illi & persequendi inimici, quod etiam ignavi cupiunt, & invicti populi beneficio devinciendi occasionem datam. BRACHIVS, haec cuncta quam verissima reputans, simulque suorum omnium hortatu in castra Florentinorum, quae non procul ab Aretio erant posita, cum omni exercitu proficiscitur. Eius adventu ingens totis castris laetitia est exorta. Vix equo descenderat, cum iidem illi Florentinorum Legati mille & quingentorum equitum stipendium dinumeravere. Interea Rex, motis ad Aretium castris, urbem muro fossaque munitam, nec oppugnari facilem, obsidere constituit. Quare praevisa, Florentini Sfortiam, non parvi exer-

Huius in eorum castra cum exercitu adventus.

exercitus ducem, urbi praesidio collocaverant. Qui cum se obsideri videret, priusquam archius ab hostium copiis clauderetur, emit- tit clam, qui BRACHIVM consulerent, quid in tanto discrimine faciendum putaret. BRACHIVS postridie eius diei ex supe- rioris parte urbis erumpendum censet, atque in hostes subitum & improvisum impetum faciendum, daturum se signum erumpendi, atque statim hostibus a tergo incubiturum: proinde venientem se & tuba canere iu- bentem observaret, statimque extra murum composito educto agmine, prior explicaret aciem, quo ipse facilius a tergo pugnantis & altero praelio intenti hostis ordines pertur- baret: facile hoc modo praeclarum aliquod facinus praelio esse facturos. Ille, ut erat imperatum, postero die intra murum com- ponit agmen, acceptoque signo, extra portas instructam paratamque aciem educit. Apud hostes undique ad arma est concursus, pau- cisque oppositis turmis, quae erumpentium impetum morarentur, utrinque egregie pu- gnabatur. Cum hostes, armandi sui spatium nacti, undique vi magna confluerent, BRACHIVS, qui non procul inde ad fluminis ripam sese contulerat, inconditum & temere concurrentem hostem a tergo invadit. Tan- tus terror Regi est iniectus, ut, repulsis lon- go intervallo suis, ipse de fuga cogitaverit. Ceterum multitudine fretus, inter resistendi fugiendique consilium, trium millium pas- suum

Consilium
Brachii.

Florentino-
rum cum re-
gis pugna.

horumque
fuga.

suum

suum intervallo reiectus est. Equi, arma,
 tela, & reliqua belli instrumenta, passim ia-
 centia videbantur, cecidereque ex hostibus
 multi, capti etiam fuere nonnulli. Hac in-
 sperata calamitate perterritus magis, quam
 attritus, Rex, Cortonam viginti passuum mil-
 lia recepit, confessus, nunc primum sci-
 re, aliud esse magni, aliud strenui exercitus
 ducem esse: quippe fusa fugataque vigin-
 ti millia equitum, decem peditum, a paucis,
 non prius consistere ausa esse, quam perse-
 quendi finem hostis fecisset. Cortonae re-
 gnabant tres fratres, qui, quod Aretinis
 multisque aliis Florentinorum municipiis fi-
 nitimi erant, eorum societatem atque amici-
 tiam sequebantur. Rex montanam urbem
 & muro egregie munitam obsidere coepit,
 sperans, quos vi non posset, aquarum penu-
 ria domitutum. Nec multis post diebus ci-
 ves, facta conspiratione, & urbem, & domi-
 nos, Regi prodiderunt. Hoc primum pere-
 grini atque externi militis receptaculum in
 Hetruria fuit. Nam Perusinos, quod re-
 motiores a finibus hostium erant, nondum
 adierat Rex. BRACHIUS, tantae urbis
 defectione audita, ne hostes, novo imperio
 exultantes, vastando & populando latius va-
 garentur, proximaque oppida rebellionem
 Cortonensium exemplo facerent, defendente
 nemine, ad Castellum Aretinum, regis copiis
 mature occurrendum decrevit. Oppidum
 erat procul ab hostium castris millia pas-
 suum

Cortona ob-
siderur,

Regique ipsis
a civibus
proditur.

Cui Brachius
occurrit.

suum quinque: hic licentius vagantem & ex-
 currentem hostem diu in castris continuit.
 Sed nec faciebat cum universis copiis pu-
 gnandi facultatem, & dissipatos mira cum
 celeritate paulatim carpendo profligabat, ut,
 quoniam aperto non auderet bello, arte at-
 que insidiis cum hoste contenderet. Tum
 Florentini, nihil aliud, quam dilationem, quae-
 rentes, iam ab initio ipsius belli, ne collatis
 signis in pugnam descenderet, inhibuerant:
 ut quibus satis foret, si ab expugnationibus
 & vastatione agrorum arceret hostem, pau-
 lo post fame confectum abiturum. Multa Variae cum
regiis veliti-
ones.
 secunda praelia a BRACHIO facta. Nam
 interdum, si qui hostium frumentatum pabu-
 latumque exirent, intercipiebat, & noctu ad
 castra usque magno cum impetu delatus,
 non arma exuere, non dormire, sinebat Re-
 gem, qui saepe, quos in primis stationibus &
 vigiliis disposuissent, capi atque abduci, non-
 nunquam extremis castris ignem iniectum,
 audiebat. Itaque pudore atque ira percitus,
 saepe BRACHIVM ad apertam pugnam
 provocare tentavit. Quod cum parum pro-
 cederet, & hic quoque confessus est, non se
 vi atque armis, sed celeritate atque industria,
 esse superatum. Tandem, re frumentaria
 deficiente, Cortonae praesidio relicto, Peru-
 siam proficiscitur. BRACHIVS, iussus a Occupat Bra-
chius Castel-
lum.
 tergo infectari hostem, Regis audito discessu,
 quod existimabat, aliunde bellum esse motu-
 rum, Tyfernū urbem, nunc Castellum vo-
 cant,

Invitatur
cum omnibus
suis copiis ad
coenam a lu-
lio Caesare,
praefecto re-
gio Fractae.

Cui elegan-
ter respondet.

Suos in aci-
em educit.

cant, cum omnibus copiis pergit. Cuius
profectione cognita, Rex, hortatu Perusino-
rum, duo millia equitum, quibus Iulium
Caesarem quendam, nomine, quam factis, il-
lustriorem, praefecerat, ad oppidum Fra-
ctam dimisit. His statim ingressus oppi-
dum, caduceatorem ad BRACHIVM mit-
tit, qui (ut est hominum vana iactantia) ad
coenam cum omnibus suis copiis invitaret.
Quod si forte recusaret, diceret, se cum suo
ad eum exercitu coenatum venturum, at-
que ante Castellī moenia pulcherrime coe-
naturum. BRACHIVS tam lepide invita-
tus ad bellum, abito, inquit, quam primum,
& isti tuo imperatori sic dicito: me qui-
dem ita consueſſe, vocatum in convivia re-
cusare nunquam, ceterum raro mea sponte
quenquam invitare, si qui ultro me appel-
lent, accipio equidem opipare. Quamquam
non adeo demens sum, ut velim meae domi
Caesarem expectare; dignus est, quem suae
conveniam. Illic, si me invitabit, sentiet,
spero, non parum edacem convivam invita-
tum, & qui apparitoribus ne ipsa quidem
ossa relinquet. Haec ultro citroque delata,
utrumque ducem ad pugnam irritavere. Er-
go postridie eius diei BRACHIVS, ducen-
tis equitibus Castellī praesidio relictis, orto
iam sole, exercitum tuba in expeditionem
eductum ita componit, ut, quacunque oc-
currat hostis, parata atque instructa sit acies.
Toto itinere quadrato agmine incesſum est.
Hostis,

Hostis, verbis, quam factis, magnificentior, nihil interea, nec de coena, nec de belli apparatu, cogitaverat. Ubi, BRACHIVM non longe a portis infesto agmine instare, vigiles retulerunt, partem copiarum praemisit, quae venientis retardaret impetum, ipse interea partem reliquam, ut quisque celerrime se armaverat, ita primum portis emissum, in praelium accendit: postremo, omnibus eductis copiis, ipse paucis stipatus equitatu, fugientibus suis subsidio venit, trepidos ac fuga salutem sibi petere contententes excipere, tardos excitare, omnes pristinae virtutis suae, egregiae dignitatis, admonere. Sed **Caesarianos** BRACHIANI militis tanta vis fuit, ut per- **fugat.** turbati hostes, & plerique ipsis excussi equis, impetum sustinere non possent. BRACHIVS, insecutus hostem, cum fugientem in oppidi moenia compulisset, dixisse fertur: se quidem venisse ad convivium, sed Caesarem convivas suos bona fronte adspicere noluisse. Capti ex hostibus equites quinquaginta, quos dum hostes abscedente BRACHIO liberare contenderent, facto a tergo magno impetu, Siniducium, BRACHII nepotem, vagantem extra ordines, & longo intervallo subsequen- tem, ceperunt, statimque, non expectato BRACHIANORVM impetu, in propinquum sese oppidum receperunt. Ea res minus laetam victoriam fecit. BRACHIVS, agro vastato, Tyfernum cum victoria revertitur; Regem interea multis diebus Perusiae com-
mora-

**Belli Hetru-
sci fines.**

**Ludovici ,
Galli, in Ita-
liam vocati,
traiectus.**

**Turbae Ro-
mae.**

moratum, Tudertini, Perusinis finitimi, voca-
verunt. Illo profectus, post aliquot dies,
compositis Tudertinorum rebus, Romam
pergit. Hunc exitum habuit Hetruscum
bellum, longe maiore apparatu, quam robo-
re, gestum. Inter haec Florentini, qui, con-
suetudine sua, iam inde ab initio belli aliun-
de opem excogitaverant, Ludovicum, ex no-
bilissima Gallorum familia, in Italiam acci-
verant, spe quadam iniecta Neapolitani Re-
gni recuperandi, (quod a maioribus suis lon-
ga vetustate obtentum, patrium atque avitum,
ad se quoque haereditario iure pertineret)
facile perpulerunt avidum imperii animum,
ut, cum copias ea spe paulo post ad ipsos in
Italiam traiecisset, cum Florentino ex exercitu
coniungeret: communem esse hostem asse-
rentes, alterius occupasse regnum, alterius oc-
cupare voluisse. Populum Florentinum, ubi su-
is finibus expulisset Regem, in regnum iniectu-
rum manus, & pro Ludovico bellum susceptu-
rum. Ergo Florentini, magna Gallorum acces-
sione facta, paribus copiis Regem insequi de-
creverunt. Tum Roma magni motus affere-
bantur, Paulum Urfinum a Rege defecisse, &
eam urbis obtinere partem, quae trans Tybe-
rim pertinebat: Regem vero Capitolium &
reliquam urbem habere in potestate. Magnos
fieri apparatus bellicos, Regem a suo regno
integras accire copias, Paulum ab Hetruscis
auxilia petere, munitiones & propugnacula
in utraque Tyberis ripa construi. BRA-

DE REBUS GESTIS BRACHII LIB. I. *

CHIVS, Florentini exercitus imperator, Ad quas se-
 Romam profectus, copias cum Paulo con- dandas Ro-
 iunxit. Saepe gravissime pugnatum est; flu- mami profe-
 mine tamen altissimo, duos, exercitus inter- ctus Brachius,
 fluente, magis eminus tormentis, sagittis, saepius cum
 ceterisque missilibus, quam cominus hasta regiis con-
 gladioque, certabatur. Bruma iam adveni- fluxit.
 ente, BRACHIVS, caritate annonae Inde in hy-
 Roma abiens, in Tudertinum hyemandi gratia berna con-
 concessit, captoque oppido Fractula, tota hye- cessit.
 me in hybernis habuit exercitum. Fractu- Interea pa-
 la expugnata, Perusinis novus metus iniectus rant bellum
 est. Neque enim Regem praesidio habe- Perusini.
 bant, & Florentinos, quorum animos supe-
 riore Hetrusco bello vehementer offende-
 rant, ne quid ipsi quoque alia parte concita-
 rent belli, metuebant: sed, trepidatione in
 sollicitudinem versa, cogere novum exerci-
 tum, stipendia maiora decernere, vectigalia
 iusta atque iniusta exigere, coeperunt. Mox,
 satis magnis pro tempore conductis copiis,
 Tartaliam, egregium bello virum, exercitui
 praefecerunt. Hic ad opposita inimicis op-
 pida traducere exercitum iussus, BRACHIO,
 quocunque proficiscenti, sese a fronte, mon-
 tosis & situ munitis locis ostendebat, nec ta-
 men descendere audebat in pugnam. Qua
 re animadversa, BRACHIVS, ne tempus Excursiones
 otio tereret, Clusina arva, pecorum atque Brachii.
 agrestium plena, excurrere decrevit. Ea
 Thrasimenum lacum claudunt ad occiden-
 tem solem; Perusini tunc agri, nunc etiam

82 10. ANTONII CAMPANI

imperii, terminus, late fane & vaste patentia loca, tota herbida, partim nemorosa, cuncta pecori pascendo accommodata. Ex altera parte Thrasimeno, ex altera Clusinis paludibus, concluduntur. Proxima etiam castella lignatum illo pabulatunque accedunt. Perusini semper alias opportunitate loci, nunc etiam belli metu, pecora cuncta, ex oppidis castellisque deducta, eadem in arva universa compulerant. Igitur BRACHIVS magnam partem equitatus, cum paucis peditibus, hosti, montana saltuosaque petenti loca, opponit. Ipse cum quadringentis equitibus, totidemque peditibus, per medios hostium fines, nihil hostiliter agens, transitum fecit. Cum iam viginti millia passuum processisset, tantum enim spatii intercedebat, in patentes diffunditur campos. Tum vero pastores, nihil tale metuentes, omnes vertuntur in fugam: greges atque armenta passim errantia in praedam abiguntur: agrestes, lignatores, pabulatores, capti sunt omnes: omnium maximum fuit, octoginta captivos, decem millia minorum pecorum, boum quinque millia, mille equas, per media hostium oppida, a tam paucis agi potuisse. Erant in illo duce multae praeclaraeque virtutes, consilium rerum gerendarum, magnitudo animi, gratia militum: omnia tamen perficiendi celeritas superabat. Perusini, audita hostium profectioe, Ciccolinum, quem parti copiarum praeposuerant,

Opima praeda.

rant, ad occupanda munita loca, reditusque intercludendos, misere, qui magna cum celebritate profectus, non procul a Thrasimeno editissimum collem, cuius radicibus BRACHIVS transitum facturus erat, occupavit: angusta sane & salebrosa via, nec solum ingentibus impedita faxis, sed nunc praeceptis ad infimam ducebat vallem, nunc ardua atque aspera, etiam recentem atque inermem militem fatigatura surgebat: tum hinc atque hinc praecepti atque altissimi impendebant limites, ut facile multi a paucis vel gleba, si lapides deessent, nedum armis, opprimi potuissent. BRACHIVS per exploratores, quos omni sua profectioe praemittere consueverat, insidiis cognitis, militibus omnibus, praeter paucos, qui pecora agerent, equis descendere iussis, utrumque viae superiorem limitem, atque angustias, maxime qua collis radices aiebantur, occupare contendit. Interea, qui equis vehebantur pauci, pars strictis mucronibus, pars intentis hastis, pecora praecedebant: reliqui, agentes praedam, greges atque armenta subsequebantur. Hostes, qui peditatu superiores se fore putaverant, tantam peditum multitudinem conspicati, non ausi sunt in pugnam descendere. Sed, BRACHIO in superiorem evadente viam, illi in suprema collis iuga se collegerunt. Iam milites conscenderant equos, cum hostes equitatu pro peditatu usum BRACHIVM cognoverunt, tum se, tum fortunam accusare,

quod graves atque impeditos armis leviter armati fatigare, opprimereque subiecta atque angusta in valle potuissent. In reliquo autem itinere secuti a tergo saepe praedam eripere, & cum loci opportunitas affuisset, manus conferere, tentaverunt. At BRACHIVS, qui omnia, quae evenire possent, eventura cogitaverat, aptaque infidiis notaverat loca, equitatum omnem in geminam partitum aciem, medium recipere praedam iubet: peditatum non longo intervallo ad occupanda gradatim loca praemittebat: hostibus plerumque a tergo adorientibus, levia fiebant certamina, cum nec illi BRACHII impetum expectare, nec BRACHIVS praedam relinquere statuisset. Militibus in castra reductis, praedam viritim distribuit. Singulis militibus dena circiter contigerant pecora. Postero die, illis unoquoque sua pecora pascentibus, dixisse per IO. fertur: secum quidem actum esse praeclare, qui ex militibus pastores effecisset. His rebus a BRACHIO gestis, Perusinis, qui paulo ante quieturi sub Regis tutela videbantur, nova sollicitudo est iniecta, quippe insensis ceteris finitimis, quod incognitum & externum secuti Regem, bellum ipsi suae genti vel intulissent, vel illatum commeatu, frumento, armis, adiuvisent, solliciti, ne reliqua Hetru-
ria, ob recentem offensionem, facta cum BRACHIO societate, magnum aliquod & periculosum bellum excitaret, exercitum,
quan-

Perusinarum
sollicitudo.

quantum maximum possent, conducendum, & praefidia per omnia castella disponenda, curaverunt, maxime qua arcendi & excursio-
 nibus hostes prohibendi erant. Inter haec **Brachius Bo-**
BRACHIVS, a Pontifice accersitus, omni- **noniam pro-**
 bus relictis copiis, iisque Iacobo Archipres- **fiscitur.**
 bytero, magnae inter optimates autoritatis, atque ex illustri familia viro, praefecto, Bo-
 noniam proficiscitur. Iacobus, post multa
 praeclara facinora, a Tartalia, quem Perusi-
 ni Marsiano oppido praesidii causa imposue-
 rant, captus atque in vincula coniectus est.
 Igitur exercitus, & imperatore absente, & **Eius exercitus**
 rectore capto spoliatus, cum intra moenia se **Collazonum**
 contineret, Gulielmus Mecha, accusata timi- **expugnat.**
 ditate, animisque militum accensis, Collazo-
 num, asperum situ & montosum oppidum,
 oppugnare adortus est. Prodit per quen-
 dam arce, captum statim reliquum oppidum,
 diripiendum militibus est datum. **BRACHIVS**, non multis post diebus Bononia
 reversus, adscito sibi Sfortia, bellicosissimo vi-
 ro, Torsianum, Perusinorum oppidum, non
 procul ab urbe passuum millia quinque si-
 tum, capere cupiebat. Igitur milites ad se
 vocatos, primum magnam vim scalarum co-
 gere, deinde corpora ante noctem curare,
 nocte incipiente itineri paratos esse, iubet.
 Deinde, postquam eundi tempus visum, mi-
 lites levi armatura scalis oneratos, incertos,
 quo profecturi, aut quid molituri essent, no-
 cturnum iter ingressus, sequi se iubet: pau-

Ipsē vero re-
versus, Torfia-
num,

Castellum
Leonis,

Calonicam,

Rucelleſcum,

cisque horis ad oppidum, multa nocte in itinere consumpta, pervenit. Torſianum quidem magna ex parte duobus fluminibus, Tybri & propinquiore Chiaſio, clauditur: qua vero Chiaſius praeterfluit, ripae aliquanto praeruptiores, ſaliſtis atque alnis obumbrantur. Igitur idoneum naſti locum, ibi inter fructeta ſeſe occultuere, nec multo ante primam lucem muro ſcalis admotis, oppidum irruerunt. Torſiano capto, BRACHIVS, Sfortia praefidio relicto, in Caſtellum Leonis, editiſſimo in monte ſitum, impetum fecit: oppidoque celeriter expugnato, milites omnia in praedam habuere. Ingratiſſima haec fuere Peruſinis. Iam enim duo propinqua ſpecula quotidie oculis intentatum iri, & urbi atque agro perniciem illatura videbantur. BRACHIVS, quo infeſtiora eſſent omnia, reliquis eductis copiis, ſolos exules Torſiani praefidio collocavit, quod ſciebat, certiſſimum robur, & belli, & fidei, contra hoſtes futurum. Ipſe a legatis Tudertinorum, quos ingens exulum manus, aliquot occupatis oppidis, toto agro infeſtabant, & urbi factioſae & inteſtino malo laboranti haud mediocrem iniecerunt metum, ſolicitatus, motis in Tudertinum caſtris, primo ſtatim adventu, exules, Calonicam fugere coactos, adortus expugnavit diripuitque: paucorumque dierum interpoſita mora, Rucelleſcum, in ſupremo cacumine editi montis poſitum, haud diſſimili eventu captum vi eſt,

&

DE REBUS GESTIS BRACHII LIB. II. 87

& militi in praedam datum. Reliquum erat *Quadram*, exulum receptaculum, oppidum Quadra, quod modico & invalido obtentum praesidio, nullo prope negotio redactum est in civium potestatem, nec tamen benigniorem, quam cetera, expertum fortunam. Quippe expectato militis impetu, cuncta in praedam rapinamque concesserunt. Compertum erat, Ticiniani Comitem secutum adversam factionem, exules commeatu ac milite iuvisse. Itur ergo in hostilem socium, signis animisque infestis, sed oppugnatione loci nequidquam facta. Oppidani, cum muros egregie defendissent, quod plerique erant eo praelio a sagittariis vulnerati, sponte deditionem, ea tamen conditione, fecerunt, ut, eiectione Comite, arcem ipsi aedificarent, perpetuum ac stabile fidei futuram pignus, qua postea valido firmata praesidio, diu BRACHIVS oppidanos habuit in fide. Non multis post diebus, *Excursio eius in fines Interamnensium.* Interamnensium fines magna atque improvisa excursionem vexasse comperio, & praedam, quantam vix unquam antea, esse coactam. Nam Interamnenses, Regem secuti, a Pontificis imperio defecerant. His diebus, duo milites, qui Perusiam transfugarum specie confugerant, quaestione tormentisque adhibitis, de prodenda urbe consilium cepisse confessi sunt. Qua nocte futurum hoc dixerant, BRACHIVM non procul ab urbe confedissee constat, & signo diu nequidquam expectato, ratum, proditionem detectam,

Descriptio
Perusiae.

etiam, ingressu atque aspectu urbis abstinere nequivisse, suburbanaque ingressum aedificia, magnam asperrimamque gessisse pugnam. Sed, quoniam res admonuit, ut de suburbanis dicerem, pauca de situ eius urbis dicenda constitui. Perusia, nisi quod Tyberim flumen ad orientem relinquit, media inter Hetruriae atque Umbriae fines, editissimis in collibus proiecta vaste magis, quam sita, est. Urbis ambitus paulo eminentior, & veluti cellam in arcem exurgens, vetustissimo & quadratis lapidibus erecto cingitur muro. Ad eius muri radices, quinque in longitudinem porrecta suburbia exoriuntur: tria paulo longiora, recto planoque iacent tractu: duo sub ipsum urbis caput, ad Occidentem & Septentrionem paulum recurve excurrentia: tertium in meridiem vergens, pari longitudine, in urbis veluti caudam extenditur: reliqua duo, angustiora contractioraque ceteris, per collium pendentia iuga descendunt. Universa deinde perpetuus ac latior concludit murus. Igitur urbs in medio atque in edito sita, prospectus habet omnem in partem late pulcherrimos, &, nisi quod altitudine praestat, suburbia veluti stella, minores maioresve radios, circumfundit. Tria, quae diximus, ut planiora porrectioraque reliquis, ita maiora celebratoraque sunt, angustioraque reliqua contractioraque magis, veluti minores radii ab urbis gremio recesserunt. Quinque
sub-

suburbiiis quinque magnifice erectae portae, totidemque extra portas opera structissimi fontes adspiciuntur. Urbem leni clivo pendentes excipiunt colles, hinc vineta olivetaque dorsis late confita, cum ipsis collibus delabuntur: mirā omnium rerum fertilitas, nec minor facies atque amoenitas. Haec omnia paulatim ad Orientem & Meridiem in amoenissimam desinunt planitiem. Eam quoque Tyberis fluvius mediam praeterlabitur, qui alveo lato magis, quam alto, perpetuis ad Chiasium usque transit vadis, inde maiores incipiens moliri undas, altioreque fluens gurgite, rara praestat & profunda vada. Nihil hac ipsa Tyberis ora felicius, nihil proximis a planitie surgentibus clivis laetius. Qua enim parte Perusia ad Meridiem spectat, perpetui quidem illi, sed non multum editi, stant colles. Eorum collium magna fertilitatis cum amoenitate certatio: quippe duodecim millia passuum (tantum enim se porrigunt) duodecim castris, pari intervallo distantia, recto per iuga visuntur tractu, quae in laevam lenissimo descensu, nec dissimili cultu, ad Thrasimenum Occidentem versus proferuntur, tanta soli aequabilitate, ut, colles sint, an campi, non facile dignoscas. Thrasimeni ora nulla beatior, veluti ubi multum terrae peragraveris, in maritimam plagam tepentiolem amoenioremque desinatur. Igitur, qui benignius sentiunt, agrum Perusinum totius

In quam ir-
rumpit qui-
dem Brachius
cum suis;

Italiae censent cultu & amoenitate pulcher-
rimum: qui vero patriae suae studio quid-
quam detrahunt, hoc affirmant, nullam
montanam Italiae regionem huic esse, neque
adspectu, neque ubertate, comparandam. Sed,
qua inter Septentrionem & Occidentem ver-
git, loca sunt paulo vastiora, quibus rara, &
ea ipsa aspera atque montosa, prominent ca-
stella, ut nec lignandi quidem pabulandique
copia desit. Sed iam ad BRACHIVM re-
deamus, qui, cum ad constitutum venisset
locum, magnamque partem noctis in occul-
to consedisset, ubi vigilias civium in armis
agi, & urbem, diligentius munitam, strepi-
tu nocturno resonare, surrectae caes capta-
vere, desperata proditione, vel desiderio pa-
trii soli adspiciendi, vel (quod verisimilius
est) belli cupiditate incensus, impetum in
meridionale suburbium facit, civitatis por-
tas effringit, immissoque celeriter equitatu,
ad interiorem urbis murum pugnando va-
standoque pervenit. Cives, partim qui pro-
stationibus vigilabant, partim ingenti clamo-
re excitati, undique ad arma concurrunt:
qui superiore loco pugnantes, hostium equi-
tatum summa vi repellere conabantur, tela
saxaque deicientes: mulieres quoque aliae
cinerem fervidamque aquam suggerebant,
aliae fenestris nutu, manu, voce, viros ad pu-
gnam cohortabantur. Inter haec Tartalia,
quem ad urbis atque agri defensionem su-
periore mense conductum ostenderam, cum
omni

omni equitatu delatus in hostes, tantum conatum in subiectos milites fecit, ut perturbati statim, atque extra portam repulsi, eius impetum sustinere non possent. Ubi ad portas est ventum, BRACHIO incendente militum animos, & iam manifestam sistente fugam, tum vero acerrime pugnari coeptum. Tartalianam, primo impetu, quam reliqua pugna, ferociorem, intra portas BRACHIANAE acies compulerunt: quem insecutus est statim omnis equitatus. Erat res admiratione dignissima, inter tot civium millia, nunc fugere, nunc acrius instaurare praelium, nec quemquam nisi armatum gladio hastaque ferire, etsi ingentem telorum ac lapidum vim circumfusa inermium turba in BRACHIANVM militem coniiciebat. Dum haec ab equitatu gererentur, pedites, praedae magis, quam praelio, intenti, per suburbium late excurrere coeperunt: tum vero ianuas excidere, diripere atque incendere cuncta, videbantur. Iam Tartalia, suis equitibus fatigatis, intra urbis moenia se recipiebat, cum subito ingens armatorum civium multitudo, quibus arma capiendi temporis satis fuerat, confluere undique, & in subiectas turmas facere impetum, coepit.

BRACHIVS, ubi nimis augeri hostium copias videt, veritus, ne a multitudine circumventus caperetur, signum receptui dedit, tamdiu hostibus incumbens, donec dissipati & praeda onusti pedites colligendi sui tempus habe-

Spe vero eius
expugnandae
excidit.

habere potuissent : mox quadrato agmine paulatim praelio excedendo, portas egreditur, praemisso equitatu, ne hostes praecipiti lapsu descendente[m] adorirentur, peditatum omnem obsistere prementibus iubet, qui & concitatus accurrere, & firmitus praerupto iugo consistere possent, & cum opus esset, donec in aequiorem locum equites devenissent, pro equitatu dimicarent. Atque ita, ne urgente quidem hoste, incolumem exercitum reduxit. Dum haec ad Perusiam geruntur, Ludovicus, quem Pisas venisse ostendi, & Pontifex, qui per id tempus Bononiae morabatur, Florentinum in agrum cum omnibus copiis convenerunt. Florentini quoque suum committere exercitum. BRACHIVS, a Pontifice accersitus Heturiam, cum suis & ipse copiis in Florentinorum fines pervenit, eique statim omnium copiarum summa delata est, Gallorum Italarumque consensu. Tanto coacto exercitu, primum Viterbium, mox, relictis impedimentis, Romam, ad opprimendum Regem proficiscuntur. Cum Viterbium esset perventum, BRACHIVS, statim de suo hospite percontatus, cum magnitudine aeris alieni coniectum in catenas audivisset, primum creditoribus satisfecit, mox vinculis exemptum, secum in exercitu postea habuisse traditur, & liberaliter magnificeque tractasse. Rex interea, omnibus, quaecunque bello usui erant, comparatis, certior de Pontificis adventu

Tum praeficitur maximo Gallorum Italarumque exercitui.

Singulare grae mentis specimen.

Rex occupat Ianiculum.

tu factus, per Transtyberim ad Ianiculum penetraverat, Ianiculoque occupato, praesidium firmissimum imposuerat: ipse ad arcem Hadriani, quae Pontificis fidem sequebatur, venientes hostes infesto expectabat agmine. Omnem Pontificis exercitum BRACHIVS in frequentia partiverat agmina, unicuique cohorti sua signa, suus dux praeerat: nec tamen universo exercitu, sed uno gradatim agmine, certabatur. Primo congressu duorum exercituum, Galli, qui primum cum suo Rege locum obtinebant, ante omnes praelium susceperunt. Pugnatum est aliquamdiu atrociter, Gallis pro gloria bellicae laudis in hostium ruentibus tela: Neapolitanis, qui sub Rege militabant, nobilitate atque aemulatione praeliantibus: utrique autem, quod de regno certari dicebatur, prodignitate sui Regis fortiter mori, quam turpiter fugere, malebant. Aderant praelio fortissimi Reges: illi militis, illi imperatoris officium gerere: illi infesto se adspectare lumine, & alter in alterum pertinacius magis, quam fortius tela dirigere, manu quidem dimicare, ac ferro locum sibi in acie facere, voce autem incendere militum animos, atque in suum uterque hostem irritare, adspiciebantur. Nusquam certatum est ardentius, nusquam aetate nostra tot milites praelio desiderati. Galli, pugnae diuturnitate fatigati, enses dimittere, levissimos incutere ictus, paulatimque sudore simul ac labore defi-

Gravissima inter hunc & Brachium pugna.

deficere, cernebantur. Ludovicus quoque, nimii laboris impatiens, cum deficere suos videret, terga vertit. At BRACHIVS, qui subsidiariam cohortem in parato habebat, ubi victum Gallum praelio excedere cognovit, partem copiarum urgenti obiicit Regi. Ipse cum delectissima manu modico intervallo regressus, in angustum atque inflexum penetrat vicum. Interea Neapolitanus, ne a fessis cum integris pugnaretur, recenti producto equitatu, pugnam fortissime instauraverat: & iam subsidiariae quoque cohortes inclinare, perturbarique ordines, coeperant, cum repente BRACHIVS a tergo adortus hostem, tanta in praeliantem Regem concitatione fertur, ut subito statim dissipati ordines, & milites incerti, a fronte, an a tergo, se defenderent, nihil nisi de fuga cogitantes, perturbarentur. Tum vero reliquae Pontificis acies, ubi aperta hostium latera prospexere, omnibus simul cohortibus aggrediuntur. Earum adventu hostes, cum iam dudum impetum sustinere non potuissent, fugati per Ianiculum, in alterum fluminis ripam evaserunt. Praesidia, quae Ianiculo erant relictæ, diripiuntur. Haec pugna adeo Regis attrivit animum, ut statim post conflictum munitionem pro pontibus faceret, fossam, latissime productam, vallo atque aggere praecingeret. Quae omnia, una nocte mira cum celeritate confecta, ingenti praesidio firmavit. Postridie eius diei,

diei, cum varia belli consilia agitentur, BRACHIVS, antequam Rex novas acciret copias, tentandam eius munitionis expugnationem censuit: eam si perumperent, facile, Tyberi amne traiecto, Regem reliqua urbe posse depelli. Galli, cum superiore die parum feliciter pugnatum meminissent, quo pristinam belli gloriam vindicarent, primum sibi certamen impetravere: sed patentis belli, quam oppugnationum, peritiores, a regiis militibus multis cum vulneribus repelluntur. Hos postridie secutus Paulus Urfinus, diu atque acriter nequidquam ad hostium munimenta pugnavit. Eius milites magno impetu reiecti, & a regiis sagittariis vulnerati, recesserunt. Terti diei oppugnatione, Laurentius Cutignolanus, & Rosarii milites, collecta nullo duce manus, aggressi sunt impetu, quam unquam antea, maiore. Sed hi quoque post multa accepta vulnera aut victi, aut fatigati, praelio excefferunt. Sic Maletesta Ariminensis, qui Pontificem erat secutus, sic Sfortia, suo quisque die munitionem frustra oppugnaverunt. Nam & Rex ipse primo pontis aditu obsistebat, &, praeter incredibilem multitudinem sagittariam, machinae varii generis intendebantur. Sexta iam aderat dies, cum reliqui duces nihil profecissent. BRACHIVS, ad quem ultima vel gloriae, vel periculi, restabant discrimina, praeter ceteros bellicarum rerum apparatus, magnam vim aggerum totam noctem

Oppugnatur
laniculum.

**Cohortatur
Brachius suos
ad fortiter
pugnandum.**

etiam comportari iubet. Prima deinde luce, vocatos ad se milites, nunc magnum illis datam ostendit occasionem, qua totius Italiae milites gloria superarent, meminissent pristinae virtutis, non dubitare, quin primo, aut ad summum altero impetu, intra hostium munitionem irrumperent, atque intra vallum profilirent: Gallos incitiam & infuetudine belli esse reiectos, ceteros duces nimis temere atque incaute suum militem hostium telis obiecisse, atque ideo & ipsos esse superatos. Se vero levi expedita manu fossam aggere completurum, lectissimosque milites, & armis munitissimos, contra hostes immissurum. Non diffidere, si militum virtuti, si modo ipsi ducis prudentiae, confidant: proinde eant in praelium bono felicique auspicio: hunc illum illuxisse diem, in quo si acri fuerint animo, flos atque robur totius Italiae reputentur. Ex brevi periculo perpetuam gloriam parari oportere. Nec segnius hostes, quae superioribus diebus excussa erant, propugnacula mira cum celeritate refecerant. Putabant enim, quoniam continuis superioribus praeliis nihil hostes profecissent, maximum atque ultimum conatum esse facturos. Vallum altissime muniabant, turres & tabulata erexerant, atque haec omnia solida compleverant terra: saxa, tela, calcem, cinerem, in turres & tabulata convexerant. Tormenta praeterea, & omnium generum machinae a fronte oppositae
mi-

minabantur. Hac re animadversa, BRACHIVS, veritus, ne temeritas in periculum verteretur, militem tam diu continuit, donec duae lignae turres impositae atque enixae rotis conficerentur, opportunissimum factu ratus, si pari loco, nec alter altero superior, dimicarent. Turribus confectis, & omnibus rebus atque armamentis importatis, graviter armatis militibus, praelium capere, & in munitionem facere impetum, iubet. Hostes, superiore loco pugnantes, ingentia saxa praecipitabant, tormentis quoque a fronte directis plerique traiciebantur. Virtus militum, quod iniquo loco praelium committeret, in irritum recidebat. Ducis tamen hortatu ^{Ianiculumque capit.} non prius ab oppugnatione desistere, quam propugnacula quadam ex parte labefactata deicerent. Tum vero, dato signo, qui rotas agebant in munitionem, quanto maximo fieri potuit, clamore atque impetu confertas militibus turres admovent. Hostes, nihil tale cogitantes, quod lapidibus se certaturos existimaverant, eamque ob rem paucas convexerant hastas & tormenta, ad inferiora feriebant, telis atque hastis confodiebantur. Iam ipsis excussi propugnaculis, vix intra vallum se continebant. Tum BRACHIVS leviter armatis militibus imperat, ut fossam mediam inter duas acies compleant aggeribus, atque intra munitionem irrumpant. Brevis fossa aequata solo, BRACHIANI milites in pontem summa vi profiliunt. Rex ipse

**Insecuta Regis
fuga.**

**Quem perfe-
quitur Bra-
chius.**

ipse inter primos pugnabat, sed pontis angustiae, quo minus toto exercitu decerneret, fuere impedimento: vix enim centum aut ad summum ducentos milites capiebant. Pulsus tandem Rex, omnibus deiectis munimentis, & ponte ab hostibus occupato, in interiorē se recepit urbem, veritusque, ne libero aditu hostes se adorirentur, proxima nocte cum omnibus copiis effugit in regnum. Ea res mirifice BRACHIVM conciliavit Pontifici, cui, vocari ad se iussu, per laetitiā dixisse fertur: eius milites brachio, ceteros pede, duce dimicare. Eam ob rem illos pede fugam moliri, suos brachio pugnam facere, consuesse. Placuit deinde, Roma capta, fugientem persequi Regem. Igitur, biduo ad quietem militibus dato, magnis itineribus in Sorianorum fines, quo fugisse Regem audiebant, cum omnibus copiis pervenerunt. Rex, ubi adventare hostem intellexit, sperans, victoria exultantem ad loci iniquitatem adduci posse, aciem ad montis radicem explicavit. BRACHIVS, mira gerendi belli solertia praeditus, cum manus cum hoste conferere, & paulatim de industria in planiciem cedere, coepisset, signum reliquo exercitui dedit, ut inter montem & planitiem ad hostium terga penetrarent. Regii milites duplici malo circumventi, veriti, ne, si terga verterent, a BRACHIO caederentur, sin acrius praelio instarent, reliquae hostium copiae a tergo invade-

vaderent. Hoc periculo perterriti, quod Domumque
propinquum habebant receptum, manifesta redire cogit.
fuga se in oppidum receperunt: paucisque
post horis, Rex, per averfam egressus por-
tam, in intimum regnum concessit. Soram,

statim expugnatam, milites diripuerunt. Ro-
mam deinde rediens, BRACHIVS cum
Pontifice egit, ut, facta sibi potestate abeun-
di, Torsianum, quod eius tenebatur praefi-
dio, petere liceret. Pontifex, ample magni-

Laus virtutis
Brachianae.

ficeque locutus, memorare coepit, quicquid
ille pro sua dignitate atque imperio gessis-
set: eius manu atque opera devictum &
profligatum Regem, recuperatam Romam,
attritum paulo ante & pene extinctum Ro-
manum imperium restitutum: quod ad se

pertineret, non inmemorem futurum tanta-
rum rerum. Bono animo esset, virtutem
ac fidem, duo mortalibus maxima bona,
aditum illi ad amplissima quaeque pateface-
re: acciperet suarum copiarum quantum
vellet, non se pecuniis, non exercitu, defu-
turum. Inter haec literae BRACHIO

redduntur, ut, quam maturissime fieri posset,
Torsianum contenderet, oppidanos, & qui
praefidio erant relictī, ad summam rei fru-
mentariae egestatem atque inopiam esse
reductos: segetem omnem ab hostibus es-
se succisam, agros undique incensos, nec por-
tas egredi audere, continuas incursiones pati.

His literis acceptis, BRACHIVS, maturan-
dum sibi quam ocyssime, constituit, ne ho-

Huius reditus
Torsianum.

stes munito & finitimo oppido, quod vi capere non possent, fame atque inopia potirentur. Igitur altero die continuis diuturnis nocturnisque itineribus Torsianum pervenit. Quod ubi Perusiae est nuntiatum, perinde quasi inermem hostem essent invasuri, ad arma concurritur. Ciccholinus & Tartalia, qui Perusinatorum copiis praeerant, omnem peditatum equitatumque in expeditionem eduxerunt: hos quinque millia armatorum civium, nullo habito delectu, sed utcumque libido incesserat, secuta traduntur, qui tanta multitudine aut statim profligare BRACHIVM, aut intra oppidum obsidere, statuebant. BRACHIVS, ubi eorum adventum cognovit, simul de numero hostium certior factus, simulato de industria metu, exercitum intra moenia reduxit, ubi parata atque instructa acie frequens agmen componit, & quem primum, quem ultimum, egredi velit, ostendit. Cohortibus per hunc modum ordinatis, primum viginti equites, qui praedium caperent, extra portas emittit. Quos cum adorti hostes circumvenire conarentur, centum statim deinde hastatis, subsidio suis ut eant, imperat: qui uno veluti globo collecti strictique in confertissimos hostes incurrerunt. At Perusinatorum, tanquam de laude & gloria, non de salute & victoria, certaretur, universa agmina in paucos undique temere corruunt. BRACHIANI, dum acerrime se defenderent, hostium ordines diffi-

Praedium inter Brachianos & Perusinos.

dissiparunt, qui, paululum secedendo, partim sese capere permittebant, partim veluti desperato auxilio simulata trepidatione in diversa fugiebant. Iam hostes, insequendo & capiendo sparsim fuisseque, sine modo, sine ordine ferebantur. Tum vero BRACHIVS, *Horum clades*
 signo erumpendi dato, universa acie per duas *atque fuga.*
 oppidi partes educta, infestis in hostem telis impetum facit, tanto quidem conatu, ut non oculos illi aut vultum intueri, nedum impetum sustinere, potuerint. Fusi fugatique alii, ex altissima Tyberis ripa se deiicientes, ad alteram fluminis oram evadebant: alii in propinqua se recipiebant oppida: nonnulli, dum fugere, armis impediti, non possent, passim ab hostium exercitu capiebantur. Capti sunt equites sexcenti, desiderati * nulli referuntur. Civium, qui arma ferre potuerunt, ingens capta multitudo, qui in vincula coniecti, multis millibus nummum, quibus stipendium militibus datum, se redemerunt. Hac calamitate mirum in modum attriti sunt Perusinorum animi. Per hos dies, Paulus Urfinus & Sfortia, de quibus supra feci mentionem, superiore Romano bello societate facta, ad BRACHIVM venerunt. Coniunctis castris, exercituque lustrato, inventa sunt equitum circiter quatuor millia, perditum numerum perexiguum fuisse, compario. Tantis unum in locum coactis copiis, BRACHIVS, ne tempus otio tereret, Nonis Augusti, Torsiano, ingenti relicto

* mille.

Capitur dein-
ceps Pons Pa-
tulus,

praesidio, exercitum movit. Ea die amplius, quam duo millia passuum, progressus, inter Tyberim & Bucarellum, nunc dirutum oppidum, posuit castra. Postero deinde die, prima statim luce signo expeditionis dato, per ripam Tyberis, itinere celeriter facto, ad Pontem Patulum contendit. Oppidum ad Occidentem flumine abluitur Tyberi, qua vero in campos liberos ad Orientem exit, latissimo cinctum muro, fossa etiam valloque munitur. Multis aliis de causis eo potiri oppido. BRACHIVS cupiebat, maxime tamen omnium, quod pontis aditum ad traiiciendum flumen necessarium cognoscebat. Ubi ad locum pervenit, oppidanis improvisis, concitatissimo impetu pluribus simul admotis scalis, (quae consuetudine sua a leviter armatis militibus ferebantur,) oppidum cepit, eademque celeritate, traiecto statim ponte, in superiora & monticulis posita castralla percurrit. Pluribus direptis atque incensis villis, & praeda, quanta nunquam antea, abacta, illo ipso impetu & celeritate, ad civitatis portas se ostendit. Hac de re tantus civium animos invasit pavor, ut cum superiore calamitate, tum hac subita incurfione, perterriti, nemo arma capere, aut urbem exire, ausus sit. Quarta die post captum Pontem, inferiorem agrum, qua Tyberis interfluebat, cum leviter armatis militibus depopulatus, Praetulam, quae in fluminis ripa sita est, direptam milites incenderunt.

Praetula,

Plu-

Plures eo die molae frumentariae effractae atque disiectae. Ceterum, quod cives pecora atque armenta subduxerant, parum praedae est actum. Villae atque aedificia passim igni ferroque vastata. Paucis post diebus, ad superiorem fluminis oram castris permotis, multa castella sua sponte venire in potestatem. Petramelina, magnum & munitum oppidum, ut expugnata atque direpta est, Paulus Urfinus, cum proximum quoddam castellum oppugnaretur, telo per alterum oculum traiecto, confoditur. Ea de re statim est ab oppugnatione cessatum. His rebus in Perusino gestis, BRACHIVS, Hinc contendit Brachius in Tudertinum. ad Pontem & reliqua castella duabus cohortibus praesidio relictis, quo liberius copia frumenti & commeatus suppeditari posset, in Tudertinum concessit, commodiorem eum arbitratus excurrendi ac praedandi futurum locum. Nam Perusini, qua parte Tyberis praeterlabitur, pecora intra moenia & munitissima quaeque proximaque urbi castella compulerant. Postridie quam in Tudertinum est accessum, Perusinum agrum ex adverso latere cepit excurrere, sed, qua parte Perusia ad Derutam pertinet, Tyberis, confluyente Chiafio atque undas intermiscente, minus frequentia habet vada. Trans-euntibus iter est per pontem, quem novum appellant, nunc quidem totum pene collapsum pontem, tunc vero etiam hominibus habitatum, & arce munitum, oppidum.

Ibique expu-
gnat Pontem.

Montis vero
occupandae
spe excidit.

BRACHIVS, traiecto per superiora vada flumine, Pontem ex utroque latere oppugnare aggressus, duabus continuis horis praelio consumptis, expugnavit. Hac re mirum in modum elati sunt militum animi, quod videbant, etiam si pluvis crevisset flumen, libere iam in hostium fines excursuros. Nec multis post diebus agro undique vastato, BRACHIVS ad lacum Thrasimenum cum duobus millibus equitum profiscitur. Causa fuit spes potiundi Montis, situ & natura muniti loci. Oppidum est in Thrasimeni littore positum, a quo tribus fere lateribus abluitur, reliquo latere lato & eminenti cingitur muro, tum crebrae per eius moenia erectae turres, mediam adpiciunt & tuentur arcem, undique foris eminentia alte assurgunt propugnacula. Quidam ex oppidanis factiosi homines, & ipsi, dum res optimatum stetit, domi potentes, prodendi oppidi consilio habito, BRACHIVM in suos fines vocaverunt. Thrasimeneus, duabus pulcherrimis & cultissimis interiectis insulis, tertia deserta adornatur. Earum incolae, ut ceteri, qui extrema incolunt littora, multis variisque navigiis utuntur. Aliquo exorto bello, navigia omnia in insulas subducunt. Quod eo faciunt consilio, ut & ipsi succurrere finitimis queant, & si quod forte oppidum hostes capiant, navigandi ad insulas facultas eripiatur. Igitur, cognito BRACHII adventu, ingens acco-
larum

larum multitudo ad oppidum Montem laeu terraque confluit. Quocirca, qui oppidum statuerant prodere, perterriti multitudine, signum non dedere. BRACHIVS, cum multis horis non longe ab oppido confedisset, ubi rem minime procedere intellexit, omni vastato agro, re infecta reduxit exercitum. Nec multum procul inde Castilionum & Monticellum, duo exigua oppida, modico impetu expugnata, diripiuntur. Praefidio relictis ducenti pedites, qui finitimum agrum vexarent. Aliquot post diebus ex omni parte infestaturus hostem, oppidum Casilinum oppugnare aggressus, iam vallum atque pontem transfilerat, iam undique scalis muro admotis, milites hostium compleverant moenia, cum ex adverso excussa bombarda Gulielmum Mecham altero crure corripuit. Casu tanti viri non tam ab oppugnatione destitit milites, quam manifestam dimisere victoriam. Ille, exceptus a suis, pridie Calendas Septembres moritur, vir manu strenuus, & suo duci fide atque consilio inprimis carus. Huius mortem BRACHIVM molestissime tulisse ferunt. Nam, citra dignitatem & magnitudinem animi, temperare lachryinis nequivisse, & magnificentius, quam opus esset, iussisse sepeliri, mortuum etiam, in curis pro concione laudatum, non minus sibi, quam omnibus militibus, excussisse lachrymarum: multisque diebus incessisse squalidum,

Interes tamen
Castilionum
& Monticellum capit.

Casilinum
quidem oppugnat.

Sed casu Gulielmi Mechae
re infecta inde recedit.

Perusinarum
apparatus bel-
licus.

& illum in coena, illum in sermone, appellare auditum. Sed, ubi videt dolorem atque incommodum nihil aliud, quam incommodum, adiacere, accusata hominum fragilitate, & instabilitate fortunae, animum ad bellum convertit. Interea Perusini, tanta belli mole oppressi, proximis castellis partim expugnatis ac direptis, partim, vastato incendioque agro, bellum sustinere nequeuntibus, ultimum conatum ad excutiendum hostem facere decreverunt. Plurimis ad conducendum per omnem Italiam exercitum cum pecunia dimissis, domi ingentes apparatus, machinas, arma, tela, faciebant. Castella, quae nondum in hostium venissent potestatem omnia, praesidio, & frumento muniebant: quae defendi moenium imbecillitate non possent, ipsi incendebant. Agri finitimi, hostibus ne pabula suppeditare possent, ferro atque igni vastabantur. Denique, quacunque hostes aditum sibi armis facturi, quacunque agrum depopulaturi viderentur, quae in urbem subduci non poterant, omnia corrumpebant: saevire in se ipsos crederes, cum universum populum, pari consensu, suam quemque praeda exurere, incendere, aedificia demoliri, villas casasque, videres. BRACCAVS per vastatum & exinanitum agrum iter sibi ad interiora proximaque urbi armis facere, pecoris, quod fuerat reliquum, in praedam agere. Iam Perusinae magnae copiae convenerant, ut obsistere ho-

hosti, & bellum non modo propulsare, sed etiam inferre, posse viderentur. Albericus Babianus, sub quo BRACHIVS aliquot ante annos militaverat, equitum duxerat duo millia & quingentos, Comes Carrariae quingentos, Ciccholinus sexcentos. Tantis coactis copiis, coniunctoque trium ducum exercitu, milites, qui in hybernis passim per arva morabantur, plerique Fractulae ad BRACHIVM convenere. Hostes, ne frustra tantum exercitum coegisse viderentur, simul ne paulatim copiae deficerent, Fractulam obsidere statuerunt. Itaque, eo traducto exercitu, non procul ab oppido stationes & castra muniebant. At BRACHIVS, veritus, ne, si hostes munimenta perficerent, prohiberi commeatibus, & cum vellet, exitu intercludi posset, repente capere arma milites iubet, ordinibusque intra moenia dispositis, quadrato agmine, & veluti uno globo confertis, sibi que instantibus, cohortibus, aliquot leviter armatos, qui fugam simulant, ex inferiore porta dimittit, ordinesque quam longissimo, veluti copiae omnes ex oppido demigrarent. Hostes, qui superiorem occupaverant locum, dimissis munimentis, in fugientem militem dissipantur. Ille, ad inferiora de industria tendens, spem capiendi sui faciebat. Haec cum essent BRACHIO cognita, per superiorem portam educto agmine, vacua praefidio ac prope derelicta hostium castra nullo cepit negotio: du-

Fractula ob-
sidentur.

cea

Statim vero
a Brachio li-
beratur.

Pugna cum
Querqueten-
sibus.

ces deinde persecutus, quod in editum eva-
ferant locum, profligare non potuit. Illi,
soluta obsidione, omnibusque amissis impe-
dimentis, in proxima se castella receperunt.
Postridie, reliquis copiis, quae superiori prae-
lio non interfuerant, ex hybernis deductis,
BRACHIVS in hostium fines contendit,
sperans, duces ipsos, multitudine fretos,
praebita facultate pugnandi, ad praelium
esse venturos: tum, quo magis hostium ir-
ritaret animos, per ipsas oppidorum portas
transitum faciebat, occurrente nemine. Mar-
sianum eodem die profectus, quod de pro-
dendo agebatur, non procul a moenibus in
ripa fluminis confedit. Sed, signo diu ne-
quidquam expectato, ratus, rem detectam,
per Collinam, frequentibus castellis cultissi-
mam regionem, Querquetum pervenit. Ma-
gna hic hostium convenerat manus ad op-
pidum defendendum, & praeter innumeros
pedites, & eos, qui confluxerant, Comes Car-
rariae cum aliquot cohortibus delectorum
equitumque eius loci praesidio erat impositus.
BRACHIVS quadrato agmine ante oppi-
di portas transitum fecit. Ille, parata atque
instructa acie, eduxit quidem extra portam
exercitum, sed pugnam magnifice detre-
ctans, suos munito & sublimi loco, nec mul-
tum procul a moenibus, continebat. BRA-
CHIVS, ubi videt, metu laborare hostem,
levis armaturae milites geminas dimittit in
partes: alteros, ut in oppidanorum oculis sub-

subiectum depopularentur agrum, alteros, ut intra hostium frequentem aciem tela coniicerent. Ipse cum delectis equitibus, denso & glomerato agmine paratus subsidio, intentis hastis expectabat. Tum Comes, metu dissimulato, signum dat extra munimenta profiliendi, ratus, id quod erat futurum, BRACHIANVM militem, dimissa populatione, ad praelium recursum. Interea oppidanos, qui in agros pabulum lignatumque exierant, colligendi sui facultatem habituros. Hic, praelio a paucis leviter commisso, BRACHIVS, paulatim loco cedens, patentes in campos eliciebat hostem; qui, quamquam suorum confidebat virtuti, non tamen iniquo loco pugnam committendam putabat. Ubi in campos est ventum, aciem, paulo ante, ne hosti terrori esset, confertam, quantum opus visum est, explicavit, atque, magno facto in hostem impetu, ordinibusque late perturbatis, mira celeritate convertit in fugam. Capti praeter agrestes, quos laevis armaturae milites interceptant, equites octoginta, ceteri, quod proximum erat, in oppidum refugerunt. Hac celeritate non intermissa, BRACHIVS per proxima quaeque castella excurrans, ad urbis usque portas progressus, praeda, quanta nunquam antea, coacta, Fractulam exercitum reduxit. Haec uno die, uno cursu, gesta sunt omnia, ut, si iter, si praelia, si intervalla, consideres, ultra humanam vim putes, mil-

Maxima praeda coacta.

Montonum
vult per pro-
ditionem ca-
pere,

millia passuum circiter quadraginta decursa, Mariani confessum in insidiis, Querqueti cum victoria pugnatum, ventum ad portam urbis, praedam maiorem, quam superioribus bellis, peractam, exercitum cum praeda reductum. Haec omnia uno die geri potuisse, vix ipse credo, qui scribo, etsi omnia certa a nobis explorataque scribuntur. His rebus in Perusino gestis, cogitare coepit, si quo pacto Montonum recuperare posset, paternum atque avitum oppidum: sed, quod erat natura atque opera egregie munitum, ut vi expugnari non posset, agere cum oppidanis coepit, qui ei plurimum afficiebantur. De tradenda arce dictum tempus, dicta dies est. Qua die proditio convenerat, in agrum Montonensem cum omnibus copiis sub occasum solis profectus, tota nocte militem in armis habuit. Fertur, paterna in sylva confedissee exercitum, sed, militibus ignes nimium late facientibus, reliqui oppidani, cognito hostis adventu, vigilias duplicavere: custodes arcis plerique mutati: excubiae circum moenia tota nocte in armis habitae. Re per hunc modum patefacta, milites sylvam omnem, & pastoria quaedam tuguria, latissimo incendio vastavere. Quos cum BRACHIVS per iocum increparet, quod in se bellum convertissent, paterno vastato praedio; respondisse nonnullos ferunt: immo vero tu tibi inferebas bellum, cum tuis hostibus belli alimenta praeberes. Omni-

Omnibus deinde populatis finitimis locis, ^{Proditione vero detecta, totam regionem vastat.} ad ripam fluminis Tyberis castra promoveri, nec procul ab oppido Fracta, quod Perusinorum praesidio tenebatur, agere praedam, coeperunt. Oppidani, nihil hostile metuentes, in agros pecora deduxerant, passimque toto agro suis intenti studiis aratores adspiciebantur. Ingens pecorum atque agrestium captus numerus. Ciccholinum, qui Fractae praesidii causa morabatur, milites ad pugnam concitavere: sed primo impetu repulsus, aliquot amissis equis, in editum & oppido finitimum collem effusissima fuga se recepit. BRACHIVS, omni fluminis ora vexata, ad Pontem Patulum exercitum perduxit. Inter haec Ciccholinus, ex proximis castellis accito milite, Perusiam primum, deinde, ut hostem anteverteret, Brufam, contendit, iniquo loco hostem invasurus, hostem, sperans, inter fluminis montiumque angustias, aut oppressurum transeuntem exercitum, aut, si id non posset, praedam erepturum, aut, si ne id quidem daretur, incurfionibus atque reliqui agri vastatione prohibiturum. Nec BRACHIO quidem consilium defuit. Composito enim procedens agmine, praedam omnem in medio collocaverat: tum, ubi ad angustias est ventum, leviter armatos milites ad occupandum supremum montis iugum praemittit. Qua re cognita, hostes, veriti ne de superiore loco invaderentur, non solum absti-

abstinuere praelio, sed etiam loco excedentes, liberum iter militibus reliquerunt. Sed angustias celeriter praetergressi, proximisque Brusae collibus occupatis, superiores a latere praedam atque hostem insequabantur, tam modico intervallo, ut duorum agminum sese ad praelium irritantem verba exaudirentur, telaque utrinque conicerentur. Quae res BRACHIANVM militem, ne latius praedari posset, in ordine continuit, hoste nec facultatem pugnandi, nec excur-

Omniq[ue] exercitu incolumi, ingenti praeda coacta, Fractulam reuertitur.

rendi potestatem, faciente. BRACHIVS, continuo itinere per medium hostilem agrum facto, ad oppidum Fractulam cum exercitu incolumi revertitur. Illic laudatis pro concione militibus praedam distribuit: continuos deinde complures dies excursionibus factis, locupletatum assidua praeda militem ad sua quemque hyberna dimisit. Perusini, ex omnibus partibus infestante hoste, iam non solum ad bellum acrius sentire, sed manifesta premi obsidione, videbantur: quippe superiorem agrum, vergentem ad Septentrionem, asperum & montosum, qui ad Pontem Patulum praesidio erant relict[us], late * pabulabantur, inferiorem, qui Torsiano praeerant, quique Fractulae, diripiebant. Qua vero pertinet ad Occidentem solem, Castilionum & Monticellum, superioribus diebus expugnata, finitimos durissime lacebabant. Parva quidem illa oppida, sed libero patentia tractu, & pedi-

* pabulabantur.

ditum praesidio egregie munita. Cum igitur tantis undique excursionum quasi stimulis vexarentur, non portas egredi, non suburbanos agros visere audebant: omnia pavore atque metu haesitantia. Urbs magna, munita, populosa, semper noctu, nonnunquam interdiu, portas claudere, totas noctes vigiliae in armis fieri, plerumque incerti tumultus citari, concurrere undique in forum cum armis. Urgebat praeterea inimica plebi fames, quam exusti agri, succisa frumenta, maiorem in dies acerbioresque promittebant, & quo minus aderat spei, hoc plus formidinis invadebat: murmura erant varia Reipublicae miseriam deplorantium, cives inter se diversa sentire, principes qui erant civitatis, reliquo populo non satisfacere, ipsi frumentum abunde esse, ceteros, quorum maior esset numerus, egere, aut carnis sanguine constare: a paucis de industria trahi bellum, qui pacem possent vel pecunia, vel aliqua pacis conditione, redimere. Conductum exercitum magis augere famem, quam agrum defendere, quas non villas incensas, quae castella, quos agros non ab hostibus esse direptos dicere. Duces omnes esse superatos, seque in oppidis timidius, quam ipsos oppidanos, continere, eosque ipsos rapinis intolerabiliore, quam hostes, esse. Illos aperte gerere bellum, ut caveri posset, hos, quo nihil esset remedii, clam furtis latrocinisque vexare, & se magis, quam hostes, la-

Perusinarum
terror atque
querelae.

Turbæ Ca-
mertinae.

cessere, tum non modo pecunias publici aerarii, sed sanguinem populi, stipendiis exhaustum esse. Haec palam publiceque iactabantur, & prope erat, ut, nisi alia res avertisset hostem, seditio in civitate fieret. Per id tempus Camertes, quibus Berardus imperabat, cum varia inter se agitentur consilia, magnam domino seditionis suae suspicionem iniecerant. Nam illi quoque factionibus acerrime laborabant, quorum plerique, vel quod servire domino non poterant, vel quod aliis imperare cupiebant, eiiciendi Berardi consilium cepisse dicebantur. Quam suspicionem augebant permulta: iussi venire ad curiam non parebant: noctu per forum armati atque inermes, ut cuique erat libido, grassabantur. Nocturnos coetus, turbulentas conciones facere, denique omnia insolenter superbeque agitare, domini autoritas contemtu habebatur. Veritus igitur Berardus, ne qua tumultuosior orta seditio, imperium ac civitatem, & fortasse vitam, eriperet, BRACHIVM accivit veteri familiaritate officioque devinctum, ut est devinctus, qui non referre magis, quam accumulare, debet beneficium, quem BRACHIVS a Ludovico Firmano, quem a Martino Faventino, quem a Fabrianensibus paulo ante defenderat. Cum omnibus igitur copiis profectus in Camertes, ut, si gratia sedare non posset seditionem, autores vi civi-

vita-

vitate depelleret: urbem placide amiceque
 ingressus est, ac postridie primum singulos
 allocutus, deinde universos vocatos in con-
 cionem, paucis benigne modiceque castiga-
 vit. Cuius mihi digna visa est Oratio, quam
 eius gestis infererem. Equidem, inquit, vi-
 ri Camertes, non tam Berardi gratia, quam
 periculo permotus vestro, huc veni. Nam
 illi saepe alias prodesse poteram, vobis, si
 nunc defuissem, amplius non poteram. Im-
 perium, ubi est amissum, recuperari potest
 aliquando. Ubi civium animos intestinae
 caedes invasere, perpetuum est malum. Nec
 facile sedatur odium, quod per vim atque
 iniuriam hominum animos inflammavit:
 illud in filiorum, illud in nepotum penetrat
 mentes, nec ulla potest extingui vetustate,
 ubi semel gladii vis incubuit: nequidquam
 obsistas verbis, aut moriendum est tibi, aut,
 quod aequè miserum est, civium tuorum
 clade vincendum. Utrumque sane calamito-
 sum & miserabile. Nam pelli civitate, spo-
 liari vita, fortunis, liberis, quid hoc tandem
 potest esse miserius? Cives autem tuos ferro
 interimere, quid hoc magis calamitosum
 atque nefarium? Praetereo amicos, affines,
 propinquos, quos, ubi offenderis, metuas, ne-
 cesse est: nec tui erat arbitrii, quos potissi-
 mum offendas, diversam factionem secutu-
 ro. Et parentes a liberis civili bello saepe
 dissentiunt. Atque ideo civile diffidium ce-
 tera bella immanitate vincit, quod non bar-

Oratio Brachii
 ad Camertes.

bati, non incogniti aut alieni virtute atque robore, sed tui propinqui, sed, quod nescio an arctius est vinculum, cives tui erunt offendendi scelere atque iniuria. Praetereo illorum ipsorum umbras, quos occideritis, quae continue versari vobis ante oculos, & magnas in vos concitare furias videbuntur. Quid dicam ultorem Deum, qui cogitato, nedum perfecto, scelere, poenas petit. Ille vobis unas aedes, una templa, una sepulchra esse voluit, vos vestros cives suis in domibus quiescere non sinetis? Ruitis in factiones, perpetuum & perniciosum, etiam validis urbibus, malum. Quid agitis, Camertes? vestramne vultis exinanire civitatem? an, quoniam vestrum non capitis, alieno populo moenia complere statuistis? an & hoc quoque non cernitis, graviora esse arboribus aliena poma, quam sua? si, qui eodem coelo nati, iisdem orti progenitoribus, iisdem moribus instructi sunt, ferre non potestis, quo pacto feretis incognitos? Quid existimatis, si factiones & civilia excitaveritis bella, num putatis liberos vestros, num etiam nepotes esse quieturos? Saepe in matris utero latuit, qui paternas iniurias persecutus est. Nunc etiam, cum haec agitis, in matrum visceribus ad inimicitias simultatesque vestras arriantur. Sugitur enim atque ebitur cum ipso lacte civile odium &, ubi semel est degustatum, sanguine atque caedibus satiari nunquam potest. Turpe est, praedia

dia quidem liberis vestris thesaurosque relinquere, quos amittere illi varia fortuna possint: odia autem & inimicitias, quae deponi non possint, vacuos non relinquere. Ponite vobis ante oculos civilis belli incommoda, caedes civium, eiectiones liberorum, domorum incendia, spoliationes agrorum, opum fortunarumque direptiones, nocturnos diurnosque tumultus: tot metus, tot pericula, tantas & tam continuas clades, euncta libidine, nulla legibus moderanda. Haec etiam ei possunt displicere, qui fecerit, & tamen in incerto est, cui belli fortuna arriserit, quae, etiam si secundam se ostendat, non poterit esse diuturna: veluti concussa domus, cuius altera pars prior labefactata concidit, altera diutius constare non potest: nisi quod altius cadunt urbes, quam domus. Maiores mei civitate fuere eiectione, & me quoque eadem fortuna vexavit, quid facere putatis illos ipsos, quorum nos maiores eiecerunt? Non somnum, non quietem capere possunt, accusant parentes atque avos suos, qui ad haec se discrimina periculaque genuerunt: & quae ipsi non conceperunt, odia atque inimicitias, ea nunc alere inviti exercereque coguntur: qui si etiam dormirent, si quiescerent, si nihil timerent periculi, humanius tamen putarent, nos domi esse, quam foris. Sed quid haec commemoro? Ego multos annos continuum bellum gero, ut cives mei domi esse possint: vos vestros

sua, & vos ipsos vestra tentatis eiicere. Non haec agimus, dicetis. Ego quoque scio, vos ista non agere. Habent enim summa mala, levia atque infirma, nonnunquam etiam honesta principia: & parvae radices in magnas arbores paulatim excreverunt. Nondum eo ventum est, at serpit occulte hoc malum, & ubi semel mentem invasit, recidi nullo modo potest: profert sese latius, & cuncta civitatis viscera pervagatur. Nunc enitendum est vobis extirpare nondum corroboratam pestem, nequidquam paulo post, ubi omnium animos occupaverit, extirpaturi. Nam quid per Deum immortalem vobis habetis, quid quaeritis, nisi vestra vos nimia bona corrumpant? Civitatem habetis inprimis opulentam, dominum iustum, clementem, magnificum, liberalem. Quid ab illo concupistis unquam, quod non statim impetraveritis? Sed haec omnia perinde sunt, ut quisque utitur. Nam, ubi neque tuis rebus contentus sis, neque ei pareas, cui leges parere te iubeant, quid tandem remedium erit, Camertes? Copia in fastidium vobis, liberalitas in contemptum versa est, nec iustitiam in vobis pati vultis, nec eadem in aliis carere potestis. Omnium malorum origo vestra simultas est, quam nisi hodie deposueritis, vereor, ne mihi quoque dolendum sit, qui iam pridem afficior vobis. Superiore bello, quod cum Ariminensium Duce gessistis, quod opem ferre potui, nihil equi-

quidem cessavi: implorantibus vobis auxilium, domestico intermisso bello, cum omni exercitu praesto fui: hostem vestrum aut vici, aut fugavi. Satis mihi tunc quieti esse videmini: otio corruptis, & in factionem euntibus, vereor, ne opem ferre non possim: veluti intemperanti aegro nulla possunt medicamenta conferre. Qua enim in urbe civium studia voluntatesque dissentiunt, eam nulla arma, nulla moenia, tuebuntur. Dicerem, hoc mihi satis futurum solatii, quod, quoties de calamitate vestra cogitarem, toties huc me venisse, praemonuisse, futura haec vobis dixisse, recorderer. Magnum etiam in parente, nedum in amico, solatium. Sed propensior est animus meus in civitatem vestram, quam ab hostium prope manibus eripui, eam a domesticis factionibus defendere, utinam sic possim, ut cupio. Cum vestra moenia, cum vos ipsos intuerer, videbam, nonnulla beneficii mei extare vestigia: cum vero, muliercularum more de domestica venustate contendere vos, audirem, interponendam putavi & gratiam, & auctoritatem meam, ne priora beneficia vestra internecone delerentur. Si quid unquam egi pro vobis fortiter, viri Camertes, si hostem vestrum iam vobis ad portas imminentem a cervicibus vestris repuli, si, quae illi oppida expugnaverant, ea ego in fidem vestram potestatemque revocavi, oro vos, obtestorque, ut ista odia, similtates, diffidia, si non

Horum Re-
sponſio.

ſaluti veſtrae; meae ſaltem gratiae; condone-
tis: ut, quos ego ab hoſtili ſervitute liberavi,
gloriarī poſſim a domeſtica caede inteſtino-
que diſſidio defendiſſe. Haec cum dixiſſet,
ingens populi ſecutus eſt clamor, illum ami-
cum, illum dominum, illum civitatis paren-
tem eſſe: ſe vero indignos eſſe, quos ipſe
cum olim bello, tum nunc etiam in pace
ſervaviſſet. Iam eo ſuperbiae ventum a pau-
cis, ut nullum fui modum rationemque ha-
berent, & domino aequari velle, quos mul-
ti civium dignitate anteirent: ceterum da-
ret veniam omnibus, ſperare nunquam poſt-
hac in eam dementiam redituros: compo-
neret rem, dominum civibus, cives domino
reconciliaret: ſperare, hunc diem civitati
populoque Camerti felicem fauſtumque fu-
turum. Multis admixtae verbis lachrymae
profluebant. BRACHIUS, utendum oc-
caſione ratus, dum civium animi recenti
perſuaſione tenerentur, totum triduum com-
moratus, omnes privatas publicasque con-
tentiones ſuſtulit. Erat in BRACHIO non
ſicta & ſimulata calliditas orationis, ſed gra-
vis nudaque in dicendo ſuavitas: non arte,
ſed natura, non nihil etiam induſtria, com-
parata. Nemo iratos hominum animos re-
miſſius demulcere, nemo hortari vehemen-
tius, ardentiusque excitare: in milites blan-
dus, nec tamen rigidus aut triftis in ceteros.
Admixta praeterea ingens quaedam cum bel-
lica ſeveritate civilis atque urbana modestia,
ut

ut non magis belli militiaeque versatus esse, quam domi egisse aetatem, videretur. His rebus Camerini confectis, ad oppidum Fractulam revertitur, productoque, ut erat, in aciem exercitu, novas excursions quotidie facere, hostes, qui eius discessu respirasse aliquantulum putabantur, multo acrius atque infestius, quam antea, vexare, ne unus quidem, aut ad summum alter, praeterire dies, quo non ille ad urbis sese portas cum praeda, cum exercitu, ostentaret. Cum ad Fractulam stativae haberentur, BRACHIO nuntiatum est, Gualdum, quod vocant Cataniae, opulentum ac munitum Ciccholini oppidum, seditionem fecisse. Repente igitur expeditis cohortibus, Gualdum summa cum celeritate est profectus: captoque subita atque improvisa oppugnatione oppido, equites quinquaginta, qui praesidio erant relictī, praedae militibus dati, oppidum a directione servatum. Nec multo post, Fulginsium tyranno, quatuor millibus nummum acceptis, traditum. Interea hostes, audita BRACHII profectioe, speculatores ad Fractulam misere: quod ubi nullo teneri praesidio est nuntiatum, parva & expedita manu expugnatum ire statuerunt. Ducenti equites erant, quos Perusini ad Papianum oppidum tuendum reliquerant, quorum ductor, Antonius Neapolitanus, animo, quam ingenio, vastior. Ergo pulcherrimum gesturi facinus, ad Fractulae moenia pervenerunt.

Continuae
Brachianorum
excursions.

Gualdum oc-
cupatum.

Fractula a Pe-
rusinis oppu-
gnata.

Hi vero ab
oppidanis
dissipati plu-
resque capti.

Inter quos
ipse dux An-
tonius.

Forte BRACHIVS, paulo ante Gualdo re-
versus, vix equo descenderat, cum, cognito
hostium adventu, claudi portas iussit, metum
ab oppidanis simulari. Ipse interea, expe-
ditissimo milite in cohortes distributo, agmi-
na levissimae armaturae non procul a por-
ta disponit. Hostes, rati oppidanos metu
liberare, iam scalas admoverant muris, turba-
rique a stationibus oppidanos conabantur.
Tum vero apertis portis, subitaque militum
facta magno cum impetu eruptione, hostes
ingenti terrore perculsi, per oppidi fossas
sele praecipites dare, fugere, scalas equos-
que deferere, sed a leviter armatis militibus
plerique invasi, capiuntur. Antonius cum
quingenta equitibus in proximam Tuder-
tinorum confugit arcem, sed a custode in in-
teriore turrim non receptus, inter extrema
& levi fossa tenuique muro praecincta mu-
nimenta se coniecit, robustioribus duntaxat
equis in arcem subductis. Hunc cum pau-
cis infecutus BRACHIVS, cetero exerci-
tu paulatim confluyente, totam noctem mu-
nimenta oppugnavit, pauloque ante primam
lucem, Antonius, desperata salute, hosti se
permisit. Custos arcis cum dedere, quos sub-
duxerat, equos recusaret, BRACHII iussu
emissa clam sagitta traicitur. Quo paulo
post mortuo, & turris, & equi, venire in
potestatem. Capti ea profectioe equites
quinque & sexaginta. Postero die BRA-
CHIVS, nulla quiete militibus data, Tybe-
ris

ris pontem, qua iter est ad Afisium, imposi-
tamque ponti turrim, occupavit, propius iam
infectaturus haesitantem hostem. Nec enim
amplius duobus millibus passuum, distabat ab
urbe. Quatuor deinde intermissis diebus,
duo parva castella, proxima Torsiano, in fi-
dem recepit. Marsianum armata manu
proficiscenti, oppidani portas statim ape-
ruere. Haec tanta celeritate conficiebantur,
ut hostes neque consilium capere, neque, qua
parte magis tueri se oporteret, scire possent,
adeo cuncta BRACHII celeritate praeve-
niebantur. Civitatem interea varii metus
variaeque formidines agitabant, sive propior,
sive paulo remotior esset hostis, plus sem-
per periculi incumbere, plus detrimenti ca-
pere querebantur. Itaque, publico inito
consilio, Legatos, qui significarent, quo in
statu essent eorum res, quamque in periculo
versarentur, simulque ut subsidium implo-
rarent, mittendos ad Regem decreverunt.
Acres fuere Legatorum querelae: post He-
truscum bellum, solos fuisse, quos undique
bella, rapinae, incendiisque, vexassent: finiti-
mos, quod cum Rege sensissent, infectos esse,
magnis hostium conatibus eripi imperium,
nec tam periculosum ipsis, quam Regi turpe,
esse, suam secutos fidem, suo deditos impe-
rio, non defendere. BRACHIVM non
iam agro, quem totum aut subegerat, aut
vastaverat, sed ipsis urbis moenibus immine-
re. Quod si cum finitimis de regno aut fi-
nibus

Legati Peru-
sinorum ad
Ladislaum,

Huius auxi-
lium.

Duae inter
Comitem Car-
rariae & Bra-
chium pu-
gnas.

nibus certarent, omnia fuisse passuros, po-
tuisse se urbano tueri praesidio, nunc cum
his bellum esse, adversus quos nihil magis,
quam cives, extimescerent. Nec de agro &
laude bellica, sed de vita sanguineque, dimi-
cari: nec quaeri, ut novo pareant imperio,
sed ut omnibus affecti malis, domo & civi-
tate pellantur, ut praebent iugulum, deni-
que ut perpetuo patria & vita careant. Rex,
legatione accepta, quod de inferendo iterum
Hetruscis bello consilium teneret, simul ne
deseruisse vestigales sociosque videretur,
Sfortiam, qui paulo ante sub se stipendium
facere coeperat, cum aliquot cohortibus, Pe-
rusinis auxilio mittit. Sed ante Sfortiae ad-
ventum aliquantum temporis atque belli in-
tercurrit. BRACHIVS, in ditionem ac-
cepto Marfiano, commodiorem belli locum
nactus, cuncta hosti difficiliora faciebat. Nam
fertile ac munitum oppidum, intra primos
Perusinarum fines situm, pabulationis fru-
mentationisque magnam copiam suggererat,
&, quod praeterlabente abluatur Nestore flu-
mine, late hostibus minabatur. Inter haec
Carrariae Comes, quem Querqueti praesidio
diximus impositum, ut ipse quoque egregium
aliquod moliri facinus videretur, Marfianen-
sium agrum excursurus, quo tutior procede-
ret res, magnam & bene armatam equitum
manum, ante oppidi moenia, de tertia vigi-
lia, sub ripa fluminis collocavit, sperans,
BRACHIVM, parva manu occursum prae-
dato-

datoribus venturum, caſurumque in infidias. Si, reliquis copiis late agrum depopulari iuſſis, ipſe cum paucis rei eventum expectabat, aut ſubſidio venturus ſuis, aut palantem effuſumque militem a praeda revocaturus. Igitur prima luce agreſtes, qui partim pecora agebant, partim colebant agros, cum BRACHII ſtativis tutos ſe eſſe arbitrarentur, late diſſuſi per agrum, ab hoſtibus invaduntur. Tolluntur undique ad coelum clamores. Nam, hoſtes ut terrori eſſent, oppidani ut auxilium accirent, altiffimis vocibus conclamabant. BRACHIVS, non temere proſectum hoſtem arbitratus, repente omnibus militibus arma capere iuſſis, duas cohortes ad occupandum reditum praemittit, ipſe cum ceteris copiis in palantes effuſiffime facit impetum. Qui ad ripam fluminis conſederant, BRACHIANIS cohortibus a fronte ſeſe oſtenderunt, factoque in eas incurſu, manus conſerere coeperunt. Comes, ubi conſertam aciem eſt conſpicatus, ratus, eo praelio BRACHIVM implicitum, de ſuperiore ſtatim occurrens loco, ſuorum confirmabat animos: ſed, interea cohortibus acri animo ſe defendentibus, milites, qui praedatum ierant, vim BRACHIANORVM ferre nequiverunt, diſmiſſa praeda converſique in fugam, pars capti ſunt, pars ſeſe ad Comitum receperunt. Ille, cum incolumi exercitu ſe recipere potuiſſet, quod BRACHIVM praelio aſſeſſe exiſtimabat, ſperans, capere eum poſſe,

posse, ultimum belli discrimen adeundum constituit. BRACHIVS, cognita suorum pugna, partem militum mittit ad occupandum transitum, quo pervenire duae priores cohortes non poterant, ipse cum reliqua parte copiarum suis iam fessis subsidio venit, tanto cursu & clamore, ut hostes, non expectato impetu, statim in fugam converterentur. Fugientibus praemissae cohortes occurrerunt, magnumque ex his numerum confoderunt. Comes, equi pernicitate per medium hostem praetervectus, incognitus evasit. Centum quinquaginta equites capti eo praelio referuntur, inter quos Obetium, Comitum filium, BRACHIVS magnifice donatum, postero die remisit ad patrem. Perusini, qui iam spe regii auxilii animos erexerant, confirmato exercitu, ad defendendam Derutam, simulque ad arcendum hoste exercitum miserunt, oppidum magis situ, sed tamen etiam opera, munitum. Huic proximum erat castellum, Collempepum vocant incolae, quod in monte situm BRACHIVS initio belli Perusini ceperat, praesidiumque imposuerat. Comes, in spem potiundi oppidi adductus, sperans, incognitam profectio- nem suam hosti futuram, cum omni exercitu ad Collem oppugnandum contendit: quod ubi BRACHIO per exploratores est nuntiatum, Tybri magna cum celeritate traiecto, Comitem, oppugnationi intentum, a fronte, a tergo, a latere simul adortus, gra-
vi

vi commissa pugna, profligavit. Capti equites galeati centum, duo praeterea Comitii filii, Obetius, quem superioribus diebus captum dicebamus, & Ardicio, natu grandior, quos statim cum muneribus remisit. Post hanc pugnam adeo fuere attritae Comitii copiae, ut nunquam amplius eo bello, nisi aliis adscitis ducibus, in aciem prodierint. Dum haec geruntur, Sfortia, Perusinis auxilio missus, tertio Calendas Maias in eorum fines pervenit, iunctisque cum ceteris ducibus copiis, ac hostium sprete paucitate, Marfanum obsidione cinxerunt. **BRACHIVS**, veritus, ne Marfanum a Sfortia obsesum, hostium potentia conterriti, oppidani a se se deficerent, omnibus copiis, quae in agro Tudertino hyemaverant, ex hybernis deductis, non procul ab oppido posuit castra, aut obsidione prohibiturus hostem, aut totis viribus belli discrimen aditurus. Ducibus inter se dissentientibus, alii praelium ineundum, alii solvendam obsidionem censebant. Inter haec **BRACHIVS** parata atque instructa acie, ne hosti pugnandi facultas deesset, quam aequissimo loco se ostendit. Duces & ipsi composito agmine ad ripam Tyberis recesserunt, quos ubi fugam magis, quam pugnam, ornare cognovit, quadrato agmine a tergo infecutus, paucos ex ultimis cecidit. Eodemque servato ordine, cum hostes ad alteram fluminis ripam evassissent, ipse Marfanum cum victore exercitu revertitur. Haec **Pax inter Pontificem & Ladislaum.** dum

rum fluctuationes, inter summum Pontificem & Ladislaum Regem confecta tandem pax est, haud sane multum duratura. Haec res. Perusinos aliquamdiu quietiores habuit, sublata bella sunt, sublatae offensiones, cum Perusini sub Regis essent imperio, & BRACHIVS Pontificem pacis bellicque autorem sequeretur. Nihil exulibus quidem incommodius accidere potuisset, civibus autem nihil magis in tempore atque utilius evenire. Duces victi, exercitus profligati, vastatus ager, incensae villae, oppida partim sua sponte dedita, partim vi expugnata: cives publice privatimque pecuniis exinaniti, annonae ingens caritas, ingentior fames, atque ex hoc ipso bello nata dissidia. Haec omnia invaserant civitatem, nisi subita pax intervenisset, paulo post perituram. Per id tempus Pontifex, Romae compositis rebus, Bononiam recipiendae urbis gratia proficiscitur. BRACHIVS, sequi Pontificem iussus, Fractulae ceterisque castellis, quantum satis esset praesidii, disposuit. Ad Pontem Patulum Iacobum Archipresbyterum, clarum domi ac militiae virum, praesidio reliquit, cetera oppida sub Berardi, Camertium Tyranni, tutela atque imperio iussit: ipse cum octingentis equitibus, paucisque peditibus, qui praesidiis disponendis superfuerant, Bononiam versus contendit. Ariminenses & Faventini, Camertium bello lacessiti, transitum per suos fines facere prohibitori, quingentos equi-

equites & tria peditum millia, collectam agris & insuetam bello manum, ad iter atque aditus omnes intercludendos, transeunti opposuere: iussos, si arcere aliter non possent, manu belloque decernerent. Ventum erat ad Faventinorum amnem, Caras-
 lem accolae vocant, cum ex adversa fluminis parte crebrae militum stationes secundum ripam dispositae videbantur. Post ubi paulum progressum est, pontem quoque inveniunt occupatum. Iam hostes non solum infesta direxerant tela, sed, ad impediendum pontem, ingentem vim trabium tabularumque convexerant. Hic BRACHIANI equites, novo exorto bello, indignabundi, cum impetum facere in pontem vellent, plerique confodiuntur, peditesque, temere invadentes hostem, pars, multis acceptis vulneribus, repelluntur, pars, in ipso ponte iniectis quam latissime catenis interclusi, capiuntur. Andreas Campanus, peditum centurio, cum quinque & viginti militibus ab hoste correptus. BRACHIVS, ubi videt, iniquitatem loci nihil aliud suis, quam eladem, asferre posse, milites a pugna revocavit, eosque, leviter increpatos, docet, nihil praeliantibus incommodius esse, quam iniquo loco praeliari. Nocte interveniente, ad proximas villas reduxit exercitum, militibus deinde imperat, ut noctis usi beneficio, alii, quam longissimas possent, traves roboraque succiderent, alii succisa ad superiorem flumi-

Praelium cum
Faventinis,

nis ripam comportarent : duo millia passuum procul a ponte ipse cum paucis, ne quid hostes perciperent, longo atque obliquo intervallo segressus, quasi aliud acturus, quo materiam comportaverunt milites, proficiscitur, latissimoque structo ponte, supra Canalem ex adverso extendi iubet. Mox reversus ad suos, fortissimum quemque praemitit equitem, qui, ponte occupato, totius militis adventum expectaret. Quos ubi eo pervenisse cognovit, vix prima expectata luce, signum militibus dat, per fluminis ripam incedendi. Hostes, ubi moveri copias, ac sursum tendere, viderunt, ipsi quoque per adversam ripam quadrato agmine insequabantur : et BRACHIVS, quod prior in expeditionem moverat exercitum, cum hostes vix medium confecissent iter, flumen cum omni equitatu peditatuque traiecerat : gravissimo commisso praelio, Faventini dedere terga. Haec pugna aliquanto cruentior est habita, quam quibus aetate nostra uti solent. Causam quidem fuisse ferunt militum iram, indignantium, transitu se ad alienas terras ne belli quidem tempore esse prohibitos. Ego vero, non parum causae fuisse, arbitror, inermium hostium stolidum conatum. Agrestes erant imperiti militaris rei, quos non virtus bellica, aut animi magnitudo, sed temeraria multitudinis aemulatio, domo ad bellum excivisset. Itaque passum aut inermes, aut ad summum lorcati,

cati, caedebantur, nec tamen, militis iram
 auxisse caedem, negaverim, quem tradunt
 agrestium sanguine perfusum, vix inhiben-
 te Imperatore contineri a strage potuisse.
 Cecidere pedites centum quinquaginta, tre-
 centi capti, equites caesi perpauci, capti du-
 centi referuntur. His rebus ad Faventiam
 gestis, BRACHIVS magnis itineribus Bo-
 noniam contendebat: eunti Michilectus Co-
 tignolanus pari equitatu, peditatu multo ma-
 iore, processit obviam, animo militis ducis-
 que diripiendi. BRACHIVS, veritus, ne
 miles re improvisa moveretur, paucis hor-
 tatus est, ut pristinae virtutis meminissent,
 neque hostium magnitudo terreret animos,
 quorum plerosque imperitos esse rei mili-
 taris, magnamque partem ex proximis ca-
 stellis ad se diripiendos concitatum, plus il-
 lam praedae, quam belli importaturam.
 Pugnarent acri animo, & primum quem-
 que invaderent, perrumperent magna vi in
 hostium equitatum, non dubitare, pedites
 primo statim impetu fugituros. Hostis
 quoque hortabatur suos, ingentem gloriam
 atque praedam esse paratam, BRACHIA-
 NVM militem recenti & diuturno bello
 locupletatum, praeda onustum esse, facile
 paucos, itinere defessos, a pluribus integris
 circumveniri ac vinci posse. Haec & simi-
 lia, quae utrique duci ad hortandos suos
 occurrere, dicebantur. Igitur inter Imo-
 lam & castellum Bononienae congressi, prae-
 lium collatis signis inierunt. Pugnatum est

cumque Mi-
 chilecto Coti-
 gnolano.

Bononia in
ordinem re-
ducta.

Roccha Con-
tracta a Rege
obsideretur.

aliquot continuis horis. Neque enim de controverfia ducum, sed de militum praeda, communique gloria, certabatur. Tandem, instante BRACHIO, & ardentissime excitante militem, hostes se in fugam perturbatis ordinibus converterunt. Captis dux, capti equites quadringenti, multum gloriae, nec minus praedae, victoribus attulerunt. BRACHIVS, duplici victoria praedaeque potitus, Bononiam pervenit. Eius adventu Pontifex, quod satis iam videretur habere virium, multa de constituenda civitate ac confirmandis civium animis agere coepit. Nam ante id tempus factiosos & diuturna licentia corruptos attingere ausus non erat, veritus, ne quid seditionis aut tumultus excitaretur, quod futurum necesse erat, ubi diuturna licentia summam impatientiam peperisset. BRACHIO urbem ingresso, cives magis vereri Pontificem, modestiam & aequitatem tueri, denique boni libertatem cognoscere, improbi detrectatum diu subire iugum coeperunt. Haec dum ad Bononiam geruntur, Paulus Ursinus, Romanae defectionis autor, cum & ipse a Rege defecisset, Sfortia & Malatesta ad eum persequendum missis, a Rege ad Roccham Contractam per fugit: receptum in arcem, Regis exercitus obsidebat. Oppidum editissimo in monte situm, adscensu perdifficili atque arduo, ab omni erat oppugnatione tutissimum, quod ut primum omnium in BRACHII venerat potestatem, ita in eius fide quam longi-

giffime manfit. Tres menses obfidio procefferat, oppidani obfessi, longe minus, quam qui obfidebant, defatigati, affiduam innanum faxorum molem deiiciebant, quibus praecipiti saltu decurrentibus, plerique hostium conterebantur. Nec iam ipsis montis radicibus stationes tute habere poterant, sed, aliquo interiecto spatio, tendere ad multam planitiem tentoria erant coacti. Quippe tum superne devoluta saxa, cum suo decursu, tum praecepti montis asperis praecipitiis, concitata, non statim fitebant impetum, sed, ubi ad planitiem erant delapsa, ingenti per campos saltu rapiiebantur. BRACHIVS, obfidione audita, succurrendum suis, omni abiecta cunctatione, decrevit, nec invito quidem Pontifice. Igitur, quanto maximo poterat, coacto exercitu, primum ad Cefenae portum procurrit. Hic, omni excursu populatoque agro, surgentem medio in portu arcem expugnavit, capta Caroli Malatestae concubina, quam ille, tyrannicae libidinis diversorium, clam uxore in arcem abduxerat. Diruta statim atque incensa arce, omnem maritimam oram excurrit: tantum pecorum atque hominum in praedam actum, ut, nisi, qui ea die atque his rebus interfuere, alii crederem nemini. Pro omni praeda octoginta millia nummum accepta, pecunia pleraque viritim militibus distributa, reliqua imperatoris fuit. BRACHIVS magnitudine praedae * demoratus, Bononiensem in agrum reduxit exercitum.

Cefenae Portus a Brachio occupatur.

* dictatus.

IOANNIS ANTONII,
EPISCOPI APRVTINI,
DE VITA ET GESTIS AN-
DREAE BRACHII, PERVSINI,
ITALICAE MILITIAE IMPERA-
TORIS OLIM STRENV-
ISSIMI,

LIBER TERTIVS.

Bellum He-
truscum.

Accusatur Re-
gis improbi-
tas.

Secutum est deinde Hetruscum bellum,
primum cum Rege, mox adversus Pe-
rusinos, gestum. Sed mihi, eam tempe-
statem, qualem a patribus accepi, cogitanti,
omnia divina atque humana promiscue tunc
exercita vexataque videntur. Rex poten-
tissimus, animo vasto magis, quam magno,
Italiae cunctae imminebat, nec tam, quid ad
sua spectaret iura, quam quid rapere posset,
versabat animo. Pontificem sacratissima do-
mo expulerat, ipse nefaria manu Romanum
invaserat imperium, Senenses laceſſiverat,
Florentinis totis viribus moverat bellum,
Cortonenses fraude subegerat, Perusinos re-
ceperat in potestatem, Roma pulsus, victo
profligatoque exercitu, ad intima Regni sui
refugerat. Facta deinde pace, novos appa-
ratus bellicos moliri, rursus immortalium
numinum sedibus inhiare, denique iure at-
que iniuria cuncta infestatum direptumque
venire, nuntiabatur. Ergo novo & maiore
com-

comparato exercitu, rupto foedere, contra Dei Optimi Maximi fana simulachraque gesturus bellum, Romam iterum invadit. Urbe sibi atque imperio extorto, non desunt, qui pavisse ad altaria sacrarum aedium equos tradant. Mox Viterbiū eodem illo exercitu nefario contendens, civitate est potitus. Sed, ne cum solis numinibus gere bellum videretur, Fabricium Campanum cum parte copiarum in fines Perusinarum praemittit, eique imperat, ut, quae oppida ad BRACHIVM defecissent, ea in Perusinarum redigeret potestatem. Ille, ut erat imperatum, primum Torrianum expugnare aggressus, oppidanos, praelium non expectantes, recepit in fidem. Proxima deinde castella, pars vi expugnata direptaque sunt, pars situ munitiora sua sponte deditionem fecere. Ultimum restabat omnium longe difficillimum, ut Pontem Patulum, quod validissimo fidissimoque tenebatur praesidio, & praeterea Marrianum, reciperet. His captis, nihil fuisset reliquum, quo minus omnem agrum civium imperio subegisset. Igitur, omni ad Pontem traducto exercitu, magnoque civium habito delectu, oppidum obsidere ex utraque ripa fluminis statuerunt. Haec ubi BRACHIO sunt nuntiata, veritus, ne, qui praesidio erant relictī, diuturna obsidione frumentique egestate fatigati, ab hostibus caperentur, tum quod obsideri adhuc Paulum Ursinum intelligebat, Bononia

Qui Pontem Patulum obsidet.

Varia Brachii itinera.

discedens, magnis factis itineribus, pervenit ad Burgum. Nocte sequenti cum parte copiarum profectus ad Montonum, arce per oppidanos prodita, oppidum cepit. Inde suum adventum Paulo significat, & quid uterque facturus sit, ostendit. Dicta dies, dicta hora, qua eruptionem Paulus faceret. Addit, se Eugubium non procul ab illo decem millia passuum profecturum, existimare tamen, hostes, cognito eius adventu, obviam ituros, quod si facerent, nihil ipse amplius post aversum hostem solutamque obsidionem expectaret, sed, data evadendi occasione, in sua castra concederet: sin hostes in obsidione persisterent, se eorum castra invasurum, praeliumque commissurum: ipse superne cum suis impetum in subiectos faceret. Sed, cum hostes, audito BRACHII adventu, obviam profecti, ab obsidione discessissent, Paulus, ut erat monstratum, aspero salutatoque itinere ad BRACHII castra penetravit. Post iunctas duorum ducum copias, hostibus visum est, novum consilium capiendum, qui, etsi militum numero superiores erant, plus tamen ex virtute aliena terroris, quam ex suorum multitudine animi, capiebant. Eorum exercitus erant duo, alter ad obsidendum Pontem aliquot iam nequidquam triverat menses, alter, quem primum Paulum obsedisse, deinde in BRACHIVM conversum, dicebamus. Sed veriti, ne partitae copiae opprimi ac deleri possent,

sent, ad Pontem altero ducto exercitu, copias & ipsi coniungere. Fuere in hostium exercitu equitum quatuor millia, pedites octingenti. BRACHIVS duo millia equitum paucosque pedites in castris habebat, qui quanto numero erat inferior, tanto militum virtute praestabat: hostium plerique tirones. BRACHIANI veterani omnes: illi ornatu equorum, hi armorum nitore, fulgebant: illos regia purpura, auro atque argento distincta, venerandos, hos ingentes hastae, praeacuta expeditaque tela, formidandos faciebant. Denique illis emoliti domesticis deliciis, animi ferri aciem expavescebant. BRACHIANIS durata sole ventoque & assueta vulneribus corpora ne ictus quidem gladiatorum formidabant. Hoc milite non dubitabat vel iniquo loco pugnam maiore cum hoste committere. Ille ad nutum ducis uno momento currere, recipere sese, nunc a fronte invadere hostem, nunc a tergo cedere, perdidicerat, & quo ducis oculi non pervenissent, ipse sibi moderari, servare ordinem, locum aequum iniquumque dignoscere, imperatoris gloriae, quam suae praedae, avidior. Nam illud quoque constat, in militibus deligendis singulari usum diligentia, nec magnos aut proceros, ne, quod dicere solebat, equos nimio fatigaret pondere, sed breves & infra mediocres, robustos tamen ac bonae habitudinis, conducere libentius consueisse, maxime omnium

Variaeque
excursiones.

quos adversa fronte cicatrices, & deformata
plagis ac vulneribus membra insignia, belli-
cae virtutis notarent. Igitur, hostibus in Pon-
te obsidione praestantibus, BRACHIVS saepe
cum Paulo egisse dicitur, ut incautos im-
provisosque aggrederentur. Quem cum suam
in sententiam flectere non potuisset, Tuder-
tum una profecti, agrum Perusinum, saepe
alias vastatum, novo bello diripere vexare-
que coeperunt. Nec multis post diebus,
Paulus ad urbem veterem cum suis copiis
est profectus. BRACHIVS in agro Tu-
dertino stativa cum haberet, Castellum Leo-
nis, quod ad hostes paulo ante defecerat, sub-
ita vi expugnatum, militi diripiendum con-
cessit. Mox deinde, quo propinquiore me-
tu sollicitaret hostem, Marsianum, quod in
fide permansisse dicebamus, contendit. Hic
novi belli telis veteres Perusinorum cicatri-
ces exulcerari coeptae, ager longe populari,
oppida pleraque diurna vi, quaedam etiam
nocturna fraude, debellari: denique ex omni-
bus locis praedae agebantur. His rebus per-
territi Perusini, soluta Pontis obsidione, ad
finitimum hostis agrum exercitum promo-
verunt, ut vel multi cum paucis aperto de-
cernerent bello, vel ut clam depopulatores
(ut fit) interceptos, rapinis excursionibus-
que prohiberent. Adventu hostium, BRA-
CHIVS, quod eius copias Pauli discessu,
plus, quam dimidio, impares videbat, intra
oppidum militem continebat, nihil magis,
quam

quam apertum fugiens bellum: hostes quoque, nisi quam aequissimo loco, magnifice detrectabant pugnam, quorum nimis cauto metu cognito, paulatim lassare militem coepit, & nunc a laeva, nunc a dextra, per occultos tramites subitas excursiones facere, tanta celeritate nonnunquam, ut intra primas hostium stationes irruerent, & prius, quam arma capere illi possent, sese incolumes cum praeda reciperent. Adventu deinde hyemis, utrinque ad hyherna subductus exercitus, sed nec hyeme semper quies militibus fuit. Plerumque levia commissa praelia, nonnunquam peditum factae excursiones civitatem sollicitam habuere. Interea Perusini, veriti, ne adventu aestatis hostium copiae augerentur, militem undique conducere, novasque auctiones facere, decreverunt. Paulus Urfinus, magnis promissis sollicitatus a Rege, partem exercitus auxilio his misit, ipse, Regis adventu expectato, saepe BRACHIVM clam aperteve magis, quam hostem, laceſſebat, adeo statim tam praeclarum exciderat beneficium. Dum tot belli apparatus agerentur, profectus in Tudertinos BRACHIVS, militibus novi anni stipendium dedit, non expectato Regis adventu, quem mira fama praeceſſerat, viginti equitum, octo peditum millia in exercitu habere, tanta mole belli Pontificem invasurum, quanta nuper Hetruſco bello reiectum. Tudertini, qui Pontificis fidem sequebantur, quanquam
fitu

Tudertum a
Rege obses-
sum;

situ & loci natura muniti, tamen, quod civitas est factiosa, BRACHIO cum omni exercitu in urbem recepto, Regis ingentem procellam expectabant, rati, quod erat futurum, magnos illum facturum conatus, ut media inter Romam Perusiamque urbe potiretur. Igitur Rex, adventu suo proximis urbi collibus ac vallibus occupatis, urbem cinxit obsidione, si ferro expugnare non possent, fame domiturus. BRACHIVS, quanquam superiore loco facere potuisset in subiectos impetum, cogita tamen suorum paucitate, primum intra moenia se continebat, mox, crebra facta eruptione, sic infestabat hostem, ut non tam obsidio illa, quam pugna, videretur. Iam & militibus creverant animi, ut nonnunquam, facto impetu, ad Regis usque tentorium penetrarent, & hostes procul ab oppido stationes ponere, ac sese vallo munire, cogerentur: sed multitudine freti, alii excurrerant agrum, alii villas incendebant, alii aedificia suburbana diruebant. Erant, qui vineta oblivetaque succiderent. Quae cum ante civium fierent oculos, unumquemque sua tangebant incommoda: sed, cum proximas urbi plantulas passim arbuftis evelli conspicerentur, tunc demum maximo affecti desiderio, consilium dedendae urbis inierunt. Mittuntur ad Regem civitatis principes, qui pacis conditionem deditioisque deferrent. Inprimis Legati postulavere, ut BRACHIO cum omni exercitu, quo videretur,

retur, abeundi potestas esset. Eam conditionem liberiter repudiasset Rex, sed, instantibus Legatis, & regiam fidem ac dextram implo-
rantibus, vix quidem, sed tandem, est recepta. Statim ad urbem recipiendam quingenti pedites missi sunt. BRACHIVS, facta potestate abeundi cum exercitu, ad oppidum Fractulam se contulit. Sed, cum pedites, a Rege missi, civitatem furtis rapinisque vexarent, additaque temeritati licentia, domus alienas clam noctu diriperent, cunctaque more militari libidine ac vi vulgo miscerentur, cives, poenitentia adducti, rursus ad Pontificem defecere, vocatoque ad defendendam urbem BRACHIO, regis deiectis signis, Pontificis vexilla sustulere. Cinguntur ergo nova obsidione Tudertini. Quae die haec acta sunt, Rex, missa suorum manu, aliquot equites BRACHIANOS, qui pabulatum in subiecta prata exierant, ducentos praeterea, qui erant in pabulis, equos corripuit. Proxima nocte BRACHIVS, militibus arma capere iussis, de prima vigilia egressus urbem, tanto impetu hostem invasit, ut munitionem effractis repagulis, deturbatisque statione vigilibus, vallum transfiliret. Milites, somno excitati, cum ad arma concurrerent, extra munimenta capti vinctique trahebantur. Quatuor equestris ordinis viri, qui regis praecerant signis, dum ad Regis tabernaculum armati festinarent, capti atque in urbem subducti sunt. BRACHIVS, ubi
hostes,

tandemque
ipsi deditum.

A quo Tudertini rursus ad Pontificem deficiunt.

Nova eorum obsessio.

Eruptio Brachii mire compensata.

hostes, armandi sui spatium nactus, prodire in aciem videt, veritus, ne multitudine circumventus caperetur, signum receptui dedit. Nihil hac eruptione inter tot gesta magnificentius. Rex ipse, ad urbis portas infecutus, signariorum, suam opem implorantium, audiebat vocem, qui tamen tanto impetu per collium iuga trahebantur, ut, cum Rex ad eos se crederet pervenisse, multo intervallo reclamantes exaudiret. In urbem subductos, spoliare iam coeperat in obscuro miles, mox admoto lumine reverentia retardavit. Vestes erant multo intertextae auro, calcaria quoque aurea pedibus internitebant, loricae galeaeque aureis limbis cristatae adspiciebantur, nec equi quidem humiliter erant adornati: phalerae, sellae, lora, densissimo & ipsa interlucebant auro. BRACHIVS signarios, ad se venire iussos, perbenigne humaneque accepit. Postero die, quos redimere belli iure potuisset, prima statim luce remisit ad Regem. Detracti sunt ea nocte ex hostium stationibus equi septuaginta. Fertur, Regem a signariis saepe de BRACHIO diligentissime percontatum, cuius cum illi mirum in modum commendassent & humanitatem & magnitudinem animi, misisse statim caduceatorem, qui gratias ageret Regis nomine. Postero die, levi commissio praelio, cum captus esset a regio comitatu BRACHIANVS miles, suo duci inprimis carus, purpurea veste donatum, remi-

misisse, dixisseque, cupere se vehementer cum BRACHIO colloqui. Erant inter duas acies, praeter vallum & fossam, intexta frequenti trabe munimenta. Hinc atque hinc armati milites occurrentibus inter se gladiis ac telis consistebant, alteri perrumpere trabium obstacula, defendere alteri, atque hostem arcere, conantes. Hic miles, ducem proxime accedens, Regis pertulit mandata, ipsumque ex altera valli parte dimicantem ostendit. Tum BRACHIVS, i tu, inquit, & Regi, si quid me vult, hic esse, dicito. Illo ad munitionem appropinquante, BRACHIVS, galea statim sublata, detecto capite, gladioque procul abiecto, equo descendit, deflexoque ad terram poplite, regio more salutavit. Tum ambo, ad laevam secedentes, militibus non procul inde pugnantibus, collocuti sunt: loquentes interiecta & trabibus munita fossa dirimebat. Rex, si secum stipendia facere vellet, trecenta millia nummum & totius exercitus imperium obtulit. Adiecit, praeter unam Neapolim, quam mallet, urbem suo in regno deligeret, nihil se denegaturum. Hoc per suam dextram, per regiam fidem maiestatemque, polliceri. BRACHIVS primum gratias egit Regi, qui se privatum atque infimae fortunae hominem alloqui esset dignatus. Adiecit deinde, sic se institutum esse, quibus parendum fuisset, quorum sequeretur stipendia, ei se fidem pure integreque servare didicisse: nunc sub Pontifi-

Colloquium
inter Brachium
& Regem.

* *praestitum se.*

Insecuta Regis mors.

* *Melius.*

Contendit Brachius Bononiam.

se stipendium facere, perdurante, etiam si moriendum esset, in fide mansurum: non pretio, non amore, non metu aut periculo, defecturum. Nihil sibi fide esse praestantius. Ceterum, si privato officio conferre quidquam regio posset fastigio, eo demum pacto * restitutum esse, si nulla in re offenderet Pontificis dignitatem. Eius completo stipendio, si Regi ac sibi commodum videretur, illius maiestati eadem fide, qua nunc Pontifici, pariturum. His utrinque dictis, Rex, eius laudato proposito, amiceque multa pollicitus, colloquio discessit. Praelium fortius est instauratum, utroque ardentius suum militem excitante. Sed nec perumpere munimenta potuit Rex, popularibus etiam crebra sagitta repellentibus. Sic, quatuor & viginti diebus nequidquam in obfusione consumptis, exercitum movit. Nec multis post diebus, pace cum Florentinis facta, capto Paulo Urfino, atque in vincula coniecto, Romam primum, mox in regnum, reversus, moritur. Rege mortuo, magnae per omnem Italiam sublatae formidines, quietiora tempora secuta sunt. * Habere se iam Hetruria coepit, tam recidiva & diuturna belli peste vexata. Inter haec Pontifex, ad consilium vocatus, ne vacuam praesidio provinciam relinqueret, BRACHIO per literas edicit, ut mature cum omnibus copiis Bononiam pergat. Ille, ut erat imperatum, biduo ad sese parandos militibus dato,

to, profectionem quam ocyffime accelerandam curat. Lustrato militari more exercitu, per agrum Clusinum iter facit. Omni agro Cocchus Senensis, vir domi nobilis, imperabat. Hunc ferunt anno ante eam profectionem, cum ne suspicio quidem belli intercessisset, quadraginta equos, qui per suos fines iter faciebant, BRACHIO, nihil tale metuenti, eripuisse: eam ob rem BRACHIVM, vastato agro, aliquot etiam direptis castellis, non prius finibus discessisse, quam triginta millia nummum extorsisset a Coccho. Ubi Bononiam est ventum, relicto procul ab urbe exercitu, ad Pontificem salutandi gratia concessit. Duplex est hic, & quidem diversa, fama: alij Pontificem de capiendō BRACHIO cogitasse dicunt, causas vero capiendi fuisse duas, alteram Pontificis avaritiam, qui cum octoginta millia nummum BRACHIO e merito stipendio deberet, ne pecuniam solvere cogeretur, interficiendum curasse, alteram imperii aviditatem: quippe Perusini, inortuo Rege, cum de statu atque imperio dubitarent, Pontificem in rem dictu nefariam sollicitasse ferebantur, polliciti, si BRACHIVM interimeret, civitatem daturus. Quam rem cum ex Pontificis quaestore rescivisset, veritum, ne, si palam cum omni comitatu portas urbis egredi properasset, a praefectis vigilum prohibitus caperetur, aliquot praemisisset milites, qui exeuntem exciperent, praestoque cum

Cuius vitae Pontifex infidiatur.

K

equis

equis velocissimis essent, ipsum urbis lustratione, & quibusdam in locis refectione moenium simulata, cum aliquot civibus pererrata urbe, pedetentim venisse ad portas: inde paulatim progressum, exceptum a suis, conscendisse equum, subitoque ad exercitum summa cum celeritate confugisse, quaedam deinde proxima cepisse castella, nec prius, quam acceptis octoginta millibus nummum, restituere voluisse: postea vero Pontifici reconciliatum, ad custodiendam urbem, exigendaque vectigalia, esse reversum. Alii negant, Pontificem quidquam de capiendo cogitasse, affirmant tamen, ab Hetruria in Galliam accitum: acciundi causam non aliam fuisse, nisi quod Pontifex, ad consilium accersitus, non putabat urbem, factionibus & civili dissidio laborantem, sine fido praesidio relinquendam, nec quemquam illi fideiorem, quam BRACHIVM, visum, cui statim in Galliam profecto, urbem atque arcem tuendam dedisse, proximaque urbi oppida in fide retinenda, exigenda omnis Galliae vectigalia: denique civium curam ante Pontificis discessum omnem in eum esse reiectam. Illum cum Pontifice dies noctesque versatum, illum quotidie sine comite, sine armis, ad cubiculum intromissum, Pontifice discedente, urbis praesidio esse relictum. Non videri verisimile, summum Pontificem innocentissimi & de se optime meriti viri sanguinem vendere communi hosti voluisse. Haec
magis

magis animum inducunt, ut assentiar, tametsi imperandi cupiditas animos mortalium plerumque praecipites agit, ut non tam, quid liceat, quam quid libeat, soleant cogitare. Utra fama sit verior, ne illi quidem satis conveniunt, qui interfuere. Hoc utrique affirmant, post Pontificis profectionem, Bononienses BRACHII imperio totius civitatis consensu paruisse, atque illi finitimorum tributa, illi urbana vectigalia, persoluta esse. Igitur, civitatis gubernatione suscepta, cum ad alios multos, tum inprimis ad Forolivien-
 ses Legatos, qui vectigalia peterent, misit. Illis recusantibus, exercitum agro admovit, crebrisque factis excursionibus, incredibile dictu est, quantum pecorum, quantum hominum, in praeda sit aversum. Ferunt, sexcenta carra, frumento onerata, & ex his pleraque cum aurigis, cum bobus, una excursionem esse correpta. Hac re irritatis Forolivien-
 sium animis, mittendos ad conducendum Crassum Venusinum Legatos, tuendosque fines suos a bello, statuerunt. Crassus, magnis coactis copiis, qua die BRACHIVS exercitum ad populandum iterum agrum dimiserat, infesto agmine palantem militem est adortus. Vix BRACHIANVS miles a fuga retentus est, nec sine summa ducis prudentia, qui, quaecunque evenire possent, omnia tanquam ventura cogitaverat. Equitatu enim in duas diviso partes, alteram levium armatorum praedatum vage fuscque
 Mex vero Bononiae ab eodem praefectus.
 Excursio in agros Forolivien-
 sium facta.
 Praelium cum Crasso commissum.

dimiserat, alteram, delectissimorum equitum subsidio relictam, unde latus esset prospectus, collocaverat. Haec Crassum, in expeditos temere inconsulteque grassantem, circumvenit. Qui, gravi commisso praelio, vix cum paucis victus profligatusque evasit. BRA-

*Nova excursio
in Forolivien-
sem,*

CHIVS, ducentis captis equitibus, omnem equitatum peditatumque ad maiorem cogen- dam praedam quam latissime atque effusif- sime inbet excurrere. Quadringenti agre- stes ea die capti referuntur, militibus, & qui equis, & qui pedibus militabant, libere usquequaque populantibus diripientibusque omnia, ut quos nec hostis, nec metus victo

*in Ravenna-
tem,*

hoste deterreret. Postero die cum omni- bus copiis in agrum Ravennatem, qui Foroli- viensium ditionis erat, paulo ante ortum solem profectus est: hic praedae actum est, quantum superiore die in Forolivienfium agro. His rebus attriti Forolivienfes, Lega- tos, qui & vectigalia persolverent, & redem- ta duodecim millibus nummum praeda, pa- cem postularent, ad BRACHIVM misere. Data postulantibus pax est. His rebus ge- stis, BRACHIVS, qui nihil magis, quam militum quietem atque otium, fugiebat, lon- ga expeditione exercere suos constituit.

*Fanensem, A-
riminensem,
& Pisaurien-
sem, agros.*

Convocato ex omnibus partibus milite, pau- cisque diebus ad quietem datis, primum Fa- num, deinde Ariminensium Pisauriensium- que fines incredibili celeritate pervolavit, triplicique structa acie, prima Fanensem, al-
tera

tera Ariminensem, tertia Pisauriensem agrum, eadem die, eodem impetu, excurrit, omnibusque imperat, ut Pisaurum versus, quo ipse cum tertia parte copiarum penetraverat, praedam agant. Ut erat imperatum, ita milites fecere. Cuncta undique depopulata maritima ora, ingentique coacta praeda, in Pisauriensem fines convenerunt. Tum BRACHIUS, quod per media hostium oppida redeundum cum praeda erat, aciem omnem in tria confertissima partitur agmina. Ex his duo praedam anteire, reliquum subsequi iubet, paucis praemissis expeditis militibus, qui iter explorarent. Cum in fines Ariminensium ventum esset, Pandulfus Malatesta cum octingentis equitibus a fronte se ostendit, qui, per superiores a latere incedens colles, praelio quidem abstinuit, sed praedae imminens, nunquam inde flectebat oculos, suorum fortunam & calamitatem miseratus, quibus praesens atque videns tam expectatam opem ferre non posset, tum demum acerrimo dolore confectus, cum longissimum trahi captivorum ordinem, sese suamque opem implorantium, intueretur, quorum plerique vincti pulsiisque frustra tendere manus conabantur. Agmine sic tripartito, iam extra fines Ariminensium exitum erat, cum ille, vel pudore sui, vel miseratione suorum, laceessere hostem a tergo coepit, levique commissa pugna, hostes BRACHIANI militis non sustinuerunt

Pugna cum
Pandulfo Ma-
latesta.

runt impetum, sed, aliquot acceptis vulneribus, in edita sese collium iuga receperunt. Quo minus in fugam versi statim profligarentur, impedimento fuit praeda, ad quam undique intentus miles, non putabat rem certam pro incerta deferendam, & copias dividere, partemque ad insequendum hostem mittere, periculosum videbatur. Eius praedae magnitudinem vix illi numerare potuerunt, qui fuere participes. Quinque continuis diebus eundo redeundoque consumtis, plus quam centum viginti passuum millia decursa sunt. Praedam quoque, tam longo dignam itinere, nihil magis, quam ex industria in longissimum spatium captivorum protractus ordo, decorabat. Nam greges atque armenta vix latissimi capiebant campi. Omnia, ubi ad stationes est reditum, viritim militibus distributa. Bononienſes, cognito BRACHII discessu, orta seditione inter cives, defectionem fecerant, rati, BRACHIVM in Perusinos movisse exercitum, diuturno atque externo bello vacaturum, se iam, excusso rectore, liberius omnia tumultuosiusque concitatuſ. Hac re cognita, BRACHIVS quam maturissime sibi accelerandum putavit, ut prius urbem obſidione cingeret, quam cives arcem, quae eius praefidio tenebatur, expugnare possent. Accito ex proximis oppidis magno peditatu, ad urbis confedit moenia. Bononienſes, veriti, ne simul ab exercitu muri oppugnarentur, simul

Seditio Bononienſis.

mul, qui arci praeerant, eruptionem facerent, statim urbis portas aperuere, misereque, qui dicerent, nihil se contra Pontificis imperium esse molitos, ceterum civiles illos fuisse motus, se quidem imperata esse facturos. BRACHIVS, cum exercitu ingressus urbem, duplicato praesidio arcem frumentoque munivit, mox, ad stationes reducto exercitu, aliquot mensibus in hybernis habuit militem. Sextus iam praeterierat mensis, cum in stativis moranti nuntiatum est, Bononienfes in arcem fecisse impetum, sed eam, egregie defensam, capere non potuisse: civitatem totam esse in armis, omniaque tumultuosius agitata misceri; nisi celeriter occurrat, ultimum diem urbi adesse: tantam enim concitatam multitudinem, ut, si caedem essent exorsi, nisi totius civitatis internecone sedari tumultus non posset. BRACHIVS subito ad eum, quem arci praesidio reliquerat, literas dat, ut proxima nocte contiguum arci murum, quantum decem simul equites ingredi potuissent, demoliendum curaret. Quo diruto, pontem extra arcem supra fossam eodem spatio aedificaret, ostendit, quanta celeritate opus foret. Ille, ut erat imperatum, murum diruit, structoque celeriter ponte, prima luce venientem exercitum recepit in arcem. BRACHIVS confestim multas bombardas, quae mediam in urbem ingentia conicerent saxa, incendi iubet. Ipse quadrato agmine strictis militum

A Brachio feliciter sublata.

telis occupat forum, &, quo plus civibus incuteret terroris, angustos & foro proximos vicos structa ac parata invadit acie: tum, quo suorum falleret paucitatem, bis terque veluti in gyrum eundem quasi novum aliumque militem circumduxit, signumque dat, ut ex arce plurimis simul bombardis ignem admovebant, quibus late excussa saxa domos ac tecta sternerent, nec sonitu minus, quam ictu, perterrerent civium animos. Bononienses, his rebus attoniti, quamquam omnes aditus urbis trabe catenaeque impediverant, depositis externis armis, Legatos celeriter pro tempore creaverunt principes civitatis, quorum auctoritatem & gratiam plurimum valere apud BRACHIVM cognoverant, qui orarent, ut urbem pulcherrimam, a civibus suis perditam, a militum incendio servaret: non se negare, totam civitatem temere ac tumultuose arma cepisse, verum eos, qui expugnare arcem tentaverant, paucos extremae sortis ex infima plebe fuisse homines, non tam sanguinis, quam praedae, cupidos, quos si vellet ulcisci, polliceri se in manus tradituros. Ceteros cives, qui aliquid haberent auctoritatis, privato atque intestino odio concitatos, nemini, nisi sibi ipsis, iniuriam facere voluisse, ignosceret satis suo malo laborantibus, veterem eam esse nimis corroboratam urbis pestem, saepe alias in suam ipsos ruisse perniciem, quos si sanare pergeret, omnia civium viscera esse dissecanda, alio-

alioquin frustra eum mederi inveterato iam pridem vulnere, & omnium medullas pervaganti. Hoc eum existimare oportere: si boni regere pravos & moderari potuissent, non itum fuisse ad arma, non tumultum in civitate factum. Satius esse, si in altero peccandum sit, ignoscere malis bonorum gratia, quam bonos malorum odio persequi, atque innocentes alieno scelere punire. Testari Deum immortalem, posthac aut civitatem in fide detenturos esse, aut, si quid accidisset, pro Pontificis imperio morituros: ignosceret privatae amicitiae, si publicae esset iratus. BRACHIVS, graviter increpatis Legatis, non se ignorare, inquit, tum demum veniam postulatum venisse, cum armis nec se, nec urbem, defendere potuissent, non voluntatem precibus, sed periculi metum, affuisse. Bis se procul inde movisse exercitum, bis a civibus seditionem excitatam, nunc etiam, rebellionem facta, signis allatis arcem oppugnasse. Mirum id quidem, nisi, cum ipse abesset, omnes inter sese dissentirent, atque ideo, seditione excitata, defectionem facerent, cum propius admovisset exercitum, inter se reconciliari: quia, quem absentem universi pati non possent, praesentem singuli metuissent: appellent, quam velint, seditionem, & leni nomine rem gravissimam extenuent, se non minus cognoscere, bis rebellionem esse factam. Nam quem civem non arma cepisse, quem

Pontificis partes suscepisse defendendas, quem seditione civitate esse deiectum. Non igitur blandis intestinae similitudinis nominibus se demulcerent, quasi in arcem fugissent, qui alteram factionem tuerentur, atque ideo ad eam uno consensu omnium civium cum armis fuisse concursum: scilicet illic eorum inimicos, illic seditiosos & turbulentos autores factionum potuisse opprimi, quam tanto conatu, tantoque impetu, oppugnare voluissent. Ceterum animo sibi esse, aut diripere civitatem atque incendere, aut arctissimo aliquo vinculo in Pontificis fide retinere. Illi, ad pedes procumbentes, orant, ne se frustra populus Legatos miserit, omnem conditionem accepturos, modo civitati parceret, toties suo beneficio conservatae. BRACHIVS quinquaginta obsides, quos arbitrato suo e tota civitate deligeret, imperavit. Conditione accepta, quinquaginta principum atque optimatum liberi BRACHIVM in castra secuti sunt. Mansere post haec in fide Bononienses. Per id tempus BRACHIO renuntiatum est. Pontificem, quem ad consilium vocatum diximus, profectum Constantiam, Pontificatu abdicatum, atque in eius locum Oddonem Columnam, cui postea cognomentum Martini fuit, suffectum esse. Qua re cognita, priusquam ad cives nuntius pervenisset, arcem, quanto fidissimo potuit, munivit praesidio: tum obsides, diligentius obser-

vari

vari iussos, procul inde mittendos curavit. Hoc modo tam diu stetit in fide civitas, donec prioris Pontificis dignitate desperata, cum civibus de tradenda arce remittendisque obsidibus ageretur. Igitur, acceptis centum octoginta millibus nummum, quae illi ex superiore stipendio debebantur, arcem, obfides, & proxima urbi castella, agrumque, restituit. Sunt, qui affirmant, BRACHIVM, audita novi Pontificis suffectione, admovisse urbi exercitum, resectoque ad arcem quam latissimo ponte, militem in acie composito tenuisse agmine : cives, novitate rei perturbatos, receptis obsidibus atque arce, pecuniam eam, exactam per civium capita, tradidisse. BRACHIVS, stipendio militibus dato, intentus toto animo ad patriam, novam expeditionem parare, & in fines Insubrium, a Mediolanensium Duce sollicitatus, traiciendum exercitum simulabat. Interea, copiis peditatu equitatuque auctis, in Hetruriam converterat animum, ultimam vim conatumque facturus, ratus, id quod res admonebat, mortuo Rege, Perusinis, omni praesidio destitutis, Pontifice nondum a Germanis reverso, & propter novitatem rei de suo imperio sollicito, simul quod ipse tunc pecunia atque armis valeret, quam opportunissimam inferendi belli patriaeque recuperandae adesse occasionem, quam si negligeret, nunquam amplius tantam rerum omnium commoditatem habiturum, sed, quo
altius

Movet hinc
Brachius castra
in Perusinos.

altius descenderet vulnus improvisis, nec quidquam hostile metuentibus, movendum instituit bellum. Iam vulgo ferebatur, in Insubres propediem cum omni exercitu profecturum. Confirmaverant eam opinionem pauca de industria praemissa impedimenta, & ducis Legati, qui ad eum sollicitandum venerant. Interea, quam occultissime potest, mittit cum pecunia, qui Tartariam, tunc forte Tusculi cum sexcentis equitibus morantem, conducerent, hominem plus quidem manu, tamen etiam consilio, promptum. Perusini, post mortuum Regem omni agro redacto in potestatem, nihil nisi de pace atque otio cogitaverant, captis Ponte Marfinianoque, exauctorato Ciccholino, exercitum dimiserant. Repudiati milites, etiam finibus pellebantur. Quaecumque BRACHIO essent explorata omnia, sexto Idus Quintiles Bononia movit tanta celeritate, facto per Ariminensium fines transitu, superatoque Apennino monte, ut prius Burgum pervenerit, quam hostes ne de motu quidem, nedum adventu, quidquam scire potuissent. Hac re permoti Perusini, ad conducendum undique militem varios nuntios dimisere. Ciccholinum e Campania revocarunt, Paulo Ursino dedere stipendium, nihil reliqui facientes, quod vel ad improvisum repellendum hostem, vel ad resistendum, pertineret. Munera statim finitima oppida, praesidia undique per castella dispo-

disposita, sed subita confilia civium praecogitata ducis celeritas antevenit. Iam ad Tybrim pervenerant copiae, iam, tribus occupatis pontibus, amnem traiecerant. Continuos deinde complures dies passim actae praedae, castella expugnata, nec multum procul ab urbe confessum. Oppidum erat tria millia passuum distans ab urbe, quod Divi Fortunati vocant. Hic ingens peditum atque equitum praesidium erat collocatum, quare cognita, tentandam eius loci oppugnationem constituit BRACHIVS. Itaque, praemissis, qui praesidiarios milites ad deditiorem hortarentur, scalas varique generis machinas comportari, & circum moenia, non longe a propugnaculis hostium, longo ordine, quo magis insueta rerum facie terreantur oppidanorum animi, disponi iubet. Milites moenia stationesque compleverant, tanta erat praesidii magnitudo, cum BRACHIVS aggeres afferendos & in fossam coniiciendos demonstrat, imperatque, ut, quam siccissimam queant, materiam portis adnotam succendant, oppositis a fronte sagittariis, ne extinguere hostes portarum incendium possent. Hac re animadversa, oppidani, & qui praesidio erant collocati, saxa ingentia & magnam vim terrae congerentes, quam latissimo spatio interiorum pro portis aedificant murum. Interea, exustis portis, BRACHIVS signum dat, ut omnibus simul locis adnotae moenibus scalae erigerentur.

Oppidum Divi Fortunati expugnat.

Perusiam ob-
sidione cingit.

rentur, sagittarii militem a propugnaculis arcerent. Ipse, facto ad portas impetu, recen- tem & vix bene confectum perrumpit mu- rum: cohortes iam & scalis in moenia eva- serant, quae, intra oppidum profilientes, cum- cta diripuerunt. Milites partim capti sunt, partim ex adversa parte oppidi sese moe- nibus eiecerunt. Centum equites traduntur capti, qui equis armisque spoliati dimissi sunt. Francischinus Mirandula, quem prae- sidio hostes praefecerant, captus atque in vincula coniectus est. Qua die haec gesta sunt, BRACHIVS, praemissa parte equita- tus, ad urbis portas impetum fieri iussit: ipse cum reliquis copiis ad Planum Con- stantii, quod extra urbem ad teli iactum si- tum est, subsecutus, ingenti coacta praeda, Thrasimenum versus iter fecit, ut, ex omni latere vexato hoste, acriora magis, quam fi- nitima, bella concitaret. Iam intra paucos dies omnia, quae secundum Tyberis oram sita sunt, oppida aut vi, aut sponte, venerant in potestatem: pleraque etiam, proximis eminentia collibus, ab hoste defecerant, par- tim metu, ne vi capta militi in praedam da- rentur, partim quod exulum partibus veteri maiorum amicitia favebant. Perusini, qua die hostes impetum ad portas fecerant, sub- urbium, quod ad meridiem pertinet, metu deseruisse, & in superiorem urbis ambitum domesticam suppellectilem convexisse, dicun- tur: quippe quos superioris belli eodem
in

in loco accepta calamitas admonebat, nec minus terroris in urbe erat, quam in agro periculi. Pauca iam oppida obsidionem, multo paucissima oppugnationem, expectabant, civitatis metus desperatio reliquis oppidanis erat. Interea, multis factis excursionibus, Tartalia, cum suo delecto milite adventans, copias duplicavit: quae res, quantum animi BRACHIANIS addidit, tantum civibus incussit terroris. Huc accedebat ingens exulum multitudo, qui, patrio audito bello, undique ad exercitum confluebant. BRACHIVS, Querqueto & Marsiano receptis in potestatem, Papianum, Morcellam, & proxima quaeque castella, ne uno quidem praelio cepit. Postridie vero, quam *Interea saepius conserit cum Perusinis manus:* coniunctae sunt copiae, urbi cum exercitu ad ducendos passus, qua parte vergit ad Septentrionem, appropinquavit, tribusque sacrarum virginum templis, quae, quamquam arcibus munita, bello tamen deserta erant, occupatis, iam propius imminebat urbi. Postero die, facto impetu in portam, suburbium magna vi ingrediuntur, sed, populo superne resistente, paucis caesis militibus, compluribus vulneratis, urbe reiecti sunt. Hoc praelio irritatis magis, quam territis, militum animis, maiorem in sequentem diem conatum moliuntur: factoque iterum ad eandem portam impetu, de militum gloria certari, crederes, tanto quisque animo etiam iniquissimo loco in praelium ferebatur.

Sed

Sed, loci iniquitate praevalente, maior est edita caedes, tantoque plus acceptum vulnerum, quanto acrius bellandi studium fuit, & milites nimis intra urbem processerant. Nec minus cruenta res civibus stetit, quos simul sagittarii & hastati milites fodiebant, simul equites, stricto gladio resistentes, adverso feriebant ore. BRACHIVS, ubi caedem magis, quam pugnam, augeri vidit, & cives, quod iam ad declivia urbis erat ventum, non solum defendere se armis, sed praecipiti lapsu ingentia saxa devolvere, cani receptui iussit, exercituque extra portas pugnando simul caedendoque reducto, militem magnifice commendavit, ostenditque, eam loci difficultatem non fuisse subeundam. Ceterum, ubi itum in certamen fuit, neque fortius, neque ardentius, pugnari potuisse. Perusini, duplici & accepta & illata calamitate, occludendam eam portam trabibus muroque, & moenia, multo deiecta impetu, celeriter reficienda curaverunt. Qua die intra portam est pugnatum, vicinorum oppidorum curatores (Syndicos vocant) Brusani, Collini, & qui his finitima incolunt loca, ad BRACHIVM venerunt, oppidorum claves oleastro involutas deferentes, petita pacis, ac ultro delati imperii, signum. Postero die, nulla interiecta mora, vexilla bellica, multis militaribus signis adornata, non procul ab urbe iussit collocari: quo significabatur, obsidionem iam adesse,
non

non bellum. Civitatem multa mala, pavor, metus, fames, agitabant. Nec deerant, qui etiam in postremo periculo discordias graves fererent. Auxilia pars nondum conveniant, pars hostili ferocitate defecerant, denique cuncta magna & acerba mala versabantur animis. Quicquid ab inimicis, de vita & sanguine certantibus, non fieri solum, sed etiam excogitari posset, rapinas, clades, stupra, incendia, metuebant. Castris circa urbem positis, BRACHIUS, ne uno quidem intermisso die, militem continuam irruptionem tentare, & ex pluribus simul partibus civitatem oppugnare, iubet. Quae cum parum procederent, exercitum in duas divisit partes: alteram ad fanum Iulianae, Vestalium virginum templum, quod ad radices meridionalis suburbii situm est, oppugnandum dimisit, ratus, cives aut universos illo, aut delectiore manu, accursuros: ipse cum altera parte copiarum ad toties effractam portam, quam appellant Solis, maiore, quam unquam antea, desertur impetu, murum, quem superiore die cives confecerant, perumpit, penetrat magna vi ad intimum suburbium, occupaturus superiorem urbem, si forte cives, alio averfi, vacuum praesidio reliquissent: & dies erat nebulosa atque pluvia, facile tectura dolum, adspirante fortuna. Sed cives, primo exaudito, divisioneque exercitus per coniecturam cognita, & ipsi suavitatem duas in partes dividere: alteram

ad resistendum a sano oppugnantibus missam, alteram, egregium aetatis florem, delectaque iuvenum robora, interiori urbi praefidio relictam, ut, si quid reliqui hostes a Solis porta molirentur, paribus occurri viribus possit: magno utrinque consilio, multo maiore conatu, pugnatum est aliquot continuis horis. Alteros bellica virtus, alteros metus mortis, & morte crudelius exilium, nonnullos ardentissima odia, & conceptae iam pridem animis crudelissimae caedes, armabant. Non hostes cum hostibus de imperio congregi, sed inimicos cum inimicis de sanguine saevire, vel ipsi vultus atque oculi demonstrabant. BRACHIVS, concitato milite, nunc ultimum restare laborem, exclamat, nunc praemia tanti belli subesse: urbanam iuventutem non senes modo, sed fenestris saxo & ipsae pugnae feminae adhortabantur, nunc pugnandum fortiter, nunc inimicos manu, ferro, dente, feriendos, nunc denique pro Diis patriis, pro liberis, pro capite & vita, dimicandum esse, omnino, nisi vincant, crudelissime omnibus esse per-eundum. Senes, qui per aetatem arma ferre non poterant, liberos nepotesque obtestabantur, ut solum, quo paulo post quieturi forent, acerrime fortissimeque defenderent, ne procul a patria modicum, quod esset vitae reliquum, agere, & alienis in sepulchris, aliena terra miseri atque inopes iactari cogerentur. Nebulae stragis magnitudinem
cela-

celabant: quippe, aut progredientibus, aut regredientibus militibus, magna utrinque caedes edebatur, & passim fusa humi cadavera pedibus calcabantur. Iam ad urbis inferiora moenia ventum erat; qua difficilis atque arduus surgebat in forum aditus, hinc cives ingentia saxa devolvere, hinc dolia in subiectos lapidibus plena praecipitare, tum mulieres, evulsam manu tegulam tectumque deiicientes, indigno vulnere feriebant militem. Demum, facto a civibus superiore de loco impetu, milites, quod iniquissimo certabant loco, magno telorum saxorumque impulsu repellebantur. Iam saxis, iam cinere superne cadentibus, reulcati, in aequiorem locum paulatim cedendo recessere. Interim, qui ad fanum se ostenderant, levi commisso praelio, reiecti sunt. BRACHIVS fatigatum labore ac vulneribus militem, plurimis utrinque desideratis, in castra reduxit. Hic dies utrisque longe difficillimus fuit. Nam, etsi milites graviores armis peritiores erant, iniquissimo tamen loco certaverunt. Cives leviter armati, & plerique insueti rerum bellicarum, vix militis impetum sustinuerunt. Caesi fuere eo praelio ex urbana iuventute plures, ex BRACHIANIS plures vulnerati. BRACHIVS, desperata urbis oppugnatione, non amplius loci subire iniquitatem, sed premere civitatem obsidione, constituit. Postero illucente die, partem copiarum adversum in agrum emittit, qui inter

Septentrionem & Occidentem pertinet, asperum & montosum, eam ob rem nunquam antea neque bello, neque incurfione, vexatum. Auxit praedam oppidanorum nihil tale metuentium securitas. Mantinianum, Mifianum, &, quae sunt finitima his, oppida, pars in montibus, pars in montium angustissita, ingentem ea die calamitatem accepere. Porro, ubi alter illuxit dies, moto ad fanum, quod dicunt, Trinitatis exercitur, haud amplius centum passibus procul ab urbe confedit. Erant aliquot praemissi milites, qui occulte murum in desertiore parte urbis diruerent: sunt, qui affirmant, ut in veterem cuniculum, crebro occlusum muro, penetrarent. Submissaque statim alia militum manus, ad superiorem Solis portam oppugnandam, ut, quod superiore die cives fecerant, ad eum, reliqua relicta urbe, concurrerent locum. Quod si fecissent, ceterum exercitum per cuniculum recipere praemissi milites potuissent. Sed, re canum latratu detecta, cives, reiecto magna vi milite, locum firmo praesidio muniverunt. BRACHIVS, ubi nequidquam omnia tentata videt, ne tempus aut otio, aut periculoso magis, quam utili, negotio, tereret, castris fossa valloque munitis, ac valido imposito praesidio, ipse, quae circum urbem essent, occupare castella properavit, ratus, id quod res admonebat, nullam acriorem futuram obsidionem, quam si cives, omni occlusi, aditu, portas urbis exire,

re, alimentaque ex agro supportare non possent, militibus autem frumentum & commeatus abunde suppeterent: si proxima quaeque oppida libere ad exercitum comportarent, vel ipsos oppidanos satis belli facturos, si nec annonam suppeditarent civitati, & civem urbis egressu prohiberent. Ergo, ad inferiorem planitiem, quam Tyberis fluvius mediam praeterlabitur, deducto exercitu, Ripam & Columellam ac proxima castella recepit in potestatem: omnes fluminis pontes, praeter Patulum, uno cursu occupavit. His peractis rebus, reductoque exercitu, corpora curare militem iubet. Tertia deinde vigilia, in eum agrum, quem ad Thrasimenum spectare diximus, profectus, Corcianum oppugnare est aggressus. Quod oppidum in inarido & olearum feraci monticulo situm, totius agri Perusini natura magis, quam opera, est munitissimum: collectum propemodum ac rotundum supremum montis verticem complectitur. Muri exteriorius praealti, intus vero densissima completi terra, aequabili accingunt atque excurrunt solo. Aditus etiam ad muros non undique liberi, quippe magna ex parte praeruptis atque altissimis clauditur rupibus. Nec segniores oppidanorum animi. Nam, praeter multitudinem, quam belli tempore etiam ex subiectis concipiunt villis, fide atque ingenio valent, nec tam privatas amicitias, quam commune sequuntur imperium, urbi parent ma-

Ripam, Columellam, proximamque castella, capit.

Corcianum oppugnat,

sed expugnare
non potuit.

Spina occupa-
ta atque dire-
pta.

gis, quam civitati, nobilitate urbem obtinentibus parent optimatibus, contra plebeiis, quamdiu illi urbem teneant, obsequuntur. Hoc oppidum oppugnare adortus, durissimo commisso praelio, nihil praeter militum vulnera caedesque reportavit. Motis inde castris, villis omnibus incensis, proximoque direpto agro, ad montem Ubianum contendit. Postero die Spinam, munitissimum & ipsum oppidum, magna vi adortus, oppugnavit, ubi, duobus commissis praeliis, aliquotque desideratis militibus, re infecta, ab oppugnatione discessit. Scalas deinde & muralibus machinis, quae oppugnationi usui forent, comparatis, quod fatigati milites erant, in alterum diem rem distulit. Quo die oppidum, magno militum invasum impetu, captum direptumque est, sed, strenuissimo quoque aut caeso, aut vulnerato, cruenta victoria fuit. Spina capta, finitima statim castris victorem secuta, sua se sponte dederunt. Postridie, quam haec gesta sunt, BRACHIVS, incredibili celeritate ad portas urbis profectus, proxima & contigua urbi aedificia incendit, effregit molas frumentarias, frumentum, & qui subsidio venerant, corripuit: quinque & viginti fuere equites: mox eadem celeritate in alteram urbis partem, ubi castra munierat, secundum moenia structo exercitu penetravit. Perusini, tantis intra paucos dies affecti incommodis, mittunt, qui Pauli Ursini adventum sollicitent,
item

item qui Ciccholino, quam ocysissime maturandum, significant, ostendantque, civitatem ad ultimum venisse discrimen. Nihil ex agro reliquum esse, vix se intra moenia continere perterritos cives, atque pluries inde paulo minus esse deiectos: huc accedere intolerabilem plebis famem. Legatos praeterea Florentiam misere, orantes, ut pro amicitia, quae esset Florentinis cum BRACHIO, eorum interposita autoritate, bellum componerent: sperare, nullos commodiores pacis autores futuros. Interea BRACHIO nuntiatum est per speculatores, Paulum Urfinum, quem fama erat Perusinis auxilio venturum, magno cum exercitu adventare. Iam Tyberim esse traiectum, iam Utriculum, iam deinceps Narniam, processisse. Maturatione opus erat, ut cum altero ducum ante confingeret, quam tot simul copiae iungerentur. Igitur, ex omni parte collecto milite, & corpora curare iussu, nocte intempestiva movit exercitum, continuoque itinere non die, non noctu, intermisso, ad urbem Interamniam, plus quadraginta millium spatium decurso, pervenit. Interamniam Narfluvius duobus alveis circumfluit, inde Interamniae, inde Narniae datum nomen: qui tanta velocitate delabitur, ut nusquam vado, raro naviculis, transiri possit. Interamneses, rei novitate permoti, negant, se armatis per mediam urbem transeundi potestatem esse facturos, delectamque pro portis & egre-

Obviam profiscitur Brachius Paulo Urfino usque ad Narniam.

Cuius incolae praelio fusos in urbem fugat.

Agrosque de-
populatus in
castra prope
Perusiam re-
vertitur.

Ubi Legatos
Florentino-
rum invenit.

gie armatam iuventutem opponunt: levi cum his commisso praelio, fusi fugatique intra moenia compelluntur. Paulus, audito hostium adventu, in editos Narniae montes se subduxit, ut, si committere praelium cogeretur, munitissimo esset loco. BRACHIVS, qui hostem repente de improvviso adoriendum speraverat, ubi de fuga eius cognovit, Interamnensem depopulatus agrum, eadem, qua profectus est, celeritate revertitur. Interim Legati Florentinorum in castra ad BRACHIVM venerunt, iussi exponere mandata: orant, ut, cetera quieta Italia, ipse quoque bello abstineret. Timere Florentinos, ne, si diutius traheretur bellum, accumulatione partium finitima concitarentur arma. Iam audire, Carolum Malatestam & Paulum Urfinum, utrumque magno cum exercitu, ad urbem defendendam venire, totam Hetruriam armis completum iri. Iam nunc itinera suspecta esse, latrones obsidere vias, nec, qui sint, aut quo recipiantur, scire licere. Quid futurum, ubi tot fortissimorum ducum accesserint copiae? non vias, non aditus, quam urbem ipsam, tutiores fore. Nam, ut duces militem a praeda contineant, ut supplicium mortemque proponant, quem, utra ex acie latrones prodierint, cogniturum? tum, satius esse, victorem bello discedere, & accepta restituere oppida, quam varia fortuna amittere. Quae si etiam tueri posset, fore tamen illi de comineatibus & stipendio cogi-

cogitandum. Si facere pacem velit, Florentinos commode intercessuros, polliceri, quantum pecuniae conveniret, sponsoresque futuros, si modo ipse deponeret arma, & agrum civibus liberum pacatumque reliquisset. BRACHIUS in hunc modum Legatis Ad eosdem
Brachii, respondit: Sciebam, inquit, ubi primum de legatione vestra audiui, quantum hostibus animi speique attulisset adventus vester, nec decipiebantur illi quidem, cum de gratia atque autoritate in me vestra cogitarent, & ego fateor, parendum vobis fuisse pro amicis, pro sociis, pro finitimis orantibus vestris. Verum aliter haec res sese habet, de quarum vos salute tantopere solliciti estis. Communes Hetruriae fuere hostes, nisi propterea hoc me abstinere bello iubeatis, quod praementem atque haerentem cervicibus vestris inimicum Regem, illi adversus vos non solum irritaverunt verbis, sed commeatu delectuque iuverunt. Ego periculo capitis mei repuli. Illi transitum adversus civitatem vestram aperuere, contra vos armati in acie fuere, vestra capita, vestrum iugulum petiere. Ego pro vobis cum immanissimo & capitis mei inimicissimo Rege dimicavi. Ingrati animi est, non recordari, quae acceperis: hostem contra socium, inimicum contra amicum defendere, impium atque nefarium. Nec idcirco ista commemoro, ut aut me poeniteat collati beneficii, aut vos acceptum non satis ample profecuti sitis. Sa-

tis praemii est, ubi studio atque amore devinciuntur animi. Sed quanam haec est miseratio? Hostes vestros domi in quiete, in otio, esse, ut contra vos illorum vires augeantur, nos amicos & belli ac periculi socios in exilio consenescere, aliena in patria mori, atque insepultos iacere cupietis, ut vobis (si res exigit) opem ferre nequeamus. Non hic de imperio agitur, uter sit regnaturus, exilium illi volunt nostrum, non regnum timent. Quamquam nec exilio quidem contenti sunt, qui toties aut vi, aut fraude, vitam nobis eripere tentaverunt. Nec tamen nobis bellum placet, si domi esse possumus. Non arma, non finitima concitamus bella, qui ad patrios lares, ad parentum nostrorum (quos isti media in pace necaverant) tecta domosque, revertimur. Quid? si armis abstinendum est nobis, num isti legibus obtemperabunt, quae vim atque iniuriam fieri cuiquam prohibentes, sua cuiusque esse, non rapi aliena, iubent? ubi legibus non paretur, armis est decernendum. Equidem, cum hoc gero bellum, non mea solum, sed multorum, iura causamque defendo, quorum calamitates atque exilia, ut ipsi taceamus, vobis incognita esse non possunt: latior enim ac diuturnior fuit miseria nostra, quam occulta dissimulari potuerit. Num igitur nos sumus, qui finitima concitamus bella? Praeclare vos quidem de latronibus admonuistis, obfideri vias, itinera esse suspecta: credo equi-

equidem, ita rem sese habere. Novi, quam late excursitent militum manus, sed, quaeso, quid, si muliones, si iumenta vestra, nam his plurimum utimini, a latronibus correpta fuerint? Si haec tam procul a vobis impedita itinera, quò id feretis animo? At nos latrones eiecerunt domo, iter ad patriam intercluserunt, opes fortunasque nostras corripuerunt, parentes nostros indicta causa interfecerunt. Nisi minus peccaverint, qui media in pace, intra urbis moenia, quam qui in sylvis & bello latrocinantur. Qui cum ipsi latius latrocinia exercere non possent, aliunde infestissimum vobis, non dicerem latronem, nisi ille quoque ad iniustas venisset rapinas, provocaverunt, receptaculum praedandi, rapiendi, grassanti Regi praebuerunt. Cum his nobis est bellum, quod non concitavimus ipsi, sed, quia defendere quondam fortunas nostras pace non potuimus, nunc ereptas (si Diis placet) bello recuperare contendimus: nostra enim repetimus, non extorquemus aliena. Nec est nobis pecuniarum controversia: habeant sibi, quas nostra calamitate, nostro exilio, nostrorum parentum sanguine, accumulaverunt. Patria est, quae nunc in causam vertitur. Revo-cent domum satis diuturna exilia perpeffos. Ego vero sic habeo constitutum, aut honesta morte, aut gloriosa victoria, exilii iugum excutiendum esse: dicerem etiam concordia, nisi scirem, nocentes fontium animos

nimia

nimia teneri pertinacia, nec sperare, ignosci sibi ab inimico posse, cui ipsi amico non putaverunt ignoscendum. At recipiant nos nostro tecto, aut bellum, si propulsare non possint, eo ferant animo, quo nos acerbissima exilia, quo parentes nostri caedes crudelissimas nefariasque pertulerunt. Nec existimo, Florentinorum gratiam hostibus magis, quam sociis, inimicis, quam auxiliariis, prodesse oportere. Faciunt illi quidem perhumane, qui, acceptas obliti iniurias, non, quid ipsi detrimenti acceperint, sed quid beneficii conferre possint, cogitandum putant: sed latior patet ea gratia, quam mortalium capiant mentes. Nam, prodesse interdum inimico, pulcherrimum est: amicum ad omnia iuvare, necessarium. Sed nimis stulte sentio, qui existimem, Florentinos, alienis sollicitatos precibus, id a me velle exorare, quod orant. Saepe enim postulamus, quae non cupimus, quam saepe etiam, quae cupimus, non postulamus. Credite mihi, gratum est vobis hoc bellum, quod, si per humanitatem liceret, non solum non dissuaderetis nobis, sed ultro ad id ipsum faciendum hortaremini, ut qui non ignoratis, tutius nobiscum agi, si prope amicum, quam inimicum, socium, quam hostem, habeatis. Legati pauca ad ea respondere: populum Florentinum in memoria habere, quae commemorasset, omnia, nec quidquam praeter aequum ac bonum

& ad hanc Legatorum responsio,

bonum quaerere, studere tamen plurimum
 Etruriae paci, si sine suo incommodo fieri
 potuisset, ut, plurima accepta pecunia, bello
 discederet. Id erat, quod postulandum ius-
 sisset. Sin aliud commodius videretur, fa-
 cile fuisse Florentino populo verba prae-
 stare belli opem implorantibus, atque haec in
 mandatis se habere. Eo die BRACHIVS, Pila Deruta.
 praesentibus Legatis, Pilam oppidum vi cepit. que capta.
 Postridie, motis castris, Derutam cinxit ob-
 sitione. Oppidani, biduo obfessi, deditionem
 sub conditione fecerunt. Legati re infecta
 Perusiam reversi sunt. Magna spe excide-
 re Perusini, quod existimaverant, Legatorum
 autoritate, quam plurimum valere apud
 BRACHIVM rebantur, bellum composi-
 tum iri. Ergo alia via excussuri hostem, Mittunt Per-
 Legatos ad Carolum Malatestam mittunt, sini Legatos ad
 polliciti, si opem tulisset, octoginta millia Carolum Ma-
 nummum daturus. Carolus respondit, se latefam.
 quidem pecuniis non egere, satis sibi magna Quibus hic
 esse vectigalia, nec unquam cupiditate pecu- paucis respon-
 niae regnum suum in belli discrimen devo- det.
 caturum. Ceterum, si tradere civitatem vel-
 lent, omnia pro sua gloria & eorum Repu-
 blica facturum esse. Nec se mercenarium
 esse ducem, sed pro magno imperio sum-
 ma pericula putare adeunda. Legati, nec
 recusare eam conditionem, nec promittere
 posse, responderunt: sperare tamen, si libe-
 re civibus in tanto discrimine rerum subve-
 niret, facile imperium consequi posse a se
 defen-

auxiliumque
parat.

Novi Brachia-
norum impe-
tus minus fe-
licem succes-
sum habent.

defensae civitatis. Qua spe adductus Caro-
lus, centum delectos equites auxilio prae-
mittit, ipse ad reliquum expediendum exer-
citus demoratus, militem ex hybernis de-
ductum in parato esse iubet, ratus, ubi tan-
to beneficio devinxisset civium animos, paul-
latim largitionibus paucorum communem
urbis superbiam emolliturum. Per hos dies
BRACHIVS, ne quid reliquum ex ea parte
agri hostibus foret, Castellum Planum &
Balneariam, non parva oppida, per conditio-
nem recepit, uno intermisso die, castra non
procul ab urbe quingentos posuit passus.
Sed, quoniam dies fuit nebulosa atque plu-
via, militem in castris continuit. Postero
die, cum prima statim luce ad civitatis por-
tas infesto se agmine ostendisset, cives omnes,
qui per aetatem arma ferre possent, eodem
concurrere, & quod loco erant superiore
& natura egregie munito, (Vegium vocant
Perusini,) cum subiectis hostium cohortibus
praeliabantur. Sed loco freti cives, acerrime
fortissimeque se defenderunt. Praelio
commisso, multis acceptis illatisque vulne-
ribus, militem in castra reduxit. Idem se-
quenti die fecit, sed alia parte, non tam aspe-
ra & praecipiti, agressus urbem, & fracta de-
iectaque porta, miles intra suburbium irru-
pit, peditibus aliquot, qui resistebant, caesis.
Cives, quod superiores fecerant praeliis, par-
te iuventutis fori praesidio relictâ, ceteri ad
defendendam reliquam urbem concurrere:
eorum,

eorum concursu acrius instauratur praelium. Sed, ubi aliquandiu dubio Marte pugnatum est, milites, quanto magis procedebant, tanto iniquiorem subeundum locum intelligebant: sic languidiores desperatione victoriae facti, magno cum impetu repelluntur. Nusquam. Perusino bello, quantum hoc praelio, sanguinis fufum. Nam & pedites, qui pro portis dimicaverant, ab exercitu plerique fuere occisi, & milites eo erant progressi, ut, nisi scutis se protegerent, superne coniectis tegulis opprimerentur. Tum tantus utriusque impetus, ut cives, quamdiu aequo loco pugnaverant, magna cum strage reiecti sint, donec ad praecipitem fori clivum compulsi, de loco superiore converso in militem impetu, magnam & ipsi caedem ediderunt. Quares tantum animorum addidit civibus, ut postridie universus populus armatus prodierit, praeliumque postulaverit. BRACHIVS, quod viderat, hostem, quid loci posset iniquitas, magno exercitus incommodo edoctum, in colle sese egregie continere, veritus, ne rursus ad iniquitatem loci compelleretur, militem & ipse continuit, proximaque nocte vel metu, ne quid de improvviso repente hostes molirentur, vel timore simulato, ut commodius invadere securos posset, vel, quod magis putaverim, ne tempus periculosa magis, quam utili, pugna contereret, motis inde castris ad montem Melinum quinque millia passuum procul ab urbe recesserat.

Redeunt ad Brachium Legati Florentinorum iterum ad Brachium Legati Florentinorum. rat, cum Legati Florentinorum iterum ad Brachium venere, qui multis ultro citroque habitis frustra consumfere diem.

Cui varia sua sponte se dedunt oppida. Nondum abierant Legati, cum Agellani, Paccianenses, Panicarini, Cibottulani, Plagarini, & qui his finitima incolunt loca, misere, qui oppidorum claves, atque olivam, deditiois pacisque signa, deferrent. Pons Patulus, toties ante utrisque belli causa, & Castellum vetus, diversa situ oppida, sua

Proficiscitur hinc Brachium in Thrasimenum.

sponte deditioem fecere. Iam, confecto quasi terrestri bello, ne quid intentatum esset, in Thrasimenum, totius Italiae amoenissimum ac fertilissimum lacum, tanquam ad maritimam expeditionem, proficiscitur.

Eius descriptio.

Thrasimeni ambitus triginta passuum continet millia, litusque habet placidum atque arenosum, & in speciem maritimi finis longe vastaque extensum, rotundus fere, ac mari similis: nec recipit alienas aquas, nec refundit suas. Oppida, ex omni parte lacum cingentia, felici ac perpetuo iacent littore. Nihil ea plaga vel fertilitate agrorum, vel piscium ubertate, felicius: medio autem lacu tres interiectae insulae, quarum duae

Quem statim omnem in fidem recepit.

hominibus frequentes adspiciuntur. Igitur Brachius, tanquam ad bellum navale profectus, primum monte Columnolo recepto in potestatem, Passinianum, quod Thrasimeni fluctibus abluitur, exercitum perduxit: oppido in fidem accepto, qui insulas colunt, etsi navigia omnia veteri more sub-

subduxerant, cognita tamen finitimorum defectione, veriti, ne aut gravi fame domarentur, aut navigia hostes aedificarent, in continentem cum omni classe exeuntes insulas dediderunt. Nihil BRACHIO hac insularum victoria gratius, partim fama rerum gestarum, quod terrestri bello vinci non poterant, partim ne inaccessibilem a tergo hostem relinquere, aut tempus conficiendis navibus terere cogeretur. His rebus ad Thra-
 finenum gestis, Antriam, populosum oppidum, oppugnatum cum exercitu profectus, Veniunt ad eum Legati Perusinarum,
 dum, quæ oppugnationi usui forent, comparat, Legati Perusinarum ad eum venerunt. In his erat Cinellus, ex BRACHII natus matertera. Qui iam prope centesimum natum annum, ætatis fructum & prudentiam, & memoriam, retinet. Legatio erat nomine, ceterum re ipsa belli dilationem, donec Carolus, quem omnia parare ad bellum audiebant, cum suis adventaret copiis, agitabant. Legati multum de pace agere, sermones longos de industria quaerere, spem magis, quam concordiam, prae se ferre: denique omnia, quæ tardare hostium possent impetum, simulabant. BRACHIVS, quod dare sibi verba intelligebat, ipse quoque de pace agentes studiosius audire, bellum tamen interea non intermittere, nec dum discedentibus Legatis, facto propter urbem transitu cum omnibus copiis, Tyberim amnem traiecit. Vix ad Torfanen-
 alteram ripam vexilla pervaserant, cum Tor-
sum,

**& Tudertino-
rum.**

**Solicitando Pe-
rusinorum.**

 fianensium Legati occurrerunt, orantes, ut oppidum olim suum reciperet in potestatem: non se sponte sua, sed obsidione diuturna coactos, ad hostem defecisse. Postridie quam Torsianum est receptum, Legati Tudertinorum in castra venire, atque urbis, quam Rex olim oppugnare non poterat, deditionem facere. Tanta urbe recepta in potestatem, BRACHIVS exules omnes, quos superiore seditione eiectiones dicebam, in patriam reduxit, arbitratus id, quod erat futurum, revocatos beneficio suo diutius in fide mansuros. Hac re vehementer permoti Perusini, nimiam regni accessionem, & hostis quotidie auctas ope metuebant, iam eo potentiae ventum intelligentes, ut, etiamsi omni agro pelleretur, nimis proximum habiturus foret receptaculum, unde ut vi pelli non posset, sic exhaustum bello Perusinum populum invasurum, & agrum quotidiana vexatione depopulaturum. Tum suas vires adeo attritas esse, ut, si iam conducti milites resisterent hostium ferocitati, non tamen tantum exactio- num diutius pati posse: redivivum futurum id malum, cum hostis, etiam pulsus agro, non amplius quam viginti millia passuum procul mansurus esset, atque inde perpetua clade urbem, agrum, itinera, infestaturus. Haec cum inter cives agitantur, non minor, quam si eorum moenia intrasset hostis, pavor & trepidatio cunctorum invaserat mentes: una spes erat adventantis exercitus, si uno prae-
lio

lio bellum omne conficeretur, nec dubitabant, hostem, numero longe impari, aut non venturum in certamen, aut, si veniret, facile a multitudine profligatum iri. Repe-
tebant, qui rerum eventus essent, quæ fortuna belli, si aut victus hostis effugeret, aut pugnam non caperet, magnam tamen restare molestiam. Sin profligatus forte caperetur, omnia in tuto atque in portu fore: hanc unam extare tranquillitatis ac pacis spem. Interea Legatos iterum, qui eadem, qua superiore legatione, via hostem eluderent, mittendos placuit. BRACHIVS Legatis respondit, *Nova eorum ad Brachium legatio.*
illos maxime stultos esse, qui alienae confisi *Cui hic paucis respondet.*
stultitiae, solos sese sapere arbitrarentur: iam pridem cognovisse, quid eiusmodi legationes pacis bellicue afferrent, fuisseque sententiam, non aliter bello discessurum, quam si exules in urbem revocarentur. Scire, quantum auxilii cives expectarent, eamque ob rem belli dilationem quaerere, sed expectarent sane, quam vellent, aut sibi pro suis moriendum esse, aut in patriis sedibus repositurum miserimos cives. Haec cum dixisset praesentibus Legatis, classicum cani iubet, armatoque statim milite, ad oppugnandum oppidum Bastiam, quod est in agro Asifatium, proficiscitur. *Proficiscens ad oppugnandam Bastiam.*
Eunti in itinere Vectonien- *Occurrunt Vectonienium Legati.*
sum Legati cum muneribus congratulatum occurrere. Accepti sunt perbenigne Vectonien-
ses, qui, quod oppidum haberent magnum ac montosum, & natura situque egre-

gie munitum, & Perusino imminentes agro, Chiasio amne, qui eorum fines secat, transitum & aperire, & claudere pro arbitrio possent. Adeo optimatum faverant partibus, ut maximis primum sollicitati praemiis, deinde anniversario incendio, & populatione agrorum vexati, nunquam a nobilitatis societate deficerent, & Torsianum, a civibus obsessum, commeatu & aliarum rerum supplemento invarent, idque opera Crispolitorum factum, qui inde oriundi, eodem in exilium acti, oppidum in fide per extrema & difficillima quaeque tenuerunt. Inter haec Perusini, legationibus elusuri hostem, tertium misere Legatos, qui nihil aliud agere potuerunt, nisi quod pacis, quam aut quaerebant, aut simulabant, spem sublatam reportaverunt. Ultima Ducis fuere verba: Si alia conditione, quam de recipiendis exulibus, post id eius castra ingrederentur, legationis iura violaturum, & pro hostibus, non pro Legatis, habiturum. Motis deinde castris, propius, quam unquam antea, ad urbem concedit, pauloque post, levi ad civitatis portas nequidquam commisso praelio, partem copiarum Corcianum, quod oppidum situ munitissimum esse monstravimus, obsessum dimisit. Oppidani, qui gravissimam oppugnationem magnis sustinuerant animis, obsidionem pati non potuere. Facta deditione, Antria, Antriae, Misianum, Mantinianum, quae reliqua ex omni agro praeter pauca admodum hostibus

Legati Perusini ad Brachium tertium missi,

repulsi ferunt.

Corcianum,

Antria, Misianum, Mantinianum, aliaque

bus superfuerant, ad BRACHIVM defece- complura op.
 re: denique centum viginti oppida, & octo- pida, capta.
 ginta vicos redegerat in potestatem. Iam so-
 lam urbem bella respiciebant, nec erant am-
 plius dividendae copiae, exercitusque dimi-
 nuendus, ad unum locum universis intentis
 viribus. At cives, undique obfessi, non modo
 continebant se moenibus, sed exteriores por-
 tas latissimo clauferant muro: & iam toties
 oppugnatam urbem sic perterritam fecerat
 hostis, ut ne custodibus quidem portarum,
 qui pro stationibus & propugnaculis vigila-
 re consueverant, credere se auderent. Nam *Varia civium*
 civitatis varia erant studia, diversaeque civi- *studia, variae-*
 um voluntates. Alii, domi potentes & fa- *que volunta-*
 ctiosi, quibus de vita & sanguine erat dimi- *tes.*
 catio, quotidie dies atque noctes in armis es-
 se, nec quidquam magis, quam infidias pro-
 ditionemque, timere. Hos plerique postre-
 mae fortunae homines, praedis rapinisque
 publicis assueti, sequebantur, sed nec hi tam
 acri erant ad bellum animo, quos victos vi-
 ctioresve, ut multum rapinarum, ita nihil pe-
 riculi dignitatisque, maneret. Alii erant bo-
 ni & aequi amatores, domi opulenti pecu-
 niosique, contenti suis artibus. Hi nec arma,
 nisi coacti, capiebant, nec belli huius exitum
 magis, quam bellum ipsum, extimescebant,
 quorum maiores sua quisque studia secuti,
 civilibus diffidiis domesticisque cladibus ab-
 stinuerant, ab his pecuniae exigebantur, his
 stipendia conducendo militi extorta, nec ul-

la re magis, quam domestica vexati tyrannide, pacem, quam verbis petere non licebat, animo avidissime cupiebant. Ultimum erat genus, quorum maiores nobilitatem secuti, quod aut frigidiuscule factionibus studuissent, aut affinium & propinquorum ope freti, in exilium eiectioni non essent, in civitate remanserant, sed nec magistratus gerere, nec dignitates civiliaque munia obire poterant. Ii erant, qui maxime omnium suspecti habebantur, etiam ab illis ipsis, qui, ne in exilium praecipitarentur, affinitatis iure effecerant. Quippe illa tempestate unis in tectis, una in familia, vel a parentibus liberi dissentiebant de vita & sanguine. Inter tot diversa civium studia, etsi potentiores erant, qui armis clientisque, quam qui suis artibus viverent, aut qui alieno essent animo, tamen metus & suspensiones undique in civitate versabantur. Alios imperii sollicitudo suspensos tenebat, alios fortune exinanitos assidue exactio magnitudo terrebant, alii, ne quid suspicionis aut esset, aut conflaretur, summum periculum atque ultimos cruciatus metuebant. Multorum erat timor, ne auctores rapinarum, quorum ipsi ductu raperent spoliarentque aliorum fortunas, imperio deiicerentur. Hae res effecerant, ne cuiquam portae civitatis, nisi muro, crederentur. BRACHIVS, ubi videt, tantum pavoris ac trepidationis invasisse urbem, etsi intelligebat, unicam speciem civium in Caroli adven-

adventu esse repositam, nihilo secius, quod magis aut perterreret attonitos, aut sperantes in certamen provocaret, cum quadringentis equitibus trecentisque peditibus ad muros civitatis sese ostendit, pugnamque milites postulaverunt. Cives, ut est ea gens totius Italiae longe bellicosissima, cum portis egredi nequirent, muris, qua parte pressiores erant, cum armis sese iacentes ad pugnam animis pleni defiliebant. Magna corruente multitudine, acerrimum initium est praelium. Cives, etiam illi ipsi, quibus bella displicebant, studio pugnandi & gloriae ac laudis aemulatione trahebantur; qui muris haerebant dispositi, propugnaculis lapides ac tela coniciebant. Multi utrinque vulnerati, desiderati etiam nonnulli. BRACHIUS, In quo posteriores telis usi venenatis, a Brachio gravissime increpantur.

reducto nec victo, nec victore, exercitu, cum aliquot militum vulnera subito livore intumescerent, comperit, tela quaedam mortifero tincta atque oblita medicamine: eamque ob rem mittit, qui ad rectores civitatis tela ipsa deferrent, simulque nunciarent, ne belli iura violarentur, alioquin sibi quoque consilium non defuturum: insuetam hanc pugnae speciem Italicae genti, & ne cum barbaris quidem hoc modo solere dimicari. Decemviri, (tot enim praeerant civitati,) statim decernunt, si qui eo genere telorum usus fuerit, capitali supplicio esse damnandum. Ad BRACHIVM respondere, eius rei se ignaros esse, non placere sibi nec gentium, nec bel-

belli, inra violari, & quoniam controversia esset de civitate, contentos esse rem suam non magis aliena pernicie, quam salute sua, defendere. Praeconio deinde edici iubent, qui veneno tela tinxissent, contra Rempublicam esse facturos, quo crimine nullo apud eos maiore animadversione & supplicio dignus.

Carolus Malatesta cum aliis civibus auxilium laturus appropinquat.

Dum haec geruntur, BRACHIO per speculatores significatum est, multum copiarum ab Arriminenfibus coactum esse, Carolum Malatestam civibus auxilio venire, ducere in armis equitum duo millia, peditum mille & septingentos. Iam in fines Asisatium pervenisse, esse cum illo in exercitu Angelum Pergulensem, & praeterea ductores alios non mediocris in re militari auctoritatis. Hac re nuntiata, per alios exploratores, quos consuetudine sua late dimittebat, certior fit, Ciccholinum praeterita nocte cum mille equitibus totidemque peditibus ad Spellum, quod & ipsum est Umbriae oppidum, confedissee: & fama increbuerat, non prius inde moturum, quam copias iunxisset cum Caroli exercitu. Huc addebant, Paulum Ursinum in itinere esse, iam Narem flumen esse traiectum. BRACHIVS, tot simul rebus nuntiatis, adoriri singulos hostium duces instituit, ne, si cum universis confligendum esset, nimium discriminis ac periculi subire, militesque a multitudine circumveniendo, ad caedem, non ad pugnam, obiceret. Citato statim milite, quod matu-

Conferit Brachius cum Cic-

maturandum sibi quam maxime intellige-
bat, sub occasum solis movit exercitum, mul-
toque ante primam lucem, tota nocte in iti-
nere consumpta, Spellum pervenit. Hostium
pedites stativis circa portas ac muros cre-
bri stipatique confederant, sit nocturnus im-
petus in somno gravem hostem. Tum ve-
ro, quantum subitae res momenti habeant,
quamque mortalium animi terreantur, maxi-
me patuit. Primo sublato clamore, trepidus
hostium peditatus non arma capiendo, sed
huc illuc fugiendo, latitabat: non ordinem
non ducem, non signa, sequebantur, sed, qua
propiores essent portae, in oppidum se per-
territi recipiebant, arma, vestes, tela passim
relicta, pleraque in ipsa fuga trepidis elapsa,
atque humi iacentia calcabantur. Interea
Ciccholinus, audita suorum fuga, ubi de ho-
stium adventu cognovit, equitatum, quem
omnem, ne agri pabula vastare, aut frumen-
tum noctu alportare milites possent, intra
oppidi moenia compulerat, extra portas com-
posito educit agmine. Sed, quo magis res
erat improvisa, eo minus explicare aciem,
proculque a moenibus procedere audebat.
Qua re cognita, BRACHIVS, tripartito ag-
mine, tertiam partem copiarum obliquo
tractu clam ad occupandas portas hostem-
que intercludendum dimittit, ceteris copiis
a fronte atque a latere invasurus hostem:
nec consilium fefellisset, nisi oppidani, qui
videndi studio ad moenia confluerant, &
M 5 quan-

quantum nox permetteret, prospiciebant, Ciccholino iter obliquum hostium nuntiasse. Ille, reducto ad portas equitatu, ne circumveniri posset, intra prima oppidi munimenta se continebat, mox provocatus, ut sit, ad pugnam, levi commisso praelio, paucisque ex suis amissis, intra moenia compellitur. Haec victoria, quamquam minor spe fuit, peditatus tamen direptione insignis est habita. BRACHIVS, cum ex captivis cognoverat, omnes hostium copias in Asifatium finibus conventuras, quod ubique erat virium, unum in locum coegit, sperans, Pauli Urfini adventum tardio rem fore, ceterum Carolum animo esse vasto, & ad gloriae cupiditatem, quam periculi metum cogitandum, proclivore, minime expectaturum Pauli adventum, existimabat. Hoc consilio, ne hostibus, quo minus coniungere exercitus possent, impedimento esset, in sua castra revertitur; sperans, coniunctis copiis in praelium, quod peditatu & equitatu praevalerent, esse venturos. Postridie eius diei hostis uterque, ex diverso Asisium conveniens, castra exercitus coniungere. Perusini, ubi primum de auxilio est nuntiatum, subita lactitia privatim publiceque affecti, portas, iam pridem muro septas, aperiunt, mox turribus, moenibus, palatio, privatis etiam aedificiis, luminari flamma distinctis, quo signo magnis prosperisque in rebus uti consuevimus, se quoque ad pugnam parant, iuventutem conscribunt,

Quo victo in
sua ad Perusi-
am castra re-
vertitur.

Perusinarum
de adventante
auxilio laeti-
cia.

arma telaque expoliunt: videres se ipsos hortari atque excitare, muta iam pridem consilia magno celebrare plausu, alterum alteros gestienti similem intueri, &, quo minus laetus ex ea re esset, eo plus laetitiae simulare. BRACHIVS, in castra reversus, Tartalia ceterisque praefectis militaribus ad se vocari iussis, edicit, ut omnia, quaecunque committendo praelio usui forent, quam optime possent, compararent, proximam instare pugnam, aut huius belli, aut utrumque futurum sit, laborum atque exilii finem. Ipse, cum ad multam noctem vigilasset, tabernaculum solus ingressus, multa secum cogitasse dicitur. Occurrebat animo duplicatus hostium exercitus, duplo suis copiis maior, Pauli etiam adventus, qui si ante, quam conflingeretur, adventasset, futura in hostium exercitu equitum quinque, peditum fere totidem millia. Tum Populum Perusinum magno numero maioribusque animis pugnae interfuturum, iam nunc nondum victis insultantem, & pene citra externam opem suis viribus parem se facere, bellandum esse alieno loco, equos suos in acie & diuturnitate belli confectos, hostium robustos atque integros, & nunc tandem hybernia exeuntes, tum aut pugnandum sibi esse, aut agrum totum amittendum, nihil alienius esse, quam praesidiarias manus per oppida disponere, campum hostibus liberum patentemque relinquere. Nam, ut hostes non oppu-

Cauta Brachii sollicitudo.

gna-

Obviam dein-
de suos educit
hosti.

gnarent, fame tamen esse pereundum. Huc accedebat bellicae rei gloria, invictumque ante id tempus nomen, si hosti cederet, magnam famae suae ac nominis esse iacturam, nihil paulo ante fundato imperio periculosius. Quod si belli discrimen vellet adire, facile unum a tribus circumveniri ac vinci posse, quae res multo cunctatiorem ad bellum faciebat. Repetebat, quam esset varia atque anceps fortuna belli, nec quidquam magis, quam ne superiorem felicitatem nova foedaret calamitas, metuebat. Hac tam ancipiti cura districtus, totam noctem insonnem egisse, etiam ipse confessus est. Ceterum, ut saepe ex longa cogitatione sana & matura consilia, porro ex consiliis pulcherri-
mi rerum exitus oriuntur, multis ultro citroque unam in rem collatis, placuit omni qua posset via, prius bello decernere, quam tot simul hostium copiae iungerentur. Hoc ut facere posset, quod ubique erat militum, equitum, peditumque, unum in locum coacto, omnibus dimissis impedimentis, in late patentibus campos, quo hostis erat transiturus, composito atque instructo pergit agmine. Planities longe magis, quam late iacens a flumine Tyberi, qui a Septentrione defluit in Meridiem recto tractu ad Orientem, in Afriatium pertinet fines. Non procul a flumine hinc collis, inde Sanctum Giliu, parva oppida, a latere prominent, quo fit in cetero tractu plane patentibus campi, hoc in loco

eo paululum devexi demittantur: qua vero
 a meridie in collem attolluntur, parvis, sed
 tamen frequentibus, arbusculis increvit sylva.
 Idibus Iuliis BRACHIVS, huc omni tra-
 ducto exercitu, non longe a Tyberi flumi-
 ne, qua hostem non multo post transiturum
 existimabat, confedit. Aciem non in cornua,
 veterum consuetudine, sed novo atque inusi-
 tato genere pugnandi, quo post illud tempus
 usi sunt omnes, in plura consertaque divi-
 sit agmina: unicuique agmini suus est du-
 ctor, quadrati agminis caput appellant. Pri-
 mus enim praeliari turmatim instituit, ante
 quem non singulis primum & modicis co-
 hortibus, sed toto simul exercitu, res cornu
 atque ala gerebatur. Igitur, omnibus equi-
 tum turmis in ordine quam aptissime collo-
 catis, pedites raros interiecit, hisque impera-
 vit, ut equitibus adessent, illos observarent,
 nusquam oculos ab illis flecterent, excitarent
 cadentes, vulneratos susciperent, hastas pu-
 gnantibus administrarent, pocula circumfer-
 rent, & cum commode potuissent, hostilium
 equorum ilia suffoderent. Rebus sic pera-
 ctis, mittit, qui e proximo oppido dolia, ca-
 dos, & varii generis ingentia vasa, perferrent,
 quae, accitis statim mulieribus ad aquam e
 flumine deportandam, media post militum
 ordines collocavit: quae res vel sola victo-
 riam praebuit. Quod eo fecit consilio, ne
 ardore solis bellicae labore defessi milites
 ab ordine discedere, respicereque ad Tybe-
 rim

Novum inusi-
 tarumque pu-
 gnandi genus.

rim cogerentur, ratus, id quod postea evenit, hostes propter anni tempestatem, solis aestum nequaquam diutius esse passuros, sed belli simul labore fatigatos, ad Tyberim ostingentorum passuum intervallo decessuros. Haec ubi sunt peracta, paululum temporis permoratus, procul inde quatuor millium spatio, venientium hostium agmina conspexit, quorum paulatim appropinquantium arma solis splendore percussa fulgebant, & pulvis veluti fumus late exsurgens nebulae speciem ostendebat: adspiciebantur iam compositae parataeque praelio cohortes, quae vel spe praelii, vel ut civibus quam instructissimae bellicosissimaeque viderentur, magnifice se ornatissimeque distinxerant. BRACHIUS, ubi videt hostem pugnae intentum procedere, veritus, ne magna vi populus auxilio veniret, peditibus aliquot ad occupandum fluminis pontem dimissis, ceterum exercitum in acies plurimas distributum circumiens hortabatur. Aliquae erant exulum cohortes, quibus Malatestam Balionium, Pandulfi, quem a plebeiis trucidatum diximus, filium praefecerat. Ad eas ubi hortando pervenit, propior factus, in hunc modum locutus fertur: Poteram, inquit, viri, utinam dicere liceret Perusini, & calamitate vestra, & hostium iniuria, contentus esse, nec eos verbis hortari meis, quos dura sua excitare debeant facta. Tertius hic & vigesimus agitur annus, quo nos eieci civitate,

vage

Oratio Brachii
ad exules.

vage misereque acti, nec coelo, nec terra stabilem sedem habere potuimus, nulla re, quam longa fuga, tutiores: tamdiu etiam parentes nostri multi iacuere, quorum iniurias ut ipsi non sentiant, nos recordari sine maximo gravissimoque animi dolore non possumus, nisi nostra mala paternas iniurias superavere. Nec facile quisquam aliena incommoda recordatur, quem premunt sua. Equidem memoria teneo, plurimos ex vobis, cum exilii mala comploraremus, dicere solitos, saepe sibi de morte esse cogitatum: nec quisquam est nostrum, cui tam misera & laboriosa vita non morte fuerit acerbior. Nam, ut mittam patrium coelum, ut affines cognatosque nostros, qui non parum nobis possunt afferre desiderii, quid per vestram fidem miserius dici potest, quam tot vix spiritu sustentatos annos, non potum, non cibum fumere, non dormire, non vigilare, sine perniciosissimae mortis suspitione potuisse? quoties non insidiis, quoties veneno tentati sumus? ubi gentium paulo diutius commorati, ut non statim missi sint, qui capiti vitaeque nostrae insidiarentur, precium nostri sanguinis accepturi? ex oppidis in oppida, e regionibus in regiones fugere magis, quam immigrare, compellimur, adeo nullo malo nostro contenti, perniciem, quam exilium, malunt: qui parentum quoque nostrorum sanguine ac caedibus sunt cruentati, pudet dicere, quae pati miseros oportuit, cum patriis

triis eieci laribus, civitate ferro praecipitabamur, cum parentes nostros medio in foro crudelissime immanissimeque trucidatos, alios deformatos naribus, alios manibus pedibusque articulatim caesos ac mutilatos, relinquebamus: quanto maiore effugimus numero, quam nunc sumus? ubi sunt illi ipsi, quos fugae atque exilii duces habeamus? id a me si quaeritis, alii inopia & fame, veneno alii, nonnulli moerore atque aerumna, perierunt. Quorum exilium hoc fuit miserius, quod in patria vel ab inimicis, qui occidissent, sepeliri potuerunt. Nam, ut viventibus multi, sic morientibus invidit nemo. Sed quid ego aliorum mala commemoro? quasi vero desint nostra, nec pari nos iactemur tempestate, paulo post iisdem exilii fluctibus interituri. Beatum illum ac laetum iuventae florem infuerti generi fortunaeque nostrae labores excusserunt, militares annos, & pugnacem ad hunc diem aetatem, quam adhuc celeri labentem passu retinemus, paulo post etiam, si socium & quietem nacti erimus, senectus absorbet. Ubi iam exhausta viribus & sanguine effoeta reponemus corpora? ubi moriemur tandem miserrimi exules? aut quibus ossa nostra sepelienda demandabimus? Haec tam acerba & diuturna mala si, ut sunt, ita vobis gravia atque aspera videntur, non dubito, virtute vestra evitari hoc die posse uno momento, & parentum nostrorum umbris satisfecerimus, & saluti nostrae, quam
tot

tot variae procellae & tempestates agitaverunt, consulemus. Sit satis haecenus fuisse miseros; iugum illud tamen grave nostri exilii ut patienter ad hoc usque pertulimus, ita nunc fortiter excutiamus, ne nimis didicisse miseros esse, & nati ad exilium, non eiectioni, videamur. Quousque inimicos nostros tot scelerum impunes ac laetos esse, & parentes nostros inultos iacere patiemur? Satiusest iniurias ulciscendo mori, quam vitam eas negligendo retinere. Nam, qui sic moritur, tunc etiam ulciscitur, cum moritur, quo quid potest esse in miseria pulchrius? Contra vero, qui negligit tam diu acceptas, auget iniurias, donec earum testem vitam retinet. Nihil animo magno & fortia atque praeclara cupienti potest esse pulchrius, quam iniurias, ubi patientiae modum exceßerunt, propulsare. Quem non natura solum ad vindictam armavit, sed etiam excitavit ad gloriam? Aliud est quaerere gloriam, aliud ignominiam propulsare: illud honeste saepe non curamus, hoc sine summo dedecore & turpitudine non curare non possumus. Quod si gloriae cupiditate, & maiorum ultione non tangimur, quoniam gravia, quae sunt, usu fiunt atque assiduitate leviora, nostra tamen necessitas impellat ad bellum: fin tot mala perpeti aequo possumus animo, liberis nostris, quos media in fuga peperimus, aut, si Dii volent, in patria pariemus, consulendum

N

nobis

nobis est. Quod si hoc fortasse veremini, ne nimis severi ultores futuri simus, missas parentum faciamus iniurias, saltem nostra tecta, nostros lares, praedia & sepulchra nostra, repetamus. Quamquam quae satis severa ultio iis, qui avos, qui parentes, qui germanos, nulla causa interfecerunt? qui iampridem inopia & fama pereuntibus domos atque agros eripuerunt? Veremur, ne nimis magnam iis iniuriam faciamus, quod, nostris iniuriis non contenti, vi, fraude, ferro, veneno, usquequaque vitae capitique nostro insidiati sunt. Quotusquisque est mortalium, si pugno ictus, si paulo conviciosius aures appellatæ, qui non ira statim incensus, gladium perstringat? Sed multo maior iniuria nostra est. Utinam patientiæ locus foret, & quos habuimus offensores, iisdem petentibus veniam dare possemus: sed nec illi sui sceleris atrocitate petere audent, nec nos, si peterent, ignoscere paternae pietatis iura paterentur. Maius est illorum scelus, quam quod ignosci a nobis queat. Sed quid haec loquor? quasi illa de venia impetranda, non de calamitate accumulanda, cogitarent? Agrum omnem vastavimus, Thrasimeni oram, etiam illam navigabilem, recepimus in potestatem, oppida cuncta, quae munierant, aut vi nos subegimus, aut illa sua sponte in deditionem devenerunt: montosa & asperrima situ castella ad nos defecere omnia. Urbem, ut nos quietem aut aliud
age-

ageremus, agricolae obsiderent, non pedem efferre, non portas aperire audent. Videte, quaeſo, indebilem pertinaciam, num de recipiendis nobis vel unum fecere verbum? Misere illi quidem Legatos; ſed quid aliud Legati, quam verba dare? Belli dilationem quaefierunt. Quid facturos putatis, ſi hinc victi vage ſparſumque diffugerimus? Quos intra moenia noſtra coercitos mitigare nequimus, eos nobis fugientibus pacem daturos exiſtimamus? Credite mihi, aut hodie vincendum eſt nobis, aut victis miſere in exilio moriendum. Nihil dico de gloria, nomen ipſum admonere nos poteſt: quaeſo, quid diu exules fuimus, nihil tam ignominioſo titulo ſplendoris eſſe potuiſſe: affinitates & coniugia, quae antea finitiunis dare negabamus, nunc ignobiliffimus quiſque faſtidit: adeo noſtrae fortunae noſtri adſpectus omni genti ſorduere. Semperne igitur extorres exulabimus? Semper fame atque inopia excruciatum in miſeria & calamitate verſabimur? Et quis erit laborum finis, ſi etiam fugientibus pro capite arma ferre opus ſit? Hoc illud eſt tempus, in quo modico brevis horae diſcrimine perpetuum nobis paratum eſt otium. Si hodie noſtris utemur dextris, reliquae vitae non noſtrae ſolum, ſed liberum nepotumque noſtrorum, conſulemus. Nec eſt ea ratio, exules, ut meliorem belli occaſionem futuram ſperare poſſimus: hodierna pugna totius belli finis erit: et oppida, quae cepimus.

& urbs ipsa victorem sequetur: nulla iam nec nobis, nec hostibus, auxilia operienda: quod habent virium, id hodie in ultimum belli discrimen adduxerunt. Quod mearum fuit partium, dedi operam, ut quam aequifumo loco, antequam hostes se cum urbano delectu coniungant, cum dimidiis eorum copiis praeliaremur. Amnem videtis interclusum, si sitim extinguere pergant hostes, ferro iter erit aperiendum. Nam, ut acri pugnent animo, id curavi, ut non cum solis nobis esset illis, sed cum ardentissimo etiam aestu, dimicandum. Omnia nobis, Diis gratias, opportune provisum sunt: delectus locus, constituta in ordine acies, parata, quae fatigatis succurrant. Pedites vestro praesidio intermixti nihil nisi vestros oculos intueri iussi sunt: iam & mulieres, ne solem timere possitis, auxilio praesto fuere. Si pares tantis apparatibus adhibeatis animos, nos certe vicimus exules. Quid etiam, si haec gravissima forent, necessitas nos cogeret pugnare, si non ipsa voluntas impelleret? Patiemur nos, ignobilissimum quemque regnare domi? Patiemur, abiectissimam plebeculam nobilissimae imperitare civitati? Domos nostras, sanguine parentum nostrorum cruentatas, ab iis ipsis teneri, qui occiderunt? Equidem saepe audivi, qui violenta & manu illata morte perierunt, eorum umbras circa domos ac tecta volitare, conari saepe vocem & piacula exposcere. Quid? si parentum nostrorum umbrae

brae suas domos circumerrent, quos adspiciant non interfectores suos? Quid audient? Non quotidianas execrationes? A quibus piacula & parentationes expostulant? Num ab iis, qui se nefariis manibus interfecerunt? Opem expectant vestram, non qui ceciderunt solum, sed quos ludibrio inimici in urbe retinuerunt affines & propinqui nostri. Quibus quid potest esse miserius, alienum atque inimicum vultum sumere, ubi dolent, gaudere, ubi gaudeant, dolere coguntur, adeo libertatem animi, quae communis est omnibus, dissimulare miseros oportet. Nihil dico de Magistratibus, nihil de divitiis & libertate civili, nihil de contentionibus urbanis. Iam pridem memoria exciderunt honores & dignitates, quas continuae apud inimicos intuentur: cogitate, quantum acerbatis; nam nobis quoque idem est malum, nisi fortasse minus doleat, qui iniuriae suae autores non semper habet ante oculos, quam quibus praesentes metuendi sustinendique sunt illi. Qui domos nostras frequentare solebant, direpti, spoliati, nihil nisi dextras expectant vestras. Qui comitari parentes nostros, qui cum illis Rempublicam gerere, quorum magna pars ferro absumpta est, quas porrigere preces, quae vota facere, quam occulte tendere vobis timidas manus arbitramini? Suspiciate, quaeso, illa, in quibus nati sumus, moenia, quam cupide hodie vos expectent: quaeso item, introspicite, videte illa interiora tem-

pla, illic patrum matrumque vestrarum iacent ossa. Quid illa privata, nec tam eminentia, aedificia? Ibi nati, ibi, quibus per hostesadolescere non licuit, primis incunabulis educati sumus. Quam amice nos videntur acclamare, & implorare opem nostram? Quid dicam illos supremos colles, quid hos campos, quibus etiam pueri versabamur, & hunc ipsam Tyberim, tum hoc patrium coelum, quod in hanc lucem educti hausimus, quam pulchre ad bellum contra inimicos invitant? Ubi aut gloriosius vincere, aut honestius sepeliri, poterimus, unde fugere turpius? Porrigite mihi dexteras vestras, mei cives, nam sic auguratur animus: per has ego vos appello, in quibus victoria nostra sita est, ut hodierna die pulchrum facturi facinus pro vestra patria, quam videtis ante oculos, pro vestris tectis, vestris incunabulis atque fortunis, pro parentum gloriosa vindicta, pro salute & dignitate nostra, denique pro hoc ipso nostro tam pulchro, tam nobis amico, coelo, ita fortissime dimicemus, ut aut fortiter vincendo, aut honeste moriendo, perpetuo in nostris parentumque nostrorum quiescamus sedibus. Haec dicenti una reddita est omnium vox, se aut vincere hoc praelio, aut mori, statuisse. Eas acies Brachius, quod in his plurimum confidebat, primo loco post Tartaliae aciem constituit. Singulis in ordine collocatis, ad militum agmina progressus, eos quoque hortandos ad bellum incen-

**Morum re-
sponso.**

**Oratio eius-
dem ad mi-
lites.**

cendendosque pro periculi magnitudine arbitratu, ita differuit: Cum belli varia pericula cogito, milites, quae me duce superastis omnia, tanta mihi virtutis vestrae recordatio occurrit, ut nihil novi negotii putem expetendum: fatis erit pristinae virtutis admonuisse: eius hodie si, ut spero, memineritis, victoria in manu est. Exhibete mihi, quaeso, illas victrices dextras, quibus me ad Picentes pauci a plurimis defendistis, quibus Cingulanum populum compulistis intra moenia, quibus Faventini, qui transitum per suos fines facere prohibebant, altius, quam vellem, cecidere, quibus Romae Regem pugna, Gallos virtute, omnes gloria, superastis. Non dubito, qui fortissimas gentes vicistis, ne ignavissimam non superetis. Nec vos armorum deterreat vanus fulgor, quae paulo post vestra futura sunt, illi clypei, illae hastae, quas procul venientes intuemini, hostium fugae, non vestrae victoriae, impedimento erunt. Gens imbellis & domesticis emollita deliciis, quam nimis imperiosus dux, ad numerum, non ad pugnam domo excivit. Multum praedae, nihil periculi, affert, ut nos negligentius pugnemus, aciem nostrorum oculorum diutius ferre non poterunt. An vero, quid nomen valeat, ignoratis? Tremere nunc hostem sub armis, non sua magis ignavia, quam fama vestra, cogit. Tot magnifice gesta praelia, tot illustres victoriae, tot expugnationes, quibus ante hanc diem in-

victi reputamini, non latent in angustiis, milites, sed cunctam Italiam, omniumque hominum animos, pervagantur, & qui timide accedit ad praelium, de fuga cogitat, non de victoria sperat. Quid putatis facturos hostes, quorum alii bellorum infuetudine, alii fama vestra, omnes perterriti, omnes a liberis & coniugibus avulsi, ad domos suspirant. Nec magis vos, milites, primam in frontem progrediemini studio bellandi, quam illi ad terga suorum fugitabundi delitescant. Veterani si qui sunt hostium milites, quos ille per oppida disiectos uxoribus enervandos exhauriendosque disperferat, desueta iam bello sunt & longo otio soluta corpora, nequidquam nostris cicatricibus, & duratis collo lacertis, congressura. Quae ut minus a nobis praelio vexentur, sitis atque aestus absumet. Equi eo robustiores sunt, quo magis exerciti, nec solem facile patitur, quem diuturna complexa est umbra: tum magnum pugnantibus incitamentum praeda est: opes nostrae quam angustae sint, ne ipsi quidem ignorant hostes, galeam, lorricam, thoracem, ocreas, tela, equos, haec nobis eripere victores possunt, haec sunt, quibus discrimen belli ne ipsi quidem, qui bello vivimus, putaremus adeundum, quid hostes, quam longa pace, quam recenti expeditione atque apparatu opulenti? Non nobis cum armis atque equis est bellum, quos spoliatis auferamus, pro captivis redimendi erunt,

erunt, quos ceperimus, non pro militibus dimittendi. Superiore Gallico bello una excursionē octoginta millia nummū praedae pretium accepimus, quod ex tot finul captivis sperare debebimus? Nam arma illa procul micantia magis sunt ornata, quam firma. Delecta ex oppidis iuventus phaleris atque armis tota nitet, ceterum animis ingens trepidatio & pavor officit. Quas opes, Dii immortales, quae vasa argentea, quantas pecunias Ariminenses longa pace congefferunt! Ii sunt, quos iam non longe adspicitis, veluti ad nuptias molli apparatu venientes; stringite modo gladium, nihil dubito profugituros. Nec enim Ariminenses Faventinis finitimis suis fortiores erunt. Idem tractus terrae, eadem ora est, nisi quod isti longiore otio torpuerunt. Quanta caedes Faventiae facta, quam nullo praelio tot millia hominum fusa fugataque sunt? Cum ad Pisaurienses penetravimus, quantum praedae in Ariminensi actum, quam nihil ausi sunt graves praeda impeditosque invadere? Quid nunc animi habituros putatis, alieno solo, pro alieno imperio bellaturos, cum iis ipsis, quibus suis in sedibus, pro suis fortunis congregari non sunt ausi? Non facile exsurgit, qui semel deiectus est, animus. Nam de multitudine quid attinet dicere? Fato quodam nostro fit, milites, ut nunquam pari numero congressi sumus, & vos iam pridem vincere multitudinem didicistis. Testis est Michi-

lectus, testes isti ipsi Ariminenses & Faventini, quos maioribus, quam nunc sunt, copiis Camerti agro Fabrianensique fugavimus. Testis hic ager Perusinus, ubi cum multi uno in exercitu duces convenissent, subito conspectu nostro ad Tyberim defugere. Testis, ut alios taceam, potentissimus Rex, Arretio fugatus, Romae devictus, sola pulsus vestra virtute, milites. Nam alii quid opis tulerint, non est necesse aliena facta commemorare. Diis gratias, eo animorum ventum est, ut multitudo contemptui sit vobis, paucitas verecundiae. Nam ii ipsi, quod nulla iniuria, nisi militari, laceffiti a nobis, contra nos aliena capeffunt bella, saepe, quid vestrae dextrae valeant, experti sunt. Quo magis eorum ducis pertinaciam demiror, quem toties cognita pericula terrere non potuerunt? Voluimus transire ad Gallos, iter per Ariminensem impediēbat, Pisauro cum praeda revertēbamur, praesto nobis a tergo, a fronte, ac se, ac militem obiecit suum. Patriam recuperare contendimus, videte, quam importune sese ingerat nobis? Nimirum hic sanguinem sitit nostrum, qui etiam invitos suos trahit ad alienum bellum, & exilium meum pro regno habet: quo in bello lapides si possent, aliquid mihi ferrent auxilii, hic unus ex omni Italia est infestus. Quae tandem ista est immanitas? Si quis toga acceptos suum in praedium divertere nos vetaret, quandam facere videretur iniuriam? At hic, ne ad patriam,

am, ne ad propinquorum amicorumque amplexus accedam, nefariis obstat armis, & quo pacto me vobis eripiat, inimico venit animo, non hostili. Defendite me ab inimicis, milites, qui toties ab hostibus defendistis. Si unquam fortiter pro mea dimicastis gloria, nunc per invictas, me duce, dexteras oro, pro mea vita, pro meo sanguine, pro mea illa, quam suspicitis, patria, multo fortissime dimicetis, ex opulentissimo hoste ingentem praedam, ex me digna vobis reportaturi hodie praemia. Réponite me meis domibus, quem tam diu errantem secuti, nullo in periculo deseruistis. Haec dicentem, magnus vibrantium clamor interpellavit, nec unquam magis exarsere militum animi, quos certatim fortissimo cuique data ducis manu hasta magis magisque accendit, voces magnifice undique exaudiebantur. His hastis pulcherrimum facinus ante ducis oculos esse facturos, & quo sum quisque studium in Brachium declarare cupiebat, eo de se fortius polliceri: hunc diem testem virtutis amorisque daturum. Plerique bellandi ardore non expectandum hostem, sed ultro adoriendum, censebant. At Brachius, quod locum delegerat quam aequissimum, unde aditu fluminis hostem intercludebat, unoquoque in ordine manere iussu, post Tartariam atque exules, quos prima fronte constituerat, militum disponit agmina, in crebros & confertissimos glomerata orbis: signa autem militaria, & belli vexillum,

Unanimis militum vox;
una responsio.

lum, post sylvam in occulto haberi iussit, quod magis suspensum teneret hostem: hic interimem & pene inutilem adiecit multitudinem, quae, eminentibus supra sylvam hastis, integri & signarii agminis speciem praeferebant. Iam hostes, ubi ad mille passus appropinquare, paulisper subsistentes, suam & ipsi aciem tripartito agmine, & in cornua producto exercitu, paraverunt. Primi agminis ductor Angelus Pergulensis, in quo equites erant circiter mille, pedites octingenti. Alteri agmini pari equitatu, peditatu aliquanto minore, praecerat Ciccholinus. Ultimam aciem Dux ipse, mille & quingentos equites, pedites octingentos, collectum ex omni exercitu robur anteibat; nec deerant, quae militum animos incenderent, verba, nunc qui praecedebant, nunc ad sequentes conversus, magnifice hortabatur. Habemus, inquit, occasionem, milites, ulciscendi tot illatas nobis iniurias: cum illis bellum nobis est, qui Cefenatem depopulati agrum, non contenti praeda, mulieribus contra ius gentium iniecere manus, & arcem expugnatam igni ferroque vastaverunt. Camertes contra nos neque publico foedere, neque privata inter se amicitia, sed capitali odio nostri, defenderunt. Tum ex Gallia usque tot dierum itineribus decursis ad nostros fines praedabundi venire, pecora atque agrestes abegere in praedam, villas non hostili impetu, sed inimica manu, incenderunt, qui, nisi ali-

Oratio Caroli
Malatestae ad
milites.

aliquid ultra bellum agitassent, non tantum exhaustissent laboris, nunc poenam tot scelerum daturi, nisi vana vos deterreant nomina. Nam illa temeritas improvisis nobis terrore esse potuit, nunc consulto ad bellum imus, tunc numero impares, nunc duplo maiores, ut circumvenire hostem, nec victoriam modo, sed certam fugam, sperare possumus. Non eodem milite res agitur, nec vos insignia illa decipiant. Nam, quos in Piceno vidimus, pars secuti Paulum sunt, quem, ut nostra omnis penes vos esset gloria belli, expectare nolui, pars Bononiae relicti praesidio. Haec exulum omnis est manus, illis nec equi, nec arma abunde sunt, quos inanis spes recuperandae civitatis exhaustos iampridem, & vage deiectos, ad patrium contraxit bellum: equi in acie confecti, arma plerisque raro antea capi solita, sed facite, equos, arma, usum belli, atque corporis atque animi vires, denique omnia egregie hostis habeat, quam facile est vincere interclusos? Hinc populus imminet, hinc noster altero tanto maior premit exercitus, nec homo plus quam hominem valet: suae cuique manus, sui pedes sunt, nec quisquam magis acer oppugnator salutis alienae, quam cautus defensor suae: sed, qui terga vertit, hosti feriendum se impune offert. Nec ulla tam foeda vulnera, quam quae tergo excipiuntur: contra nulla honestior, quam adverso in pectore fronteque, cicatrix. Quid? quod

quod hostem iam nunc timere videmus, sibi ipsi diffidentem, qui, ut falso nos terrerent metu, perexiguum exercitum frequentia dividere in agmina, quasi numero illa, non robore, constarent: si vicerimus, milites, quod scio futurum, omnis hic tam late patens ager nostro cedit imperio. Urbs illa, cuius tam superba videtis moenia, nostri futura est: tunc hostes vincere, etiamsi parum foret praedae, pulcherrimum est. Sic lupos saepe laqueo petimus, non tam praedae gratia, sed ne quid ovilia nostra corripiant. Omnia tuta erunt nobis hoste profligato, & ultra imperii fines, quos una victoria longe lateque propagabimus. Nihil regni nostri exactionibus opus erit, huius urbis vestigia satis nobis stipendii dabunt: nec solum tuebuntur illa sese nostris auspiciis, sed magna imperii accessio, quae vobis quoque cupienda est. Novarum rerum magnarumque expeditionum initium erit, nec solum dico de praeda, quae omnis futura vestra est, sed de gloria multo magis, quae communis mihi vobiscum erit. Ite modo alacres ad bellum, & haesitantem iam pridem hostem, ubi cinctum habetis, stricto mucrone adoriimini, ulturi hodie tot indigne acceptas iniurias. Exiguum iam interval- lum utramque aciem dirimebat. Brachius Tartaliam, cui primum aciem ducendam dederat, cum aliquot suis turmis contra hostem ferri, reliquas subsidio paratas esse, iubet:

**Proelium in-
ter hunc &
Brachium
commissum.**

bet : nec longo intervallo Malateſtam, ſecundi agminis ductorem, preſſa galea, intentisque haſtis, pugnae eventum expectare, & ubi ſignum daretur, paratum eſſe ad impetendum hoſtem : parique ſpatio Cherubinum inſtructa parataque acie conſtituit. Ipſe extremo loco, ſubſidiaria collocata manu, peditum aliis equiti intermixtis, qui hoſtium ſuffoderent equos, aliis ad occupandos dextra laevaque tranſitus dimiſſis obliquo curſu, triginta ſtipatus haſtatis, ſuorum agmina praetergreſſus eſt. Nec hoſti deſuit animus. Prodire iuſſi conſeſtim aliquot equites, qui manus cum illo conſererent. Hoc modo leviter duobus in locis pugnare coeptum. Angelus Pergulentiſ, parte ſuorum contra BRACHIVM miſſa, ſubſidio ſuis modico ſpatio veniebat : BRACHIVS, magna vi pugnans, repellitur. Huic Malateſta, quem paratum praelio dixi, cum parte equitatus ſuccedit tanto impetu, ut diſſipati hoſtes, in reliquum refugere exercitum cogerentur : captique ſunt equites ſeptuaginta. Quibus ſtatim ſpoliatis, equos atque arma peditibus diſtribuit, iuſſosque armari in novum producit agmen, & quid unumquemque facere velit, oſtendit : ipſe pugna egreſſus, quid hoſtis, quo tenderet, obſervabat, ſimulque ut, cum auxilio opus eſſet, proviſa forent, nihil ordines interruptura ſubſidia. Tartalia fortiffime pugnante, vel potius inſequeute, Angelus cum parte equitatus,

tus, quem subsidio venire dicebam, fugientes suo excepit agmine. Sed nec ipse firmato gradu procedere ad pugnam est ausus, vel metu tanti impetus, vel, quod verifimilius putant, lassationem ordinum operiens. At BRACHIVS, ubi videt, hostem vel detrectare pugnam, vel differre, cum quadraginta equitibus hostium agmen aggressus, magno conatu pellicere ad praelium non potuit. Quocirca utendum occasione ratus, Tartaliam revocavit, milites atque equos ad dolia subducens reficiendos curavit. Diu deinde in mora stetit utraque acies. Quae res BRACHIO perniciofa videbatur, si aut colligendi sui spatium dedisset hosti, aut cum populo coniungendi, tamen utrinque invadendi commoditas expectabatur: uterque dux ad tempus atque locum intentos tenebat oculos. Carolus morae & caloris impatiens, promoveri vexilla, & confertissimum suorum agmen in longissimum extensum cornu subsequi, iubet. Iam ducentos passus processerant signa, cum BRACHIVS, veritus, ne multitudine hostis circumveniendi sui consilium coepisset, simul ne cum populo iungeret, quem magna turba adventare missi speculatores referebant, variis in locis petendum uno tempore hostem constituit, ne tota mole belli aut elaberentur hostes, aut premerent, ratus, id quod res admonebat, quod frequentia haberet agmina, facile hostes a fronte, a laeva
dextra-

dextraque posse tentari. Qui si paululum ordine recederent, quod non pari arte distincta essent agmina, facile profligari posse. Nec consilium fefellit: quippe, ubi tot simul locis factus est impetus, necesse fuit, hostem, uno cornu protensum, ad omnem simul partem resistere, & alios alio converti, nullo nutu, nullo duce. Contra BRACHIANAE turmae, singulae quaeque suum ducem sequi, suum ordinem servare, edoctae, facillime omnem in partem convertebantur. Igitur BRACHIVS, signis hostium promotis, Tartaliae cum eodem equitatu praecipit, ut obliquo itinere Pergulensem infestis peteret telis. Deinde, qua parte vexilla erant promota, centum lectissimos dimittit equites, iisque ostendit, a latere vexilla aggredienda esse, & aut, quantis possent, viribus consternenda humi, aut, quo minus ultra deferri possent, esse retardanda. Tum a tergo quinquaginta equites idem agmen adorti, sed hi tantam hostium multitudinem defatigare magis, quam vincere, poterant. Ciccholinus, qui signariis praeerat, pungentem magis, quam prementem, militem facile a signis repellebat: tamen tanta paucorum erat & tam ad velocitatem ordinata celeritas, ut hinc alii repugnarent, inde alii, qua minime hostis rebatur, incurrerent. Itaque Ciccholinus, paucis tuendi vexilli negotio dato, ceteros, qua hostis premebat, capeffere bellum iubet, sed nullo converfi ordine, cum nunc hinc pu-

**Ex quo Brachius victor
recedit.**

narent, nunc illo occurrerent, sibi ipsis erant impedimento. BRACHIANI milites paulatim, ut erant admoniti, pugnando caedendoque procul a signis hostem retrahere conabantur. Pari arte Tartalia Angelum adortus, non multum procul inde dimicabat. BRACHIVS, fessis ad dolia reductis, integros submittebat. Sic compoti ac refecti statim & milites & equi, ad praelium maioribus redibant viribus. Victoriā haec una res peperit. Quippe multitudinem, etiam sine certo ordine, varioque bello intentam, pauci dissipare non poterant, & undique in frontem, adversis hostium telis, iam uno totius agminis orbe resistebatur. Nonnunquam, facto impetu, exiguae turmae quasi dimota hostium mole excutiebantur, & gradum ultra, quam opus esset, referre cogebantur. Sed, sole iam ad medium diem ardentissimo calore exaestuante, hostes, paulo ante facto itinere defessi, nec pulverem, nec sitim, pati poterant. Tum radii, medium obtinentes coelum, ipsam quoque succenderant terram. Inde densissimi exorti vapores, caligine atque aestu cuncta compleverant: hostium crebri inter arma & laboriosi halitus sentiebantur, nec respirare, nec galeam sine periculo lassare poterant, ora, oculi, supercilia, ferventi conspersa pulvere, tum membra, largo atque urenti sudore perfusa, liquebant. Nec minor equorum lassitudo, quorum non modo lassae cadentes linguae exser-

taque

DE REBUS GESTIS BRACHII LIB. III

taque ora videbantur, sed diffluente irrigati spuma, ne stimulis quidem perciti, ipso in praelio medio conatu deficiebant. Contra BRACHIANIS equis ac militibus comparata, quae sitim ardoremque levarent, aqua, vinum, acetum, vires mirifice confirmabant, quibus ad dolia properantibus parati, qui pocula suggererent, pedites. Nec opus erat equo descendere: simul equi dolio, simul milites peditum manu compoti, pugnam ardentius instaurabant. Ergo hostes, siti, pulvere, sole, labore, tot simul malis, circumventi, languidius plerique pugnare, alii ad Tyberim recurvo tractu deflectere coeperunt. BRACHIUS ubi videt exinanitam signorum aciem, & milites, lassatis ordinibus, palantes ad Tyberis ripam deferri, conversus ad Malatestam, quem exulibus praesse dicebamus, victoria, inquit, nostra est, fac, quantum maximum potes, impetum in signariam aciem, consterne ad terram & perturba inimica signa: ite nunc, exules, virtute vestra finite bellum. Qui, dicto audientes, subito velut turbine fessam iam & deficientem aciem petivere tanto cursu, ut, densissimo, qua procederent, excitato pulvere, nihil oculis cerni posset. Hostes iam pridem defecti viribus, nec perstringere gladios, nec habenis moderari poterant, ictus tamen iam sine sensu crebros excipiebant, & quos antea sua multitudo a fuga detinuerat, nunc maiore recentium hostium invasi numero,

nero, impetum sustinere nequiverunt. Vexilla strata humi, lacerataque: fufis ac fugatis BRACHIVS expeditiore manu a fronte occurrit: Cherubino, ad Tartaliae agmen confirmandum augendumque dimisso, præcepit, ut, Angelo profligato, Caroli paulo recentiore alam diffunderet: ipse fugientes capi, ligari, trahi pecorum more, iubet. Inter hæc Angelus, cum aegre uni Tartaliae restitisset, Cherubini adventu, terga quam effusissime convertit in fugam. Omni exercitu contra Carolum iminisso, BRACHIVS primus stationes irrupit. Ferunt, Carolum diu pugnae eventum securum expectasse: cui cum esset sæpe nuntiatum, carpi paulatim exercitum, atque omnia exhausta viribus agmina, male rem gerere, nihil credidisse, sed, veluti media in pace, nobilium more commessantem, vix dato equitandi spatio, circumventum esse. Fusus fugatusque miles a peditibus, quos transitus dixeram occupasse, capiebatur. Omnium longe miserrimum erat, duos tresve captivos a singulo quoque victore ligatos, veluti greges, agi. Maxime omnium Nicolai Picinini, tunc gregarii militis, memoria mea summi ducis, virtus eo praelio laudata est. Capta fuere equitum circiter tria millia, pedites equitesque ducenti desiderati, equorum ingens facta strages. Ciccholinus quoque, fortissime pro patria & salute dimicans, capitur: duoque Caroli

roli nepotes, multique ductores agminum capti, atque in vincula coniecti sunt. Septingenti custodiae traditi feruntur, ceteri militari more dimissi. Angelus Pergulensis ex tanto exercitu, cum quadringentis equitibus, testis tantae calamitatis, evasit. Carolus, ad BRACHIVM perductus, non minus victorem clementem, quam hostem ferocem, est expertus: primum equo descendere atque arma deponere iussum, ipse, detecto capite, quod est honoris & observantiae signum, humanissimis coepit consolari verbis, monere, ut eos fortunae ludos aequo ferret animo. Hac demum varietate constare bella, ut nunc victores, nunc victi sint, qui manus conserunt, nec quidquam magis esse mutabile, ideoque ancipitem vocari fortunam belli. Non tam illi dolendum esse, quod victus esset, quam laetandum, quod ab amicissimo hoste victus, cogitaret tot acerbos casus violentae mortis: quid? si fata semel a se uno vinci statuissent, ceterum cum aliis victorem fore? non illum turpi fuga interceptum, sed gloriosissima belli acie superatum esse, hic animi magnitudinem praeferri oportere. Res secundas facile pati omnes, adversas sustinere, magni animi opus esse. Virtutem nulla re magis declarari, quam adversa fortuna. Multa in hunc modum cum essent dicta, ferunt, ad levandum animi moerorem saepe Dominum appellasse: illum

Carolus Malatesta ipse captus, in summo a Brachio habetur honore.

in calamitate non oblitum fortunæ suæ, irato similem dixisse : immo vero tu, qui vicisti, Dominus. Omni profligato exercitu, BRACHIVS parvum equum afferri, atque eum adscendere Carolum iubet, captivos omnes, qui erant redimendi, primum Torfianum, mox Fractulam deducendos, ac militibus diligentissime observandos dedit : Carolum non modo in vincula non coniiciendum, sed in summo habendum honore, & ne quid nobilitate sua indignum pati posset, prægustationes omnium rerum faciendas, custodibus iussit.



IOAN-

IOANNIS ANTONII
CAMPANI, EPISCOPI APRV-
TINI, DE VITA ET GESTIS AN-
DREAE BRACHII, PERVSINI,
ITALICAE MILITIAE IMPERA-
TORIS OLIM STRENU-
ISSIMI,

LIBER QVARTVS.

Hac calamitate accepta, Perusinos Luctus Pera-
sinorum.
tam subitus pavor, trepidatioque
tanta, inuasit, ut primum varii lu-
ctus in civitate audirentur, mox, compressis
vocibus, luctu obscurius silentium tota urbe
secutum, nemo forum adire, nec alter alte-
rum intueri auderet. Defuncti iam externis
malis, domi pessima quaeque metuebant.
Affore iam iam inimicum victorem, existi-
mare, & ut quisque sibi maxime conscius
erat, ita in se crudelissime saeviturum. Oc-
currebant tot nefariae illatae caedes, omnes
una hora vindicandae, &, quicquid non mo-
do facere hostis posset, sed etiam cogitare, cru-
delitatis facturum putabant. Hunc publi-
cum moerorem privatae potentium lamen-
tationes excipiebant, ultimum venisse sibi
familiaeque suae diem, satiatum iam iri tam
longam inimicorum rabiem, suo sanguine
foedandas, quas tam diu tenuere, alienas domos,
nunc demum caesis parentibus, & propin-
quis.

quis, quo tardius, eo acrius, hostem parentaturum : &, ut vitae parceret, ut nuda per inimicas manus elaberentur corpora, in exilio tamen miseris, domi assuetis, esse moriendum. Iam experturos, quam misera fuisset inimicorum vita, dum exulassent. In tanta virorum acerbitate mulierum obscurior erat facies : aliae squalidae ac miserabiles in templa confugiebant, aliae domi tacitae moestaeque sese obseraverant : quarum magis ea res interesset, earum claustris resonantes audiebantur ululatus, se suosque vivos atque mortuos complorantium. In tanto

Eorum consilium.

publico luctu pauci fuere, qui maximis malis aliquid, si non remedium, saltem consilii, quaerent. Universo populo vocato in concionem, Decemviri, commemoratis tot simul acceptis incommodis, defectione totius agri, calamitate tanti exercitus, &, quod longe omnium molestissimum ferebant, capto Ciccholino, nulla iam ne spe quidem auxilii proposita, hostis victoris tam late auctis viribus, tandem de tradenda urbe agendum censuere, nec ullam conditionem recusandam, rati, se tutiores hac via futuros ab exulum furore. Placuit primum caduceatorem ad BRACHIVM in castra mittere,

Mittitur ad Brachium caduceator.

Qui vero nimio potu confectus domum revertendo non cogitat.

qui Legatis eundi potestatem impetraret. Sed ille, in meritoriam divertens tabernam, &, ut est genus hominum, nimio potu confectus, intra vepres sese vino somnoque gravem deiecerat. Quo non redeunte, magis dubitari

tari coeptum est. Verebantur enim, nihil hostem, nisi civium cladem, petere, eamque ob rem caduceatorem aut vinciri, aut necari, iussam existimabant. Quae res magis ac magis perterrituit animos. Sed iidem illi, Hinc mittitur Cinellus. quorum virtus in periculis non defecerat, Cinellum, quem BRACHII consobrinum diximus, ad eum in castra mittendum decreverunt: solum esse, ducentes, in quem ne hostis saeviret, humanitate fortior necessitudo defenderet. Huic edicitur, ut omni nitatur ope, precibus efficere, quo Legati tuto accedere ad BRACHIVM possint, & dedendae urbis consilium aperiatur. Hortetur, quam maximo possit studio, ne ultro delatum reiiciat imperium. Ille, ut erat imperatum, profectus in castra, perbenigneque acceptus, mandata exponit: missum se non quidem pro Legato, sed ut Legatis tute veniendi potestatem exoraret. BRACHIVS, ut decebat, admiratus, caduceatorem perquirendum iubet. Qui, semisepultus vino compertus, nec ad se excusandum, nec ad responsum referendum, exsolvere linguam poterat. Hic, inquit, ad me venit, & tabellas subsignavi, & salvum ac tutum adventum Legatis renunciari iussi. Cognito errore, Cinellus caduceatorem statim remittit. Ipse, paululum, ut sit, secedens, cras, inquit, Legati ad te venient primores civitatis, & publico consensu omnium imperium deferent. Qua re audita, BRACHIVS, suspensus ali-

Ad quem Bra-
chius differit.

quamdiu, & attonito similis, hæsisse fertur. Excitatus deinde a Cinello, & quidnam tanta in re cogitaret, interrogatus, ego, inquit, hoc cogito, aetatem meam omnem ad hunc diem sine labe esse transactam, in maximis calamitatibus, nulla me suspicione criminis notatum, nulla adpersum perfidiae macula, nunc secundis rebus ad patriae occupationem invitor, & quem adversa olim non potuit, secunda nunc fortuna faciet me nocentem? Huc adde, tot exules, quorum par conditio exilii fuit, dominum ad servitutem secuti videbuntur, non periculi socium ad libertatem. Quid aliud patria pulsos tot cives putas, nisi quia privatam tyrannidem noluerunt ferre? Quo animo manifestam servitutem laturos existimas, qui occultam paucorum potentiam pati nequiverunt? Etsi magis mea me gloria, quam illorum impatientia, movere debet, nulla turpior cupiditas & sceleratior, quam patriae, cui tu parere debeas, imperium quaerere. Et certe, quantum ad libertatem spectat, pares sunt, quos eadem moenia cingunt, quorum eadem sunt tecta atque sepulchra. An ego parentum umbris tam me superbe inculcabo, ut, quem supplicem erant inspecturae, patriae violatorem intueantur? Qui, ne tyrannidem paterentur, liberi occidere, quam vivere oppressi, maluerunt. Qua mente, prolem suam mortuis sibi, ne in libera quiescant patria, servitutem afferre, patientur? An
hoc

hoc quoque non cogitem, violenta regna diuturna esse non posse? Et in patria occupanda non modo iniustam vim, sed nefariam impietatem esse, subeundam. Ad haec Cinellus, quae dixisti, inquit, omnia vera esse, ne inficias quidem eo, ceterum tum maxime peccatur, cum superstitiosus peccandi timor officio obstat. Cogita, quanta civium strages futura sit, inhibente nemine? Neque enim facile sedatur ira, quam ulciscendi stimuli accenderunt: & tu exules reducere cupis, & cives recipere coguntur. Difficile dictu est, uno momento statim placatos esse, quos hinc metus suspectos, inde iniuria iratos, facit. Saepe etiam fratres regnandi cupiditas armavit, & regni est concertatio, ubi de statu & civitate contenditur. Quo si odium capitale, si caedes parentum, fortunarum ereptiones, tot denique variae iniuriae, accedant, qui modus ferro esse potest? Nec semel tot mala perpetienda sunt: ubi commodior erit occasio, continuae caedes fient; tantis simul periculis uno remedio obfisti potest: neque enim hoc invadere patriam est, sed conservare. Necesse est publicam auctoritatem adhibere, cum privata resisti hominum furori non possit. Nam, quod ad exules pertinet, satis illi debere tibi fatebuntur, si se in patriam reduxeris: franget hoc beneficium quamvis elati animi pertinaciam: nec turpe putabunt, ei deferri imperium civitatis, qui, ut ipsi cives essent, ef-

Cui vero Cinellus respondet.

fecer-

fecerit. Multos iam erraverunt annos, & nisi quam tu ostendisti, nunquam ne spem quidem redeundi cognoverunt, non modo libertatis, sed etiam iniuriarum, obliti. Satis iam, fatis sua mala tam longa docuerunt, satius esse domi mediocri esse fortuna, quam foris nulla. Civitas nostra pati iam iugum imperii didicit, maiores tui Pontificibus parvere, & paulo ante Regem secuti, qui domi regnabant, servire potuerunt. Quanto pulchrius erit, illum conservare civitatem, qui in civitate natus est. Tum pudendum esset, si cadentem & sese cruentantem patriam, quam posses defendere, tueri nolles. Tum etiam pudendum, si ita civibus imperares tuis, ut armares ad cladem. Sin scelera arceas, stragem innocentium fieri vetes, & tuam & alienam frenes iracundiam, si & cives conserves, & exules restituas, haec demum erit summa & praeclara gloria: mancam iam dudum civitatem, & membris dissectam, unum in corpus redigendo, hoc maiorum umbrae, si quid tot nostra mala sentire potuerunt, laetabuntur, suam sobolem, quo minus civili sanguine in sepulchris perfunderentur, inhibuisse, & pro qua ipsi perire, pacem urbi atque otium peperisse. Quae maior impietas, quam parvam notam, si nota dicenda est, pro patriae salute recusare? Pro qua multi subire mortem, & hostium proditores iure esse potuerunt. Vide, ne dum manus imploranti opem tuae patriae

triae porrigere nolis, ruentem neglexisse videaris. Vim, iniuriam, cladem, incendia, etiam qui nondum intraverunt, urbi minantur: quos nondum oculis viderunt, animorum furore interficere, quid facturos putas, ubi oculorum ardores inflatas tot iniuriis mentes exfuscitaverint. Haec tibi macula, quam diluere non possis, vitanda est. Aut civitatis imperium capiendum est tibi, aut ultimum urbis excidium expectandum. Uno beneficio exules dignitate sua recepta, & cives retenta suis in sedibus conservari poterunt. Vera haec BRACHIO videbantur. Itaque, civitatis periculo cognito, communicaturum cum exulibus eam rem dixit, nec sine eorum consensu imperium accepturum. Postero die Legati Perusinarum in castra Sequuntur Legati. venerunt, novem fuere civitatis principes, plerique BRACHIO affinitate coniuncti. Hi petebant, ut Ciccholinum, quem in praelio captum ostendimus, liberum sine pretio dimitteret, atque ea conditione civitatem in fidem potestatemque reciperet, orantes, ne excidium tantae urbis ab exulium furore pateretur. Non omnino adversari Perusinae rei, qui civem clementissimum victorem esse voluisset, proinde, quos praelio vicisset, conservandos, & in civitate retinendos esse. Pugnantes viribus domari, victos clementia conservari oportere. Ad haec BRACHIVS Quibus Brachius paucis mentem suam exponit. paucis respondit: Nunquam eo se animo gessisse bellum, ut patriae iura nefario domina-

minatu occuparet, nunc, quando ita civibus placitum esset, invitum tamen ad imperium respicere, libenterque, si sibi permetteretur, id vel honoris, vel oneris, repudiare. Proinde etiam atque etiam cogitarent, si quo pacto publicam tueri dignitatem sine auctoritate sua possent, libentius se parituros esse regnantibus in patria, quam regnaturum. De Ciccholino vero non sibi integrum esse, quid deliberaret, illum sub Tartalia esse captivum, se vero nihil victoribus derogaturum. Ius esse belli, ut, qui praelio essent capti, in eorum essent potestate, qui cepissent: nec se impediturum, quo minus captivi redimerentur. Legati, re non impetrata, in sequentem diem redituri abierunt. **BRACHIVS**, exulibus in concionem vocatis, rem omnem, ut sese haberet, manifestavit: cives ultro obtulisse summam imperiumque civitatis, se ad deliberandum tempus postulasse, nec sibi esse cordi tantum oneris subire, nisi quid ipsi censuissent. Non modo assensere exules, sed ultro rogare illum coeperunt, ut, quorum dux in exilio fuisset, quosque ab exilio revocasset, eos in civitate regere conservareque vellet. Omnes illi etiam privato fuisse perituros, non immemores tanti accepti beneficii, adderet privatae benevolentiae publicam auctoritatem: nam a quo melius regi, gubernarique posse, quam qui ne in exilio quidem putasset deferendos? Qui, quanquam meliore fuisset fortuna, nunquam
tamen

**Brachii cum
exulibus de-
liberatio.**

tamen pro communi illorum salute quievisset. Ferunt, Ursu quendam, mediocris inter exules autoritatis, egressum concione, dixisse: Nunquam se, ut civis civibus imperaret, permissurum. Multos illi vetustate generis & maiorum opibus aut pares, aut non multo inferiores, esse. Qua voce ad BRACHIVM per milites delata, quanta nunquam antea, ira percitum, discedere pace infecta voluisse, civitatemque in pristino statu plebeiorum relinquere, vix deinde ceterorum exulum precibus esse lenitum. Illorum alios contendisse lachrymis, alios se ad pedes eius provolvisse, unam omnium fuisse vocem: mallet saluti multorum consulere, quam unius temeritate tanto eos fraudare beneficio, totque susceptos belli labores periculaque frustrari. Illum ipsum, qui adversaturum se erat minatus, non modo non summe apud eos, sed vix etiam mediocris esse fortunae, certe dementem & temerarium, qui, quod ipse neque dare posset, neque eripere, id se concessurum esse, iactasset: proinde respiceret ceteros, quos non minus gratos in imperio experturus esset, quam fideles in bello atque in exilio fuisset expertus: scire, neminem mansuetius imperaturum, quam qui suis se civibus imperare meminisset. Etus esse arbitrii, quid de exilibus statuere vellet. Reduceret, nec ne, omnes tamen, quoad victuri essent, in eius unius futuros potestate.

Ursi renitentia,

Tam placida oratione

tione sedata ira, BRACHIVS, cum paucis
 optimatium tabernaculum ingressus, iterum
 tentandos illorum animos decrevit. Com-
 memorare coepit, quoties hoc movisset bel-
 lum, quamdiu suis stipendiis exercitum alu-
 isset, omnia ceterorum exulum magis,
 quam sua, causa fecisse. Sibi fortunam rei
 militaris nunquam fuisse defuturam, nec ta-
 men eam ob rem tot a se haustos labores,
 ut civitatem opprimeret, nihil magis, quam
 patriae communem libertatem, vendicare vo-
 luisse: nunc ab inimicis ultro ad se imperii
 sumnam esse delatam, scire: quanta esset fu-
 tura optimatium autoritas in patria, si re-
 duxisset, nihil se inimicis confidere, quos
 non voluntas ad deferendum imperium, sed
 necessitas, compulisset. Optimates futuros
 sibi vel custodes civitatis, vel ereptores: il-
 lis se fidem, iura magistratus, illis corporis
 sui custodiam commissurum: nec ignorare, in
 sua esse potestate, reducere exules velit, an
 in exilio dimittere, sed tam diu plebeios in
 fide mansuros, donec aliquam nacti occasio-
 nem, excutere iugum possent. Igitur mal-
 le se liberos in civitate reponere exules, quo-
 rum postea uti opera posset, quam invitis
 imperare. Utrum esset futurum, in optima-
 tium arbitrio esse: si se dominum velint
 appellare, intraturus suam domum: sin mo-
 leste id ferant, nihilo secius civitatem recu-
 peraturos. Quod ad se pertineret, gratius
 futurum, si ametur a liberis civibus, quam
 ser-

servientibus metuatur. Tum se civitatem sine nobilitatis consensu ne multos quidem dies retenturum, illis custodibus perpetuo habiturum. Ad hæc Optimates respondere: Non adeo dementes, adeoque ingratos esse, ut non intelligerent, nisi eius opera essent reducti, omnes in exilio fuisse perituros: vitam, sanguinem, fortunas, omnia, ab eius pendere beneficio, nec multum interesse, privata, an publica, autoritate imperaret, quibus pro tanto beneficio omnino esset imperaturus, nisi quod civitas futura sit eius auspiciis moderationeque tranquillior. Nimis durum videri, quem inimici, domi regnantes, Dominum appellent, eum amicos, una exultantes, eiusque opera liberatos, civitatis rectorem fastidire: nihil hoc aliud esse, quam inimicos ipsos odio & pertinacia præstare, & illos amicos esse velle, se inimicos fieri. Capefferet ergo ultro oblatum imperium, se quidem non modo non impedituros esse, sed suis etiam, si ipse nolit, manibus atque humeris invitum ad curiam & palatium collaturos. Hic dies prope totus eiusmodi altercationibus consumtus est. Postridie illi iidem Legati reversi in castra, pleniora mandata retulerunt, nulla de captivis conditione interposita. Dedi urbem, foederaque & pactiones in sequentem diem dici placuit. Collis est urbi ad occidentem adversus, Montem Morcinum vocant, in cuius cacumine templum prominet celeberrimum:

P

hunc

Conditiones
dedendae ur-
bia.

hunc locum dicunt, ubi postero die de summa rerum paciscantur. BRACHIVS clara iam die cum parte copiarum ad eum locum contendit, occupatque monticulum. Legati, ut erat constitutum, eodem paulo post convenere. Composito statim bello, sublatisque offensionibus, foedera in hunc modum feriere. Populus Perusinus urbem, agrum, vias, templa, fontes, se ipsum, BRACHIO dedit. Illi cives parento, Dominum bona fide appellanto. Ad eum de rebus urbanis publice referunto. Concilia coetusve, nisi quos ille iusserit, ne faciunto. Qui non paruerit, rebellis esto. Rebelle qui vis impune occidito. Exules, qui rediere, qui redituri sunt, sua tecta fortunasque adeunto. Nullus impedito. Ceterum pax cum cive esto. Qui seditionem excitasset, mala cruce suspenditor, aut securi percutitor. BRACHIVS publica vectigalia, nisi quae publicis impendiis superfuerint, in rem suam ne vertito. Urbanos Magistratus, praeter Quaestorem Praetoremque, populus legito, creatoque: et, quem volet, cui volet, cooptato. Suffragia libera sunt. Provocatio ad BRACHIVM etiam rerum capitalium esto. Si quis provocationi obstiterit, fraudi esto. Novas exactioes, invito populo, ne cogito. Delectus in urbe, nisi populus iusserit, ne habeto. Decemviros ne contemnito. Maiorum decreta servato. Civitatis instituta, nisi quae popu-

populus abrogassit, ipse ne violato. Conditionibus datis acceptisque, BRACHIVS in castra, Legati in urbem revertuntur. Octavo post pugnam commissam die, BRACHIVS, ingressurus urbem, polire milites arma, & in agmina quam ornatissime componi exercitum, iubet. Magno studio de ornatu exules contendebant, rati, quo instructiores ornatioresque urbem introissent, eo plus autoritatis in civitate occupaturos esse. Militibus quoque par contentio, ne vel ornatu, vel studio inducerentur, superati viderentur, exulum aemulatione adducti, arma per totam noctem polire, equorum iubas comere, se ipsos novo cultu exornare. Ubi primum illuxit dies, frequentes ad ducis tabernaculum convenere. Hic nova exorta contentio, duas circiter horas altercando consumpsit. Veterani exercitus milites proximum duci quaerebant locum: contra exules, magnum id futurum dedecus rati, propiores lateri haerere cupiebant. Illi saepe novis ruptas vulneribus cicatrices ostendere, non frontem, non vultum, non aures integras dicere. Plerique pectora toties obiecta hostibus ferroque traiecta denudare, nec quidquam tam gloriosum, quam vulneribus vincere, putabant. Exules alii nobilitatem, patriae expectationem alii, nonnulli, qui bello interfuerant, & ipsi quoque sua vulnera praetendebant. Certamen virtutis & superbiae videbatur exortum, alteris

Ornatissimus
Brachii urbem
ingredientis
comitatus.

sua gloria, alteris maiorum splendore nitentibus. BRACHIVS, diu contentione agitata, placatis tandem militum animis, exules eo die censuit honorandos, qui, veluti novae sponsae, cum pompa atque apparatu domi expectarentur. Igitur, cedentibus magis, quam consentientibus, militibus, dignissimum dedit exulum primoribus locum, delectaque ex omni exercitu promiscue manu, fortissimorum equitum exulumque unum agmen effecit. Ceteram aciem, suas in turmas distributam, mirifico composuit ordine: ut quisque equo, armis, praesentia, ornatissimus erat, ita primum in turma collocaverat. Nec minore, quanquam diverso apparatu, instructa civitas erat: qua porta ingressurum urbem putabant, eam cives purpureis tapetibus, & hinc atque hinc longependentibus aulaeis adornaverant: via omnis viridibus inspersa floribus, odores late perfundere, privatorum fenestrae pannis, ut cuiusque erant fortunae, pulcherrimis distinctae ornataeque patebant. Muliebria quoque monilia, usque quaque interlucetia, quae sole reperiussa crebris scintillulis transcurrentium feriebant oculos: bullaeque & aurea balthea ad terram usque tractu longissimo demissa fulgebant. Nec minor inter cives ornandi parandique contentio, quam incedendi militibus fuit, ut quibus nihil magnificentius privata opulentia ducebatur. Nec ullum novo domino gloriosius iucundiusque victo-

victoriae signum ostendi posse arbitrabantur, quam privatas civium opes, nihil eius imperium pertinescere. Vicit privata studia publicus apparatus: quippe forum, ne solis aestus ad ima penetraret, undique alte tegentia vela operiebant. Trapezitarum mensae aureis confertae nummis, mercatoresque vario genere longe lateque pendentium purpureorum mensas tabulataque compleverant. Haec omnia medio in foro emittens palatium superabat. Illic Gallici tapetes, fenestris longum exeuntes, illic aurea atque argentea vasa, per scalarum gradus distincta, mirantium aciem perstringebant. Iam, magna parte diei urbanis militaribusque apparatus consumpta, BRACHIVS, composito velut ad praelium agmine, per superiorem portam, in qua nihil erat apparatus, urbem ingreditur. Eius rei causa non satis est comperta. Sunt, qui putent, nimirum populi concursum & civiles insidias veritum. Alii, expeditius iter commodioremque praeliandi, si opus fuisset, locum esse delectum: nonnulli, quod, eam qui incoherent urbis partem, suae factionis prope universi habebantur. Ubi ad forum est perventum, tum vero vario genere tubarum tibiarumque & tympanorum personabant omnia. Milites, partito in geminam aciem exercitu, utrumque fori aditum occupare contendunt. Ubi aliquot horis est praeliatum equestri certamine, BRACHIVS, antequam palatium

**Novae rerum
Perusinarum
facies.**

tium imperii locum sedemque conscenderet, Decemviros, ac ceteros urbis Magistratus, & praeterea populares, iureiurando in fidem potestatemque adegit. Statim eius nomine atque iussu circumlata praeconia, accepti imperii dedere signum. Postridie eius diei profugos, rebelles, exules etiam, qui bello non interfuissent, quoscumque quavis de causa damnatos in exilium, quod humanitatis esse putavit, suo decreto censuit revocandos. Quibus, pecunia multatis, solvendo non erat, eamque ob rem civitate carerent, absolvendos decrevit. Sed, civilia diffidia radicitus extirpare conanti, necessarium videbatur, exulibus domos agrosque restitui, quos post factam seditionem plebei contra ius gentium, nullo more, nulla lege, occupassent. Sed, quando nimis periculosum erat, optimatum licentiae rem permittere, ne plus sibi quisquam, quam sua essent, vendicaret, placuit, omnia populi decreta, quatuor & viginti annos antea facta, (tot enim nobilitas exulaverat) nova auctoritate rescindi, et, quae ante id tempus cuiusque fuissent, integra optimatibus cedere, reliqua plebis esse. Ceterum, iure apud iniuriam nobilitas plebis, plebs nobilitatis opes ante id tempus occupasset, constituit, qui servato more institutisque maiorum de iure civili moderatissime iustissimeque disceptarent, quod suum esset, cuique tribuendo: rapinae, vis, iniuriae, ceteraque factionum mala, cun-

cuncta sublata, gravissimi acerbissimique propositi cruciatus, ultionibus nobilitati est interdictum. Sed, quod ipse novas expeditiones agitabat animo, nec bello desistere ullo modo statuebat, veritus, ne, se absente, aliquid seditionis excitaretur, primum legem tulit de seditionibus coercendis, mox, ad eradicandas simultates, Novemviros ex plebe totidemque ex nobilitate delectos, civitatis curae custodiaeque praefecit. Haec re plebeiorum animos mirifice sibi reconciliavit, ne optimatibus quidem offensis, omnium aequata dignitate. Optimates, quibus infidentia adhuc animis exilia dulciora praesentia bona faciebant, contenti sua fortuna videbantur, plebei bello superati, dono datum putabant, quicquid a victore, cum eripi belli iure potuisset, misericordia & liberalitate non esset ereptum. Victores ac victi aequabili moderatione habiti, parque omnium fortuna, nisi quod alteri sua bona recepissent, alteri reddidissent aliena. His maius atque amplius adiecit beneficium; aes alienum superiore bello, quo cives ad repellendum se milites conduxerant, a potentioribus exactum, inopia aerarii in publicum collatum, pecunia sua restituit, existimans, ad quem urbis vectigalia provenirent, eiusdem esse, quicquid conflasset civitas aeris alieni, persolvere. Nihil hac vel aequitate, vel liberalitate praeclarius, ut quasi, quod stipendium essent adversus se emeriti conducti

militēs, id tunc dinumerare ipse praesentibus videretur, totusque ad conciliandos sibi civium animos intentus, publici parentis videbatur induisse personam, verbis tamen, quam factis, mitior & benignior, arte quadam efficere solitus, ne quem ab se, nisi magna spe plenum, dimitteret: quod autem re praestare cuiquam noluiſſet, non se id nolle, verum honeste non posse, atque ideo, quod non posset, angī animo contendens, causam etiam, quare non posset, afferebat, ut etiam in denegando gratiam inire beneficusque esse videretur. Nec comitas deerat, vel civibus vel militibus nominatim appellandis. Illud maxime omnium memorabile, ne unum quidem habuisse in castris equitem, cuius nomen non teneret, nullum peditem, & ne tirunculum quidem, quem, utro ab exercitu, suo, an hostium, esset, non primo statim adſpectu internosceret. Saepe Legatorum nondum exposita praevenisse mandata, saepe hominum sermones, in foro aut in acie loquentium, labiorum motu percepisse, neminem unquam allocutum, quem longo post tempore, multis intercurrentibus annis, ubi, aut quid secum egisset negotii, non primo statim occurſu reminisceretur. Hinc vana illa vulgi opinio, daemone praesagum atque interpretem rerum futurarum, crystallo inclusum habuisse, atque eius monitu cuncta foris domique gessisse. Neque tamen civilibus atque urbanis rebus, quam

quam bellicis & militaribus, obscurior, sed velut natura ad omnia natus atque instructus, cum architectis de architectura, de mercatura cum mercatoribus disceptabat. Bello quidem nemo rapacior, pace vero iustitiae & aequitatis observantior nemo. Familiarem & suae factionis hominem furti compertum, magistratu, quem forte gerebat, perfunctum, suspendi iussit. Cum unumquemque pro dignitate complecteretur, iustitia tamen aequabili teneri omnes volebat, acerrimus defensor imbecillitatis. Nullius tamen rei, quam aedificandi, studiosior, saepe inter militaria opera fertur de urbanis aedificiis usque ad delicias cogitasse. Otiosis & nihil agentibus infensus, fori tritores appellabat. Sed, eo componendis urbanis intento, exulum, qui bello non interfuerant, audita victoria suorum, ingens undique multitudo confluebat, qui partim diuturno exilio ad extremam redacti inopiam, atque ideo praedae rapinisque intenti, partim maiorum titulis magis, quam virtute sua, clari, omnes ambire clientelas coeperunt: mobilem multitudinem blande appellare, longo comitatu vulgi frequentiam cogere, privata insignia concedere, omni via atque studio pellicere iuventutem. Quae res cum magnam inter cives contentionem paritura videretur, omnibus, qui nobilitate atque opibus pollerent, de coetu & frequentia contendentibus, coercendam tam

Oratio Bra-
chii in senatu
Perusino,

foedam ambitionem visum est, & paucorum insolentiam elationemque nova lege retundendam. Vocato igitur in consilium populo, gravi oratione, & qui ducerent, & qui sequerentur, castigavit. Non placere sibi, ait, tot simul Reges uno in regno exortos esse, invitum se unam imperare civitati, nec passurum opprimi a ceteris patriam, quam ipse, si per factiones liceret, mallet liberam venerari. Quid illi plebeculam, turbulento coetu, aliena celebrare tecta, privatasque civium domos frequentare, compellerent? Non ideo tot a se gesta bella, tantaque rerum adita discrimina, ut, qui foris parere consuevissent, domi suis civibus imperitarent: satis fuisse, ope sua ab exilio esse revocatos. Haec se illis exprobrare, qui patriae inviderent fortunae, & felicitati suae, cuius opera & cives suam patriam, & patria suos cives recuperasset. Proinde essent sua quisque civili libertate contenti, non prohibere, quem virtus cuique aut genus dedisset locum, eum honeste magnificeque obtineri: nam alterum altero clariorem esse, & hominem homini natura, moribus, dignitate, praestare. Sed factiones coetus & tumultuarios comitatus prohibere, in hos se capitali supplicio animadversurum. Dimissa concione, caveri praeconio iussit, ne quis privata civium insignia, aut domi, aut in veste, haberet, neve catervatim noctu per urbem incederetur,

Novalex.

tur, quietiorem futuram civitatem arbitrat^{us}, si aemula civium studia contentionesque submoverentur. Pauci, qui dicto audientes non fuere, capti atque in vincla coniecti sunt, nonnulli, privato insigni distinctas gerentes vestes, eius iussu a Praetore medio in foro spoliati, & nisi multorum civium intercessisset gratia, capitis causam dicere coegisset. Sed in tanta multitudine, totque **Abiturientis praecautio.** civium studiis, magno opus erat praesidio, ne quid, eo absente, seditionis excitaretur: iam enim novam expeditionem coquebat animo. Primum igitur omnes vicorum viarumque catenas rescindi, civitatis quoque ligneas portas effringi iubet; quod ea de causa fecit, ne, si qua tumultuaria manus forum occupasset, subitus equitum accursus impediretur: duas deinde arces, quae saepe a maioribus populi impetu deiectae, sine custodiis erant, reficiendas quam munitissime structissimeque curavit, quae, fido imposito custodum praesidio, mirum in modum nefarios civium conatus represserunt. Rebus Perusiae compositis, decimo post receptam urbem die, educto in novam **Novae expeditionis.** expeditionem exercitu, in Asifatum fines contendit. Hic Bastiam, in primis finibus non procul a Chiafio amne situm oppidum, acceptam in potestatem, Guido Feltrano restituit, Sigillo Spelloque receptis, quorum alterum in agro Perusino, alterum Fulginatibus finitimum, Guidus superioribus bellis

Iniurias a Paulo Urfino sibi illatas ulciscitur acrius.

occupaverat. Haec gerentem nova incessit cura Pauli Ursini persequendi: sic iniurias adversis in rebus perpeffus, in secundis capere non potuit. Etfi nulla ira est vehementior, quam ubi animum stimulat recordatio collati beneficii. Repetebat enim, Paulum ad Rocham Contractam, suum oppidum, confugisse, atque illic regiis obsessum copiis, magno cum oppidanorum incommodo aliquot menses esse defensum: postremo, ne quid beneficio deesset, non ante suum adventum atque opem, obsidione esse liberatum. Mox deinde abruptisse tamen ab exercitu, & violata fide, hostibus auxilium ferre voluisse. Haud dissimili fraude, & se optime meritum & hostes fuisse deceptos, fidem atque amicitiam una perfidia atque scelere esse violatam, nunc suam & suorum, non iam hostium, sed civium, causam vindicandam esse. Paulus ad Collem floridum, quod est Fulginatum oppidum, stativa habebat, qui oblitus, quas intulisset, iniurias, nihil inimicum aut hostile metuebat. BRACHIVS Tartaliam, cum deleta manu ad eum interficiendum, cohortesque diripiendas, praemissum, non multo subsequerebatur intervallo. Qui, ut erat imperatum, vagantem extra moenia confodit. Eius milites, subito pavore attoniti, recurrere ad arma, factoque in Tartaliam e loco superiore impetu, nisi subsidiarium militem BRACHIVS auxilio misisset, ingentem ea die

die stragem edidissent, sed, coeunte multitudine, eum habuit exitum pugna, ut capti hostes ad unum, atque rebus omnibus spoliati, dimitterentur. Quae res mirifice exercitum confirmavit, ingenti praeda locupletato milite. Paulo interfecto, Tartalia ad occupanda eius oppida cum suis copiis in agrum contendit Romanum. Interea ad BRACHIVM Reatinorum venere Legati, qui, sex millibus numum multati, quod BRACHIANVM militem occidendum curaverant, in fidem recepti sunt. Nam Reate quoque factionibus intestinis atrocius, quam finitimae urbes, agitantur. Veriti ergo, ne exules, tanti ducis auxilio civitatem invadentes, adversae factionis multitudinem excitarent, imperii summam ad BRACHIVM detulere. Iam enim maiores erant illius vires, quam quibus resistere possent ne remoti quidem populi crederentur. Per hos dies Narnienses, & ipsi quoque feditioni, sponte deditionem fecere. Quorum exemplo finitimum oppidum, Sanctum geminum vocant, Legatos, qui imperata facturos, Praetoremque eius accepturos, dicerent, miserunt. Tanta facta regni accessione, maiore Umbriae parte subacta, in agrum Picenum cum exercitu profisciscitur, sperans, id quod futurum videbatur, oppida Caroli Malatestae, quem captivum in vinculis habebant, facile in eius deventura potestatem: praemissis, qui ad deditionem sollicita-

Varia in fidem
recipit oppida.

Inter quae &
Caroli Malatestae quaedam.

citarent. Monsbodii, Capazanum, Morum, Massatium, Maiolato, & alia quaedam exigua castella, non expectata oppugnatione, portas adventanti duci aperuerunt. Idem facturæ cetera videbantur, ni Pandulfus Malatesta, Caroli frater, & Martinus Faventinus, clari bello duces, qui per id tempus Brixiae stativa habebant, audita BRACHII profectio, in Picenum venissent, qui ceteris nondum occupatis oppidis firmissima disposuere præfidia. Fertur BRACHIVS, vel insita a natura prudentia, vel præfagio quodam divino, scripsisse ad Martinum Faventinum, hominem supra modum pecuniosum, admonuisseque, ut sibi caveret, ne ipse Carolum redimere sua pecunia cogere-tur: illum vero aut dissimulasse, aut in aliam partem accepisse. Nec multis post diebus, ficta confederationis suspicione, a Pandulfo circumventum atque interfectum. BRACHIVS, cognito hostium adventu, ne frustra aestatem in his locis consumeret, capto Saxoferrato & Gualdo Nucerino, Perusiam revertitur. Hic comperit, Perusinos finitimis intulisse bellum, & eius nomine Castellum plebis 20000 passus procul ab urbe, & huic finitimum Castellum novum ad defectionem compulisse: nihil illi gratius esse potuisset. Iam non militibus solum usus bello videbatur, sed civium etiam sua sponte militantium delectum habiturus, & saepe antea Perusianorum virtutem superiore per-
spe-

spexerat bello, nunc eos suo imperio accessionem sponte quaerere, id demum mirifice laetabatur. Quam ob rem, vocato in concionem populo, gratias publice privatimque egit, iterumque pronuntiato militibus itinere, in Picenum revertitur. Huc Legati Venetorum, qui Malatestis favebant, ad **BRACHIVM** venire, accepti magno honore, & exponere mandata iussi. Primum congratulari Venetos eius victoriae, dixerunt, cuius etsi nulla adhuc extarent in eum populum beneficia, tamen virtutem illis & fortitudinem pergratam esse. Sperare, pro magnitudine gerendarum rerum eius se opera usurus, mutuaque intercessura officia, nam nec Venetos ingratos esse, nec **BRACHIVM** quidquam, nisi summa cum fide, gerere solitum. Deinde, quod reliquum ad praesentem spectaret legationem, plurimum orare, ut Carolum Malatestam, optime de Venetorum Republica meritum, commendatum haberet, & si quid apud eum tanti populi valeret autoritas, sine pretio liberaret: magnum id futurum Venetis munus, nec ullam gentem esse gratiorem, non bello solum ceteras nationes, sed etiam liberalitate & beneficentia, vincere. Quod si nimio peterent studio, non videri mirandum, qui amicos suos deferere in calamitatibus impium nefariumque iudicarent: semper Venetis, quod modico dividerentur mari, amicitiam cum Ariminensibus societatemque

Accedunt Legati Venetorum.

que stetit. Tam amplae Legatorum postulatiōi BRACHIVS paucis respondit: Habere se Venetis ingentes gratias, qui Legatos gratulatum ad se misissent: ceterum, quod ad Carolum pertineret, invitum se contra illum cepisse arma, nec movisse Ariminensibus bellum, sed ultro invasum ac laceffitum. Nulla in re militaria iura violasse, nihil illi secum fuisse negotii, defendere se armis coactum esse. Fortunam, quae causae plurimum favere solet, victori adfuisse: Caroli non minorem iniuria, quam intulisset, fuisse iacturam. Quippe se ad penates suos redeuntem arcere voluisse, nec dubitare, si superior ille in acie se cepisset, fuisse sibi crudelissima morte perendum. Saepe hostem, cum factis nequivisset, verborum immanitate saevire auditum: se tamen, Diis gratias, ingenio esse mitiore, nec, quid hostis in se voluerit, sed quod ipse in hostem debeat, cogitare. Nunquam sibi cum quoquam de sanguine, semper de gloria & dignitate, certatum, illum victorem vita se fuisse multaturum, nunc, quando Dii melius huic bello consulissent, pecunia multari captivum ducem, quem ipse, si par pari referre pergeret, variis suppliciis durissimisque tormentis excruciasset. Carolum quidem pecuniosum esse, & latos obtinere imperii terminos: sibi vero omnia contra, pecunias nullas, multum aeris alieni, nuper receptam civitatem diuturno

exi-

exinanitam bello, non stipendia, non vestigalia, pendere. Haec, quoniam stipendiariis careat, aliunde quaerenda esse, nec ulla re quaeri honestius potuisse, quam bello. Iam tunc maximis urgeri difficultatibus, cum tot undique praesidia disponenda essent, atque omnia mercede conducenda: igitur, si centum millia nummum persolveret, liberum abiturum, nec moleste ferrent, pecuniis multari eum, qui, si vicisset, sanguine se multasset. Legati, quorum princeps erat Belberus quidam, vehementius instare, & minas precibus miscere, coeperunt, vel quod ita publice haberent in mandatis, vel ut id, quod magis BRACHIVS est suspicatus, privata gratia & intima cum Carolo familiaritate coniuncti, omni ope atque studio pro eius salute niterentur. At BRACHIVS, quem, ut preces flectere non poterant, ita minae acrius incenderunt. Quid hoc, inquit, est mali, si iuvare cupitis amicum, quin illum pecunia vestra redimitis? Cur ab eius id postulatis hoste, quod vos amici praestare non vultis? Centum millia nummum, bellum iure, mea sunt: ea, vultis, ut dono dem hosti meo, cur non vos vestro potius amico? Re, non verbis, constat amicitia. Nihil enim facilius est, quam verbis iuvare amicum. Nihil turpius, quam, cum re est opus, verbis adesse. Quid mihi, quaeso, interminamini, quos ego nec offendi unquam, nec, quod spero, sum offensurus? Si vestro mari piratica classe navigantem, si terra vexantem im-

Quibus, cum
Caroli libera-
tionem veho-
mentius ur-
gent,

acerrime re-
spondet.

Q

pe-

perium vestrum intercipientis, nihil equidem recusabo. Hic, si forte bellum inferetis, nec animus quidem mihi deerit propulsandi. Quod si defecero viribus, aut aliunde petentur auxilia, aut illud certe cogitabimus, nihil homini gloriosius, quam aut propulsare iniurias, aut, si hoc non possit, mori propulsantem. Utcunque futura sit res, hoc unum affirmare vobis possum, nemo BRACHIVM vertentem terga, sed aut vincentem, aut bello morientem, intuebitur. Proinde facessite nunc, qua huc iistis, via: mihi certum est, quando minis res agitur, tam diu captivos habere in vinculis, etiam si perpetuo detinendi sint, donec, qui redimendi sunt, militari more redimantur. Legati minis abacti discesserunt. Haec dum in Picenis agerentur, Perusini novas seditiones excitavere, discessu BRACHII licentius vagante multitudine. Origgo seditionis fuere plebeiorum nocturni coetus, qui, diu oppressam optimatum potentiam tam subito levatam aegre molesteque ferentes, quo pacto urbe eos depellerent, cogitare dicebantur. Sed bis ea tentata seditio est. Primum eorum, quos BRACHIVS civitatis curae delegerat, autoritate sedata. Mox, optimatibus arma capientibus, civili clade restincta, ex plebeiis aliquot trucidati sunt, plerique urbe agroque depulsi, reliqui, tam inepti bello, quam pacis cupidi, propinquorum gratia incolumes servati. Sic, mutata fortuna, qui paulo ante regnaverant, in

**Novae seditio
Perusina.**

in exilium deiectioni, qui exulaverant, regno restituti, humanarum rerum exempla prae-buerunt. Opes exulum partim direptae, partim in publicum collatae aerarium, & in civilium magistratuum aera constitutae. Optimates, post pulsam alterius factionis multitudinem, rem omnem ad BRACHIVM, ut se habuerat, per literas nuntiarunt, inimicorum culpa factum contententes, nec se priores cepisse arma, sed ad capitis vitaeque defensionem coactos. Caput autem eius tumultus fuisse Ranerium. BRACHII is erat avunculus. Qua re diligentius investigata compertaque, restitui suas cuique opes, ceterum autores ipsos in exilio esse, decrevit, optimatibus admonitis, ut civium saluti parceretur, & quanto minimus posset, exulum esset numerus: quietiores futuros ratus, qui remanerent, si hoc tam graviter punitae seditionis exemplo admonerentur. Inter haec Ariminenses, magnis factis auctionibus, ingentique coacta pecunia, Legatos ad BRACHIVM de redimendis captivis, simulque de facienda pace, miserunt. Conditiones fuere, ut, acceptis octoginta millibus nummum, Carolum liberum sociumque factum dimitteret. Deerant ad constitutam summam viginti millia. Pro his aliquot dierum dilatio est concessa. Pace confecta, Perusiam cum exercitu revertitur. Carolus Berardo Camerti tam diu observandus traditus, quoad pecuniam persolvisset:

Brachii decreto penitus restituta.

Legati Ariminensium

Carolum libertati restituendum curant.

Nova expedi-
tio in Tuder-
rinos atque
Spoletanos.

ea partim perfoluta, partim Feltrano spon-
fore promissa, intra paucos dies, quinto
mense, postquam captus profligatusque fue-
rat, Ariuninum ad suos revertitur. **BR A-**

C H I V S, dato militibus stipendio, &, quæ bel-
lo gerendo usui forent, comparatis, proxi-
mam expeditionem pronuntiat: mox, omni
exercitu ex hybernis deducto, iter primum
Tudertum, ad componendas res urbanas,
deinde Spoletanum Nursinorumque fines
ingressus, agrum infesta populatione vasta-
bat. Spoletani Nursinique, facta inter se
iam pridem societate, Legatos de pace mise-
runt, veriti, ne, populato agro, statim obsidio-
ne intra moenia compellerentur. Pax non
ante data, quam decem millia nummum ad
stipendium militi contulissent: pecunia col-
lata, exercitum agro deduxit. Tota iam
Umbria vectigalis facta, in eius devenerat
potestatem. Roma erat, quæ invictum ani-
mum ingenti cupiditate sollicitum habebat:
hanc ubi subegisset, nihil imperio suo de-
futurum existimabat, nec deerant, qui ad
urbem occupandam vocarent, coniuratione-
que facta, deditionem facturos pollicerentur.

Hinc Romanum
profectus,

cum Pontifi-
cis Legato in
castris collo-
quitur,

Igitur cum omnibus copiis profectus in
agrum Romanum, trans amnem Anienem
non multum procul ab urbe castris conse-
dit. Romanis pauca admodum erant prae-
sidia, &, agri vastationem pati, rem putabant
indignissimam. Pontificis Legatus, qui urbi
praesidebat, ubi tam prope imminere ho-
stem

stem cognovit, etsi nihil dubitabat, quid illi animi foret ad imperium occupandum, metu tamen dissimulato, ad eius castra, veluti ad amicum sociumque, proficiscitur. Eius adventum BRACHIVS magnifice, ut par erat, excepit. Quaerenti, quam ob causam urbi admovisset exercitum, respondit, causam sibi eandem, quam Pontificibus, esse, imperandi gloriam. Nec tamen ideo Romanum occupatum venisse, ut Pontificatu eriperet imperium, sed ut, quamdiu Pontifex abesset, Italianam vacuum praesidio, & multorum tyrannidi expositam, custodiret. Legatus, diu nequidquam dehortatus, Romam rediit, existimans, paucorum consensu accitum hostem, nec ausum illum tam parva manu tantam aggredi urbem fuisse. Vocatis ergo civibus in concionem, Bello, inquit, petimur Romani, adeo multos, qui paulo plus habeant potentiae, vel infirmitas vestra, vel urbis fatum, invitat. Paulo ante perpeffi Regem sumus, nunc (si Diis placet) Tyrannum Roma patietur, & tamen moenibus atque armis septi, & populi multitudine muniti sumus, quanta, si animi non fluctuarent, hostis ne ultimos quidem fines huius urbis ausus fuisset attingere: nunc, quando nec fortuna vestra contenti estis, nec fidei iacturam veremini, cogor non minus a vobis hoc sanctissimum imperium, quam ab hoste, defendere. Maiores vestri, qui ab oriente ad occasum extenderunt imperii fines, nulla

Huius ad Romanos Oratio.

nulla virtute magis, quam fide atque integritate, claruerunt: vos, nisi iam pridem ab illis degenerastis, nihil magis in contemptu habetis. Nec optimi Pontificis rem ago, qui etiam, si esset immensis, colendus tamen vobis pro fide & gloria foret. Movet me vestrae ignominiae labes, qui, ubi hostem receperitis paucorum factione, quid, nisi Domini vestri desertores appellabimini? Potuit hoc in Rege honestius, & pro potentia, & pro dignitate, tolerari. Et, ubi semel delinquitur, fato magis adscribitur, quam voluntati; sed, a Pontificis fide deficere, parere tyranno, quid hoc indignius Romano populo? Et iam natura dicimini, non fato, toties peccare didicisse. Patiemi, cruentum hostem contaminare hanc terram? In qua tot monumenta religionis, tot sanctissimi cineres, tot simulachra, templaque Deorum immortalium? Patiemi, non hominum modo, sed etiam Deorum, esse desertores? Quo animo feretis, tot delubra militum fieri stationes, ut, quae sanctissimo religionis cultu celebrari solent, ea militari libidine polluantur? Exterae gentes & nationes, cum vestram hanc terram ingrediuntur, pura mente, suspensoque animo, vix attrectare vel ipsos audent muros, vix premere pedibus divinum solum: vos non premendam hanc urbem, sed conculcandam, nec conculcandam solum, sed coinquinandam diripiendamque, hostibus conceditis? Quid

Quid finitimi? Quam pulchre perfidiam vestram obiiicient vobis? Etsi scio, non omnes tam corrupto esse animo, ut coniurationis autores sequi possint, hos ego nunc admo-
neo, hos alloquor, capita, arma, fideles cives. Qui perfidi esse volent, eant ad hostem, vo-
cent, introducant, nec in hoc quidem prae-
stabunt, paulo post ab illo quoque defe-
cturi. Etsi scio, proditioes gratas esse ho-
minibus interdum, proditores tamen sem-
per nefarios detestabilesque iudicari. Nec
iis magis confidit hostis, quam nos, qui con-
fidimus, deceptos esse reputabit. Hac Ora-
tione partim restincta coniuratione, partim
animis civium confirmatis, defendere se ar-
mis decreverunt. BRACHIVS, cum op-
pugnare urbem copiarum paucitate non pos-
set, vexare agrum est aggressus, continuos
deinde complures dies, late factis excursio-
nibus, pontem Salarium, praesidiaria manu
defensum, durissima oppugnatione adortus,
vicepit, traiectoque in patentes campos ex-
ercitu, ad portas usque urbis magno cum
impetu penetravit: suburbanis aedificiis po-
pulatis, octingentos circiter Romanos ne
ipsi quidem Romani captos fuisse negant.
Hac tanta calamitate perculsi cives, Legatos,
qui de pace agerent, ad BRACHIVM in
castra miserunt: multae proponebantur con-
ditiones, nulla tamen, praeter urbis deditio-
nem, recepta est. Cives, habito inter se con-
silio, cum tantus ad portas instaret hostis,

Brachii excursions.

Cum Legatis de tradenda urbe pacisci-
tur.

† *externi.*

nec ulla spes esset auxilii, urbis rectorem appellatum, intra moenia cum exercitu receperunt, rati, si qua † hesterni belli vis incubisset, praesidio tanti ducis tutissimos esse futuros. Urbem ingredienti, ut sunt hominum magna novis in rebus studia, undique urbani apparatus, in triumphi speciem, praeferebantur. Perventum iam videbatur ad imperii culmen, sed adversus tantam gloriam Dii atque homines statim insurrexere.

Exercitus Brachii peste correptus.

Quippe, cum alterum iam mensem molem Hadriani nequidquam oppugnasset, exercitum perniciose invasit pestis, sive praelis intentum militem solis aestus relaxaverat, sive densioris coeli infecerat perniciose caligo. Corpora prima occultus invadebat languor, mox paulatim deficientia pestilens sitis ardor exurebat. Haec non aqua, non liquore ullo, extinguere sedarique poterat: plerique bibendo lassum deficiebant, pauloque post moriebantur. BRACHIVS, vix quarta parte copiarum incolumi, veritus, ne populus vel alieno hortatu, vel suo impulsu, in aegrotum & pene confectum exercitum concitaretur, Rugerium Perusinum & Berardum Camertem cum sexcentis equitibus, quos ad agrum Picenum praesidio reliquerat, Romam accivit, rursusque frustra oppugnata arce, cum novas copias idem ille morbus invasisset, simul, quod Neapolitanorum copiae ad solvendam arcis obsidionem adventare nuntiabantur, Roma discessit, commo-

modius curatum iri militem arbitratus, mu- Hinc urbe re-
tata coeli regione, palustrique & fluviali vi- licta deficiunt
tata caligine. Postquam urbe discessum est, Romani.
Romani septuagesimo die post deditam
urbem ad hostes defecere. Perusiam rever- Annua impe-
sus BRACHIVS, exercitum ad hyberna di- rata tributa.
misit, ipse constituendae civitati, stabilien-
doque imperio intentus, omnibus oppidis
atque urbibus, quae in sua essent potestate,
annua tributa imperavit. Tudertini, Urbe-
vetani, Narnienses, Interamneses, Esini,
Spellani, Cannarienses, Reatini, ceterique
finitimi populi, ut cuique magnae erant
opes, ita pretiosa pallia, sic enim genus
tributi vocant, pendere iussi sunt. Haec
res maxime omnium Perusinorum devinxit
animos. Videbant urbem, paulo ante obsessam
ac pene dirutam, optimis legibus, aequissi-
mis institutis, confirmatam, & quod longe
gloriosissimum putabant, caput imperii fa-
ctam: finitimas autem urbes, partim tribu-
tarias, partim vectigales, esse. Pallia erant,
quae plus dignitatis afferre, magisque im-
perio decori esse, iudicabant. Ea vero, qua
die BRACHIVS Carolum profligaverat, Solennis in
quotannis convectorum primum universa in fo- memoriam
ro collocata, mox ad civitatis celeberrimi Caroli, a Bra-
Fanum delata suspendebantur. Fi- chioprofligati,
nitimi quoque tyranni aureos cyathos ar- quotannis re-
genteaque vasa deferrebant. Qua die haec petita.
agebantur, quo civitatem varia afficeret lae-
titia, equestres in foro ludos faciendos cu-

Descriptio
Ludorum
equestrium.

† *celeritate.*

raverat : maxime omnium ludos Perusinos , quibus iam puer saepe interfuerat , spectare placuit : sic enim patria appellant certamina. Res mira & exercendi corporis atque animi perpetua efficacque materia. Omnis civitas duas in partes divisa , superiorem inferioremque , novi & inusitati generis armis instruebatur. Nonnulli tamen expeditiores ac leviter armati , ut qui sola galea , umboneque & ocreis , durato atque incocto corio confectis , erant muniti. His pro clypeo erat laeva involutum pallium , qui , & coniiciendis & excipiendis saxis apti , iactores vocabantur. Li , † *celebritate* multum valentes , aciem primam obtinebant : bellum lapidibus inire iussi , iactorum aciem , quos vocant Armatos , sequebantur. Horum armatura gravior , vel qua in bellis & militia utimur. Primum , ut inde ordiamur , inferiores pedes , lineo triplicato panno , & cervino vellere distento atque oppleto , tegebantur. Inde ex eadem materia , durissimo & duplici obducta corio , tibiaram munimenta ad poplitem usque surgebant , superiora crura , ferreis incincta coxalibus : ferreo quidem , sed purpureo vestito , & corpus tegente , thorace colligabantur. Sed , ne quid lapidum colliderent ictus , stupeae , bombicinae veluti laminae , lineo confutae panniculo , sub thorace distensae , ventri pectorique adaequabantur , quae totos obeuntia humeros , ac terga , ad me-

DE REBUS GESTIS BRACHII LIB. IV. 151

medios usque ulnarum lacertos, tanquam duae manicae, descendebant. Collum, inferioremque cervicem, panno ac bombice densa involucria, & durato igni corio fulta, muniebant. Supremum ferrea tegebat galea. Huic, quo lapidum late volitantium casum cernere, quove hostem ferire possent, lata erant ab ore relicta foramina, in rostri speciem excedente galea: supra verticem tria involucria, denso intexta filtro, & in pilei modum sese proferentia, purpureo argenteoque, ut cuique erant facultates apice conoque surgebant. Inde rursus vario pennarum colore distinctae corollae attollebantur. Haec a tergo ad medios usque delapsa humeros purpurea excipiebat lacerna, reliquum corpus ornatior vestis decorabat. Hi erant, quos armatos vocabant. **Dextra** alligatum **BRACHIO** scipionem, laeva clypeum ferentes, excipiendis magis ictibus, sed tamen etiam incutiendis, parati. Ergo, ubi universus convenerat diversa armatura populus, quisque suam in partem secedebat, duaeque civium acies duo prima fori occupabant ora, medium quod erat, spatium pugnae relinquebatur. Primum iuvenes vivaci ac robusta aetate, ad tertiam usque diei horam inibant pugnam. Mox soli pueri, suis & ipsi contexti armis, duabus continuis horis inter se lapidibus decertabant. Quod reliquum erat diei, omnis generis aetates ad praelium discursitabant. **Pri-**
mam

nam aciem obtinebant leviter armati, iussi
 eminus in adversos saxa conicere. Sic, cum
 utrique semper instare, nunquam fugere, pa-
 rati, propius rem gererent, gravis armatu-
 rae, quos diximus, accurrebant: his turpis-
 simum erat saxa conicere, sed in mediam
 ruentes aciem, clypeis scipionibusque pu-
 gnabant. Nec tamen interea cessabant saxa:
 videre erat pulcherrimum, hos ferire, illos
 cadere, alios subniti clypeo, atque in adver-
 sarios toto sese corpore inferre, implicare,
 ac clypeo ac scipione oculos, ora, petere.
 Victoria erat, medium occupasse forum, at-
 que inde adversarios reiecisse. Omnium
 erat pulcherrimum, senes fenestris, ubi vi-
 dendum studio confederant, desilientes adspicere,
 & toga pallioque abiecto, decurrentes ad
 opem fugientibus suis ferendam, sistendam-
 que fugam, nec aetatis aut reverentia, aut
 imbecillitate contineri poterant. Tanta erat
 partium aemulatio. Saepe duo millia civi-
 um in foro hoc modo armati dimicabant,
 nec unquam incruenta stetit res, nam quot-
 annis deni vicenique contriti obrutique ca-
 debant, nec perpetuo & continenti certaba-
 tur anno. Ludorum initium iam inde ab
 Calendis Martiis perfectos duntaxat dies,
 nec amplius, quam in duos, qui sequebantur,
 celebrari menses consueverant. Nec cae-
 sorum occasione iniuriae, aut odia gigne-
 bantur, vulgo perisse, & casu, putabant, qui
 perissent: nec ante pugna desistebatur, quam
 alteri

alteri loco essent repulsi. Tum demum, quovis uno vel puero pacem postulante, praelio excedebant. Constat omnium praedicatione, nihil unquam in Italia solitum geri ferocius, inde robur & animo, & corpori, inde genti vim & strenuitatem increvisse putant. BRACHIANI milites, facpe intermixti iuventuti, ac pugnam ingressi, facile a civibus vincebantur. Fertur BRACHIVS, cum fenestra, quae foro imminabat, insidenti, nuntiaretur, perniciosum esse eius diei praelium, multosque pertinacia conteri, proinde dirimi pugnam iuberet, spectaculo intentus, respondisse: Senogalliae fieri me iubes Imperatorem. Quod tunc dici consuevit, cum imperanti nemo nisi ipsemet, qui imperat, paret. Componendis per hunc modum rebus intento BRACHIO, unum oppidum Saxum ferratum detrectabat imperium, quod, nullo eo anno collato tributo, haud multo post, cum BRACHIVS Tuderti moram traheret, rebellionem facta, defecerat: arx tamen, imminens oppido, & situ egregie munita, fido tenebatur praesidio. Hac re nuntiata, BRACHIVS repente, deducto ex hybernis exercitu, in Picenum contendit, occupataque

Deficiunt Saxo-
ferratenfes.

Mox vero a
Brachio ad
obsequium
rediguntur.

munitiore oppidi parte, forum excurrit: auctores rebellionis, quia capere non potuit, direptis domibus, maximo affectit incommodo. Mox, compositis rebus, Perusiam reversus, exercitum ad stativa remisit. Per
hos

Legati Peru-
sinorum ad
novum Pon-
tificem.

Citonium a
Brachio oc-
cupatum, Se-
nenſibusque
reſtitutum.

Iudicatur Bra-
chius a Pontifi-
ce hoſtis reli-

hos dies nuntiatum eſt certiore nuntio,
Odonem Columnnam, cui poſtea cognomen
Martino fuit, civem Romanum, ſummum
Pontificem declaratum. Ad hunc Peruſini
ſtatim de conſtituendo imperio, & ſumma
rerum BRACHIO permittenda, miſere Le-
gatos, inſolito & nunquam antea audito
legandi more. Neque enim primores ur-
bis duntaxat, verum ſummi atque infimi, &
prope omnis aetas conſenſit, itumque eſt in
ſententiam, primum pedibus, mox etiam
clamore. Legationis principes fuere Ber-
ardus Camers, & Matthaeus Ubaldus, quo-
rum opera BRACHIVS, pro ſingulari in-
duſtria rerum gerendarum, plurimum ute-
batur. Poſt haec, quod reliquum fuit, hye-
mis, in hybernis tranſactum. Aeſtate ad-
veniente, BRACHIVS, educiſ copiiſ, ad
Caſtellum plebis paludes Cluſinas traiecit, in
Senenſium fines proſectus. Cauſa traiici-
endi fuit Citonienſium iuvenum fuga, qui
Citonii regnabat, duos filios ad BRA-
CHIVM militatum miſſos, nondum com-
pleto ſtipendio revocaverat, qui, ut patri
obtemperarent, iniuſſu ducis militia diſceſ-
ſere. Eo traduſto exercitu, BRACHIVS
primo impetu oppidum altero arcem ex-
pugnavit. Senenſes, quod eorum agrum
contingeret, decem millibus nummum op-
pidum emerunt: ſic tranſugae perſidiae
poenam dedere. Inter haec Legati, quos ad
Pontificem miſſos oſtenderam, poſt aliquot
men-

menes, re infecta, redierunt, nec aliud, quam gionis devo-
iudicatum BRACHIVM religionis hostem tusque.

devotumque, retulerunt: quod seminarium
futuræ contentionis fuisse putant. BRA-

CHIVS, satis iam audis viribus, ut finiti- Novae finiti-
mos, quos nondum bello adierat, affinitate morum cum
devinciret, Oddoni, ex concubina nato, Brachio ami-
Fulginatum tyranni filiam dedit uxorem. citiae.

Stetit deinde Perusinis ex ea re, magna
cum Fulginatibus amicitia. Post hæc,

BRACHIO ad Saxum ferratum profecto,
proxima castella sua sponte venire in pote-
statem. Sancti Severini, magni oppidi, Domi-
nus, veritus, ne bellum in se converteretur,
misit statim de pace Legatos, qui dicerent,
omnia, quaecunque essent imperata, factu-
rum.

Quibus diebus hæc in Piceno age-
rentur, Cherubinus, parva manu missus in
fines Urbivetanorum, oppida quaedam in
fidem potestatemque recepit. Per idem
tempus Perusiae ingens orta pestilentia, ur-
bem non solum militari praesidio, sed fu-
gientibus etiam per agrum civibus, spolia-
vit.

Qua re audita, Senenses, qui iam pri-
dem BRACHIO post captum Citonium
maxime afficiebantur, centum equites, qua-
dringentosque pedites, publico aere condu-
ctos, ad urbis custodiam misere. Gratio-
rem fecit eam rem ducis absentia. Hoc

tam liberale beneficium paulo post inita so- Inter quas
cietas excepit, & Senenses, quorum perma- eminet socie-
gnæ erant opes, sponte sua stipendiarii fa- tasque Se-
cti, nenibus inita.

Redimere co-
guntur pacem
a Brachio nu-
merata pecu-
nia Ludovi-
cus Firmanus,

Esti, quotannis deinde confetenda militibus
aera tribuerunt. Quae liberalitas eo maior
est habita, quo ne remunerationem expete-
re, sed ultro beneficium accumulare, visi
sunt. Secuta deinſe non ſocietas ſolum,
ſed arctior quaedam amicitia, & Senenſium,
& Peruſinorum tutiorem habuit rem. Dum
in agro Piceno moraretur BRACHIVS;
miſit, qui a Ludovico Firmano quatuor mil-
lia nummum repeteret, quae pecunia ex
ſuperiore Piceno bello pro redemptis ca-
ptivis debebatur. Ferunt, Ludovicum, hoc
nuntio accepto, reſponſiſſe, ſe dormire;
qua voce ad BRACHIVM perlata, & ego,
inquit, dormientem excitabo. Pronuntia-
to in ſequentem diem militibus itinere, non-
dum orto ſole, movit exercitum, miraque
celeritate profeſtus in hoſtes, Falleronum,
Ludovici oppidum, de ſubito atque impro-
viſo aggreditur. Hic trecenti equites loci
praefidio impoſiti, cum extra portas teme-
re praelium capeſſerent, ad unum capiun-
tur: facto mox celeriter in portas impetu,
frustra repugnantibus oppidanis, intra moe-
nia milites irruperunt, oppidumque diri-
puerunt. Hac re percuſus Ludovicus, cui
BRACHIANORVM virtus cognita iam
pridem fuerat, pecuniam miſit. BRA-
CHIVS, ingenti ſumulata ira, pecunia repu-
diata, propius caſtra permovit, nec ante du-
plicatam bello diſceſſit. Octo millibus num-
mum redempta pax eſt. Hic BRACHIVS
inquit,

inquit, quia, quod debebat, non perfolvit, id perfolvere coactus est, quod non debebat. His in Piceno gestis, quasi altero orbe gesturus bellum, traiecto flumine Tyberis, longis itineribus Mugnanum pervenit, quod oppidum ab Uliſſe Urſino tenebatur. Exercitu admoto, veritus Uliſſes, ne oppidum nullo praefidio munitum oppugnaret hostis, misit, qui bellum deprecarentur, ac sese imperata facturum dicerent. Eo in fidem accepto, in Senensem contendit agrum, Clusinaque traiecta palude, haud procul inde surgentia Cocchi Salimeni oppida oppugnare est aggressus. Cocchus, cui longe plus pecuniarum, quam militum, erat, Legatos cum quatuor millibus numinum de pace misit. Ea impetrata, tutiorem deinde habuit agrum. Continuo Lucenses petiturus, summa cum celeritate Senam praetergressus, in Florentinorum penetravit fines. Nec hic quidem demoratus, facto per Arnioram itinere, ubi flumen transivit, expeditam militum manum ad excurrandos Lucensium fines praemisit. Ipse cum ceteris subsecutus copiis, paululum substitit: mox, in agmina disposito exercitu, parata intentaque acie, ad portas usque percurrit, celeritate atque impetu, quanto nunquam antea, delatus in hostes. Causa celeritatis fuit spes Lucensium Tyranni de improvviso capiendi, quem, fama erat, insana extra urbem moliri aedificia: nec illum praeterire diem, quin

Uliſſes Urſinus,

Cocchus Salimenus,

Lucenses,

R

ad

ad visendam eam substructionem, incitandosque operarios, cum paucis exiret urbem, magnamque diei partem operi inspiciendo consumeret: alii, non in suburbana aedificia, sed ad Castellum Pisanum, proficisci solitum, hortos ac pomœria pensilibus muris aedificare, nuntiabant. Utcunque res esset, BRACHIVS maturandum sibi vincendamque celeritatem velocitate censebat. Quae profectio tam praeter Lucensium spem fuit, ut, vix depopulatoribus visis, tantum spatii tam subito e Piceno, veluti pennis in intimam Hetruriam crederent pervolatum, simul, qui excurrerant agrum, praedam agebant, simul ad portas ceterae constituerunt copiae. Tyrannus celeriter per adversam se recepit portam, primum agrestium, mox oppidanorum, vocibus conclamatus. BRACHIVS, ubi frustra petitus Tyrannum cognoscit, omnes simul copias quam effusissime praedatum dimittit. Lucenses, quod subitis in rebus solet accidere, tanta invaserat trepidatio, ut, obditis civitatis portis, oppugnari se statim aut obsideri, dubitaverint. Quam ob rem factæ celeriter munitiones, propugnacula praefidiis completa, vigiles per stationes collocati, machinae ad hostem arandum in moenia convectae, fossae circum urbem altissimo munitae vallo, haec omnia populi subita & incredibili celeritate confecta. Interea hostes, late populati omnia, praedae tantum coegerunt, ut totius agri

agri Lucensis pecore agrestibusque correptis, vastata cuncta, & in solitudinem redacta viderentur. Res improvisa praedam auxit, oppidanis, quorum plerosque longa pax, & metenda colligendaque seges, in villas atque agros adduxerat, nihil hostile metuentibus. Tyrannus, bellicis rebus infuetus, tanta suorum calamitate accepta, misit, qui de pace conficienda, redimendaque praeda & captivis, agerent, commodius arbitratus, pecunia propellere ferocem hostem, quam ultimum belli discrimen expectare: nec delectus tantos habere poterat, quibus bellicosissimum hostem reprimeret, cuius conatum atque vires nemo ante id tempus, sine suo magno incommodo, contempsisset. Pax ita convenit, ut Tyrannus quinquaginta millia nummum ad biduum persolveret, partim numerata pecunia, partim Florentinorum mensariorum sponsione promissa: BRACHIVS, restituta praeda, finibus agroque decederet. Facta cum Lucensibus pace, deductoque inde, ut convenerat, exercitu, Perusiam per Florentinorum agrum eadem, qua profectus erat, celeritate revertitur: nec ulla commissa mora, facto per Fulginatem itinere ad Nursiam obsidendam contendit. Iam ad portas pervenerant copiae, cum Nursinorum Legati, de concordia occurrentes, multis ultro citroque habitis, tandem quatuordecim millibus nummum bellum redemerunt: veriti, ne nondum collectam

Nursini.

Castanea incendio vastata.

Pergula in potestatem recepta.

Mittit Brachius Legatos ad Pontificem Martinum.

messum hostis incenderet, Augustus enim erat mensis : & Nursini prope gelidissimos Italiae montes habitant, quo fiebat, ut tardius exucta frumenta, nondum meti atque excuti potuissent : & iam autumnus, altera non minor agricolarum imminens spes, aderat. Motis inde castris, profectus cum omnibus copiis in Picenum, Casteneam oppidum cinxit obsidione, nec multo post acri oppugnatione perrupit : sed, arce aliquamdiu frustra tentata, oppidum incendio vastavit, qua in re plus indulgit irae, quam humanitati consuleret. Inde Pergulam profectus, statim recepit in potestatem. Sed, iam instante bruma, tot undique exactis ad stipendium pecuniis, militem ad hyemandum dimisit, ipse cum paucis ad Esim urbem in hyberna concessit. Haec dum geruntur, Martinus, quem Pontificem declaratum ostendi, in Italiam reversus, Florentiam venerat. Quare cognita, BRACHIVS, semper antea secutus Pontificum amicitiam, Legatos ad eum quoque, qui opem ac fidem pollicerentur, misit. Romanum imperium, multis tempestatibus iactatum, ac prope demersum, paulum sub hoc Pontifice attolli coeperat. Quae res BRACHIVM, iam tum longo intervallo futura praecogitantem, magis ad societatem impellebat. Legatis & gratiae actae, & spes foederis iniecta est, ceterum nihil certi reportatum. Eam ob rem, unum post mensem, redire Flo-

Florentiam iussi, tunc quoque, infecta re,
 atque omni spe concordiae sublata, redie-
 runt. BRACHIVS, ubi videt, pertinacia
 laborare Pontificem, omni via congeren-
 dam pecuniam censuit, ut si quid belli exori-
 retur, stipendium non deesset ad militem
 conducendum. Mittuntur igitur ad Gui-
 donem Feltranum, qui duodecim millia
 nummum, reliqua ex sponsione, repeterent. Guidonem
Feltranum
bello aggre-
ditur.
 Illo verba magis, quam pecunias, reddente,
 post crebros missos repetitores, bello ius
 suum statuit prosequendum. Eductis ex
 hybernis copiis, in fines Asisiatum, quae il-
 lius erant imperii, castra movit. Malatesta
 Balionio ad urbem occupandam praemisso,
 direpto Feltranorum praesidio, urbe est po-
 titus. Arces duae, arduo in colle sitae, ca-
 pi statim non potuerunt, sed, ne tempus va-
 na oppugnatione consumeret, modico ad
 urbis custodiam relicto praesidio, Eugubiu-
 m cum cetero exercitu proficiscitur:
 quod iter eo maturius fuit, quod prodendi
 oppidi spem quidam ex oppidanis fecerant.
 Rugerius Perusinus, cum aliquot equitum
 turnis praemissus, ingressus oppidum, ma-
 gna vi atque impetu oppidanorum repul-
 sus, ad subvenientem exercitum refugit.
 BRACHIVS, ubi videt, proditores neque
 ad signum, neque diem, apparuisse, in sub-
 urbia quadrato delatus agmine, leve cum
 praesidiariis, qui urbi a Feltranis erant im-
 positi, praelium commisit: sed, urbe mon-

Cum Legatis
Florentino-
rum de pace
agis.

Spoletum ob-
sidet,

Atque dedi-
tione facta in
fidem recipit.

Descriptio
arcis.

tola atque aspera situ, & hostium munita praesidio, desperata, populatus agrum, ad Gualdium oppidum reduxit exercitum. Mortis inde castris, quarta die, postquam Asifium est reversus, minorem arcem a custodibus traditam recepit, decimoque inde die maiorem & ipsi quoque sua sponte aperuere custodes. Asifio subacto, Legati Florentinorum ad BRACHIVM venerunt, qui nomine quidem a populo Florentino, re autem a Pontifice missi, agere de pace coeperunt. BRACHIVS ad eam conficiendam suos & ipse Legatos Florentiam misit. Interea, confecta in hybernis hyeme, circiter Calendas Martias stipendium dare militibus coepit. Tantum enim superiore anno pecuniarum coegerat, ut nihil novis auctionibus opus esset. Milites, quo civitas belli commoda sentiret, ex stativis Perusiam convocati, hic equos, hic arma coernere iussi sunt. Omnibus celeriter comparatis, in castra copias eduxit, equitum duo millia, peditum ingentem numerum. His viribus, atque hoc belli apparatu, ad obsidendam urbem Spoletum, caput nunc Umbriae, proficiscitur. Spoletani, aliquot exulibus, qui sub BRACHIO militaverant, receptis in urbem, uno omnium consensu deditionem fecerunt. Arx erat inexpugnabilis, omnium non modo in Umbria, sed in cetera Italia, situ atque opera munitissima. Haec, arduo posita in saxo, ex altera parte urbi supereminet

minet, ex altera inviis altissimisque cincta praecipitiis, finitimorum montium societate, lato intervallo disiungitur. Tum ex arce ipsa pons ad montes pertinet, crebris erectus fornicibus, ac tam altus, ut despicientium oculi exorta hebescant caligine: extremo autem ponte turris alta munitaque medio in monte profurgit, unde, quoties urbano tumultu impetus in arcem fiat, subsidium recipere custodes queant, & hostes munitum turri pontem occupare non possint. Porro naturae munimentis etiam hominum accessit industria: quippe arcem triplex latissimus praecingit murus, quam etiam sine muro natura defenderet, tam lubrico undique & praecipiti lapsu, ut vel devoluta saxa arcere oppugnatores possint. BRACHIVS, capta exteriori turri, cum & pontem libero aditu occupare contenderet, ipse quoque instritus clypeo, egregie inter ceteros pugnam ciebat, & cautior futurus in Praelio, ne quis se Imperatorem appelleret, inhibuerat. Pugnantem emissâ ab arce sagitta infimo pede traiecit: quae alte defixa humi, nec avelli pede, nec terra effodi poterat. Quod ubi gregarius advertit miles, trabem forte ad exstruendam congeriem portans, accurrit, Imperatoremque BRACHIVM appellans nomine, tormento & ipse corripitur, vulnere haudquaquam feliciori: quippe traiectum telum per mediam, ut erat extensa, palmam, & trabi, quam

Inusitatum
Brachii gregarii-
que mi-
litis vulnus.

quam gestabat, infixum, tenaci haerebat mor-
 fu, nec deponere trabem poterat miles, nec
 palmam inde sine aliena ope devellere. Hic
 BRACHIVS, velut sui periculi oblitus,
 bene, inquit, habes, qui me alieno tempore
 vocas Imperatorem : aegreque hic terra,
 ille trabe diffuti, risum ceteris, nec sine suo
 dolore, prae buerunt. BRACHIVS, va-
 nam oppugnationem ratus, ne quid temere
 aggressum militem saxa colliderent, cingen-
 dam obsidione arcem, claudendamque, etiam
 a monte constituit. Sed res multo egebat
 peditatu : nam equitum, loci iniquitas, va-
 nam operam faciebat. Mittuntur ergo, qui
 militem mercede conducerent, Perusiaeque
 inprimis peditum haberent delectus. Pe-
 rusini sponte sua mille in castra venerunt,
 indubitatum bello robur, praeter domesti-
 cam & infitam illi genti animorum magni-
 tudinem, rei militaris minime imperiti. Hi,
 post paucos dies obsidioni relictis, egregia
 belli egere facinora. BRACHIVS, quod
 dubitabat de Spoletanorum fide, undecim
 obsidibus imperatis, ac Perusiam missis, ex-
 tra urbem cum equitatu processit. Causa
 procedendi fuit, quod nuntiatum est, Sfor-
 tiam a Regina Neapolitanorum, adversus se
 missum, magno cum exercitu adventare.
 Sed, quoniam res admonuit, pauca de Regi-
 na dicere aggrediar, quo magis reliqua in
 aperto sint. Ladislaus, Rex, cum duas uno
 tempore habuisset uxores, tamen sine cer-
 tis

Ortus Reginae
 Neapolitano-
 rum, Ioannae,
 resque gestae.

DE REBUS GESTIS BRACHII LIB. IV. 165.

tis liberis & legitima prole decesserat. Factum profecto indignum tanto regno, ceterum Regis illius immanitate dignissimum. Huic mortuo Ioanna soror successit imperio, non virtute aliqua, aut prudentia, sed praecipua Neapolitanorum in regiam stirpem fide. Haec nihil mulierum natura indignum egisse in vita traditur: nam & maritos alios purpureo laqueo suspendit, alios nudos a thoro extra fines regni praecipitavit, & liberos, quos viris parere non poterat, per adoptionem nulla cum stabilitate suscepit. Quippe nunc primum Alphonsum, Valentinorum Siculorumque Regem, mox deinde Ludovicum, quem diximus, ex Gallorum gente, adoptavit. Quae res multorum malorum origo Neapolitanis fuit. Regina vel aliquo suorum hortatu, Mittitur ab ea contra Brachium Sfortia. vel, quod magis putaverunt, a Pontifice sollicitata, tria millia equitum duce Sfortia, mittere adversus BRACHIVM ferebatur. Qua re cognita, BRACHIVS, Perusinis in obsidione arcis relictis, cum delectissimo equitatu, nulla interposita mora, Tudertum proficiscitur. Huc profecto, Sfortiae literae redduntur, Huius ad illum literae. quibus significabat, nihil se contra eum moliturum: Tartaliam unum esse, quem peteret. BRACHIVS, ut erat Brachii mutuae. summi consilii, cognita fraude, fere in haec verba rescripsit ad Sfortiam: Sibi quidem, quem ille peteret, incertum esse, ceterum vel se, vel Tartaliam, peteret, id contra se

Iungit Brachius cum Tartalia ad Volsuvium castra.

Montis Flasci descriptio.

futurum. Neminem sibi Tartalia esse cario-
riorem, privatam amicitiam publico etiam
foedere roboratam esse: proinde sciret,
BRACHIVM amicum illi esse non posse,
cui Tartalia esset inimicus. Mittitque ex-
templo, qui rem omnem Tartaliae nuntia-
ret, simulque diem diceret, qua die Volsu-
num cum omni exercitu convenirent. In-
ter haec Sfortia, deductis e Monte Rotundo
copiis, inter Viterbium & Montem Flasco-
nem castra collocaverat. Sed, BRACHIO
diutius in Tudertinorum finibus haerente,
Tartalia prior Volsenum, ut erat constitu-
tum, pervenit. Quibus de rebus certior
per speculatores factus, BRACHIVS, tra-
iecto Tyberi, eodem & ipse contendit.
Iunctis ad Volsuvium castris, missi explo-
ratores, qui hostium iter exciperent, Sfor-
tiam radices montis occupasse, paulatimque
in cacumen evadere, nuntiabant. BRACHIVS
maturandum sibi censuit, & supre-
mum iugum magna cum celeritate occu-
pandum. Mons Flascus ingenti est altitudi-
ne, sed, qua parte Viterbium despectat, a
quo octo passuum distat millia, molli ac de-
clivi lapsu in planitiem descendit: qua vero
in subteriacentem desinit lacum, a superio-
re clivo quinque passuum procul a Volsu-
vio prosurgit: tanto finitimis editior mon-
tibus, ut longo tractu terrarum regionum-
que intervallo prospiciatur: nec tam alti-
tudine, quam vini copia & praestantia, no-
tus.

tus. Hoc monte ab utroque ducum ingenti celeritate occupato, cum Sfortia ad supremum cacumen, BRACHIVS nondum ad moenia oppidi, quod in cacumine situm est, pervenissent, modico spatio confederunt. BRACHIVS, accusata militum tarditate, exercitum ad planitiem, non satis tutum fore locum arbitratus, eduxit: non procul a radicibus montis, ratus, quod postea evenit, superiorem numero hostem aut descensurum ad praelium, aut Viterbium per saltus rediturum. Igitur, Tartalia ad se vocato, quid facto opus esset, ostendit. Primum varii dimissi exploratores, qui totam noctem in speculis vigilarent, & cum movere hostis coepisset, quam celerrime nuntiarent. Tartaliam deinde ad extremos saltus occupandos obliquo tramite cum duabus cohortibus proficisci iubet. Ipse, ad arma per speculatores citatus, cum reliquis copiis ingressus sylvas, parata intentaque acie equorum vestigia sequebatur. Iam Tartalia non procul a Viterbio hostem anteverterat, qui paululum subsistens, properantem Sfortiam, & quod accidit, metuentem, tam diu pugnando demoratur, donec a tergo urgentes BRACHIANAE cohortes adorirentur. Quae tanto impetu se in hostes intulerunt, ut dissipati subito, relictis omnibus impedimentis, in fugam se converterent. Et via partim angusta erat, partim recurva atque inflexa, ut non commode prae-

Sfortia & Brachio in fugam coniectus.

praeliari milites possent. Tum, si potuissent, subitus hostium & improvisus impetus modicum consilium ingenti terrore discusserat. Duo millia & trecenti equites capiuntur. Sfortia, prementi hosti, plurimis acceptis vulneribus, propinquitate urbis evasit. Tartalia post victoriam non procul inde stativa posuit. BRACHIVS primum Tudertum, mox Spoletum, magna cum praeda, nec minore gloria, revertitur. Inter haec Sfortia, tam subita calamitate afflicta, belli reliquias cogere, &, qui pugna evaserant, ingenti, ut fama erat, Reginae, ut res habebat, Pontificis stipendio confirmare coepit. Tartalia quoque a Pontifice sollicitatus, magno accepto stipendio, cum Sfortia coniunxit. Quae res haud multo post infelicitate vertit. Neque enim facile nova atque incerta amicitia constare potest, ubi vetus & probata deseritur. Pontifex, cui iam pridem invisa erat BRACHII potentia, etsi agebatur de pace, omni tamen studio proximos, cum populos, tum duces, concitare conabatur, ut, nondum confecta pace, BRACHIVM opprimeret: Sfortiam & Tartaliam iunctos alterum alteri conciliaverat. Guidum Feltranum, qui Urbinatibus & Eugubinis imperabat, cum Perusinarum & Asifatium exulum manu, sollicitabat ad bellum. Carrariae Comitem magno cum exercitu mercede conduxerat. Angelum Pergulensem, quem Perusino bello victum

Tartalia a Pontifice sollicitatus a Brachio deficit.

Mirae Pontificis artes Brachium opprimendi.

Atum profligatumque ostendi, & multos praeterea militares duces, cum duobus milibus equitum, una in castra coegerat. Undique hostiles apparatus nuntiabantur.

BRACHIVS, veritus, ne tanta bellorum *Brachii adhuc consilium.*

mole opprimeretur, antequam omnes hostium copiae unum in locum convenirent, aut configendum cum singulis, aut distindas, quoad posset, existimavit. Igitur ipse

cum parte copiarum profectus Asisium, ut

Feltranis obsisteret; reliquum exercitum in

obsidione arcis dimisit. Hostes interea de

coniungendis exercitibus consilia inibant.

Guido Feltranus, quod de proditione Asifii

per quendam agebatur, Sfortiam & Tarta-

liam, ut Narem ac Tyberim traicerent,

crebris nuntiis hortabatur. Quod eo fa-

ciebat consilio, ut, BRACHIO ad arcen-

dum illorum adventum converso, Asisium

sine praesidio relinqueretur. BRACHIVS

interceptis nuntiis, cuncta hostium consilia,

praeterquam prodendae urbis, interceperat.

Nec multis post diebus per exploratores

cognoscit, Sfortiam, confirmato leviter ex-

ercitu, praedatum tendere in Perusinum

agrum, ad arva Clusina depopulanda, quo

non solum Perusini, sed finitimi quoque, sua

pecora compulerant. Iam Sfortia, trans-

misso flumine, leviter armatam ma-

num ad excurrenda arva praemisera. Ipse,

firmiter cohortibus paululum subsistens,

non multo intervallo sequebatur. Sed ve-

ritus,

*Sfortianos
praedatores
dissipat.*

ritus, ne, quos Urbevetanorum praefidio BRACHIVS imposuisset, redeuntem cum praeda invaderent, cautior cunctatiorque procedebat. Ubi arvis appropinquavit, exercitus, quam latissime fusi, ingentem praedam hominum pecorumque coegerunt. BRACHIVS, de hostium profectione certior factus, celeriter cum quingentis equitibus ad transitum fluminis occupandum intercludendumque hostem delatus, Sfortiae praeverterat, tanta velocitate, ut, triginta passuum millibus una nocte confectis, vix trecenti cursum eius aequare potuerint. Reliqui in itinere fessi defecerunt. Hoc in loco expectato hostium reditu, praedatorum inconditum agmen aggressus, ingenti terrore perculit: paucisque captis equitibus, praeda omnis est erepta. Sed, milite tam longo noctis itinere fatigato, persequi latius hostem non potuit. Plurima bella consilio hic dux, nonnulla invicti militis virtute, cuncta tamen incredibili celeritate, confecit. Quem hostes tot millibus passuum procul dormire crediderant, a tergo atque a fronte prius invadentem sentire, quam quidquam de eius motu vel suspicari potuissent. Praeda his, quorum erat, restituta, collectisque, quos in itinere fessos reliquerat, Asisium proxima nocte revertitur. Hic non amplius uno demoratus die, quo miles quietem caperet, in fines Eugubinorum acie infesta proficiscitur. Oppugnato Glomesio,
cum

Laudatur Brachii celeritas.

cum arcem capere non posset, oppidum direptum a militibus incendi iussit. Proximo; deinde vastato agro, exercitum cum praeda reduxit. Inter haec speculatores vario demissi, Sfortiae & Tartaliae adventum referebant, iam Tyberim flumen traiecisse hostilem exercitum, iam pervenisse Narniam, & Capitonum oppidum in Narniensi cepisse, etiam transfugae nunciabant. BRACHIVS, ratus, hostem ad solvendam Spoletanae arcis obsidionem venire, Asisii modico praesidio relicto, dimissis, qui Feltranorum motus exciperent, ad Sanctumgeminum non procul a Narnia movit castra, invasurus hostem, si Narnem amnem traicere aggredideretur, simulque, si quid Feltrani processissent, solita celeritate profligaret. Quod ut tutius facere posset, omnes fluminum ac montium aditus iussit occupari, interclusurus hostes, si ad defendendam arcem venire properassent. Feltranorum aliud erat consilium, qui, ubi videre relictum ab hoste Asisium, nec magno teneri praesidio, sollicitare, qui prodere oppidum promiserat, coeperunt; dicunt horam atque locum. Asisium, arduo in colle situm, Fanum ad radices habet, pro moenibus omnium, quae in Italia sunt, opera & structura pulcherrimum. Hic angustum erat, tenui muro obductum, & eam ob rem paucis ante id tempus observatum, foramen. Qui proditionem agebat, Idibus Octobribus de prima vigi-

Glomeſium
direptum in-
cenditur.

Sfortiae &
Tartaliae ob-
viam ducit
Brachius ex-
ercitum.

Asisium Sfor-
tianiſ prodi-
tum.

vigilia venienti hosti locum aperuit. Et, quia plures aditus angustiae non capiebant, singulos ad se equites medio noctis silentio recipiebat. Iam in multas horas processerat res, nec recipiendi finis ante factus, quam duo millia equitum & mille ducentique pedites essent intromissi. Qui, ubi superiorem urbem, mediaque in urbe forum, occupavere, subito sublato clamore, oppidanorum somno graves animos terruerunt, &, qui BRACHIANAE factionis erant, eorum domus fortunaeque direptae sunt. Mox, facto nequidquam in arces impetu, cum eas expugnare nequivissent, munita urbis occupaverunt loca, nec caede quidem aliquot oppidanorum abstinuere, nocte ut augente audaciam, sic furorem clademque tegente. Afisii defectione nuntiata, BRACHIVS ingenti affectus est dolore, cum quod urbs erat finitima Perusinis, & assidui belli futura materia, tum quoniam plurimum ex ea re suae detractum gloriae iudicabat: sed, ubi intellexit, neutram arcem expugnare hostem potuisse, recuperandae urbis consilium requirebat, cui rei nulla remagis, quam celeritate, opus esse arbitrabatur. Igitur sub occasum solis cum mille equitibus Afisium versus contendit. Vix mille processerat passus, cum statim praemittit, qui quingentos pedites Perusia accirent, item qui, triginta imperatis obsidibus, reliquas copias, quos obsidendae Spoletanorum

A Brachio
multo labore
recuperatum.

rum arcis reliquerat, contraherent. Fulginatum praeterea tyranno literas dat, ut quadringentos pedites Spellum ad se mitteret. Ubi Spellum est festinatum, Perusini, quod longius aberant, ad diem non convenere. BRACHIVS, tanto coacto peditatu, quod montuosum futurum erat praelium, addito virtuti dolo, primum Tudertinis recuperatum Asisium, profligatumque hostem, nuntiavit, simulque iussit, ut luminaria prima, ut fieri solet, nocte per moenia turresque disponerent. Quod ideo factum, ut urbis desperata defensio, quamdiu Asisium oppugnaretur, venientem hostem retardaret. Nec consilium fefellit. Nam, cum sollicitati a Feltranis Sfortia & Tartalia, traiecto Nare, ad ferendum Asisiatibus auxilium venirent, prospectis in Tudertino luminaribus, quod erat victoriae signum, tardum esse subsidium rati, non procul a Narnia resistere. BRACHIVS interea paucos ad minorem praemisit arcem, ferreos cancos, ingentemque vim malleorum, comportare, & continentem arcis murum, quantum duodeni simul equites intromitti possent, demoliri, iussit: misso deinde ad occupandum superiorem montem peditatu, ipse cum equite, ante primam lucem, ad minorem se ostendit arcem. Hostes, etsi praeter civem numero praestabant, ferocitate tamen BRACHIANORVM perculsi, quam maximis inter urbem atque arcem munitionibus fa-

S

ctis,

ctis, fossas, longissime ductas, vallo aggere-
que munierunt. Huc, quicquid usquam inven-
tum est trabium tabularumque, congestum.
Multis in locis, ubi debilitas loci maiorem
exposcebat opem, ingenti saxo late ac prae-
alte constructae maceriae. BRACHIVS,
peditatu in aciem producto, equitatum
omnem, qua muri erant deiecti, turmatim
intromittit, dispositisque a latere sagittariis,
qui oppugnantes eminus ferirent, signa in
hostium munimenta iubet inferri; sed,
quamvis magno facto impetu, nihil tamen
in tanta congerie milites proficiebant, &
qui intra munitiones pugnabant, numero ac
virtute resistentes, ubi vis hastarum urgeret,
infra trabes occulebant sese. Alii, modico
intervallo remotiores, eminus in hastatos
coniiciebant tela, quae res oppugnationem
durissimam faciebat. BRACHIVS, invi-
dia tam subitae defectionis, incendebat mili-
tem. Feltrani, quod credebant, Sfortiam ac
Tartalam infectos hostem, subsidio ven-
turos, vana spe fortissime impetum sustine-
bant. BRACHIVS, ubi videt, frustra ten-
tatas munitiones, directis in hostem sagitta-
riis, triginta fortissimos delegit equites, at-
que ita parva manu ingens orsus est bel-
lum. Haec simul agebat, simul aliquot pe-
dites ad maiorem arcem secundum urbis
moenia dimittit, qui praelio intentum ho-
stem superne adorti, munitionibus averte-
rent. Interea, qui munitiones tuebantur, &
quos

quos eminus tela conicere dicebamus, acerrime pugnantes, a sagittariis confodiebantur. Tum BRACHIVS, propius signis inferri iussis, age, inquit, sequere me miles: atque ita, concitato equo, primus omnium perripit in hostem. Ceteri tanto virtutis exemplo, simul ne Imperatorem, iam inter hostes summo cum periculo dimicantem, deferrent, uno globo conferti, profilire intra munimenta, repenteque omnis est subsecutus exercitus, tanta vi animorum, ut nonnulli, fossam transire nequeunt, a ceteris equitibus contriti conculcati sint. Hostium milites tam diu obstitere, donec interiora munimenta tutiore conficerentur loco. Sed haec quoque superno adventu perditatus perfracta, reiectaque, victori iam militi patuere. Oppidani, conterriti, suas quisque domos, diuersa fuga repetebant, atque urbis direptionem metuentes, pretiosissima quaeque defossa obruebant terra. Iam aegre a militibus repugnabatur, cum diuersae factionis cives clypeis tecti succurrere. Quae res, ut victoriam tardavit, ita maioris causa caedis fuit. Nusquam pugnatum est atrocius, hostium fortissimus quisque trucidatus, nec quisquam, nisi vulneratus, referebat pedem. Civibus clypeatis BRACHIVS, ne equos verutis aut hastis confoderent, Perusinum peditem, ab obfensione revocatum, opponit: qui recens atque integer magnam civium edidit stragem.

gem: ancipiti aliquandiu pugna, tamen hostes plerique a sagittariis ac peditibus vulnerati, deficiebant magis, quam cadebant. Equitatus angusto loco nihil egit aliud, quam quod hosti, paulatim cedenti, ne quando ultra procederet, resistebat, cum pedites a fronte, dextra, laeva, continuo, ultro, inferentes signa, dimicarent. Iam ventum erat ad declivia urbis: hic primum hostes, iniquitate loci reiecti, manifestam cepere fugam. Pauci per adversam urbis partem muro sese eiecere: portis evasere nonnulli, ceteri capti omnes. Cecidere in praelio ducenti: BRACHIANI non multi desiderati: ceterum vulnerati complures. Inferiore deinde urbis parte, cui hostes, quod alterius erant factionis, pepercerant, diripienda militibus data, praeter ignobilem multitudinem, Septingentos ex hostibus coniecit in vincula, eosque partem Perusiam, partem Tudertum observandos dimisit: qui aliquot menses non publica solum ergastula carceresque, sed privatas civium domos, complevere. Exules Perusinarum Perusiae, Asisiatium Asisii capitali supplicio affecti. Qui urbem hosti prodiderat, altissima turri praecipitatus: in ceteros minus saevitum. Dum haec ad Asisium geruntur, ducenti milites, qui arcem Spoletanam tuebantur, facta eruptione, vacuum & urbanis & militaribus praesidiis invasere urbem. Depulsi, quos BRACHIVS

CHIVS ab exilio revocaverat, ipsi tenere
 imperium. BRACHIVS, post devictum
 Aſſium, in Tudertinum, ad copias hosti ob-
 iiciendas, transitumque in Heturiam atque
 Umbriam prohibendum, concesserat. His ^{Mors Berthae,}
 diebus Bertha uxor Perusiae moritur. Haec, ^{Brachii uxo-}
 nobili Armannorum familia, septem & vi-
 ginti annos coniugio, sterilis tamen sine
 prole, expleverat. Eius funus magnifice
 celebratum, sepulchrum genere & viro di-
 gnum erectum est, denique humana atque
 divina persoluta omnia. Inter haec Tar- ^{Perfidia Tar-}
 talia, quanto ante id tempus amicus fidelior, ^{taliae.}
 tanto post violatam aut certe desertam ami-
 citiam hostis infensior. Ut plerumque
 mortalium animos delicta sua exasperant,
 omni via tentare, virtute, dolo, quo pacto
 BRACHII & imperium offenderet, & di-
 gnitatem. Hic ex Urbe vetanis captivis ^{Urbe vetanos}
 quendam sollicitat, ut urbem sibi proderet, ^{sollicitat.}
 totius Italiae situ munitissimam. Multa at-
 que ampla pollicitus, facile hominem ad
 proditionem impellit: dimissum ad suos,
 hortatur, ut rem pulcherrimam, quam oc-
 cultissime posset, maturaret. Sunt, qui non
 captivum, sed alterius factionis hominem,
 sollicitatum velint. Quicumque is fuerit, con-
 stat, de proditione agitatum. Coniuravero
 in eam rem ex civibus nonnulli, quibus suae
 fortunae non satis placebant. Urbi autem ^{Spe vero sua}
 Malateſta Balionius paucis cum equitibus ^{frustratus.}
 praesidebat: qui, ubi clam de proditoribus

compertum habuit, excubiis ac vigiliis confirmatis, rem omnem dissimulatam ad BRACHIVM detulit. Illi, re cognita, non prius de supplicio coniuratorum, quam de hostis profligatione, consilium occurrit. Summa igitur celeritate cum octingentis profectus equitibus, noctu clam urbem ingreditur, statimque civitatis portis claudi iussis, proditorem capiendum curat, cui archissime catenis iniectis, quanto in periculo sit, & quam iuste pereat, ostendit: uno facinore recuperari posse, si eius opera Tartalia hostis interciperetur. Hac una re & famam, & vitam, recepturum, alio, quin crudelissimo, exemplo & cruciatu periturum esse. Ille magnitudine periculi, simul quod videbat frustra iam moliturum reliqua, mittit, qui Tartaliam ad urbem occupandam advocaret, • dicitque & diem & horam, qua urbem esset ingrediendum. Adiecit, vigilem se ea die ad urbis stationes excubiturum, clavesque habiturum civitatis, frustra deinde rem tentatum iri, si nunc tam opportunum prodendi tempus elaberetur. Tartalia, motis a Monte Flasccone castris, magna spe potiundae civitatis elatus, quod sperabat, primo tumultu alteram factionem ad arma concurfuram, non cum omni exercitu, sed, quo tectior esset res, cum trecentis delectis equitibus, totidemque peditibus, ad urbem contendit. BRACHIVS intenta expectabat acie, iam ad portas pervenerant

Parum ob-

venerant milites, cum crepitum armorum ^{fuit, quin ipse}
 intra urbem resonantium excipientes, veriti ^{caperetur.}

insidias, referre pedem coeperunt. **BRACHIVS**, dolo non procedente, instructa, ut erat, acie, magna vi & clamore erumpit in hostem, tam diu persecutus fugientem, donec Tartalia ipse cum paucis Suganum confugeret, ceteri omnes caperentur. Mox, Sugano oppugnato, suburbanisque direptis vicis, qui cum Tartalia eo confugerant, equos ad unum amifere, ipsi ad interiora oppidi se receperunt. Sed, quo minus oppido potiretur **BRACHIVS**, causa fuit paucitas peditatus, cum nec sagittarios quidem in subitam expeditionem adduxisset. Sunt, qui affirmant, Tartaliam e moenibus appellasse **BRACHIVM**, multisque in veterem amicitiam commemoratis, ut obsidione discederet, exorasse. Post Tartaliam profligatum, **BRACHIVS**, sexaginta imperatis obsidibus, primoribus Urbevetanorum, Tudertum cum exercitu revertitur. Post paucos dies Matthaeum Ubaldum Legatum ad Pontificem mittit, ut saepe iam tentatam pacem societatemque postularet, nihil reliqui facturus, quo minus Pontifici se conciliaret. Interea Perusiam cum omnibus copiis reversus, inferendum Eugubinis bellum constituit. Motis itaque Perusia castris, Serram, Eugubinorum munatissimum

Alius ad Pontificem Brachii Legatus.

Serra expugnata.

oppidum, oppugnandum contendit: quod eo facilius futurum putavit, quoniam media

hyeme nihil tale suspicari hostem existimabat. Oppidum magno militum impetu expugnatum, alii direptum tradunt, nonnulli, duobus millibus nummum ab hoste redemptum, autores sunt. Serra capta, Perusiam, ad augendum exercitum, reparandamque expeditionem, revertitur. Interea, qui speculatum erant missi, omnes, hostium reliquias ad Eugubium convenisse, referebant : iis etiam Perusinarum atque Afisiatium exules coniunctos esse. Suspectiora haec faciebant duo duces, Angelus Pergulensis, & Guidus Feltranus, qui cum omnibus copiis, quae ex superiore bello superfueraut, eodem convenerant. Huc accedebat ingens agrestium peditatus, ex proximis accitus oppidis, qui ad multa millia in armis esse, quotidieque magis augeri, ferebantur. BRACHIVS, certior rerum omnium per speculatores factus, Nonis Ianuariis in fines Eugubinarum, qui Appennini colunt radices, pervenit. Fuere in eius exercitu equitum non amplius mille, peditum circiter duo millia, partim quos tiro-nes civitate delegerat, partim qui erant veterani, & belli variis periculis probati. Hac manu tripartita tres simul urbis portas est aggressus, tanto militum ardore, ut, hostibus frustra repugnantibus, refractis portis, multi capti direptique eodem undique impetu referentur. Sed urbs, edito in loco sita, sua se natura situque defendit, tum in-

gens

Eugubium
frustra obli-
dione tenta-
tum.

gens hostium ac validum erat praesidium, ut facile vel saxis propellere possent oppugnantem hostem. Illud fuit omnium longe maximum, totum triduum consedis intra moenia, & neque in superiorem evadere urbem, neque suburbanis depelli ab hoste potuisse, nec tamen unquam interea, nunc levi, nunc gravi praelio cessatum. Tertia iam die nequicquam periculis consumpta, BRACHIVS, ubi videt, nihil se proficere adversus hostem, desperata urbis expugnatione, solvit obsidionem, suburbiis tamen lato igni vastatis. Miserrimum hostium oculis fuere spectaculum vicorum incendia: sed nec ad ea reslinguenda ante hostis discessum descendere ausi sunt. BRACHIVS, quicquid prope fuit agri, vastato, ad Fractam revertit. Hic, urgente adhuc hyeme, equitatum ad hyberna, peditem ad suam quemque domum dimisit: ipse paulo post Perusiam hyemandi gratia concessit. Iam paululum hyemis restabat, cum Sfortia & Tartalia, confirmato, quoad potuerant, exercitu, in fines Tutertinorum populatum venerunt. Pauca quaedam, nec situ, nec opera munita, castella ab his capta: quae res causae fuit expeditionis in Tudertinum maturandae. Nec hostes quidem eius adventum expectavere, satis rati, quod imminensem Eugubino bello avertissent. Ergo, modico castellis, quae ceperant, relicto peditatu, ad sua statim hyberna, quae erant trans Tybe-

Suburbia
men igne,

Agri depopulatione vastati.

Expedicio in
Tudertinos
suscepta.

Nicola Picini virtus singularis.

rim, se contulerunt. Per hos dies, cum Eugubini hostium absentia latius ac licentius vagarentur, Nicolaus Picininus, cuius paulatim augebatur virtus, parva manu eorum excurrit agrum, vastavitque, ut sunt semper improvisa mala graviora, multum praedae, multum captivorum actum est. Hoc primum eius viri auspiciu fuisse tradunt: nam ante id tempus gregarius miles, nec nobilitate, nec potentia clarus, semper postea virtute & gloria insignis, aetate mea ducum omnium in Italia praeclarissimus: quos tanto post se reliquit intervallo, ut, cum multi variique duces ex BRACHII familia, veluti ex militiae officina, prodierint, hic unus imperatoris sui, & nomen & exercitum retinere ausus sit, fide nemini secundus, qui & viventem BRACHIVM nunquam deseruit, & illo mortuo, BRACHIANAE militiae assertor esse ac dici voluit; nec quidquam nunc in Italia BRACHIANORVM nomine magnificentius: quod alter maiore imperio peperit, non minore fide educavit alter. Quibus diebus haec in Eugubinis gesta sunt, Legati, qui cum Pontifice de pace conficienda iam diu egerant, Tuderum cum conditionibus redierunt. BRACHIVS, consilio Florentinorum, qui foederis autores fuerant, quo praesens pacem confirmaret, Florentiam proficiscendum constituit, commodius futurum, arbitratus, & ad benevolentiam propensius, si ipse Pontificem

Brachii Florentiam tendentis comitatus.

tificem adiisset, loco praesertim minime suspecto: ubi, si quid insidiarum in se strueretur, vindicem habiturus esset violatae fidei Populum Florentinum. Sed, quo famam sui nominis & expectationem hominum compleret, curandi erant novi ac magnificentissimi vestium, comitum, equorum, apparatus. Primum omnium familia cuncta pari vestitu est ornata: quadringenti praeterea ex omni exercitu delecti milites, vestibus armisque conspicui. Duces, Praefecti, Centuriones, argento aurove, ut cuiusque erat dignitas, vestimenta, frena, phaleras, vario labore texturaque distinxerant. Arma tam bene iussa expoliri, ut mirantium perstringerent aciem. His adiecti ex aliquot populis, quibus imperabat, Perusinis, Tuderianis, Urbevetanis, Narniensibus, Reatinis, Asinatibus, aliquot instructissime ornati cives: turba quidem illa togatior, sed cultu & magnificentia tanta in processione haud contemnenda; &, ne quid deesset gloriae, Fulginatium & Camertium tyranni, pari hominum atque equorum ornatu accessere comites. Rebus ita compositis, nono Calend. Martias ad iter se paraverunt. Quadringenti fuere equites, pedites haud amplius quadraginta. Ex his pars hastati, pars sagittarii, omnes utrumque ducis claudebant latus, nec usquam itineris ab illo recedebant. Prima die ventum est ad Thrasimenum, Perusini agri atque imperii terminum.

**A Florentinis
magnifice ha-
bitus.**

num. Postridie Cortonensium ingressi agrum, hic Florentini imperii est limes, miro rerum omnium apparatu accepti sunt. Quippe Florentini per omnia ditionis suae loca dimiserant, qui transeuntibus non haec usitata & vulgaria genera cibariorum, sed rarissima & deliciosissima quaeque, ministrarent: nec ulla gens est accipiendis amicis, exhibendaque liberalitate, magnificentior. Quatuor praeterea nobiles domi cives ad eum excipiendum praemissi, continenti itinere comitati sunt: ipse armatus, tamen sine galea, procedebat; pauci erant inermes, quos e civitatibus ad honestandam professionem delectos ostenderam, ceteri veluti ad bellum intenta pergebant acie. Tertius iam illuxerat dies, cum in agrum Florentinum traiecto flumine Arno est perventum. Hic magnificentiora videri coepta, si qua difficilior fuisset iter, limites iacebant aequati solo, saxa quaedam maleis praecepta, quaedam in dextram, aut laevam sevoluta, expeditum reliquerant aditum, modicis praeterea intervallis, frequentia exposita cibaria crebrique per montem dispositi ignes adspiciebantur, ut, cum equis descenderetur, simul cibo potuque, simul igni reficerent corpora, ubi vero ad liberam devenire planitiem, tum ingens civium obviam emissam multitudo, & Cardinalium familiae universae occurrerunt. Turbae quoque puerorum, qui studio videndi multum erant

erant progressi, late compleverant vias. Horum altissimae voces, BRACHIVM geminantes undique, exaudiebantur, nec grandiores se iam continere poterant cives, quin pari studio adducti, BRACHIVM & ipsi bis terque conclamarent. Paululum iam ab urbe aberant, cum in proximam divertens castram, positis armis, ornatissimas induit vestes, turpe ratus, si tam amicam civitatem hostili salutasset vultu. Purpureae vestes, auro atque argento distinctae, fulgebant, puniceum involucrum, veluti globus in ambitum circumductus, supra verticem latius se proferebat, nec equi cedebant, ornamenta, phalerae, aureis crispatae bullis, longo tractu per dorsum atque artus descendebant, aurea lora aureos quoque excipiebant frenos. Dum id more intercessisset, populus frequens undique extra portam corruere, & quasi deum aliquem visere, nunc toties auditum nomen, nunc invicti ducis fama & gloria gestarum rerum occurrebat, & quem animis vix capiebant, eum oculis satis intueri non poterant. Crescebat enim adspectandi studium imperatoria quadam & supra mortalem iucunda praesentia. Constat enim, statura supra mediocrem fuisse, facie oblonga, sanguine quodam cum dignitate suffusa, non nigris quidem oculis, sed tamen laetis, & nescio quid grave iucundumque spirantibus, membris ceteris, nisi quae vulnere deformati essent cicatrices, mirifice cedentibus, denique

denique adspectu erat pro tempore festivo & gravi, semper tamen imperatorio, ut inimici confessi sint, quantavis in frequentia aut corona pernixtum, stantem sedentemve, ab ignotis unum ex omnibus pro imperatore dignosci primo adspectu potuisse. Ergo Florentinis non satis erat vidisse semel: quacunque se latior aperiret via, praeter-euntem antevertabant, iterumque adspecturi, editos occupabant tumulos, limitibus tam diu confidentes, donec praetergressi ducis respicerent terga: tum vero magno accelerabant gradu, quam diu a fronte venientem rursus intuerentur, nec turba magis, quam clamor, faventium, & BRACHIVM iterum atque iterum reclamantium, augebatur, portas ingredientem principes omnium ordinum cives, iuventute & ipsi stipati, recepere medium, multi per angustos vicorum inflexus conculcati contritique ab equis, &, quo magis procedebatur, hoc magis complebantur omnia, magisque conclamantis plebis vocibus cuncta resonabant. Nec segnius mulieres, patrio exornatae more, ad compita vicosque prodierant, illum pueri, iuvenes, senes, viri, mulieres, intuebantur. Nemo unquam acceptus in ea civitate magnificentius, nec tanto favore omnium civium. Non illi externi externum Principem recipere, sed Florentinorum Regem venerari, nec maiore observantia, quam amore, complecti videbantur. Hac pompa comitatuque ad Pontificis

A Pontifice
perbenigne
exceptus,

cis atrium perventum est: intromissum ad interiora penetralia, procumbentemque ad pedes, Pontifex perbenigne complexus, excitavit, gratiasque egisse Deo Opt. Max. dicitur, quod aliquando tantum sibi virum conciliasset. BRACHIVS, post Pontificis complexum, primum pedem, mox inanum, sacro more deosculatus, sua in superiores Pontifices beneficia commemoravit, neminemque pro illorum imperio plura maioraque gessisse, redactam toties ac retentam in fide Bononiam, Ladislaum non Roma solum, sed Hetruria, sed Latio toto, depulsum: graves, cum in Piceno, tum in Umbria, toleratas obsidiones, deinde pauca de fortuna sua disse-ruit, patria pulsum diu, in exilio egisse aetatem, a Bonifacio deceptum, in fide tamen mansisse. Perusinam urbem, in qua ipse natus educatusque fuisset, non quidem Pontificibus, sed regiis sociis communibus, Hetruriae hostibus, eripuisse. Sic Tudertinos a Rege, sic Asifatès a Feltranis deficere coactos, in suam receptos esse potestatem, quae omnia, etsi ad Pontificum iura pertinerent, ab hostium tamen manibus esse detracta: quam diu in Pontificum fuissent potestate, nihil contra esse molitum, eosdem se belli socios, quos Pontifices iussissent, eosdem amicos atque hostes, habuisse. Quae quanto maiora essent, tanto se graviore dolore affectum, quod hostis esset iudicatus, quod divinae in eum imprecationes habitae, & quicquid

sua ipsi deficietis exponit.

quid vix in sceleratissimum quemque fieri decuisset, congressu hominum, sermone, comunione, esse inhibitum, postremo templis, aris, focus, interdictum sibi esse. Nunquam se nec laesisse, nec violasse religionem Romanam, nec Deorum immortalium templa profanasse, nihilo secius, perinde quasi humana divinaque polluisset funestassetque, religionis inimicum iudicatum devotumque fuisse, quae ut multo gravissima essent, ita se posthac quam acquissimolaturum animo, fretum conscientia rerum a se pro Ecclesia summa cum fide gestarum, modo opera sua Pontifex uteretur, nunquam pro sanctissima religione defatigatum iri. Postremo orare Pontificem, ne graviora haec putaret, quam quae ipse oblivisci posset, si quid unquam fortiter pro superioribus Pontificibus ac fideliter gessisset, nunc multo fidelius gesturum omnia. Nullam iniuriam acceptam tanti apud eum fore, ut a fide & opinione laudis deficeret. Bella non magis virtute constare, quam fide, se sic a pueris institutum, eum virum esse praeclarum, quem nullae iniuriae, quamvis graves, efficere possent iniustum. Natum se sub Pontificum imperio, sub eodem & adolevisse, & patria extorrem actum, pulsus Roma Pontificibus, locum sibi in Hetruria non fuisse. Illis receptis, se quoque aliquid habuisse virium, eandem sibi, quam illis, allussisse fortunam, nec nunc quidem
alieno

alieno esse animo. Habere Diis gratias, opes, quam nunquam, antea maiores, & eas ipsas non aliena ope, sed beneficio fortunae & virtute sua partas, has omnes Pontifici polliceri, venturum in bellum cum exercitu, Romani iuris oppida redacturum in potestatem, denique facturum omnia, quaecunque pro re sua facere quisquam posset. Ad haec Pontificis pauca fuere verba: Se, quicquid fecisset, coactum novitate imperii fecisse, nec magis **BRACHIVM**, quam ceteros, qui aliquid Romani iuris arripuissent, hostem esse iudicatum: imprecationes vero & divinas illas execrationes incitamenta quaedam fuisse terroris, nihil tamen periculi habuisse, nec omnia, quae ore coram proferuntur, nocendi animo proferri. Ea iam expiata esse. Ceterum tam liberales pollicitationes grato accipere animo, iam nunc eius consilio atque ope bello paceque usurum. Haec ubi ultro citroque dicta, **BRACHIVS**, facta potestate abeundi, ad refertum populo, undique visendi studio confluyente, vestibulum exit. Exceptus ab illis ipsis civibus, quos una comitatum profectos ostendi, Pontificis quoque stipatus familia, ad Arnun flumen, qui mediam secat urbem, reductus est. Paratae erant amplissimae civitatis domus, comites, qui venerant, suo quisque susceptus hospitio, ipse in patentissimam egregio cultu exstructam deductus domum: etsi saepe alias audiverat, tum primum, quanta esset

Amica ad
haec Pontifi-
cis responsio.

Maximus pul-
cherrimusque
rerum, quoad
Brachius Flo-
rentiae mo-
raretur, appa-
ratus.

T

eius

eius urbis magnificentia, perspexit. Parietes erant Gallicis tapetibus coniecti omnes, tum latissimi strati tori, vacuis, sed auro purpuraque pictis, in cubiculis eminebant: vasa quoque in coenaculo partim aurea, partim argentea, longissimo ordine feriebant oculos. Huc publice, huc private congestae delitiae, tum epularum quicquid unquam mortalium gula potuit excogitare, aurata fercula, aurata condimenta, nam vulgares succi liquoresque sorduerant, haec omnia regio cultu succincta inventus honestabant. Nobilissimi civitatis iussi mensas sternere, apparare atque adesse discumbentibus, quam lectissimi ornatissimique conuenerant, tum civium, qui autoritate & praesentia pollerent, duplex confectus ordo: alteris parandarum rerum datum negotium, alteris comitandi ducis imposita cura. Ludi quoque per singulos dies instituti celeberrimi, ubi, ne quod deesset Hetruscae opulentiae, ne mulieres quidem virorum cultui magnificentiaeque cesserunt: has aurea monilia, has ultimo solis orbe petitae gemmae decorabant, denique, quicquid divitiarum in civitate fuit, publice privatimque ostentationi datum. Postero die in Curiam Florentinam ad Dominos salutandos accessit; sic enim Decemviri, quos penes imperium civitatis situm est, appellantur, duorum mensium Magistratus. Hic multa benigne utrinque amiceque dicta. BRACHIVS pro tanto hono-

honore, simulque pro conciliato sibi Pontifice gratias agere : Florentinus pristina eius in se beneficia commemorare, uterque se devinctum facere: Quibus ex rebus ingens est conflata benevolentia, cum uterque, sui beneficii oblitus, meminisset alieni : hinc illud tacitum & nunquam postea violatum foedus, perpetuaque cum Florentinis amicitia. Postridie eius diei, Pontificem iterum adivit, nec minore comitate acceptus, multa de pace concordiaque, multa etiam de Pontificis statu disseruit : sic totus in consultatione gerendarum rerum, ille consumptus est dies. Inter haec Florentini, qui mirifice iam pridem BRACHIO favebant, Guidum Feltranum Florentiam acciverunt, quo vicini duo duces paulo ante amicissimi reconciliarentur : nec fuit difficile. Quippe BRACHIVS, commemoratis offensionibus, nec beneficia quidem suppressit, sic novum odium veteri officio sopitum, & duo Duces precibus populi Florentini eadem, qua prius, amicitia devinciuntur. Haec res non finitimos solum, sed totam Hetruriam, in pace diu continuuit. Nec fefellit Florentinos, una opera & patrium bellum sedatum iri, & utrumque Ducem devinctum, concordiae autoribus fore. Iam aliquot praeterierant dies, cum BRACHIVS, quoniam alia magnificentia uti alieno in regno non poterat, equestres ludos celebrari instituit, apparatu, quanto nec

*Amicitia cum
Guido Feltra-
no restituta.*

*Ludi eque-
stres restituti.*

antea nec postea quicquam est usus. Fuisse in ludis milites galeati centum viginti, cives etiam nonnulli, &, (quod ipsi mirantur, qui interfuere,) unis in ludis hastarum sex millia contracta. Multa Florentini priora audiverant, plura postea eiusmodi videre certamina, nullum tamen huic, neque numero cursorum, neque apparatu & pompa militari, comparandum: nec quidquam ludis ipsis, quam tanti ducis praesentia, decori fuit. Ille militem instruebat, ille porrigebat hastam: idem currentem & sublequebatur, & incitabat: quae res adeo grata fuit populo Florentino, adeoque visa gloriosa, ut nihil in ore omnium aliud, quam unus BRACHIVS, versaretur: illum interdum per urbem universi comitari, illum domi taciti ac fere attoniti suspicere, noctu carmina per urbem, ceteris ignominiosa, illi laudem dicentia, canebantur. Primo noctis adventu, pueri, iuvenes, & ipsae ante sua limina mulieres, haec ad lyram cecinerunt: BRACHIVS invictus omnem debellat gentem, Martinus Papa non valet quadrantem, multis in locis haec eadem parietibus inscripta, nec praeconiis saepe factis parebatur, quod adeo Pontificis offendit animum, ut saepe postea Florentinis quadrantem exprobraverit, capitaleque in eos conceperit odium. Iam vigesimus venerat dies, cum, omnibus compositis rebus, percutienda erant foedera: nec deerat Sfortia,

Carmina in
laudem Bra-
chii publice
recitata.

tia, qui Pontifici acceptior, omni studio ad pacem Mortaretur: persuasitque, ut BRACHIVM contra Bononienſes, qui paulo ante rebellaverant, cum exercitu mitteret. Hoc ſi faceret, Neapolitanorum regnum vacuum Rege, a molliſſima inſuſum muliere, facile in eius venturum poſtatem: cui rei, niſi procul diſtineatur, BRACHIVM impedimento fore. Nam regni optimates aegre ferre mulieris imperium, iam tantam eius eſſe inſtantiam, ut duos regni inſtituerit haeredes, &, cum prior diſplicuiſſet, alterum ad inferendum patriae bellum armaverit. Iturum ſe cum exercitu ad regnum occupandum, nec aliter fieri poſſe, niſi BRACHIVM, ſtipendio adſtrictum, quam poſſet, procul a regno diſtraheret. Bononiense bellum diuturnum & periculoſum fore, hoc illum aut nunquam aut ſero conſecturum. His verbis perſuaſus Pontifex, nullam pacis conditionem repudiandam conſtituit, modo BRACHIVS exercitum contra Bononienſes traiceret, ratus, uno tempore duplici ſe victoria, & Bononiensium, & regni, potiturum. Foedera in hunc modum percuffa ſunt: BRACHIVS exercitum omnem in Galliam traicito. Bellum cum Bononiensibus gerito. Oppida, quae capientur, Pontificis ſunto. Ante conſectum bellum, neque exercitum reducito, neque ipſe in Heturriam ſine exercitu redito. Pontifex equitatu

Foedus inter
Brachium &
Pontificem
initum.

peditatuique stipendium praebeto. Peru-
 fini, Afusates, Camarienses, Spellani, Efini,
 Gualdenses, Tudertini, sub BRACHIQUE,
 liberumque nepotumque imperio manento.
 Castellum plebis, Montemalboddi Ro-
 cham contractam, ipse, filiique, nepotesque,
 in potestatem habento : quibus velint, ven-
 dunt, largiunturve. Sed neque adversus
 Romanum imperium arma ipsi capiunt,
 nec hostibus praebento auxilium. Vices
 Pontificum his in locis gerunt, vitae ne-
 cisque in municipes potestatem habento :
 qui non parebunt, iis etiam, si ad Pontifices
 perfugerint, bellum, quantum velint, infe-
 runto. Si Bononienses non subegerit, id-
 que culpa non fiat, Pontificis foedera rata
 ne sunt. Si quid ipseque liberique moli-
 rentur contra, funesti profanique homi-
 num congressus fugiunt. Tempia ne in-
 tranto, ignem & aquam ne inveniunt,
 urbibus agrisque spoliantur.



IOAN.

IOANNIS ANTONII
CAMPANI, EPISCOPI APRV-
TINI, DE VITA ET GESTIS AN-
DREAE BRACHII, PERVSINI,
ITALICAE MILITIAE IMPERA-
TORIS OLIM STRENV-
ISSIMI,

LIBER QVINTVS.

ICto in eum modum foedere, BRA-
CHIVS, quo expeditionem maturaret,
Perusiam ad conducendum militem,
cohortesque ex hybernis deducendas, rever-
titur, non minore a Florentinis dimissus
honore, quam acceptus. Ergo, novo di-
numerato stipendio, primum confectam
cum Pontifice & Feltrano pacem a praeco-
ne declarari iussit, totoque animo intentus
ad bellum, ad paucos dies profectionem
militi pronuntiavit. His diebus legati Ar-
riminensium Perusiam venere, petentes, ut
natam ex concubina filiam Roberto, Pan-
dolfi Malatestae filio, desponderet: quae
res hoc facilius est impetrata, quod genus
Malatestarum in prius clarum atque anti-
quum habebatur. Post haec, antequam in
Galliam traiceretur, pulcherrima coepta
aedificia: primum testudinem pro foro
quam longissimo protendendam, muros de-

*Novum pera-
tur contra Bo-
nonienses
bellum.*

*Natam ex con-
cubina filiam
Roberto Ma-
latestae de-
spondit.*

*Novae coepta
aedificia.*

inde civitatis reficiendos curavit, & quæ devexior est urbs ad orientem, præcipitem lapsum, ut plerumque labes fierent, altissimis erectis fornicibus æquavit, alterum nunc urbis rerum venalium forum. Simul, hæc curabantur, simul, quæ ad novam profectionem expedirent, arma, equi, milites, parabantur. Nec multis post diebus, exercitus parte collecta, quo reliqui celerius sequerentur, octavo Calend. Maias, vexilla ad arva Clusina iussit promoveri: ipse biduum in urbe componendis rebus & magistratibus creandis commoratus, tertio die eodem contendit. Hic, quoad omnes venirent copiae, expectaturus, ac loci usus commoditate, (quippe pabuli atque ligni mira feracitas,) dum ad Thrasimenum moram traheret, Nardum Vetulum, veteranum quidem militem, sed tunc fugam ornare cupientem, iuvenis famulus accusavit: iussum ingredi tabernaculum, ac causam dicere, vultus sanguisque defecerat, mox, accito tortore, cum proposita novi exempli tormenta expavesceret, nihil, inquit, opus est quaestione, tuo accepto stipendio, tamen ad Sfortiam properabam, cum quod aere premebar alieno, & arma atque equos vendere durissimum erat mihi, tum quoniam & id ipsum, quod acceperam, a te stipendii consumseram, & ille duplicare promiserat: una fuga & aes alienum non reddere, & integram accipere mercedem

pote-

Nardus Vetus,
fugæ reus,
stipendius.

poteram. Haec confessum, proxima in arbore suspendi iussit, dataeque perfidiae poenae, nimis durae fortasse: sed nullum erat scelus, quod ille tam gravi puniendum supplicio putaret, semper alias transfugas & proditores supra, quam sibi expedierat, exosus. Nonis Quintilibus, cum undique conducti milites unum in locum convenissent, lustrato exercitu, inventa sunt equitum arma ferentium duo millia, calonum peditumque fere totidem: ex his plerique erant sagittarii. Hac manu tantum gesturus bellum, facto per Cortonensem agrum itinere, ad Tyfernum urbem, vel, ut hodie vocant, Castellum, pervenit. Hic per exploratores de Sfortiae apparatu cognoscit, nec credidit quidem primo, sed in dies sine certa causa maiores habiti delectus rem verisimilem faciebant. Hac re diligentius explorata, cum omnia suspicionem augerent, mittuntur clam, qui ad Reginam cuncta perferrent. Movebat eum partim mulieris imbecillitas, auxilio non tamen magis, quam consilio, digna: partim, quod verebatur, Pontificem, occupato regno, tanta imperii accessione facta, omne in se bellum conversurum. Sed Regina, praeter mulierum naturam, nullo pacto, ut fidem adhiberet nuntio, adduci potuit, verita, ne fraude bellica decepta, Sfortia a se alienato, sine duce, sine armis destituta invaderetur. BRACHIVS, ne quid ad Tyfernum traheret morae, superato ce-

*Iter in fines
Bononien-
sium susce-
ptum.*

*Apparatus
Sfortiae belli-
cus,*

*Ad Reginam
frustra dela-
tus.*

Bononiensium
copiae
atque duces.

Brachii cum
Loisio pugna.

leriter Apennini montis iugo, in hostium fines traiecit. Adscito sibi Angelo Pergulensi, eius adventum in itinere cum septingentis equitibus expectaverat, a Legato Pontificis mercede conductus. Interea Bononienfes, tanto belli apparatu cognito, undique petiverant auxilia, duces complures accitos, in Galliam partem intra urbem subduxerant, partem per oppida atque agrorum dispartierant, denique tantum roboris collectum, ut non obsistere solum hosti, sed vincere, posse confiderent. Equitum habuere tria millia & quingentos, peditum incertum, sed tamen ingentem, numerum, quos ex omni acciverant Gallia: sed duces erant varii, quorum neque animi ad bellum, neque auspicia, conveniebant. Gabrinus, Cremonensium Tyrannus, Albericus novellus, Loisius Vermes, Symon Canusinus, & alii permulti, quorum nec res gestae, nec nomina ipsa erant contemnenda. BRACHIVS, primo statim ingressu, castra posuit non amplius, quam quinque millia passuum procul ab urbe: quae res, ut magno civibus terrori fuit, ita ducibus, qui militaris rei erant periti, spem fecit hostilis exercitus profligandi. At BRACHIVS, quo magis irritarentur ad praelium, simulque, ut eorum tentaret vires, ultro signa moveri ad urbem iussit: cum vero mille passus moenibus appropinquasset, ceterum exercitum paratum, intentumque ad pugnam, in ponte, quem vocant Crucitate, dimittit, ad
monitis

monstris praefectis, ut non prius inde moverent, neve pontem defererent, quam ipse movendi signum fecisset: ipse cum octoginta lectissimis equitibus, centumque pari robore peditibus, ad urbis usque vallum processit, ut & provocantium ad praelium, & respondentium, captarentur voces. Huic Loisius, unus ex ducibus, quem dixi, ea tempestate clari nominis, egressus urbem, cum trecentis occurrit equitibus, coeptaque levis est pugna. BRACHIVS, veritus, ne multitudine circumveniretur, misit, qui signum daret. Quo signo quindecim galeatos equites vocari iubebat, nec quidquam in illo duce ordine & celeritate insignius fuisse constat, qui, ubi advenere, iussi expectare pugnae exitum, & si qui portis egrederentur, observare, aliquamdiu praelio abstinuerunt. Sed, nemine egrediente, pugnam & ipsi capeffentes, conglomerati recto per viam cursu dant sese in medium hostem. Horum tanta vis fuit, ut equo Loisius hasta ictus excuteretur, eius milites perturbati, partim, qui erant animo praesentiore, ut iacentem ducem excitarent, equoque imponent, acerrime resistebant, partim moliebantur fugam, veriti, ne omnis simul adventaret exercitus. Capti sunt ex hostium equis octoginta, triginta caesi, milites utrinque sex desiderati. Loisio fugiente, magna urbani praesidii egrediebatur manus, qui, spectata ex moenibus pugna, atque hostium spreta paucitate,

Brachiano-
rum praeda-
tiones.

aitate, fugientibus suis sero auxilium ferebant. BRACHIVS, parva quidem, sed pro loco atque numero insigni, potitus victoria, ad castra rediit. Haec, ut prima pugna, ita felici auspicio gesta, nimis hostium de-
pressit animos, contra BRACHIANI ab re bene gesta belli avidiores facti, pars late praedatum ire per hostium fines, pars, si pari robore hostis ad praelium exiret, parati-
que pro portis armati pugnam expectare, interdum excursare ad urbem, & moenibus haerentem hostem contumelia laceffere. Bononienfes metu belli primum omnes vi-
res in urbem contraxerant, sed mox popula-
tione agri permoti, ducum alios aliò oppi-
dorum praesidio dimiserant, qui, etsi op-
pugnationes fieri prohibebant, liberum ta-
men praedatoribus relinquebant agrum, nec totis uno in loco resistebatur viribus, nec collatis signis usquam dimicabatur. Iam milites, late circumvecti, quotidiana praeda castra stationesque compleverant, nec parva & expedita peditum manu, sed gravi equi-
tum mole, fiebant excursiones, nullumque dabatur quieti tempus. Tum Bononienfes haud multo gravius ab hoste, quam urbanis atque oppidanis praesidiis, urgeri, hostes for-
ris, illi domi, cuncta absumebant, erant alen-
di equi, tecto recipiendi, sustentandique mi-
lites, nec quidquam magis, quam pudicitiae periculum, civibus timebatur: promiscue praefectos cum mulieribus, milites cum an-
cillis,

cillis versari, tectorum cogeant angustiae. Uno bello variae erant obsidiones, agrestes nisi agmine in campos pabulatum lignatumque exire minime audebant, praesidia magis hostium fines furtim praedatum incurere, quam a praeda hostem prohibere. Quae res mature conficiendo bello plurimum profuit. Oppidum erat Bononien- Praedantes,
qui Medicinae
praesidio
erant locati, sum, Medicina, munitum, opulentumque: hic cives initio belli quadringentos equites praesidio locaverant, qui multitudine dum magis, quam peritia freti, saepe & ipsi in proxima exhibant Pontificis oppida, & qua hostis non immineret, licentius, quam opus erat, fufiusque praedae cupidi vagabantur. At BRACHIVS, & oppidi & praesidii fama pellectus, dum eo quasi exploratum octoginta cum equitibus proficiscitur, forte in itinere frequentia equorum comperit vestigia, quae, Medicina egressos, Oriolum versus contendisse, ostendebant. Hac re animadversa, BRACHIVS, quod crebra erant & recentia, praedatum, inquit, hostes exiere, bono (si Diis placet) omine perreximus, milites, quo dirigunt vestigia, prosequamur hostium incautam aciem: atque ita tritum equis ingressus iter, multo spatio quadrato processerat agmine, quacunque occurreret, invasurus hostem. Aliquot ad Oriolum passuum millia progressis, non procul ab Oriolo, ingens praedatorum exauditur clamor, pecora & captivos late agentium. Op-
pidani

pidani, qui non erant capti, in tuta se receperant loca, nec alium populationis finem, quam hostium discessum, sperabant, nec terruit BRACHIVM multitudo, quippe pedites erant quadringenti, equites trecenti, sed eorum (ut est industria militaris) pars collectam agebant praedam, utilior numero, quam bello, manus, pars armis atque equis magnifice fulta, subsidio parata perveniebat. Permittit equum in hostes BRACHIVS, milites quoque concitant suos, & ducem, quanto possunt, impetu subsequuntur. Atrox hic praelium, nec praelio remissior exoritur clamor. Hostes, periti locorum, repente, ubi palustres traicere fossas, ad vada subslitere, atque omnes transitus celeriter occupavere, illinc prementem a tergo militem repulsuri. Fossae erant perangustae, ut, nisi hostis a fronte repugnasset, facile transilire milites potuissent. Iam &, qui praedam agebant, ad ferendam suis opem recurrere ad fossam. BRACHIANIS, dum pro vallo dimicarent, equi a pedite confodiebantur, ita nec transilire poterant vallum, nec hostibus praedam relinquere statuebant. Exaudiunt interea oppidani clamorem, BRACHII nomen, ut sit, in praelio resonantem, subitaque spe elati, ut in certamen iretur, alter alterum hortabatur, nec ira magis illati belli, quam amissae praedae dolor, animos incendebat. Corruunt undique ad BRACHIVM agrestes oppidanique, quibus confestim produ-

cis

DE REBUS GESTIS BRACHII LIB. V. 393

ctis in aciem, & equiti admixtis, quadripartito agnine tenditur in hostem; qua fossae transitus pateret, agrestes ostendunt. Equites, auxilio peditum usi, pars lato campo circumvecti, fossa traiciunt, pars intenti bello, dum hostis ad superiorem equitatum vadere arcendum contendit, fossam & ipsi celeriter superant, praelium aequo gesturi loco. Sed, eorum impetum cum hostes sustinere non possent, fusi fugatique, non modo dimisere praedam, sed ipsi quoque in praedam cessere. Capti equites centum & octoginta, duces octo, praeda oppidanis restituta. Nec quidquam mirabilius, quam a paucis victoribus, tot captivos vinci, trahi, ligari potuisse. Singuli milites binos ternosve contrahebant. Hac victoria reversus in castra BRACHIVS, utendum occasione ratus, omnem armari exercitum iubet, motisque celeriter ad Medicinam castris, perfractis aggeribus, & altissima, qua muniebatur, completa fossa, oppidum milite, scalis, machinis, invadit. Oppidani, superiore praelio magna praesidii parte spoliati, portas victori aperuere, seque eius permisere potestati. Nihil hac celeritate clarius Bononiensi bello. Haec cum allata Bononiam essent, ingens trepidatio civium animos invasit. Nec oppidum erat, in quo plus spei praesidiique imposuissent. BRACHIVS, Medicina capta, propius ad urbem movit castra, graviore bello pressurus

rus obsessum civem: & milites tantum iam animorum conceperant, ut urbana praesidia non pluris facerent, quam si armis atque equis illa caruissent. Tum, quod antea non erant ausi, solo agmine incursiones facere, & veluti desertum ab hoste agrum passim libereque populari. Hostes non magis bellum, quam fames, urgebat, quam subducta in urbem praesidia maiorem in dies acrioremque faciebat. Inter haec secutae aliquot dies continuæ pluviis, plurimum difficultatis importavere militi: quippe solum natura coenosum, ac palustre & lubricum, ubi pluvia quoque dissolvitur, ne equis quidem satis pervium est, sed media aestate, ubi primum cessavit tempestas, coenum, aestu soleque duratum, facilem reddidit incessum aequato solo. Interim, obsessa urbe, parte copiarum ad occupandum omnem agrum castellaque dimissa, intra paucos dies omnia venire in potestatem. Iam urbs universis copiis, & quod aegrius civis ferebat, a suis etiam agrestibus, obsidebatur, nec deerant urbana praesidia, quae leviam interdum praelia committerent, sed ab hoste, frequenti victoria elato, saepe intra munimenta repellebantur, nonnunquam, cum aliter effugere non possent, in suburbanas se praecipitabant fossas. Nec ullum ex tot bellis ab hoc duce gestum felicius, nullum praeter Pontificis spem celerius convectum, & in quo minus sanguinis perfusum sit. Bononien-

ses

ses amisso agro, eum nec auxilia commea-
 tusque suppeterent, & fame gravi urgeren-
 tur, emittendos de pace Legatos decreverunt.
 Principes civitatis erant Bentivolii, ut tunc
 publice Pontificis hostes, ita olim BRA-
 CHIO privata amicitia & familiaritate con-
 iuncti, a quibus leopardi insignibus dona-
 tum, quidam autores sunt. Eos BRA-
 CHIVS per Legatos hortatur, ut suae se
 fidei permittant, nihil iniuriae passuros es-
 se. Igitur Antonius Bentivolius, facta dedi-
 tione urbis, parvo comitatu ad BRA-
 CHIVM in castra venit, paulo post ad Pon-
 tificem deductus honestatusque, semper post-
 ea in fide permanfit. BRACHIVS, Bo-
 noniam reversus ad res urbanas compo-
 nendas, simulque vectigalia, diu intermissa,
 exigenda, paulo post Perusiam redit. Hunc
 exitum habuit Bononiense bellum, altero
 mense, postquam geri coeptum est, BRA-
 CHII ductu auspicioque confectum. Bo-
 nonia subacta, quod reliquum erat aestatis,
 BRACHIVS, dimisso exercitu, urbanis ae-
 dificiis consumpsit. Inter haec Sfortia hor-
 tatu Pontificis cum omnibus copiis profe-
 ctus Neapolim, ad arcem novam instructa
 contendit acie, iussaque ad fenestram voca-
 ri Regina, haecenus, inquit, tuum stipen-
 dium secutus sum, nec fide, nec vigilantia,
 tuendo imperio defui, quanta potui, ope tu-
 tatus & regnum & dignitatem tuam. Nunc
 tua tibi reddo signa, felicia sane ad hunc

Ipsa Bononia
 recepta.

Sfortiae ex-
 peditio Nea-
 politana.

U

diem,

diem, & a me nunquam in hoc regno sine victoria cum hoste collata. Nunc alius tibi quaerendus dux, stipendii, quod acceperam, id omne finitum perfectumque est, ad hoc tempus rem tuam sic gessi, ut & mea fides, & regni tui dignitas, requirebat, nihil est amplius, quod tibi a me in eoque exercitu debeatur. Ad haec Regina, tum demum sentiens, vera BRACHIVM monuisse, primum dissimulata ira precibus retinere armatum ducem conata, mox terre minis coepit, postremo, cum nec precibus, nec minis, proficeret, contumelia agere, & accusare violatam fidem. Nam ita repente destitutam esse, quanquam finito stipendio, tamen proximum esse perfidiae. Tum in suo regno aliena contra se inuenta arma, & amicitiae specie comparatum, paulo post hostem futurum exercitum, hoc plus quam perfidum videbatur. Denique, muliebri succensa ira, illum transfugam, illum proditorem, appellare, concitareque Neapolitanos ad arma contra novum ac subitum hostem capienda. Sunt, qui affirmant, Sfortiam, Reginae contumelia irritatum, sagittas in eam iussisse intendi, atque ita illam fenestra discessisse, quae res magnarum rerum initium fuit. Neapolitani minus aegre, quam decebat, Reginae iniuriam tulisse videbantur, vocati ad arma, nec omnes, nec frequentes, concurrerant, tanto postea suspensiores, quanto tunc vindicandi negligentiores

res habiti. Fama est, Sfortiam, facto per inermem populum transitu, consensu civium urbe egressum, evasile. Mota subito diversa bella, regni Proceres plerique ad Pontificem defecere, regiae quoque urbes & cum his Appuli, Lucani, Calabri, Samnites, fecere rebellionem, soli Neapolitani, Campani, Venafrani, & cum his pauca oppida, in fide manserunt. De Reginae rebus modo tam late imperatis actum videbatur, nec prope erat, unde auxilia peterentur, & undique adstabant feroces ab nova rebellionem hostes, nec imperium modo, sed spes quoque brevi defectura videbatur. Nam unde gentium imploraret opem? Arma hostium undique circumsonabant, optimates, semper alias suis auxiliati Regibus, Pontifici adhaerebant, reliqua Italia partim Romanis armis, partim Gallicis Regibus, quos illa expulerat, favebant. Alfonsum, Valentinorum ac Siculorum regem, quem filium sibi adoptione fecerat, in Hispania morantem, terrae mariaque longo intervallo dividebant. Sicilia, quanquam erat propior, nihil eius Regis iniussu parabat auxilii, & quia pecunia in stipendium opus esset, ea exinanito aerario, vectigalibusque ad hostem translatis, non extabat. Tot circumventam malis, etiam externae opis desperatio subibat. Nam, etsi primo statim belli initio Legatos ad Alfonsum miserat, durum erat, tam procul venientem expectare Regem, cui

nec naves essent, nec milites parati: sic, antequam delectus militum, remigum, equorum, haberentur, hostis, omnia occupaturus, imminebat. Inter hæc Legati ab Hispania rediere, simulque Regis ad eam venire Legati, monentes, quando Rex non ita statim traiecturus in Italiam esset, nondum parata classe, nec equitatu, quo plurimum esset opus, conducto, interea contra Italica arma Italianam opem implorandam. Et iam ad BRACHIVM Regina sæpe antea respexerat, tum vero, hortatu Legatorum omni abiecta cunctatione, petendum ab eo auxilium constituit, rata, id quod necessitas suadebat, resisti hostibus ab alio posse nemine. Hunc unum invictum bello ducem fama prædicari, hunc Pontifici terrori esse, tum, quod magis impellebat, eundem de Sfortiae defectione primum admonuisse, iam tum, nisi esset ingrata, initium amicitiae factum. Adiecere etiam Legati, Regem ipsum, virtute fideque adductum, spem omnem in eo duce recuperandi regni possuisse. Mittuntur ergo ad BRACHIVM a Regina Legati, & cum his, qui a Rege venerant, iussu proficisci. BRACHIVS, exercitu in Perusinum reducto, quod reliquum erat labentis autumnii, militem inquiete habiturus credebatur, cum nec belli facies usquam appareret, & anni tempora paulo post adventu hyemis quietura a bello videbantur: milites pars in Tudertinum ad hyberna,

Mittuntur ad
Brachium a
Regina Lega-
ti.

hyberna, pars in Perusinum ad suas quisque stationes dimittuntur, ipse cum paucis in urbe Perusia submovendis civium contentionibus, aedificiisque excitandis, remansit. Sed Tudertini, quod a Sfortiae ac Tartaliae militibus, qui superiore anno pauca in eorum agro occupaverant castella, infestarentur, quaestum venere. BRACHIVS, in Tudertinum contendens, deducta ex hybernis parte copiarum, circumfedit hostem, ac brevi delevit, sed, ubi ex militia & labore secutum est domesticum otium, cogitatio animi incescit ducendae coniugis, & sobolis procreandae desiderium, quod & cives & amici omni suadebant studio. Quaeritur Nuptiae Brachii, cum Nicola, Berardi Camertis sororem, desponderi placere, celebratae. digna tanto viro uxor, cumque multae in mentes multorum occurrissent, Nicolam, Berardi Camertis sororem, desponderi placuit, ut tanta benevolentia duorum Principum sanguis etiam coniunctione firmaretur. Nec res diutius est dilationi data, idem mensis & desponsionem & nuptias vidit. Perusinorum apparatus ac pompae magnificae satis fuere, sponsa recenti matris morte lugubrior incescit, tyranni Fulginatium & Fabrianensium interfuere nuptiis, ornatu, quanto nunquam antea quisquam maiore. Centum tota urbe delectae mulieres, sexagintaque ancillae in comitatu, Camertes, Perusini, Fulginates, Fabrianenses, Tudertini, vestitu ornatuque certabant. Sexaginta purpurati tubicines, totidemque pares tibiae, ante-

**Custodis Nu-
ceriae hor-
rendum &
atrox facinus.**

teibant sponsam. In urbe lautissimae usque ad delicias parata omnia, nec magis reliquo ornatu inter comites, quam tripudiis, cantuque, & publica decreta pompa, decertatum. Nuptiis patrio more celebratis, ne nimis uxorius censeretur, in Tudertinum colligendi sui ab civilibus studiis gratia concesserat, cum horrendum & atrox nuntiatur facinus. Fulginei & Nuceriae regnabant tres fratres; ex his unus, cum saepe Nuceriam pergeret, in arcem divertens, forte in custodis uxorem coniecit oculos: nec multo post verba facta exceperunt. Custos dominum in adulterio deprehendit, dissimulat intempus iram, & quo altior caderet vindicta, tres simul fratres interficiendos cogitat. Quod ut efficere possit, tyrannos, & cum his aliquot cives, venatum ad saltus Nucerinis invitat. Duo fratres Nuceriam magna canum turba contendunt: tertium Trebulanum, nam illis quoque imperitabant, ad feliciores ludos vocaverant forte, & Berardum Camertem, qui paucis ante diebus Fulgineum venerat, Nuceriam compellunt. Cum vesperi ad urbem atque insidias pervenissent, adulter & Berardus frater, intra arcem recepti, diversis in cubiculis dormitum eunt. Custos, prima vigilia utrumque agressus, adulterum occidit: Camertem coniecit in vincula. Peracta caede, alter frater, qui ad amicum noctu in urbem diverterat, prima luce, tanquam a fratre accitus in

in arcem, eodem, quo ille, telo interimitur. Fulginales, qui una venerant, pari scelere & ipsi vinciuntur: facinus in occulto erat. Interea tam nefandae caedis autor, quo populum ad rebellionem excitaret, primores urbis, ad concionem pro foribus vocatos, hortatur, ut ad libertatem recuperandam arma caperent, simulque docet, duos tyrannos in vinculis teneri, eos se paulo post necaturum, non ausus quidquam de caede fateri ante concitatum populum. Cives, contempta hominis temeritate & perfidia, ne tantum facinus agitare, neve a fide deficeret, admonebant: praesto fore tanti sceleris ultorem Nucerinum populum, nec tam procul inde Fulginatum fines esse, adventurum subsidio reliquum fratrem, nunc locum esse poenitentiae, intercessuros se pro venia, si consilii tam temerarii poeniteret. Ille, ubi videt, frustra de rebellionem tentatum, duos ex satellitibus emittit, qui, nescio, quam reliquam familiam, extra Fulginatum & Nucerinorum fines asportarent, veritus, ne, scelere patefacto, tyrannus saeviendi facultatem haberet. Illi tamen rei atrocitate permoti, primum incerti, quid acturi essent, multis ultro citroque agitat, tandem rem omnem deferre ad tertium fratrem decreverunt, tutius rati, liberos tyranni gratiam inire, quam obsessos in arce omnium odia in se convertere, nec perfidiae ullum esse discrimen, quippe, si conticuissent scelus,

communem dominum, sin aperuissent, custodis fidem esse violandam. Nondum a Trebula redierat, eunt recta satellites ad tyrannum, & rem omnem, ut sese haberet, patefaciunt, duos fratres occisos, Berardum & Fulginates archissime devinctos esse. Ille, celeriter Fulgineum sine sella reversus, BRACHIO tam nefariam caedem & Berardi periculum nuntiavit, orans obtestansque, ut ad sceleris ultionem auxilio veniret.

Ad quod ul-
ciscendum
Brachius Nu-
cerium profi-
ciscitur.

BRACHIVS, novitate exempli graviter commotus, simul, quod amici tam in gravi periculo deserendi non essent, militi, qui aderat, subitam edicit profectionem, reliquos e stationibus evocari, & se celeriter sequi iubet, ipse, non expectato militum adventu, cum paucis Nuceriam est profectus, missoque ad custodem caduceatore, percontari iubet, cuius hortatu, aut quam causa tantum facinus admisisset. Ille, nullius hortatu, sed suo impulsu, fecisse respondit, causam vero, si nulla subesset alia, satis magnam esse, suorum quaesisse libertatem, & cum publicam omnium, tum privatam suam, iniuriam vindicasse. BRACHIVS, totum triduum in obsidione commoratus, dum reliquae convenirent copiae, omnia, quaecunque ad oppugnationem usui viderentur futura, scalas, trabes, machinas, comparaverat. Ornata erant varia oppugnationum instrumenta, ut, si uno non proficeretur, multis simul, diverso modo, diversis locis, oppugnationem

tionem tentaret. Quarto die arcem undique simul adoritur, admovit muro, quae paraverat, profiliunt intra primas munitiones milites, custodis parentem, & praeter ea novem & triginta satellites, qui pro moenibus pugnabant, subita vi corripunt, trahuntur in forum manus pedesque revincti. Tyrannus, fratrum interfectores prospectis, rabie magis, quam ira, concitatus, parentem, ante oculos occisum, canibus dispartit: satellites vario supplicio diversis in locis affici iubet: quippe statim alii in crucem sublati, alii equis distracti periere, nonnulli subito ferro trucidati, plerique quatuor in partes secti, expositique per trivium, & suae perfidiae, & tyrannicae crudelitatis, fuere exemplum, oculosque inimici foedissimo satiavere spectaculo. Sed interioris arcis ambitum, quanquam defensoribus vacuum, altiores cingebant muri. Custos, ubi, deiectis propugnaculis, suffodi ad radicem cuniculum, & turrem ferro excidi, cognovit, ut omni ex parte ultus moreretur, uxorem, suspicientibus hostibus, supremo turris fastigio praecipitavit: dubium tamen, ne in potestatem inimici deveniret, an ut suae tam graviter exceptae libidinis poenas lueret. Iam hostes cuniculo in turrem editi, inferiorem superaverant testudinem, fratres superne se acerrime defendebant; stricti erant in subeuntes gladii, nec comportata in eum usum decrant saxa. III

Quae expugnata, auctores sceleris gravissimas poenas luerunt.

parietes, illi tecta evulsa deiiciebant. Ingens militum sine mercede discrimen segniores affecerat animos. Tum BRACHIVS, magna strue sarmentorum & stipularum comportari iussa, flamma atque fumo inferiora turris complet atque incendit. Simul oculi caligine fumante defece-
rant, simul tabulata accepto conflagrabant igni. Hoc malo subactus custos, cum iam nec incoctos lapides vellere, nec hostem intueri posset, BRACHII potestati se arbitrioque permisit. Sic milites, occupato cacumine, iussu ducis custodem fratremque, quod illi paulo ante in muliere docuerant, lapsu altissimo praecipitavere. In mortuos quoque a tyranno saevitum, sic crudele facinus nescio an crudelius punitum est. Per hos ipsos dies Legati Reginae ac Regis, quos dicebam, ad BRACHIVM venire, ostendentes, quanto in periculo res esset, nisi celeriter occurreretur, orantes, superiori, quo Reginam admonuisset, aliud maius adderet beneficium, ferretque perditis ac prope afflictis rebus auxilium, non ingratos Regem ac Reginam futuros: stipendii nunc acciperet, quantum opus esset ad exercitum Neapolim traducendum: ubi eorum foret, pecuniarum satis habiturum: pretio preces adiecere. Misereret imbecillae & nova fraude deceptae mulieris, non defuturum, si quid usquam esset iustitiae, causae suae Deum. Nec quidquam
in

Reginae Io-
annae, Regis-
que Siciliae
Legatorum
instantissimae
preces.

in bello magis valere, quam causam. Suspiceret tam iustum bellum, cui, si etiam fortuna deforet, officium profecto & humanitatis opinionem non defuturam. Regis Legati, ne quid ipsi negligentius agere viderentur, fortius locuti, maxima quaeque pollicebantur. Inprimis amicitiam potentissimi Regis, cuius opes late mari terraque paterent: iret modo in regnum, anteverteretque, paulo post venturum auxiliarem Regem, iam milites, classem, commeatus, in parato esse, nam, quo minus celerius in Italiam traiecisset, hyemis importunitatem fuisse impedimento. Regna atque imperia nulla re magis, quam amicitia, constare. Cogitaret, quantum splendoris consecuturus esset, tanto in Regem collato beneficio, nullum esse mortalium eo gratiorem: hoc beneficium eo futurum acceptius, quo minus ante id tempus intercessisset consuetudinis. BRACHIVS, cum altiora volutaret animo, non putabat committendum, & Pontificis opes eo magnitudinis procederent, ut sibi foret aliquando ab nimia illius potentia metuendum: itaque Legatis respondit, indignum se putare amicitia tanti Regis, sed ultro oblatam, tanto gratiorem futuram, quanto minus speratam. Reginae vero iam pridem affuisse, quamobrem, hostium perfidiam quominus patefaceret, sustinere nequivisse. Ceterum ad hanc tam subitam expeditionem opus esse multa pecunia.

Mili-

Brachii re-
sponso,

Item alia Legatorum.

Nova Brachii expeditio.

Carrariae Comes per Legatos de pace transigit,

Milites, quod magnam partem aestatis in otio transegerant, equis armisque defecere. Tum in augendas copias novum militem conducendum. Ad haec Legati respondere: Habere se in mandatis, quod opus esset pecuniae, a Florentinis mercatoribus, quorum affines & cognati per eorum urbes negotiarentur, peterent, eos aut pecunias, aut sponfiones, daturos. Atque ita, missis utrinque Florentiam, quibus hoc negotii datum est, ducentorum millium nummum sponfiones acceptae, pauca etiam enumerata pecunia. BRACHIVS duodecimo Calendas Apriles, stipendio clam militibus dato, quicquid usquam in Hetruria inventum est peditum equitumque, conduxerat. Paucis post diebus, imminente iam aestate, exercitum in expeditionem eduxit: primum fuit in Picanos iter. Carrariae Comes, qui Esculani imperitabat, vicinitate regni adductus, cum ceteris coniurasse, & occulte intulisse bellum Reginae, ferebatur. Hic, ubi subitum tanti Ducis adventum intellexit, cum nec parem exercitum, nec tantum auctoritatis gratiaeque haberet, & Esculani factiones agitarent, Legatos ad eum misit, orans, ne quid in se suosque fines hostile moliretur, nihil secum inimicitarum intercedere, a quo, si qua in re Perusino bello fuisset offensus, id belli iure, non animi malevolentia, factum: parendum iis fuisse, a quibus militari more stipendium acceperat.

cepisset, non subesse causam, cur nunc
 tandem bello peteretur: non illum a se,
 non Reginam laceffitam, nec se quidem nega-
 re, hostes comineatu frumentoque iuvisse,
 verum id libertatis suae fuisse indicium, non
 illati belli. Si Reginae milites frumentum
 aut comineatus petivissent, non fuisse illis,
 ne nunc quidem esse negaturum, nemi-
 nem BRACHIO fideliores futurum ami-
 cum, si bello abstineret. BRACHIVS,
 commodius ratus, nihil morae in Piceno
 committi, quo minus mature in intimos re-
 gni fines contenderet, Legatis respondit: Se
 quidem compertum habuisse de illato Re-
 ginae bello, ceterum, si filium obsidem de-
 disset, excussurum finibus, ac pro socio
 amicoque habiturum. Mittitur statim in Filiomque ob-
sidem mittit. castra filius, quem, summo honore exce-
 ptum, BRACHIVS cogendo agmini prae-
 posuit, non magis obsidis fide, quam mili-
 taris praefecti virtute, usus. Inde primum Hinc contem-
dit Brachius
in Samnites. excussum bellum, mox, quanta potuit cele-
 ritate, profectus in Samnium, frequentio-
 rem invenit hostem. Samnites universi re-
 bellaverant: horum principes Laureti & po-
 puli comites, coniuratione inter se facta, ad
 Castilionem oppidum omnes convenerant:
 inde impedituri BRACHII transitum,
 omnibus occupatis itineribus, oppida, qua
 foret in intimum regnum aditus, validiori-
 bus munierant praefidiis, arbitrati, quod
 erat existimandum, si hostem vel paulo re-
 tar-

38 L. IO. ANTONII CAMPANI

tardassent, difficiliora Reginae futura b-
 nia : labi interea reliquam aestatem, &
 Sfortiam, Reginae cervicibus inhaerentem,
 excluso Campania BRACHIO, ante victam
 Neapolim repelli non posse. Nec BRA-
 CHIVM hostium consilia latebant, quocir-
 ca maturandum sibi magis ac magis intelli-
 gebat, etsi nihil hostile a tergo statuebat
 relinquendum. Igitur, permotis ad Casti-
 lionum castris, veluti statim oppugnaturus,
 varia machinarum instrumenta praeparabat.
 Nec oppidum erat natura satis munitum.

Quos aequae in
 fidem recipit.

Comites, novo & nunquam antea viso, ap-
 paratu conterriti, non expectandam oppu-
 gnationem, decreverunt. Emissis, qui dice-
 rent, imperata facturos, paulo post in castra
 & ipsi exiere, receptique in potestatem, in
 pristinam Reginae fidem redierunt. Hos
 BRACHIVS, ad maiorem ceteris ineuti-
 endum terrorem, simul, quo plus esset au-
 toritatis, castra sequi iussos, ducum habuit
 numero: deducto celeriter ex eorum fini-
 bus exercitu, ne quid focius ager caperet
 detrimenti, Placentium contendit, Peligno-
 rum oppidum. Hic tres hostium centu-
 riones praesidio erant impositi: satis ma-
 gna ad defensionem manus, nisi, excussa ra-
 tione, pavor animos invasisset. Circumsi-
 debantur iam infesto exercitu, & quae op-
 pugnacioni usui erant futura, proximorum
 montium sylvis comportabantur: minae
 quoque auxere formidinem: quippe ducis,
 nisi

Sequuntur
 Placentini,

nisi oppidum dederent, ultimum supplicium minitantis, voces audiebantur. Igitur, non expectata pugna, sese dedidere. Sic Placentum parato quidem, sed non tamen coepto, praelio devictum est. Placentinis proximi **Sulmonenses.** erant Sulmonenses, qui & ipsi quoque secuti fortunam, paulo ante a Regina defece- rant. Itur signis infestis ad populandum primum agrum. Sulmo, Pelignorum caput, circumplabente clauditur flumine, sed nec tam alta aquae profunditas, ut vel peditatu superari non possit. Sulmonenses, conspectis cis flumen hostibus, veriti, ne subita oppugnatione victi captique diriperentur, Legatos, qui bellum deprecarentur, emisere, cum fama invicti ducis, tum subita Placentinorum defectione conterriti, nec iam ulla vires aut praesidia restitura existimabant: iussi Magistratus Reginae, praesidiumque accipere, nulla mora imperata fecerunt. Sulmone subacto, **BRACHIVS,** ne quid celeritati suae obstaret, simul, ut iam sociorum consuleret fortunis, quam maturissime copias inde deduxit, motisque ad Capiiugum castris, quod oppidum Iacobus Caudola obtinebat, vir, nobis pueris, nobilitate & potentia clarus. Cum oppidani omnem pacis conditionem reiecissent; **Capiiugum expugnatum.** magna vi militum expugnati, ut primi tentare hostium impetum, ita primi sustinere non potuerunt. Omnia praeter libera corpora mulierum puerorumque, praedas **mili-**

Iacobus Caudola Brachianos, quapoteft, fugit.

militibus data. Non procul inde magna hostium convenerat manus, dux erat Iacobus Caudola, quem diximus, cuius imperium tunc quidem in Samnio, postea vero reliquo in regno, longe ac late patuit. Hic, omnium Reginae infestissimus, Samnites partem compulerat bello, partem precibus ad rebellionem sollicitaverat. Qui, audito adventu hostis, nihil magis veritus, quam celeritatem, quantum usquam inventum est copiarum, comparaverat, egressusque per Furcas Pelignorum in aciem, ut a fronte cursum properantis retardaret, octo millibus passuum procul ab hoste confederat: tenditur in eum infestis signis, qui & numero & animis militum impar. Ubi videt hostem, celerius, quam fuerat opinio praelio paratum, adventare, in proxima refugit castella. Partito deinde exercitu, quacunque penetraturus videbatur hostis, firmissima obiecit praesidia, maxime omnium Castellum sangri valido peditatu equitatuque munierat. Oppidum est, medio in transitu profurgens, situ egregie munitum. Huc ubi ingentem equitatum missum, BRACHIO per transfugas est nuntiatum, partem copiarum per latissimam, ut in montibus, dimittit planitiem (quinque millia enim passuum in longitudinem patens, a mensura nomen accepit,) iis imperat, ut hostem ad bellum irritarent. Ipse cum reliquis copiis modico intervallo suis auxilio est

est subsecutus. Hostibus deinde oppidum deferentibus, & per suprema iuga montium ferarum more fugientibus, ad castellum Sangri celeriter proficiscitur. Oppidani, non expectato impetu, portas statim aperuerunt, & paulo ante deturbata Reginae signa pro foro atque moenibus sustulerunt. Dum haec a BRACHIO geruntur, Sfortia, magnis coactis copiis, Cantalupum, ad arcendum Campania hostem, provenerat: huc ceteros Pontificis Duces, Praefectos, Centuriones, & quicquid oblici hostibus posset, unum in locum convocaverat. Tot deinde simul duces in agrum Sueffanum, inter paucos Italiae fertilissimum, contenderunt. Erant in hostium castris Iacobus Caudola, Fabricius Campanus, Michilectus, & Sfortia Cotignolani, omnes & tunc clari viri, & postea multo clarissimi duces. BRACHIVS, quanto numero inferior erat, tanto militum animis & virtute praestabat: qui, ubi de hostium discessu cognovit, motis a Sangro castris, factoque per agrum Venafranum itinere, ad urbem Cales obsidendam profectus est. Cives postridie, quam obsessi sunt, deditionem fecerunt. Inter haec Legati Campanorum ad BRACHIVM venerunt, petentes, ut Capuam ad delendas hostium reliquias proficisceretur. Non procul ab urbe Capua templum est celeberrimum, quod vicus frequens hominibus cingit colitque, supra templum ingens

Castellum Sangri in fidem receptum.

Duces Pontificis a Sfortia convocantur.

Cales a Brachio recepta.

Legati a Campanis ad Brachium missi.

exsurgebat turris: eum locum Sfortia paucis ante diebus occupaverat, & quod ab urbe non amplius quam duo passuum distabat millia, duos praefectos militares, & sub his trecentos lectissimos equites, praesidio collocaverat. Hi noctes ac dies Campanorum infestabant agrum, civesque intra urbem magno cum detrimento detinebant. His de rebus, cum Legati quaestum venissent, BRACHIVS, firmatis ad Cales rebus, caduceatorem Capuam praemittit, atque edici iubet, ne suis militibus, qui paulo post erant transaturi, neque publice, neque priuatim, quidquam cibi potusve daretur, neve hospitio susciperentur, nec a cauponibus tabernariisve quidquam iis venderetur. Eadem in castris a praecone militi sunt denuntiata, quod eo fecit consilio, ne quid properaturum statim exercitum retardaret. Sequuntur quadrata agmina caduceatorem tanta celeritate, ut pari semper intervallo graviter armatae cohortes unius inermis cursum adaequarent. Traiicitur ad Capuam Vulturis amnis, facto per mediam urbem transitu: sic paucis horis, octoginta decursis stadiis, ad vicum perventum est. Invaduntur terribili clamore imparati hostes, nihil tale suspicati, subitoque ad unum capti spoliuntur. Eunt deinceps oppugnatum turrin, eamque ex omni parte levis armaturae milites adoriuntur, sed ingens altitudo vanum faciebat militum conatum: eius sum-

Haec Editum.

Dole hostes
his circumven-
ti capiuntur.

summum verticem tres hostium milites defendebant. Ex his forte duo erant Perusini, quos patria per factiones exulantes ea fortuna iactaverat. Hos BRACHIVS hortatur, ut turrin ac se ipsos dedant, promittit liberos illaefosque futuros. Vana erant ducis verba. Illi se nunc pro fide pugnare aiebant, nunc saxa in eos, qui turri appropinquarent, deiciebant. BRACHIVS, vincendam dolo pertinaciam, statuens, sagittarios post ianuam vicinae domus collocat: ipse domum egressus armatus, captatum de industria sermonem trahit, ex his duo colloquentes, nihil veriti insidiarum, plurimis uno momento clam sagittis traiectioni sunt, nec multo post clamant, ut conditione reciperentur. Sed ira percitus BRACHIVS, nisi eius se arbitrio permittant, omnem conditionem repudiat. Pacta deditione, Perusini quidem suspenduntur, reliquus autem est dimissus illaesus, sive quod graviter erat vulneratus, sive quod tanto sunt indigniores iniuriae iudicandae, quanto minus alienus est, qui committit. Non procul inde latissima & quadrata prominet turris, Herami vocant accolae, vetustum opus, & ad mediam prope altitudinem lateritia massa confectum, quam hostes initio tot simul rebellionum cum per fraudem occupassent, quod opera erat munitissima, ut a paucis defendi possit, modicum praesidium imposuerant. BRACHIVS, solus

X 2

pro-

profectus ad turrim, atque equo circumve-
ctus, ubi, omnibus diligenter exploratis, vi-
det, turrim humana vi, nisi ad multum tem-
poris, expugnari non posse, & hic quoque
militari usus est dolo. Primum viginti
pedites inter munitionem turris & frute-
cta, quae circa fossam exortae sylvae spe-
ciem praebebant, occultari iubet: duos dein-
de primae lanuginis adolescentes, qui fu-
gam simularent, paulo ante primam lucem
emittit castris. Non procul a turri subter-
raeae latent magnifice extractae testudines,
opus vetustate antiquius: nam & simulacra
veterum apparent Deorum, & vestigia spe-
culis mirifice distinctis accipiunt diem.
Quadrati operis tria latera aditu patent
perangusto, exitus ad vetustissimum Cam-
panorum vergit Theatrum, Criptas vo-
cant Campani, praeclarumque antiquitatis
monumentum. Supra testudines quam la-
tissima strata est via; inde fit, ut icta pe-
dibus transeuntium terra late sonet. Ea res
arcis custodibus pro vigiliis erat, quippe
cum terrae velut clamantis sonitum audirent,
excitati statim ad propugnacula de-
currebant. Adolescentes, ubi ad cavernas
devenere, quo fugam magis simularent, de
industria terram altius vehementiusque fe-
riebant. Experrecti eo strepitu custodes,
quinam essent transeuntes, percontari mina-
rique coeperunt. Illi, ut erant edocti, fu-
gere se e BRACHII castris, & ad hostes
Mata-

Matalonium pergere, cum respondissent, vestium involucria reiecta tergo, fugam verisimilem faciebant. Orare deinde voce supplici coeperunt, ut, qua esset iter ad Matalonium, illic enim erant hostium stationes, ostenderent. Custodes, rati, adolescentes furto quidquam, ut fit, abeuntes surripuisse, pars itineris longas ambagesnectere, pars clam adversa turri scalarum delapsi, faciunt in eos impetum. Illi, fictis inter preces lachrymis, resistentes manibus elabi, nec tamen multum, conabantur. Ecce, qui fructibus infederant, de improvviso repente adorti, magno clamore, stricto gladio circumstant homines, tribusque ex his captis, curritur confestim ad arcem, quam vacuum praesidii ac desertam existimabant. Tum, qui tutelae erant relictis, e turris fastigio laxa iacere, peditesque propellere coeperunt. Captivi, revincti post terga manus, ad BRACHIVM deferuntur: ille perduellionis agendum in eos, quod a Regina deficientes, praeter ius imperii rebellassent, & novo supplicio ad triremim mittendos, cum decrevisset, quo supplicio nihil auditu est acerbius, ex his unus, cum saepe antea durissimos eos labores, famem, sitim, algorem, sordes, verbera, & quod immanius est, incuratas aegritudines, semivivas mortes, in mare deiectas intellexisset, procumbens ad pedes, flebili voce, per Deum atque hominum fidem obtestabatur, ut, quo

Angustis res
Neapolitanis.
rum.

vellet, supplicii aut mortis afficeret genere; potius quam ad triremem destinaret, ubi inter perpetuos labores deficienti esset moriendum. Cum parum proficere lachrymis, nec flectere ducis sententiam videretur, prodere turrim, si se dimitteret, promittebat. Id perque Deos, perque homines iuratus dimittitur. Nec fefellit, reversus ad turrim, cum evasisse vinculis simularet, receptus a custode, proxima nocte, immissum recepit in fastigium turris hostem. Dum haec ad Capuam geruntur, Neapoli res in angusto erant, hinc finitima & iam ante muros bella, hinc durior bello fames urgebat, tum aliquot hostium triremes, ne quid in urbem commeatus frumentique importaretur, libere omnem maritimam oram excurrebant. Neapolitanorum fides, quod adversus Sfortiam non statim cepissent arma, plus suspicionis, quam periculi, afferebat Reginae; quae tot circumventa malis, ubi advenientem BRACHIVM, atque iter sibi, quacunque tenderet, victoria facientem, intellexit, deposito paululum metu, tamen sollicita, ne quem tumultum fames excitaret, mittit, qui BRACHIVM cum omnibus copiis Neapolim advocarent, rata, id quod res fuit, eius adventu hostes procul inde diffugituros, & totius agri vicos atque oppida reditura in fidem, frumentique, quantum opus esset, in urbem convectorum: simul quod per crebros nuntios afferebatur, Alphonsum Regem,

gem, magna parata classe, nihil aliud, quam priorem BRACHII adventum, expectare, iam Hispania solvisse, iam Siciliam, nec multo post Drepanum, appulisse. Quae res BRACHIO maturandae protectionis causa fuit, ut venientem mari Regem terrestri praesidio exciperet. Motis igitur castris, ^{Marsaneseum} ~~expugnatum~~ opulentissimum ac maximum agri Campani oppidum, in ipso itinere adortus, expugnavit, diripiendumque militibus concessit. Hic Trassacus, hostium centurio, dum acriter defenderet moenia, pugnans occiditur. ^{Adventus Brachii Neapoli.} Postridie in fines Neapolitanorum profectus, omnem agrum biduo subegit, frumentamque imperavit. Positis deinde ad Phanum divi Antonii castris, non amplius, quam duo millia passuum, ab urbe, Regis adventum expectabat. Interea Populus Neapolitanus frequens in castra, videndi studio salutandique, ut cuique erat dignitas, conflueret: iam commeatus abunde urbi, mari, terraque, suppeditabant, (nam hostium triremes, metu regiae classis, in intimos se Caietae sinus receperant) & agrestes carris ac iumentis farinam comportabant, statimque, ad supplementum urbanae annonae, missae in Siciliam duae naves onerariae. Iam Rex, classe ad Prochyta delatus, triremem, quae eius adventum nuntiaret, Neapolim dimiserat: sed, quo paratior ingrederetur urbem, ad Castellum Ovi, cinctam

Eiusdem con-
iunctio cum
Rege Siciliae.

undique mari arcem, classem appellendam, atque inde terrestri acie adeundam urbem, statuebat. Hac re cognita, BRACHIVS eodem cum omnibus copiis proficiscitur, & quo commodior ac magnificentior descensus in terram foret, assleribus trabibusque proximis e locis comportari iussis, quam longissimum intra mare pontem aedificavit, & qua fundum assleres non attingerent, assleribus substratae naviculae pontem & ipsae faciebant: tanta quidem altitudinis, ut pons suprema navium adaequaret tabulata. Regia classis apparere iam in alto coeperat, confluunt Neapolitani agmine ad occupandum pontem, quo suis ipsi manibus venientem exciperent novum Regem. At BRACHIVS militem partim secundum utraque pontis latera disponit, partim extra pontis aditum in aciem quam structissime producit. Ubi terrae appropinquavere navigia, simul clamor toto exoritur littore, tubarumque clangor late circumsonat: simul aeneae bombardae, quas longo ordine prima littoris ora intendi iusserat, excutiuntur. Nec regii milites desuere. Illi tubis, illi tympanis & minoribus bombardis, circumpatientia maria ingenti plausu resonare faciebant, & nauticum nescio quid dulce tota complens littora, omnium aures barbarica suavitate mulcebat. Regia navis, ne quid suspitionis ostendat.

ostenderetur, prima littori admota, Regem intra pontem edidit : hic, incertum, nimio pondere, an aedificantis inertia, duo simul afferes Regi sub pedibus defecerunt. Sunt, qui factum id per iocum putent, simulque ut diripiendae regiae navis occasio militibus foret. Rex praecipiti lapsu inter afferes in substratam decidit quadriremem, multaque perfusus sentina, sive illud omen, sive iocus fuit, in risum non minorem sibi, quam ceteris, convertit, qui, qua die, qua hora haec scribimus, post octo & triginta, quam haec gesta sunt, annos, vita decessisse nuntiatur. Ingens Italiae regnique iactura, quae parem ante hoc seculum neque potentia, neque moderatione habuit neminem. Pontem egrosso pergit obviam BRACHIVS, ut procumbens ad pedes regio more saluaret, sed tanta fuit Regis in levando celeritas, ut, porrecta dextra, quam oscularetur, laeva procumbere incipientem excitaret, saepe ad longum complecteretur excitatum. Sed, quae salutationes, qui mutui complexus, quae & quam amica intercesserint verba, is demum potest cogitare, qui, re diligentius mens agitata, hoc quoque considerabit, incognitum ante id tempus Regem, eumque potentissimum, & cum aliis multis, tum maxime Balearibus insulis, & praeterea Siciliae, Corsicae, Sardiniae, Cataloniae, Aragoniae, imperitantem, exigua & certe terrestribus praeliis inutili classe, ad media hostium ar-

ma venientem, aliena gente, diversis moribus, varia lingua, solum inter instructam militum aciem ad hominem venisse, et si genere nobilem, certe fortuna novum, atque in eius se manus potestatemque coniecisse, cuius fidem, et si antea saepe audiverat, raro tamen quisquam tanta in re esset expertus. Denique, ultimo facto periculo, Italicae fidei, tot simul destituta regna, & quod omni regno clarius, libertatem, corpus, animam, commississe, quae quanto erant maiora, tanto perfidos quidem magis incitare ad facinus, fideles vero caritatis atque officii admonere potuerunt. Post haec universa classis, duae & viginti triremes, in quibus erant equitum duo, sagittariorum totidem millia, cum aliquamdiu iussu Regis mari substitisset, littori paulatim appropinquavit. Defiliunt tandem in arenas regiae cohortes, Italam gentem armatam armatae salutantes; nec arctior Imperatorum, quam militum, fuit complexus: & sunt Hispani ceteris nationibus natura blandiores. Placuit deinde Regi, ut una urbem, neutri eorum antea visam, ingrederentur. Quod ubi Reginae est nuntiatum, totam urbem magnifice iussit apparari, quanto maximo poterat, honore acceptura & Regem, quem filii loco habitura esset, & BRACHIVM, cuius ope paulo ante amissum regium culmen recuperare speraret. Fit ergo, quicquid undique excogitari potuit publici privati-
vati-que

Magnificen-
tissimus utri-
usque in ur-
bem ingres-
sus.

vatique ornatus, nec civitas est toto terrarum orbe, quae tantam hoc tempore nobilitatis & magnificentiae habeat opinionem. Nec tamen famae ipsa rerum facies cedit, hic urbis aedificia altiora, quam alibi turres, & ea ipsa plus ad ostentationem, quam commoditatem, erecta, foris ornatio-
 ra, quam intus. Hic prope coelum tangentia complura templa, hic regiae sex arces, quarum aliae perpetuo clauduntur mari, aliae muniuntur terra, quaedam partim mari, partim terra, cinguntur. Huc totidem accedunt sedilia, (sic enim appellantur civium diurna receptacula,) quae mirifice inter se, ut nobilitate, sic etiam opibus magnificentiaeque, contendunt. Hic equestres ludi frequentiores, quam alibi convivia; tum civilium rerum & muliebris mundi tanta luxuries, ut fastidio iam sint etiam, quae pretiose iudicantur. Nec usquam tanta vastitas elatioque nobilitatis, mercatores iis & opifices contemptui sunt. Ceterum ipsi, etiam si domi pauperes, tamen otio dediti, cetera studia, praeter militaria, contemnunt, & quaecunque honeste opes parant, tanquam inimica nobilitati detestantur. Ergo adventu Regis omnia publice privatimque supra modum adornata, parata templa, expurgata fora, & quaecunque essent incessuri, aulacis, auro purpuraque per pulpita distinctis, interlucentia late radiabant. Omnem tamen ornatum superaverant magnificentius exstru-
 cta

Novi Brachii
honores.

eta fedilia. Hic mulieris cultu praesentia-
que Neapolitanae, tripudiis & cantu re-
gium & BRACHIANVM nomen in coe-
lum tollere, laudes duorum Principum in-
termiscere, transeuntibus audiebantur. Rex,
quo tutior urbanis infidiis foret, ad Castel-
lum novum, munitissimam Italiae arcem, re-
cipitur. BRACHIO privatae quidem,
sed tamen amplissimae, urbis aedes datae.
Postridie eius diei Regina BRACHIO, ad
se vocari iussu, primum gratias egit, quod
hostilis perfidiae admonuisset, nullo adhuc
foedere coniunctus: adiecit deinde, fero
quidem, sed tamen aliquando, Deo, sibi, suo-
que regno, consuluisse, quod eius amicitiam
adepta esset, iam tunc eius fidei vitam for-
tunasque committere, illum exercitus facere
Imperatorem, illum urbibus, oppidis, ar-
cibusque praeficere, penes eundem crean-
dorum abdicandorumque magistratum, &
denique exigendorum vectigalium, ius &
potestatem fore, sed, quia haec verecundius
accipi, quam dari, videbantur, statim BRACHIVM, Fogiae, quae est Appulorum ci-
vitas, Comitem, & Capuae Principem, de-
claravit, & ne quid regiae potestatis deesset,
perpetuum copiarum omnium Imperato-
rem, Conestabulum illi vocant, & totius
regni gubernatorem, designavit, idque po-
stridie a Rege post coenam in convivio
confirmatum, qui, aureo porrecto sceptro,
quod tibi, inquit, Regina mihi bene
vertat,

vertat, hunc ego BRACHIVM meique
 tuique exercitus Imperatorem facio. Ac-
 cipe tu hoc aureum sceptrum dextra manu,
 in hoc ego tibi pariturum me, quicquid bel-
 lo iusseris, promitto, iuroque: promittite
 vos, qui me secuti estis, iurateque parituros.
 Cum milites ac duces Hispani & Neapolita-
 ni sceptrum coniurassent, conversus ad
 unum BRACHIVM, gravissimis eum ver-
 bis ad regni defensionem est hortatus, nec
 defuere summi ducis laudes. Ut, inquit, Oratio Al-
 hoc te bello, tam nefarie nobis illato, prae- fonsi ad Bar-
 ficeremus, non magis tua virtus nos impu- chinam.
 lit, quam fides: altera quidem, ut possis
 tueri dignitatem nostram, altera, ut velles,
 promittebant nobis. Quod reliquum erat,
 ne privato imperio rem gereres, fecimus,
 regia ut esses potestate, & ubi ferro de-
 cernere sederet animo, non magis regni
 nostri, quam tuae gloriae, subires discrimen.
 Non te necessitas huius belli suscipiendi,
 propter angustias rei familiaris, non dome-
 sticae calamitates, pertulerunt: satis tibi,
 Diis gratias, cum rerum aliarum, tum ma-
 xime imperii, est: gloriae quoque dicerem
 esse satis, nisi maior foret, quam ut nos
 eius parte contenti mortales simus: &
 quam imperii tui termini non capiebant,
 alio tu diffundendam existimasses. Latius
 enim mortalium nomina, quam gesta, per-
 vagantur. Illa quidem cum periculo
 brevem sibi gradum faciunt, haec cum lau-
 de

de summa quam latissime proferuntur. Nec me imperandi cupiditas huc gentium pellexit: stultum enim fuisset, pro incerta spe certissimum deferere patrium atque avitum regnum. Sed, quo Italiam fama nominis implem mei, nec dubito, multo me pluribus hodie, quam heri, esse notiorē. Sed haec fama nominis, si honesta est, quo plus profertur, eo plus habet gloriae: si turpis, nihil est, quod non defoedet. Satiū est, ignotum intra vestibulum latere, quam cum ignominia per hominum ora linguasque versari: illum nemo accusat, omnes hunc detestantur. Nec quidquam tam est gloriosum, quam bella cum fide gerere, contra nihil turpius, quam, ubi belli ac vitae periculum subeas, gloriam laudemque contemnere. Nec tamen idcirco haec commemoro, ut suspectior mihi sit hodie tua fides, quam heri fuit, cum reliqua longo intervallo classe, solus atque inermis, in tua castra desiliebam: sed alia quaedam est ratio, vicisti Etruriam, Bononienses brevi subegisti, fortissimum Regem pepulisti Roma, (nam ad nos quoque rerum a te gestarum pervenit fama, & sumus Reges etiam externorum curiosi) nulla cum gente bellum habuisti, quam non statim superaveris: nec tamen maior victoriarum tuarum, quam fidei, praedicatur gloria. Quo tibi hoc bello ut & virtuti & fidei consulas, vehementius est enitendum, ut nec fortunam

sati-

fatigasse tuam videaris, nec minus integer, nescio, an etiam magis aliena in re, possis videri, quam in tua. Totum hoc bellum cervicibus tuis constat: si qua ex parte tanta moles excutietur, nescio, an propter hoc ipsum perfidum, certe, quem ante invictum putabant, vinci te posse homines iudicabunt, gloriaque illa tua pristina inultum intra opinionem recedet. Copiarum habebis, quantum voles, Diis gratias, terra marique pollemus: hoc unum vide, ne saepius conflegendum putes, quam anceps illa & semper varia belli fortuna patiatur. Succumbit enim aliquando virtus, quae nimis saepe cum temeritate in discrimen adducitur. Habes duces, habes praefectos, quorum opera in bello uti possis. Non semper ipse te committas fortunae, cum per alios obire pericula possis. Boni quidem imperatores semper consilio, nonnunquam etiam praesentia, rem gerunt. Saepe vel modico imperatoris ictu cadit exercitus: haec, etsi pro gloria non fugienda, non tamen saepius tentanda sunt, quae nulla re magis, quam frequentia, possunt mortalibus accidere, & temeritas est saepius, quam necesse sit subire periculum, tum nihil periculosius, quam nimis saepe vel secundam tentare fortunam. Proinde ita haec velim accipias, ut belli dilationem non minus hostem, quam nos ipsos, fatigaturam putes: maturitate opus est nobis,

nobis, non festinantia. Sic acerba decussa
 poma, ramum plerumque frangunt, matura
 sponte sua cadunt. Nec tamen pugnandi
 tibi, quotiens velis, eripi libertatem censeas,
 ego quoque, si ire in bellum tecum una iu-
 beas, pugnanti sequar, etiam in manife-
 stum discrimen, sed novi, quanti sint ardo-
 res animorum iis, qui bella gerunt, quam
 moleste occasionem rei bene gerendae so-
 leant expectare, & pro victis habeant, quos
 pares esse cognoscant, ubi tamen fortunæ
 temeritas valet plurimum, nobis tum de-
 mum conflegendum est, cum non speratum,
 sed compertum de victoria erit, quippe
 mora nobis salutaris, hosti perniciosa. De-
 dimus operam, ut, quaecunque bello usui
 futura sunt, si terra nequeant, mari com-
 portentur: iam ante nostram profectio-
 nem, classem, quam potuimus, structissi-
 mam comparavimus: naves septem onera-
 rias, mirum, nisi cras hoc in littore conspi-
 ciemus, & tamen novas iussimus aedificari.
 Milites Hispani, Valentini, Siculi, sunt in pe-
 rato omnes, plus nobis erit copiarum, quam
 huic bello sit opus, & quod hostibus contra
 est copia, nobis ex ipsa nascetur mora. Ce-
 tera regna, quibus imperamus, ipsi abunde
 comineatus, frumentum, sagittas, equos,
 subministrabunt. Ceterum, haec si tibi mi-
 nus placuere, nihil erit impeditenti, utere
 pace belloque arbitrio tuo, dum tamen
 scias, me, sic locutum, non magis regni mei,
 quam

quam tuae & gloriae & salutis habuisse rationem. Ad haec BRACHIVS, quod saepe alias audierat, cum Regem magis fatigandis hostibus, quam opprimendis, conficere bella, paucis in eam sententiam respondit, ut primum gratias ageret, quod tantum in se concepisset fidei, mox ad belli mentionem pauca quidem, sed non praeter rem, adiiceret: scire se, quibus artibus in Italia constarent bella, nullam gentem consultius ad aciem procedere. Quod ad salutem suam tutelamque regni pertineret, daturum operam, ut neque Regem delati imperii, neque se accepti, poeniteret. Haec cum essent dicta, Hispani equites BRACHII sermonem de Italicis bellis exceperunt, statimque placita ac pulchra orta est, primum inter milites, mox inter Regem BRACHIVMque concio, utrisque suum militandi morem praeferentibus. Illi sua praelia in coelum tollere, quod & pluribus copiis in bellum irent, & maiores educerent caedes. Tanto enim certare se impetu aiebant, & ferocia animorum, ut pauci ex victis vivi in hostium venirent potestatem: plerosque in ipso praelio desideratos, mortiferum ensen expectare, quam terga vertere, consueisse. Nec quidquam esse speciosius, quam aut instantem vincere, aut occidere praeclare dimicantem. Sic vincentem a fortuna iuvare, morientem a virtute non deserere. Eundem esse Hispanorum, quem

Huius respon-
sio.

Contentio in-
ter milites re-
gios & Bra-
chianos de
suo utrorum-
que more bel-
landi.

Gallorum & Germanorum, morem, nec dubitari, Gallos ac Germanos omnium esse gentium ferocissimos, eos tantis copiis moliri bella, ut plures uno praelio cecidissent aetate illa, quam ex nostris in aciem ullo unquam in bello processissent. Eodem accedere veterem artem militandi, quippe nullam gentem Romanis potentiorē fuisse, sed nec eorum quidquam magis, quam ingentes bellorum strages, commemorari. Sic illos vetustiores omnem iuventutem in expeditionem emisisse, tum, si qui per ignaviam hostium manus victi effugissent, aut se vivos dedissent, exauctoratos statim, & prope infames habitos esse: nunc alia via procedere Italica bella, nam & ire paucos in pugnam, & eos ipsos languide quidem frigideque dimicare. Nam quo in praelio decem unquam aut ad summum viginti ferro cecidisse, ubi non insidiis magis, quam virtute esset pugnatum? Haec non solum a militibus iactabantur, sed ipse quoque assentiebatur Rex. BRACHIANI duces, qui frequentes convenerant, & corona stipaverant disceptantes, ipsi quoque vocem tollere, & sua iura defendere, coeperunt. At Rex indicto manu silentio, BRACHIVM, tanquam in ius vocatum, causam dicere iubebat. Ille semper alias benignus in suos, risu ad eos conversus, et nos, inquit, quando Rex iubet, nostra tueamur, milites, iura, ne qui factis in acie me saepe defendistis, ego verbo-

verborum vos contentione non defendam. Conversus deinde ad Regem atque Hispanos, ego primum omnium, inquit, bella non numero bellantium, sed virtute, constare arbitror, nec quidquam tam impedire potest aciem, quam imperita multitudo, sed ea virtus non magis corporis robori, quam animi consilio, est tribuenda. Vos otio nati, educati, assueti, magna turba completis castra, ignari tamen rei militaris, & animos, ut decet, praesentes pugnae accommodatis, ruitis in hostium gladios, ferarum more, & vestro vos impressu magis, quam hostium ictu, iugulatis; sic furem temeritatem, pro virtute putatis extollendam? Accedunt pravae opiniones vestrae, qui honestius gloriosiusque ducitis, cum vincere non possitis, hostium oculos vestro cruore saturare, quam evadere incolumes, & meliori fortunae reservare vos ipsos. Editis magnas caedes, quia, dum pudet fugere, gloriosam hosti vestro, vobis ignominiosam, mortem non perhorretis. Permagni refert, parvo quis incommodo, an ingenti cum strage, vincatur, quo maior est caedes victi exercitus, eo victoris gloria insignior. Ite, porrigite vos iugulandos hosti, quo plura victor referre possit opima spolia; sic uno superati praelio, penitus bello excidistis. Sane vero praeclare agitur cum Regibus vestris, cum civitatibus ac liberis, si, ubi paululum inclinavit acies, nihil nisi de-

Oratio Brachii ad Hispanos.

subeunda morte, id est, augenda calamitate vestra, decoranda hostium victoria, cogitetis: illic libertatem patriae, illic Regum vestrorum regna imperiaque, praesidio vestro spolianda obiicitis vincenti hosti, quid secunda agitis pugna? Quo pacto victoriae moderamini? Fugientem hostem non capitis, sed occiditis, sed avulsa iugulatis galea, &, quibus de fortunis aut imperio bellum est, de vita & sanguine dimicatis, nec magnitudo animi dicenda haec est, sed immanitas crudelium barbarorum nominanda. Nam, si de imperio est vobis contentio, cur eos occiditis, quibus victoria parta gloriosius imperare possetis? Et, qui fugiunt, iam tum victi parere incipiunt, quos quidem occidere nihil est aliud, quam belli fructus amittere. Vastare etiam conamini regiones, non vincere. Nam, qui sic vincit, ut deleat, is declarat, non se fortuna sua belli, sed hostium sanguine, contentum esse. At aperto certatis bello, non insidiis circumvenitis hostem. Quis ignorat, rem militarem industria atque arte plurimum procedere? Saepe dolus in bello pro virtute est: nulla tamen perfidia, militaria iura violando. Haec vos aliena vobis & ignota despicitis, sed profecto non pulchrum est contemnere in nobis, quod ipsi praestare insita quadam tarditate nequeatis. Imus pauci in bellum, quia inutilem & insuetam pugnae turbam ad caedem non educimus: eunt in certa-

men

men non mollis & imperita ad subitum bellum delecta atque armata iuventus, sed durata frigore ac sole corpora, quibus ab ipsa iam inde infantia strata equorum prothoris fuere, qui pulverem ac ventos pati, & famem, inediam, sitim, vigiliam, nullas delicias, immensos labores, sustinere didicerunt, qui inter medios hostium enses ac tela educati, vulnera contemnere, ictus incutere, incussos excipere atque evitare, hostium capita, pedes, latera, pro loco, pro tempore, ferire, servare ordines, dimicare ad prima signa, uno momento acie digredi, ad hostem feriendum, statimque redire in ordinem, nutum ducis aut diligenter expectare, aut iam longo usu per se ipsos callere, locum infernum supernumque dignoscere, instare fugientibus, prementibus resistere, nec prius, quam desperata victoria, de fuga cogitare. Hi sunt ludi militum nostrorum, quos, quia pauci frequentant, satius est paucitate docta, quam multitudine imperita, contendere. At pauci cadimus, quia durum est, quem spoliare fortunis volumus, eum privare spiritu & sanguine. Sic fratres cum fratribus, interdum liberi cum parentibus, non quidem de sanguine, quod esset inhumanissimum, sed de honore atque imperio, certant, captiva corpora, quae redimi pecunia non possunt, armis spoliata dimittimus. Huc ratio accedit armorum; undique enim duro tegimur ferro, nec saepe alte descendunt,

dunt, mortiferaque penetrant in corpus vulnera, ubi illisum ferrum ferro detunditur. Tum ratio nobis mature configendi, non furoris impetus, moderatur. Audio, Germanos istos, quos dicitis, non ad praelium, sed ad caedem, furentes ruere: quod necesse est fieri, cum ars ignoratur bellandi, regiturque stulta temeritate ferocitas. Suis exciti urbibus, enervata umbra & deliciis corpora, diutius solem pati nequeunt, nec rem ordine aut arte, sed, ut vos dicitis, ferocia, ut nos censemus, furore & infania, gerunt. Nam quid nobis obiectatis antiquos? Istam ego antiquitatem non plane novi, hoc scio, crescere cum aetatibus industriam, semperque novi aliquid addi vetustati. Rex, interpellato sermone, nimirum inquit, si nos contemnimur, qui audeatis etiam vetustatem, tanquam rudem & mancarn accusare. Tum BRACHIVS: Hand equidem hoc ausum, quippe qui, quanta fuerit illa, aut qualis, non viderim, sed quantum scriptorum industria fuit comprehendere. Quanquam illi semper aliquid addunt rebus ornamentis: nihil adhuc video, cur quidquam vetustatis desideret aetas nostra. Nam imperia non hominum culpa, sed temporum mutatione, defecerunt. Plus veteres cogeant copiarum: primum fuere illa secula hominum ferociora fortasse: deinde non eorum, qui scirent industria ferre arma, sed qui aetate possent, delectus habebant.

bantur: nec eos usus consuetudoque bellorum, sed subita & improvisa necessitas faciebat milites, ex agro Imperatores, ex tonstrina milites ciebantur, sed quid milites dicimus, quorum nonnulli femiernes, plerique sine armis, stipendia faciebant? Nos vero, non vulgo delecti, sed militiae nati, non praeustis particis & incocta pelle, sed durissimis ex chalybe telis ferrea contexti massa, bella gerimus. Quid illa tanta peditum multitudo? An parum indicio est nobis, imperitam turbam equis pugnare nescivisse? Nam, si quaerant equites, qui tamen paucissimi erant, quantum illi habebant roboris, quam referta peditum agmina conterebant? Et tamen solo impetu illi & ardore, non arte usuque, bellabant. Confer cum temporibus tempora, cum militibus milites, cum machinis machinas, imperitos pedites, leues fundas illis comperies: contra nobis, callidissimam ac vaferrimam militandi disciplinam, exercitatissimos equites, & rumpentes coelum, nedum muros saxaque, bombardas. Age deinde, suspende in trutinam etiam Imperatores, quanta vis, Dii boni, nostrorum ducum, quanti cum infantia exhibiti labores, quam nihil urbanum atque molle! Veteres non arte belli, sed vanae plebis studio, non per gradus instructi, sed statim creati, non virtute, sed potentia, non quaestu & viribus, sed patriae stipendio & delectu, fiebant Imperatores: quorum etsi non-

nulli rei militaris fuissent periti, milite tamen carendum erat, intermittentibus bella, novique semper, atque ideo invalidi, habendi delectus, novi exercitus comparandi, tum ipsis quoque non perpetuo labore versatis, multum otii urbani capiendum: quid tale in nobis? Domi nascimur solum, nam ad militiam statim educti, ad pectendos equos, non parentem, non ipsam agnoscimus matrem, hyeme nudi ventos frigoraque perpetimur, praesepia nobis in deliciis sunt, aestate alieno usui factam, quam vix manibus levare possumus terra, galeam cervice perferimus. Pabulatum etiam, si nobiles domi nati sumus, eundum est nobis, & ut pluviae metentibus pareant, matutino perfusore madescimus, ad stationes reversi, non molli cubiculo, non igni tectoque, fovemur, sed iisdem illis madentibus obstricti vestibus praesepibus complendis, letamine abiciundo, expoliendis armis, sellis ad solem expandendis, totos dies tremendo sudandoque obduramus corpora. Dormimus, non quantum aetas & natura postulat, sed ad nutum vel stertentis militis excitati, ultimi somnum, primi vigiliis capimus, saepe noctu, vel hinnitu equi, vel exiguo ventorum flatu, ad explorandam coeli tempestatem tabernaculis, strepitu, clamoreque, detrudimur. Tum fames nobis pro cibo est, hac alimur, haec nobis familiaris est, si semel contingat agrestium pomorum deliciofa saturitas,

tas, id demum est lautissimum convivium. Sed haec pacis non minus, quam belli, rudimenta praeliis ineundis, et si aetati par-
 citur, proxime tamen accedit, ad pugnam
 sequi semper latera pugnantis militis, &
 hastam paratam non ita statim porrigere,
 sed diu eius aequato cursu circumferre:
 tum horrendum hoc quoque, videre ictus,
 vulnera, minaces hastas, micantes & in
 ora semper strictos gladios, iam tum haec
 perdiscimus contemnere. Nec enim terro-
 rem afferunt, nisi quae nova insuetaque sunt.
 Sic aves, cum primo capies, fugaces ac ti-
 midae, ubi diutius tenuisti, manu mirifice
 mansuescunt, & ad sibilum, quo prius ter-
 rebantur, concinunt atque accursitant. Sic
 usu edocti, saepe praeoccupamus aetatem,
 & immaturas adhuc bello conferimus ma-
 nus, non tam iussu ducum, quam ardore
 quodam aemulandi: iam tum superne ado-
 riri hostem, perturbare ordines, premere,
 instare, circumverti, ferire laeva dextraque,
 perdiscimus. Tum gradum proferre, su-
 stinere impetum, totaque mole corporis ad
 suffodiendos equos inclinari, & contacta
 prope terra, acrius in hostium ora confur-
 gere, circumvehi equo, & quasi trutina si-
 mul stimulis urgere, simul frenis moderari,
 atque omnem in partem veluti globo aut
 turbine circumflectere. Haec edocti, no-
 stro militare incipimus stipendio, nullaque
 nobilitatis habita ratione, virtuti honor da-

tur : & , qui pugnando praestat , si caute
 consulteque rem gerat , locum dignoscat ,
 atque occupet aequiorem , ordines elegan-
 ter constituat , aciem commode instruat ,
 pugnam non temere aggrediatur , recipiat
 se militemque suum incolumem , primus in
 petendo hoste , ultimus praelio excedendo ,
 Hic alter est nostrae militiae gradus . Tum
 militum praeficitur agmini , hos praefectos
 militares , hos agminum duces appellamus .
 Horum quoque discrimina quaedam sunt ,
 & alius alium praestat , quo cuiusque ma-
 ior est virtus , eo plus illi copiarum ac sti-
 pendii datur . Qui vero longe alios virtute ,
 fide , animo antecedit , hunc milites , hunc
 Duces , Praefectique , sequuntur . Hi sunt
 Imperatores nostri , haec Italica imperia .
 Nullum praeclarius insigne , quam vulne-
 rum adverso pectore multitudo , & defor-
 mata cicatricibus corpòra : quales multos
 memorare possem , qui nostra aetate fuere
 Imperatores , quos non favor plebis impe-
 ritae , non Graeca aut Romana facundia ,
 non urbana aeraria , sed una virtus in ge-
 rendis bellis , ad eam sustulit dignitatem .
 Utinam illi veteres adesse possent , ut , si ora-
 tione non liceret , armis causam dicere-
 mus : facerent , credo , in nos impetum , col-
 lectae ad subitam contentionem manus , sine
 armis , sine equis , sine disciplina militari ,
 ordines nostros , confertos armis , & ferreis
 conglomeratos nexibus , perturbarent . Tum
 etiam

etiam (si Diis placet) praeusta nos pertica
 cominus, eminus funda, propellerent. Ipsi,
 quia solide non durant, concavas hastas no-
 stras expectarent, & quibus ferreae massae
 nequeunt resistere, molliculae pelles aene-
 aeque loricae resistissent. Subsidio veni-
 rent inermi pedites, & nostris intermixti
 equitibus, ora nostra, insueto manibus
 eorum mucrone iugularent, Dii boni, quos
 obtritus, quantas caedes, quam ingentes
 strages, ederemus? Cogitate, quaeso, nunc
 ex hac urbe proximisque oppidis subitum
 acciri exercitum, creari nobilem domi, sed
 tamen novum, imperatorem, quem civium
 gratia decernat, concurrere in castra o-
 mnem civilibus armis instructam iuventu-
 tem, contra hos meos opponite commili-
 tones, cogitate deinde, quae illorum men-
 tes, quantus pavor armorum adspectu,
 quanta ferratorum & circumvolitantium e-
 quorum occursum trepidatio: tum qui ordo,
 imo vero quae confusio pavidae & sibi con-
 fusae multitudinis. An illi diutius repugna-
 rent? Resisterent, credo, vel tironibus nostris,
 quorum aetas omnis militiae est transacta,
 ne aciem quidem oculorum, nedum telo-
 rum impetum, sustinerent. Multitudo in-
 ermis parata caedi, fugae, pavori. Quid
 facturos fuisse putatis commilitones meos,
 quanta vi, quantis animis, quo ordine ag-
 gressuros imbellem multitudinem? Quot
 inermium brachia, pedes, capita, reci-
 suos?

- furos ? Itē nunc, conferte vetustatem. Haec paulo ardentius, quo militibus morem gereret, locutum, Rex ingenti amplexus est risu ; nec fateri dubitavit, ex his pleraque vera esse, maxime quae de creandis imperatoribus essent dicta. Rugas contraxerant Hispani milites, & litem integram suscipere incipientibus silentium indixit Rex, confessus, Italicos arte, ceteros numero, praestare. Animorum primo ardore ferociores Hispanos Gallosque, Italicos maturo consilio, non praecipiti ira, dimicare. Ubi convivio est discessum, fama est, multa simul de bello intimo secessu
- Munera Regis
inter Brachia-
nos distributa.
- arcis consultasse. Rex, omni ratione pacis bellicae ad BRACHIVM reiecta, primum illi regia munera, purpuram atque aurum, largitus. Mox omnes Centuriones praefectosque, ut cuiusque decebat fortunam, equis atque armis donavit, gregariis militibus congiarium datum, atque ita, omnium inita gratia, ad belli studia convertit animum. Habeo tamen autores, utrumque prius cum suis quemque praefectis militibus Cumas concessisse, ad visendam totius Italiae amoenissimam plagam, eosque partim terra fecisse iter, partim qua triremibus extrema maris ora delapsos, simul deinde, quique mari, quique terra ierant, ad Baias appulisse, totum lustrasse Baianum sinum, salutaribus tepentem aquis, otia Tyrrheni maris, & laetissima myrtetis litto-

Rex utriusque
cum suis prae-
fectis animi
gratia suscep-
tum.

littora: sic pellectos amoenitate loci, Lucrinum atque Avernum, & opacissimis iacentem vallibus Acherontem, nec orienti, nec occidenti soli pervium. Tum, ut vulgus credit, immane atque auro refertum Sibyllae antrum, tam quidem vastum longumque, ut multos subire montes, proculque a conspectu recedere, credatur, immensum cum labore periculum ingredi volentibus. Antri deinde ora praetergressos, lacunam quoque adivisse Sibyllae, ingens & vetustum opus, &, quod nomen indicat, admiratione dignissimum. Inde ad Puteolos conversos, deiecta mari domorum ac turrium fundamenta, tot sulphureos per litus fontes, & prominens superata vetustate theatrum, supra vero ardua fumum exhalantis montis iuga, nec obscura Miseni nomine, denique omnem eum tractum longe lateque peragrasse. His lustratis locis, terra Neapolim reversos, effossum obscura caverna Pausilippum ingressos, Virgilii Poetae sepulchrum, media imminens caverna, precatos veniam, salutasse, nec quidquam tam gratum utrique iucundumque fuisse. Qua die haec acta sunt, septem operariae naves, quas Rex subsecuturas dixerat, cum ad recipiendum in Sicilia frumentum restitissent, Neapolim secundis ventis appulerunt, partim fermento, partim equis & sagittariis, oneratae. Secuta est ingens annonae vilis. Iam duobus malis,

bel.

**Brachii nova
expeditio.**

Angarium.

**Paganumque
captum.**

**Tartaliae cum
Sfortia con-
iunctio.**

bello atque fame, liberati Neapolitani, & BRACHII & Regis beneficia sentire coeperant, liberiusque diu intermissos equestres ludos, aliaque festa, patrio more celebrare. BRACHIVS, totus intentus ad bellum, quo expeditionem maturaret, multis verbis Reginam ac Regem ad mutuam benevolentiam & concordiam hortatus, copiis urbe deductis, ad priora castra concessit: nec diu moratus, altero, quam profectus est, die, Angarium oppidum, quod paulo ante eius adventum rebellaverat, magno adortus impetu, expugnavit, diripuitque. Motis celeriter castris, Paganum infestis signis profisciscitur. Perterriti oppidani, deditione sub conditione facta, deiectisque hostium vexillis, regia signa receperunt. Dum haec ad Campanum geruntur, Tartalia cum octingentis equitibus auxilio missus a Pontifice, cum Sfortia coniunxit. Occulte enim, quasi non ipse gerendi belli auctor esset, ante id tempus auxilia miserat, nunc cognito Regis adventu, confirmandum exercitum & peditatu equitatuque augendum ratus, manifestius omnia facere. Magnas undique belli vires moliri arbitratu, quod erat verisimile, plurimum posse eius nomen ad populos sollicitandos, regias copias, mari, quam terra, meliores, & equitatu minores futuras, vinci delerique facile posse. Tum nihil Italicis Catalanorum nomine infestius, & Catalanos putari omnes,

omnes, quicumque transmarinum Regem secuti in Italiam traiecissent. Unicum esse obstaculum. BRACHII nunquam antea victum, & supra mortale reputatum caput, sperare tamen, frequentibus praeliis inanem hominum opinionem, posse adversis illius rebus evanescere, nec dubitari, si pari robore in discrimen esset eundum, illum victorem fore, nec quidquam plus addere terroris militi, quam invicti ducis famam. Sed, auctis suorum viribus, exercituque multiplicato, aut non commissurum illum pugnam existimabat, aut, si committeret, equitatu defecturum, atque ita superatum iri, & partam longam felicitate gloriam, brevi, rebus semel male gestis, deperituram. Ut, cumque procederet res, vel fugeret ille, vel pugnaret, superiorem se futurum. Consilia erant magis otiosi Pontificis, &, verti res magnas uno momento, uno astu, nescientis, quam bellicosi Ducis. Ergo fiunt enixissimi bellici rerum omnium apparatus, stipendia largius, quam antea, decreta, milites longius acciti. Quae dum a Pontifice aguntur, BRACHIVS, ut prius, quam tot hostium adventarent copiae, finitimos ad defectionem compelleret, Hispanos milites regionesque sagittarios cogit in castra, totis viribus occupaturus nondum firmatum praesidiis hostem. Producto igitur ad Castellum maris media nocte exercitu, sopitas pro stationibus vigiliis comperit, admotis muro

Castellum maris expugnatum.

Isa.

scalis complent moenia, atque oppidum
 irrumpunt milites, refractis portis, ac cae-
 sis vigilibus, classicum canit tuba. Oppi-
 dani magno quoque militum clamore exci-
 tati somno, ubi hostem intra moenia sen-
 sere, subito perculsi pavore, latebras tacita
 fuga quaerere, pretiosa secum asportare,
 mulieres sarcinas efferre domo, & dum effu-
 gisse spes erat, in praedabundum hostem in-
 cidere. Diripiuntur oppidanorum bona,
 sed milites pars domorum intima rimari pe-
 netralia, pars ad portum incurrere, & na-
 viculis ac cymbis occupatis, natantia mari
 dolia cadosque corripere, denique terre-
 stri praelio maritimam praedam agere, quae
 omnia Neapolim prima luce delata, littora
 portusque compleverant, vinaria dolia, ea-
 que omnia plena, ad viginti millia fuisse tra-
 dunt. Auxere praedam etiam Salinae. Sed
 arx, valido munita praesidio, quanquam mul-
 tis diebus oppugnata, nullo tamen impetu
 capi potuit, & res ad obsidionem redierat,
 quae res causa hostibus fuit celerius ad sol-
 vandam obsidionem occurrendi. Consti-
 tuunt hostes diem, qua ad Sarnum flu-
 men convenirent. Duodecim millia fuere
 equitum, peditumque tempestate illa satis
 ingens exercitus, & qui non aequare ho-
 stem solum, sed circumvenire etiam, po-
 tuissent. Eius rei per exploratores certior
 factus BRACHIVS, veritus, ne inter op-
 pidi angustias opprimeretur, neve tripac-
 tito

Arx obsessa.

Sed ob adve-
nientes hostes
iterum relicta.

tito exercitu, cum arce, cum oppidanis, cum hoste, simul committere praelium cogeretur, deferendi oppidi, movendique propius ad hostem, consilium cepit, facilius universis copiis, quam partito milite aditurus pugnari. Ergo, permotis ad Sarnum castris, ad alteram ripam non procul ab hoste confedit. Illi quoque adversae appropinquare ripae, nec iam duas acies aliud, quam fluminis alvetus, dirimebat. Positis hinc atque inde stationibus, duo de viginti dies circa flumen, ut alter alteri obstaret, inhaeserunt: sed fluminis haud sane ingens erat altitudo, frequentiaque patebant vada, quibus traiectione milites levia committebant praelia, & BRACHIVS de industria ad extenuandum hostem moram trahebat. Inter haec duo circiter millia Neapolitanorum, & cum his pauci sagittarii ad BRACHIVM venerunt. Sed cum Rex per literas, quod compertum de hostium numero haberet, ne praelium caperet, admonebat, turpe videbatur BRACHIO, quidquid esset copiarum in Regno, frustra unum in locum convenisse: tum milites, auctis iam viribus, quamquam non pares hostibus, praelium postulabant. Dux ipse, non adeo contemnens hostem, nihil existimabat committendum temere, dissimulatoque consilio, ne quid metus subesse videretur, quo minus signum militi daret, Regis literas causabatur, nec hostes magnifice praeliandi faciebant potestatem. Commeatus

utrique, magis tamen BRACHIO, suppedi-
tabant. Illis Acerrae, Nuceria, Aversa: BRACHIANIS maritima ora frumentum fug-
gerebat. Sic rerum copia dimicandi fece-
rat negligentiam. BRACHIVS, ubi vi-
det, hostem, quamquam maioribus copiis &
minore com meatu, tamen castris se contine-
re, non ausus cum universis conflagere alie-
no loco, aciem indies latius proferebat, ut ci-
teriore in planitiem ad aequum compell-
eret locum, vel occasionem militi praeberet
leviter dimicandi, nihil missum faciens, quo
aut universos ad iniquitatem loci, aut par-
tem ad leve certamen, eliceret. Nec hostes
eam detrectabant pugnam, qui, etsi multi Du-
ces unius BRACHII astu superabantur, om-
nia tamen patienda statuebant, ut aut con-
ficerent fame multo opulentiorum hostem,
aut ad alteram fluminis ripam belli cupi-
dum provocarent. Constat, nusquam BRACHIVM, quantum hoc bello, hausisse labo-
ris, continuos complures dies nunquam exu-
isse arma, secutas etiam lorica situ laxatas
vestes. Erat enim vigiliae atque inediae, su-
pra quam humanum est, patientissimus, la-
borum tamen multo patientior. Hic Cen-
turiorem manicum exauctoravit. Mili-
tem, tecto capite propter pluvias ordine ab-
euntem, castris pellens, eius insignia, quae
ille caligis gestabat, ademit, nec usquam exa-
ctius militarem disciplinam servari voluit.

Qui Brachii dolo mire cir- Qui, ubi videt, nullo consilio impelli hostem,
nec flumine decedere, quo tantam copiarum

mo-

molem, uno in loco se continentem, dissiparet, militarem dolum excogitavit. Frequentibus enim leviter commissis praeliis, si quos Sfortiae cepisset milites, eos, in catenas coniectos, ad regiam classem trahendis remis destinabat. Quos autem ex Tartaliae copiis, eos, magnifice donatos, cum armis atque equis, quae belli iure amiserant, in hostium castra remittebat. Nec deerant blandæ & superioris amicitiae admonentia verba, quae cum saepius egisset, gravis inter duos Duces est orta suspicio, varia coepta agitari consilia, nec alter alterum admittere. Qui fuerant dimissi cum donis, rem magis excitare, BRACHIVM in coelum tollere, succedereque alterius Ducis iracundiam. Iam totis dissidebatur castris, geminamque factam aciem, duo dirimentia valla muniebant, multoque negligentius, qua parte instabat hostis, quam inter sese, vigiliae fieri coeptae. Nec melius inter se milites conveniebant. Demum eo processit res, ut veriti, ne tumultuariam seditionem concitantes, callidus invadere hostis, alius alio moverit castra, Tartalia Aversam, Sfortia Nuceriam, nihil inter se amice cogitantes, abire. His rebus per speculatores cognitis, Hinc Brachius BRACHIVS, omni reiecta mora, flumen traiecit, factoque per Aversanorum fines itinere, agro Atellano leviter populato, Capuam agmen perduxit. Tartaliz, transuntem impedire cupienti, milites non paruerunt. Quippe educti in aciem pars simulata fuga repetivere urbem, pars metu validioris exercitus, intra munitiones regressi, neque facere, neque expectare, impetum voluerunt.

cumventi prurum amici discedunt.

IOANNIS ANTONII
CAMPANI, EPISCOPI APRV-
TINI, DE VITA ET GESTIS AN-
DREAE BRACHII, PERVSINI,
ITALICAE MILITIAE IMPERA-
TORIS OLIM STRENU-
ISSIMI,

LIBER SEXTVS.

Brachius Minianum Sanctumque Victorem capit. **P**rofectus ad Capuam cum exercitu **BRACHIIVS**, partem copiarum ad ar-
das Tartaliae incursiones atque ur-
bis praefidio reliquit, ipse, cum reliquis ma-
gna celeritate profectus in Marfos, in ipso
itinere Minianum & Sanctum Victorem, al-
terum vi captum diripuit, alterum sub con-
ditione in potestatem recepit, celeriterque

Fines Pontificis depopulatus,

Castellum novum Sanctamque Luciam expugnat.

Legatis Pontificis haud benigne respondet.

egressus regni terminos, Pontificis, qui ad
Marfos pertinebant, fines late est populatus.
Eadem celeritate conversus in agrum Vesti-
num, duo Pontificis oppida, Castellum no-
vum, & Sanctam Luciam, primo statim con-
gressu expugnavit, diripiendaeque militi per-
misit. Ea res magnum Pontifici incusserat
terrorem, quocirca missi celeriter ad eum
Legati, de oppidis repetendis nihil beni-
gnum audivere. Responsum **BRACHII**
fuit, Pontificem verbis quidem pacem age-
re, ceterum re ipsa bellum gerere asperri-
mum, cum adversum se Tartaliam auxilia-
tum

tum hostibus misisset, tunc ruptum foedus, violatam amicitiam esse. Quamobrem non solum haec se oppida non redditurum, sed bello, quacunque posset, petiturum ejus imperium, nec novo foedere opus fore, quando priora, soluta pace, servata non essent. Capta nuper oppida belli iure sua facta, ea si Pontifex redimere vellet, non pecunia futurum opus. Si Tyferno cessisset, idque pleno iure traderet in potestatem, capta nuper a se oppida recepturum. Nihil resistere Legati, sed re infecta, novis perlatis ad Pontificem mandatis, paucos post dies revertunt, agentes, si oppida restitueret, statimque excederet bello, Pontificem Tyferni cessurum iure; ceterum BRACHIVS suis viribus ius sibi vendicaret, nolle Pontificem Tyfernatibus vim facere. Haec cum Legatis pactus, BRACHIVS, conditione accepta, castella restituit, belloque statim excessit. Inter haec Sfortia & Tartalia, simulata magis, quam facta reconciliatione, cum omnibus copiis, quae iam mora comminutae defecerant, in agrum Sueffanum, ut inde, si opus foret, obsisterent hosti, movere castra. Qua re per speculatores cognita, BRACHIVS, longis factis itineribus, altero die ad Lyrin amnem pervenit. Lyris ex Apennino defluens, modicus quidem primum & vadis transiri facilis, sed mox paululum infra magna vi fluminum augetur, & nusquam vadofus, alveo lato profundoque, ad Mintur-

Mox cum iisdem paciscitur.

Sfortiae & Tartaliae simulata reconciliatione, inque Sueffanum agrum iter.

Lyris fluvii descriptio.

Quem Brachius cum equitatu traiecit.

nas in mare delatus, pulcherrimam ac fortissimam Italiae oram interfuit. Ille Ausonios & Vestinos agros, ille Miricae regna, & Minturnensium oram, olim Italiae celeberrimam plagam, (nunc ipsis ignota accolis nomina) ille Sueffanum agrum (aureis, ut Poetae tradunt, arbusis confitum,) praeterlabitur, felicitis Campaniae felicius terminus, & semper alias ejus regionis tutissimum munimentum. BRACHIVS, ubi ad ripam fluminis pervenit, patentes Sueffanorum campos, & passim errantes greges atque armenta conspiciens, vel magna in retentaturus fortunam, vel, quod magis putant, praedae cupiditate adductus, equitatum, quae latior fluebat amnis, natationi subiiciendum constituit. Nam latitudo alvei & facies tranquilla fluminis, atque ad ripam vadosa, faciebant animos. Ergo praemittuntur inermes ac nudi pauci, qui & maioribus vererentur equis, & natare ipsi didicissent, ad transitum pertentandum. Militum oculi, ut quisque sui discriminis esset sollicitus, omnes in transeuntem exploratorem coniecti haerebant. Pergit primum cunctabundus eques; mox cum gloria primum a se tentati periculi, tum spectantium militum clamore atque hortatu, impulsus, iam ad medium processerat amnem, cum equi supremas iubas, mediumque iam equitem, undae superaverant, eripit sese anterioribus pedibus equus, & ubi modico progressu ne sic quidem aequa-

quare altitudinem potest, pandit late supra
 annem corpus, ac sese aquis vehendum per-
 mittit. Nec deerat moderator, qui transver-
 sum ad alteram ripam ageret natantem e-
 quum. Sic, ubi paululum est natatum, rur-
 sus fundum pedes attigerunt, sublatoque, ut
 prius, collo, modicum processerat spatii, cum,
 iam toto eminente dorso, ad alteram flumi-
 nis ripam evasit: continuo secuti, quibus i-
 dem negotium datum erat, & ipsi quoque
 paululum natavere, mox, superiorem inferio-
 remque percontati annem, eum locum com-
 modiores, quod non amplius, quam viginti
 pedes, erat natandum, retulerunt. Idem ar-
 mis onerati iussi, eunt, redeuntque saepe. Se-
 quitur deinceps omnis equitatus, &, quasi
 non solum homines, sed flumina etiam su-
 perare didicissent, magno plausu hostilem
 ripam complevere. Nam illo quoque Dux
 ipse inter primos evaserat, semper alias in-
 dustria, nunc etiam fortuna usus. Quippe
 cum neque ante id tempus unquam, neque
 postea, ne multo superius quidem, & ante
 magnorum fluminum congressus, Lyrin
 quisquam vado traiecerit, inde BRACHII
 vadum appellatus, memoriam tanti facino-
 ris. Ipse testatur locus, res, dubium, admi-
 ratione an stupore dignior, ex duobus milli-
 bus equitum, loriceis, ocreis, toracibus, tot
 ferreis laminis impeditorum, ne unum qui-
 dem gurgites hausisse. BRACHEVS, reli-
 ctis ad citeriorem ripam impedimentis, ra-

Quem mox pe-
 ditatus sequi-
 tur.

tus, id quod res erat, suum adventum non solum incognitum Sueffanis esse, sed etiam incredibilem visum iri, statim rates ex sicca materia confectas, ad traiciendos pedites aedificari iussit, qui e vestigio & ipsi undis perfusi traiecerunt. Flumine superato, BRACHIVS producit aciem, delecti leviter armati dividuntur in duo cornua, laevum dextrumque: medium erat agmen gravioris armaturae, hic nulli intermixti pedites, sed omnes ad latera concedere, & quantum cursu possent durare, iussi sunt equitatum antequam ire. Signa mediam obtinebant aciem. Inter medium agmen & duo cornua multum intercedebat spatii, quo latius per campos extenderentur praedatores. Excurrendi ordo fuit, ut quam effusissime popularentur agrum, & si qua hostium occurrisset manus, dextrum cornu ad laevum, laevum ad dextrum, se reciperet. Sic fiebat, ut etiam, itineris errore sublato, a medio signorum exciperentur agmine. Nec potuit maiore consilio geri res. Instructa per hunc modum acie, funduntur in latissimos ac fertilissimos Sueffanorum fines, eunt passim in praedam (longae pacis manera) greges atque armenta, & veluti uno flatu ventorum, quicquid obvium est, longe lateque corripitur. Rura illa, quae anni dies aequavere numero, vi, clamore, ferro, intermiscuntur omnia. Subitum & insperatum malum multo plus incubabat terroris, qui praedatum venissent, aut unde,

Insignis praeda longe lateque coacta.

DE REBUS GESTIS BRACHII LIB. VI. §

unde, nescientibus, & pavor trepidis confilium excutiebat, ut pro monstro res esset. Attoniti vulgo agrestes, sine voce, sine clamore, pavida fuga latebras quaerere, cadere, capi, trahi, vinciri: fuitque res supra mortalium fidem. Quicquid intra Gaurum & Massicum, Gallicanumque montes, ab infero mari & flumine Lyri, iacet agri, totum infesta populatione vexatum atque direptum, quod necesse fuit evenire securis belli & nihil hostile metuentibus. Tum regionis egregie munitae, situ fore se tutos, jam inde a belli initio crediderant. Quippe ad occidentem solem flumine Lyri, nunquam, ut dixi, alias, vado traiecto, ad meridiem infero mari clauduntur. Qua vero in orientem & septentrionem vergunt, altissimi ac praerupti surgunt montes, ut vix artificissimae pateant transeuntibus angustiae. Sed praedam, ut BRACHIO insigniorem, ita miserabiliorem hosti, duo duces effecerunt. Nam, ut huic pulcherrimum, ita indignissimum illis, videre late palantem praedantemque hostem, audire captivorum miserabiles questus, & praedam, quantam nunquam illa vidit aetas, ante oculos ducum & civium conspectum asportari, nec auxiliari fortunis suis miseros incolas audere. Praedae magnitudinem incertam ipsa multitudine fuisse tradunt. Illud constat, vendito pecore, captivisque redemptis, quinquaginta nummos viritum in capita militum distributos: tum

Oratio Brachii
ad populum
Campanum.

Capuae & Neapoli duplo minus diminutas
macellariorum nundinas. Pars etiam ma-
ri ad Lucanos Salentinosque transvecta. Post
haec BRACHIVS, reducto per maris an-
gustias, quas occupari iusserat; ad Capuam
cum praeda exercitu, iam suam urbem, suos
vectigales in victoria cognoscere. Primum
frequentem Campanum populum, in concio-
nem vocatum, edocuit, id, quod iam pridem
famam vulgaverat, datam sibi a Regina Cam-
panorum urbem, datas arces, agrum, fontes,
vectigalia; quod quia moleste quosdam tu-
lisse audiebat, orare populum, & primum
quemque appellare, ne se indignum puta-
rent, quem sua in urbe regnare paterentur.
Non se obscuro natum loco, sed vetustissimi
generis splendorem, virtute, & imperio au-
ctum, nec fuisse ausum haec ita coram
dicere, nisi sciret, explorata esse omnia. Cam-
pano populo Perusiam exemplo esse, illam,
quanta esset, intuentes inuitarentur, nec ullum
durius imperium, quam ubi civis civi impe-
rat, & tamen ultro sibi esse latam commu-
nem libertatem, ut, quam illi publicis viri-
bus tueri non possent, sua ipsa virtute auspi-
cioque defenderet. Irent, mitterent, qui Pe-
rusinam rem, quo in statu esset, certam ex-
ploratamque referrent: scire se, Capuam re-
giam quidem esse urbem, & regiae stirpi
parere solitam, sed eos demum esse Reges,
qui & parerent Regna, & parta iuste mode-
rateque regerent. Nec initio rerum alium
alio

alio nobiliorem fuisse: virtute primum factos, non stirpe natos Reges. Non latere populum Campanum, quam gravi bello ante suum adventum premerentur. Ad portas enim imminebat hostis. Frustra tunc regiae stirpis imploratam opem, sua se manu auspicioque hostem delesse, & regiam urbem non a Regibus quidem aditam esse, sed a se, qui Rex non fuisset, prope suburbano bello liberatam, captas duas arces, quae quantum molestiae, quamve urbis assiduae populationis, & tumultuariae formidinis fuissent causa. Civitatum Reges esse, qui civium capita & fortunas defenderent, propulsarent iniurias, propagarent imperii terminos, non qui vano nomine alienis fortunis abuterentur. Non fuisse haec dicturum, si quam illi regiam intuerentur sobolem, bona spe plenam. Verum non ita esse, non Regi, non Reginae liberos extare, quorum tutela conquieturi essent, & tamen sine regia stirpe Campanam rem esse non posse. Quid putarent commodius futurum, eum facere Regem, cuius clara pacis bellique facinora perspecta haberent, an accipere, nihil praeter vana nomina afferentem? Tum Regum arbitrio fortasse, aut crudelem, aut, quod foedius est imperantibus, ignavum accepturos. Utrum accideret, aut Regi, aut finitimis, contemptui futuros esse. Proinde uterentur occasione, non modo nihil unquam subituros periculi suis aspiciis, sed finitimis late imperaturos. Nihil magis

Qui libentis-
sime cum Do-
minam agno-
scit.

Plausus pa-
blici.

Pertinacia
custodis, qui
superiori
praeerat arci.

magis flexit Campanorum superbiam, quam invidia finitimorum. Tum recens erat memoria sublati belli, & vim cernebant paratam, nisi paruissent. Oritur clamor a plebe, primum Dominum Principemque salutante. Mox primores civitatis & magistratus omnes, ordine tribunal adeuntes, iurejurando ipsi sese adegere, perpetua fide mansuros. Deinde, frequenti stipatus populo, ad inferiorem arcem, quam Petrae vocant, ad ipsa urbis inferiora moenia concessit. Custos, cognito Reginae signo, arcem & munimenta tradidit. Fit iam ingens tota urbe plausus. Arcis custodes, multis simul excussis bombardis, late obtundebant mortalium aures. Huc cives ordine eunt gratulatum. Magna statim coepta munerum concertatio. Ut cuiusque maxime erant opes, ita plurimum frumenti, aliarumque rerum largiri; vincebatque ostentantium fortunas aemulatio. Nec ante inhibitam a BRACHIO largitionem finis muneribus factus. Tum inde variis ludis ille consumtus est dies. Postridie missis, qui superiorem repeterent arcem, duas pulcherrimas atque operae munitissimas Italiae turres custos non ante traditurum respondit, quam viginti millia nummum, & praeterea cunctam arcis munitionem diuturnae custodiae praemium recipisset. Mittuntur deinde statim primores civitatis, qui precibus contenderent. Sed nec illorum quidem valuit autoritas. Iam res ad apertam iniuri-

am spectare & hostium numero esse coeperat custos. Pacano erat illi nomen, qui ingentes furando praedandoque in eam arcem convexerat opes. Sed ancipitem animum diversa agitabant mala. Duo liberi, praeterea uxor, captivi a Sfortia in vinculis tenebantur, qui paucos ante dies, non procul ab arce, triplici simul erecta furca, horrendum & parenti & viro, nisi arcem traderet, spectaculum erat minatus, filiorum uxorisque suspendium. Vereri, ne, si nunc BRACHIO tradidisset, ira illum praecipitem egisset in suos: tum cogitare coepit, regias opes ingentes esse, cernere paratam oblationem, versatum iri ante oculos hominum violata iura. Inde pietas, hinc metus urgebat. Cessit tandem parenti custos, non veritus, dum impietatem effugeret, nescio, an turpiorem subiret perfidiam, quam tamen multo foediorum pecuniarum insana cupiditas faciebat. BRACHIVS, etsi putabat, vanam operam moliri, tamen cingendum iam hostem obsidione omniaque tentanda decreverat. Capuam Vulturinus amnis tribus prope circumfluit lateribus, ut multis in locis pro muro sit flumen. Nec aliter illud, quam ponte, aut ratibus, transmittitur. Porro pontis extremum aditum duae illae munitissimae excipiebant turres. Itaque transeuntibus angustum inter turres ipsas iter erat. Urbem ab arce intercurrens flumen dirimebat. Tum situm ipsum structurae magnitudo ex-

supe-

superat. Murus ad medium usque molem circiter triginta in latitudinem continet pedes, totus quadrato confectus marmore, & lapides pro calce liquatum connectit plumbum. Et ne quid muralia pila officiant, neve bombardae gravi ictu concutiant, altero facto ex caementis duplicantur continenti muro, qui sic machinarum vim excipit, ut vix languido, ac levi adiri morfu, nedum latius perrumpi, queat. Inter duas turres regium cubiculum, qua iter erat, supra caput altissima prominet testudine, marmoreis statuis vetustisque imaginibus distinctum atque ornatum. Pons quoque ligneus suprema turrium fastigia committit. Huc accedunt circa utriusque turris ambitum in coronae modum educta propugnacula, quanto munitiora potuit excogitare artificum industria. BRACHIVS, occupato primum urbis ponte, frequentem opponit a fronte sagittarium, qui propugnaculis averteret superne resistentem hostem, etsi cognoscebat, eam rem magis terrori, quam periculo hosti futuram. Pacanus adhuc inter pacis bellicae consilium negligentius arcere transeuntem militem, & tamen saxa rara demittere, sperans, mitigari oppugnantis Ducis iram, aut minus exasperari, si ipse militum caede abstineret. Iam exercitus omnis ad alteram pervaserat Vulturni ripam, paulatimque cingere arcem coeperat, cum statim plurimi acciti fossiores quam latissimum producunt
val-

**Virtute Bra-
chii tandem
fracta;**

vallum, productum aggeribus trabibusque circumveniunt: nec procul inde alteram latius deductam fossam praeacutis & eam obstruunt sudibus. Fervet simul utrinque opus, nec cedit fossori miles. Dux est partim excitandis, qui ducendae praeerant fossae, partim comportandis ex urbe trabibus, intentus, custodi manu voceque minatur. Hic primum ille belli non creditum apparatum, & futurae obsidionis indicia prospicere, hic agnoscere hostem, & fortunae suae paulatim subdubitare. Quippe diuturnae pacis otio demollitum animum subita belli terrebat facies, ut saepe ignaviam animi vix ulli satis turentur muri. Productae iam erant circa turres geminae fossae, quarum medium, quod erat relictum, spatium materia plurima completum, ne qua penetrare quisquam ab hoste, si auxiliatum venisset, in arcem posset, militum stationes occuparent. Pacanus, ubi videt, omnia in arctius spectare, sero mutato consilio leniendi hostis, totis viribus militem arcere contendit. Ille tela, ille saxa, in conferta coniciens agmina, proximum quemque fodiebat. Immensum apparebat futurum laborem, conatusque omnes incassum recifuros, nec alia re vinci hostem, quam fame, posse. BRACHIVS, plurimum ratus momenti habere terrore, omnia maiora, quam opus esset, apparare, stativa tanquam illic transacturus, hyemem pro vallo facere, denique omnia moliri, quae
pavi-

pavidam motura mentem arbitraretur. Contra Pacanus quoque magnifice loqui, dissimulare iactantia, premereque intimo corde metum, bombardas ad urbem intendere, omnia conari hostem ab obsidione propellere. Quod tum demum facile putabat futurum, si nihil meticulosi percepisset, statim inde discessurus hostis. Nec fefellisset consilium, nisi, quae plurimum bello potest, fortuna victori, expugnationem desperanti, aditum in arcem patefecisset. Faber erat Campanus, grandis natu, longae senectutis rarum exemplum, cum aetate, tum magis arte cognitus Duci. Hic, se puero, captas eas turres per cuniculum, & quo in loco quantumque terrae suffossum esset, memoria tenebat. Unus erat aditus ad subterraneam lacunam, quo, cum opus esset, aquam e flumine custodes arcis derivabant. Cetera undique latissimus vallaverat murus. Quippe turrium eadem est infra terram altitudo. Mirabile hac quoque parte & rarum opus. BRACHIVS, plurimis aedificatis ratibus, ligneum pontem, ab urbe ad radices turris pertinentem, construere celeriter iubet. Propugnatores arcis, e summo turrium fastigio saxa telaque deiciunt, rem difficillimam faciebant. Quicquid enim struebatur operis, id totum ingentibus perfractum saxis, demersumque flumen hauriebat. Nec sagittis arceri poterant propugnaculis, qui superne lapides devolvebant. Ergo eriguntur statim supra opus con-

convexa tabulata, frequenti subnixa trahe, quæ superne cadentia saxa sic exciperent, ut, veluti pluviae tecto, geminum in latum exspuerentur. Ponte ad biduum confecto, subruere cuniculum coeperunt, molle atque alias effossum solum, ligonibus egregie quidem cedebat. Nec amplius una die ad os ipsum lacunae a fossoribus est penetratum, sed crebrae factæ labes cavernam impediabant. Forte superiore nocte duos arce dimissos utres, plenos olei, vigiliæ exceperant. His ad BRACHIVM delatis, ac coram diffusi iussis, inventae sunt densa ac tereti stipatae cera Praefecti literae ad Suesanum Ducem; petebat, ut quam ocyssime quatuor sagittarios & paulum medicaminis ad se mitteret. Illis supplendo arcis praesidio, hoc curandis vulneribus opus esse: nisi mitterentur, magnum periculum impendere paucitate defensorum. Literas Pacani scripserat nepos, cuius ille opera atque industria plurimum utebatur. Interim, servatis in tempus literis, BRACHIVS enixissime noctes diesque operi perficiendo imminebat. Quod ligonibus exedebatur, id tabulae, in testudinis modum aequatae, sustinebant. Ingens trepidatio custodem invaserat, cum tantum operis, tantum festinantiae, moliri hostem despiceret, & referiens aures fodientium ictus intra turrium convexa penetrabat. Quo enim plus cuniculo accedebatur, eo magis incussi ter-

rae ictus ad testudinem interiora resonabant. Iam res aperte ad lacunae fauces spectabat, cum ille, non inops consilii, recta fronte duas aeneas bombardas directe ad fossore intentas opponit, ut duo inde simul excussi lapides, magna strage, quicquid obvium foret, toto permearent eliderentque cuniculo. Sed eadem hic illa, quæ ad Lyrin annem, fortuna non defuit. Altior prodit cuniculus, quam quo directæ erant bombardæ. Pacanus, ubi videt, occupatum iri ab hoste inferiorem turrim, simul paucos opponit, qui hastis ac telis sustinerent impetum, simul magnam vim aequæ ad superiora comportari, & dolia ac cados, denique quicquid erat vasorum in turribus, compleri iubet. Prosilunt interea pauci milites, & fuga subita evadentibus ad superiora custodibus, vacuum ac desertum lacunae fornicem occupant. Cuniculus assidue magnam vim militum intra lacunae vestibulum edebat. Eunt deinde magno conatu frequentes ad cochleam. Haec, marmoreis atque angustis intorta gradibus, vix singulos, nec tamen hastatos, admittebat. Gladiis peragenda res erat, & primus quisque miles a superne repugnantibus fodiebatur. Tandem in manifesta clade superat periculum virtus. Scandit Centurio primus, duplici contactus arinatura. Hunc cetera subsequitur cohors. Deferunt & hunc quoque locum custodes, seque in alteram longe muni-

nitioſiorem celfioremque teſtudinem recipiunt. Diripit horrea & vinarias cellas miles, & tanquam victoria potitus, dum praeſtaturus turrium ſecreta rimatur, ſpatium tutoribus dat cuncta muniendi. Pacanus, qua cochlea defecerat, ſubmotis repente ſcalis, ſuperne lapides telaque deiecit. Oritur praelium, caedi quam pugnae ſimilius. Quippe alter incutiebat ictus, excipiebat alter, ſi propior acceſſiſſet. Cum nec haſta quidem teſtudinem miles adaequaret, re ad BRACHIVM perlata, ſiccam materiam, & quae alte fumarent, comportari iubet, fumo enecturus, quem ferro domare non poſſet. Sed ea res longe plus ſuis difficultatis, quam hoſtibus, dedit. Claſſo teſtudinis ore, ac flamma fumoque late tenebrante, cum ſubſiſtere milites intra completas caligine anguſtias non poſſent, fuligine obſtricti fauces, incipiunt ſubito referre pedem, eumque locum & ipſi deferunt. BRACHIVS, reiectis ſuis, augendum in prope iam deſperata oppugnatione terrorem, ſubitumque tolli clamorem militum iubet: expugnatas iam turres, & partam victoriam, clamitantium. Ad Pacanum quoque per oſtii compagineſ paulum fumi penetraverat: qui, cum, augente ſuſpicionem metu, nihil de hoſtium reſeſſu cognoviſſet, ac ingentem videret in caſtris verſari laetitiam, veritus, ne quid novi infra teſtudinem moliriſſimis fieret, ſubito eſt percuſſus terrore ſuperatoque ſtatim ſaſtigio, quanta poteſt vo-

ce, mitti sibi quempiam ad colloquium postulat. Cui BRACHIVS, quo magis augeter terrorem, primum quidem vetuit responderi. Mox, illo altius tollente vocem, referri iussit, si quem vellet, emitteret arce, alioquin neminem ex suis missurum. Emittit Pacanus nepotem in castra. Quem ubi procul venientem BRACHIVS est conspicatus, quid sibi vult a me, inquit, magnus iste Pacanus tuus? Respondenti, decem millia nummum, plus, inquit, dimidio lucrati sumus. Viginti millia enim poscebat. Sed modium frumenti & vini cadum arce vix efferet. Tabellis deinde porrectis, & quid, has tu nosti, quas idem scripsisti, literas? neganti a se scriptas, Abi, inquit. Actutum hinc a me defende, si sapis, arcem. Ite, pergit rebelles esse. Idem te, quod patrum, supplicium manet. Vos quidem bombardam me petere ausi estis. At ego iam nunc, quam vos violastis, fidem obtestor, non hinc ante aut deditam, aut expugnatam, arcem moturum castra. Ultro si statim dedideritis, licebit esse impunes; sin vi, quod prope est, repugnantes oppressero: singuli artus singulis moenibus nefariae perfidiae pendebunt exemplum. Literas reddere volentem tabernaculo, irato similis, depelli iubet. His omnibus ad Pacanum delatis, ingentem pavorem, cum acriores solito minae, tum exceptae ab hoste literae iniecerunt. Quocirca rursus vocari e castris iubet,

bet, qui bona fide ad colloquium eat. BRACHIVS, aucto, ut volebat, metu, vocem e tabernaculo reddi iubet: Nihil amplius colloquio opus esse, statim, si arcem aperiat, abiturum quidem impunem, nihil tamen praeter cadum vini & frumenti modium detracturum. Deicit statim scalas Pacanus, Arque in
potestatem
recepta. & quas multorum annorum prava cupiditas exaggeraverat, subitus pavor opes fortunaeque destituit. Diu haerentibus oblique oculis, & aequantibus suspiria lachrymis, tot male quaesitas opes ad tam modicam sarcinam recidisse. Transiit ludibrio conspectus per media castra duobus asellis comitatus, quem modo phalerati equi media urbe magno plausu devehebant. Inveniunt in arce duodecim nobilissimi Campanorum pueri, quos ille, forma atque aetate pellectus, media in pace, tanquam pro obsidibus, corripuerat. BRACHIVS, receptis in potestatem turribus, Campanorum imperio libere potitur. Hic ille civitatem bonis legibus instituere, urbem aedificiis publicis primum, deinde privatis exornare, coestilibus laterculis forum ac vicos sternere, Campanum perhumane & comiter appellare, denique brevi gaudere novo imperio cives coeperunt. His rebus ad Capuam gestis nova accessit laetitia. Cal. Septembribus, paulo ante occasum solis, filius Perusiae ex uxore nascitur. Huic Carolo datum nomen, quem nunc audio Venetorum exercitus Im-

Nascitur Brachio filius.

Hostium con-
ilia,

peratorem, etsi non gloria atque imperio, ipse tamen paternam magnitudinem adaequasse. Hoc accepto nuntio, BRACHIVS, ludis equestribus magnifice publice privatimque in urbe celebratis, in aciem cum omni exercitu proficiscitur. Hostes, male inter se reconciliati, insequi eundem, longo tamen interiecto spatio, decreverant, quippe nec copiis, quae paulatim defecerant ad Regem, nec militum animis pares. Illos plerosque rebelles, finitimis accitos oppidis, additus imperitiae terror agitabat. Paucos veteranos multis in locis male gesta res pristinae calamitatis admonebat, & saepe adversa fortuna suppressit mortalium animos, tollitque secunda. Tum intestinum odium, aemuli duces, discordes exercitus, difficiliora cuncta faciebant, etiam in bona fortuna firmaque virtute magna atque eminentia mala. Contra BRACHII veterani omnes, & invicti milites, solidum imperium, quotidianae victoriae concors exercitus, & sola virtutis aemulatio, cuncta belli atque gloriæ praeclara incitamenta. Tartalia, post turrium defectionem ratus, quod erat eventurum, omnem belli conatum adversus finitimos Aversanos Acerranosque futurum, celeriter motis Sueffa castris, Aversam anteverterat, ut saltem liberis hostium arceret populationes. Agrum Campanum Aversanumque longa interfusa dirimunt stagna, sive sit illud stagnum, sive flumen, fluenti stagno

stagno simillimum. Haec, multis procul
 inde fontibus exorta, uno demum excur-
 runt alveo, mediamque late patentem pla-
 nitiam lapsu quidem facili, sed ulnoso coe-
 nosoque, impediunt, ut, nisi paucis in locis,
 transiri vel media aestate non possint. Et-
 si qua rara pateant vada, ea tamen sunt per-
 angusta, & alte erectis turribus, ad prohi-
 bendas ultro citroque excursiones muniun-
 tur. Sed hostes, ut, rebellione facta, prio-
 res moverant arma, ita prius eas turres at-
 que omnem paludis tractum occupavere.
 Quae res, ut Averfanos tutos ab hostili po-
 pulatione praestabat, ita magnum Campanis
 afferebat incommodum. Agrum enim li-
 bere populaturo hosti noctes diesque in-
 gressus regressusque patebat, nec vi praecin-
 ctæ stagno turres poterant capi. BRACHII-
 ys unam aut alteram, quoniam vi non da-
 batur, dolo capiendam aggreditur. Ado-
 lescentem adhuc quidem ephoebum, sed a-
 nimo, quam aetate, fortiolem, muliebri or-
 natu vestitu, ostenditque, vincendos virtute
 annos, & pulcherrimum facinus, quod o-
 mnem eius aetatem honestaret, audendum
 esse. Falcem deinde messoriam & pana-
 riam laeva suspendit, adito sub veste gladio,
 iubetque, ut errabundus fugam ac metum
 simulet. Custos, mulierem ratus meticulo-
 sam & latebras circa turrim de industria
 quaerentem, ad se vocat. Trepidabunda &
 fugienti similis orans, ut pudicitiae suae ab

Brachii dolo
elusa.

hostibus post terga prementibus consuleret, intra arcem recipitur. Evadit statim mascula foemina per scalas in superiorem turrim, inde, quem effugerat, hostem prospectura. Ubi ad suprema ventum est propugnacula, subducit scalas. Gladium, quem sub veste reconderat, strictum depromit. Eum, qui pro statiuncula vigilabat, ferro clamoreque adoritur; pavidum atque altero traiectum vulnere praecipitem, qua scalarum erat lapsus, deturbat. Custodem deinde, minis saxisque perterritum, inferiore depellit testudine. Aperit ille, qua se dmitteret, portam. Adolescens, abiecta iam pridem veste, depositis scalis, gladio stricto descendit. Iam tota castra turri admovebantur, cum antesignarii exeuntem ac fugientem incidere cepereque hostem. BRACHIVS, occupato ponte, quamdiu paludem miles traiceret, ne quid hosti significaretur, teneri in vinculis custodem iussit. Stagno superato, incautum invadit hostem, populatur agrum hostis bellicue securum. Itur perpetuo impetu in suburbanas Averfanorum villas: eodem altero, eodem tertio incurritur die. Tartalia magnifice aut intra urbem continebat se, aut non procul a moenibus occurrebat fusc palanti hosti. Eius consilio cognito, BRACHIVS, cum parte copiarum ante primam lucem profectus, quingentis passibus progul ab urbe infedit: cetera acie latius excurrere agrum iussa, &
fi

si contra hostes veniret, metum fugamque
 simulare, quo procul inde distractum atque
 interclusum ipse aggrederetur. Nec cogi-
 tata fefellere. Insequentem suos temere
 atque incaute Tartalam ipse a tergo cla-
 mans urgensque adoritur. Ille, insidiis se-
 so cognitis, equi laxatis habenis, dat se a
 laeva praecipitem in fugam. Effugiunt una
 pauci, qui cursum aequare potuerunt: cete-
 ri deficientes opprimuntur. Capti equites
 galeati ducenti. Nec hostes iam inde urbem
 egredi ausi sunt. Tartalia profligato, castra **Acerra dedi-**
 ad Acerras oppugnandas permovit. Sed urbs, **tione recepta.**
 valido munita praesidio, spem omnem ex-
 pugnationis eripiebat. Cinguntur obsidione
 tamen Acerrani, & praeter quam qui in ca-
 stris erant, Neapoli quoque acciti fabri, ar-
 chitectique, qui, comportata, unde proxima
 erat, materia, varii generis machinas extru-
 xerunt. Longus deinde coeptus subruui cu-
 niculus. Triginta dierum, laboriosum quidem
 illud, sed magni terroris, opus, testudo, nun-
 quam ante id tempus usitata, muro quadri-
 gis admovebatur, quae milite sagittisque
 completa, atque altissimis oblecta tabulatis,
 paulo minus adaequabat moenium propu-
 gnacula. Scalas quoque milites compara-
 verant. Acerranos multum nova machina,
 magis tamen ingens cuniculo effossa terra,
 sollicitabat, incertos, quam intra moenia,
 quove urbis tractu cavernae pertinerent.
 Nec pro moenibus solum stationes vigilare,

sed noctes ac dies per omnes excubare domos, ne quo penetraret cuniculus, cogebantur. Iam, quae ad expugnationem usui erant futura, expedita parataque omnia, & subterraneum opus de industria nondum apertum, paulum a coelo recedebat, cum Acerrani, veriti urbis direptionem, non expectato pugnae discrimine, praesidia & urbem dedunt. Fuere in praesidiis Praefecti militares quatuor, totidemque centuriones: satis firma tuendae urbi manus, nisi cives, excutiente virtutem pavore, trepidassent. Haec dum ad Acerras geruntur, BRACHIO nuntiatum est, Ianuam, potentissimam mari ac terra urbem, a Duce Mediolanensium intestino bello esse subactam, percussaque inter Pontificem & Ducem foedera. Nec dubitabat, Ducem, ad perniciem Florentinorum, Pontificem ad suam, magna excitaturos bella. Per hos dies, cum Acerrani obfiderentur, Sfortia profectus Averfam, vel odio iam pridem concepto, vel defectionis metu, Tartaliam, nihil tale suspicantem, in convivio captum, securi indicta causa percussit. Odio id factum, an defectionis metu, nec fama novit, nisi quia praecipites agit invidia mortalium animos, & imperandi cupiditas aequalem aspernatur. Sunt enim, qui affirmant, Sfortiam ad lectissimas illius copias nimis avidos iniecisse oculos, arbitratum, id quod minime fuit futurum, illius milites, Imperatore amisso, eius ductu auspi-

Foedus inter Pontificem & Ducem Mediolanensem percussum.

Tartalia a Sfortia occisus.

auspicioque militaturos. Sed dolore amissi
 Ducis accendente invidiam, quippe quem
 nulla causa caesum asserebant, fortissimus
 quisque clam aperteve, quae commodior
 dabatur occasio, ad BRACHII castra fu-
 giebant. Hic primum non militum solum,
 sed etiam popularium, animi paulatim a
 Sfortia deficere, Pontificeque alienari coe-
 perunt, ut solent scelera vix ipsis placere,
 qui committunt. BRACHIVS, post re-
 ceptas Acerras, veritus, ne quid Sfortia in
 proximos Campanos moliretur, Capuam
 revertitur, turpissimum factu ratus, si in
 media victoria & Principatus sui initio Cam-
 pani direptionem agrorum, aut tale aliquid
 hostile pateretur. Sed tutam a bello civita-
 tem acerbior invaserat fames. Frumenti
 quicquid publici superfuerat, ante adven-
 tum Regis Neapolim comportatum, privati,
 quod extiterat, cives superioribus stativis
 depromserant, & praeterea bella partim
 exhausserant rem frumentariam, partim
 excoli agrum & sementes fieri prohibue-
 rant. Igitur ad alendum militem necesse
 erat aliunde frumentum comparare. Tra-
 ctus maritimae orae, qua Vulturnus per lo-
 ca vasta atque herbida desertur in Tyrrhe-
 num mare, commodissimus primum visus
 est ad marinos comneatus excipiendos. Sed
 littus invium atque importuosum frustrari
 speculatores videbatur: tum iter per Vul-
 turnum amnem longum ac perdifficile, ob-
 liquo

Illius copia-
 rum ad Bra-
 chium fuga.

Capuae anno-
 nae caritas,

adventu Bra-
chii sublata.

liquo atque adverso navigantibus flumine: terrestre iter multo magis periculofum. Quippe per medios ad Averfam hostes transitus erat faciendus. Sic, quacunq;ue, vel mari, vel terra, frumentatum pergerent, aut immensum laborem, aut magnum discrimen, subituri videbantur. Res iam ad summam venerat necessitudinem. Miles fame gravi: civis maiori, quam ferri posset, caritate premebatur. BRACHIVS, ut hac quoque parte iuvaret Campanos, frumentatores cum maiore parte exercitus ad comineatus supportandos Neapolim dimittit. Ipse, cum reliquis copiis intentus pugnae, si quid accidisset, longa manu sequebatur, sic instructus ad pugnam, ut, si hostis occurrisset, composito esset agmine. Idem facit continuis pluribus diebus, facto semper per Averfanorum fines atque ante ipsas portas itinere. Sed labori tam continuo subeundo durare equi non poterant, simulque univcrsum fatigari exercitum uno comineatu oportebat. Mutat ergo consilium BRACHIVS. Ducentos frumentatores inermes, sine hasta, sine sella, dimittit, qui Neapoli frumentum equis advectarent. Duos deinde tubicines inter Averfanum Neapolitanumque agrum, totidemque inter Campanum atque Averfanum, non procul a via regia in occulto locat: iisque imperat, ut, si ad comineatus impediendos hostes exeat, ut putabat exituros, qua parte
id

id fiat, repente tuba significant. Regi praeterea scribit, ut suas & ipse copias in parato teneat, ut, cum classicum cecinisset tuba, impetu magno concurrat ad hostium portas. Idem ipse fecit, instructa parataque acie, cum non procul a finibus hostium confedisset, tubae signum operiebatur, celeriter & ipse ad portas incursurus. Sic erat futurum, ut, quacunque hostis egressus urbem invaderet iumenta, interclusus gemina acie, occupatisque ab hoste portis, receptu prohiberetur. Nec destituit fortuna confilium. Sfortia, cognita per exploratores inermi paucitate, commeatum inter Capuam atque Averfam est adortus, existimans, eo negligentius incautiusque rediturum frumentatorem hostem, quo magis Capuae appropinquaret: & impedita gravi onere iumenta spem subitae praedae faciebant. Tubicines, cognito hostium egressu, atque militum audito clamore, quantum altissimum possunt, edunt classicum. Quod excipientes alteri tubicines, classicum & ipsi cecinere. Regiae copiae, quia remotiores fuere, tardius quidem, sed tamen magno ad Averfam cursu, pervenerunt. BRACHIVS, instructa, ut erat, acie, prodiit in apertos campos, & diripientem commeatus hostem concitatissimo invadit impetu, clamoreque perterret. Inconditi hostes, & ad praedam capiendam dissipati, nullo commisso praelio,

Sfortia cum
suis a Brachia-
nis in fugam
conjectus,

variis & ita ferentibus temporibus, intermiserent. Non dubitare, curae illi futurum, si nullius rei, quam veteris amicitiae, meminisset. Ad haec BRACHIVS omni comitate affatus ordine respondit. Nec oblitum veteris beneficii. Nullas sibi, neque secundas, neque adversas, res tanti fuisse unquam, ut eius in se merita excidissent memoria. Nihil intercessisse offensionis. Quod si quid intercessisset, non magis, quid mali quisquam in se fecerit, quam quid boni, id demum esse cogitandum. Defineret bella commemorare, quae tamen apud viros integros longe plus aemulationis haberent, quam invidiae. Non mediocres habere gratias, quod hostis nulla re, praeter privatam amicitiam, fretus, in sua castra inermis incomitatusque venisset. Hoc non hostilis animi fuisse indicium. Nam qui multum sibi de hostis benignitate persuaderet, eum ostendere, non se hostem, sed socium esse voluisse. Utcunque se res haberet, polliceri operam suam, non factis, non dictis, defuturam. Nec quicquam amplius eo die est actum. Postridie Sfortia, duobus comitatus liberis, rursus ad colloquium revertitur. Hic primum de reconciliando illo Reginae agi coeptum, & BRACHIVM, ut quamprimum in Hetruriam rediret, multa sollicitabant. Amor patrius, quo nihil ad trahendos mortalium animos efficacius. Revocatio Florentinorum, qui statim post factam in-

ter

ter Pontificem & Mediolanenses societatem, Legatos ad eum miserant, ut, quam maturissime posset, in Hetruriam cum exercitu reverteretur, ne quid repente de improviso excitaretur belli. His igitur atque aliis de causis primum omnium Sfortiam Reginae per literas reconciliat, eique persuadet, nihil eius Regno futurum commodius, quam si belli causam, Sfortiae contentionem, sustulisset. Motis deinde ad Matalonium castris, oppidum in fidem redegit. Sed oppidani, Reginae imperium iam pridem aspernati, BRACHII signa sustulerunt, ea conditione venientes in potestatem, ut illius iussis, non Reginae, parere cogerentur. Matalonium omnia, quae rebellaverant, oppida secuta sunt: undique delatae ultro civitatum claves. Proceres quoque post victum Sfortiam rebus suis consulere coeperunt, atque omnes Legatos, pars ad Reges, pars ad BRACHIVM, de pace miserunt. Hic finis fuit tanti belli, quod maiore apparatu, quam periculo, gestum est. Quippe nunquam signis utrinque collatis est dimicatum. Oppida pauca vi expugnata. Nec defuit iis gerendis rebus illa ipsa toties iam auxiliata celeritas. Intra paucos enim menses peracta res est, ut suppressum statim exortum bellum magis, quam gestum, fuisse videatur. His rebus ad Matalonium gestis, BRACHIVS, relicto ad Capuam exercitu, Neapolim proficiscitur. Hic cum Re-

ac Reginae
conciliatus.

Matalonium
in fidem re-
ceptum.

Finis huius
belli insecu-
tus.

Proficiscitur
Brachius Ne-
apolim,

Sfortiamque
copiis regis
præficiendum
curat.

gina egit, ut Sfortia primum in amicitiam ac fidem reciperetur : deinde, quando se Florentini ad componendas Hetruriae res communeque tuendum imperium revocarent, ut exercitui quoque eundem legionibusque praeficeret. Durum id in primis Reginae videbatur, ut sero mulieres iniurias oblivisci solent, suntque ad vindictam, quam veniam, promptiores. Persuasit deinde, quam periculosum foret sine exercitu teneri Regnum, quantoque periculo suis haberi sine duce exercitum. Tandem non tam assensu est, quam non denegavit. Regis quoque autoritas intervenerat, periculum futurum magis, quam praesentem iniuriam volentis animo. Fore enim videbat, ut virum consilio manuque eximium, aut ducem exercitus, aut, si quid unquam res titubassent, hostem, esset habiturus. Nec quisquam illo in Italia, post unum BRACHIVM, militia clarior. Ergo receptus in fidem Sfortia, & sacramento adactus, regiis copiis praefectus est, eique ex foedere est imperatum, ut neque Regno decederet iniussu Regis Reginaeve, neque trans Aternum amnem, nunc Piscariam vocant, exercitum traduceret. Is terminus, is finis provinciae suae foret. Quippe extremos Samnites, Aquilanos, Matercinos, omnemque montanae regionis tractum, ad Picenum usque BRACHIO dono dedisse Reges ferebantur. Sunt tamen, qui, non dono datam, sed praef-

praesidio obtinendam, eam provinciam decretam affirmant. Rebus sic compositis, **BRACHIVS** in **Hetruriam** circiter **Ca-** Hinc redit in
Hetruriam.
lendas Apriles cum exercitu rediit, aegre eius discessum Rege Reginaque ferentibus. Rex, instructa classe, Caietam usque abeuntem est comitatus. Exercitus profectus terra, Dux ipse mari cum Rege delatus, ad agrum Minturnensem convenere. Hic expositum Rex amplexus osculatusque, milites quoque certatim pro se quisque, mansuetissimum valere iubet Regem. Inde, toto itinere clamantes, in **Hetruriam** victricia arma, victricia signa, referebant. Comitatus abeuntem ex Regno nobilissimi quique: sed ad multam congressos viam, suam quemque domum abire iubet. Ipse, magnis & continuis factis itineribus, per medios **Samnitas** in **Picenum** contendit. Ibi paucos dies ad exigenda tributa, quae pendere quotannis **Picentes** consueverant, demoratus. Superat deinde magna cum celeritate **Apenninum** montem, factoque per **Eugubinorum** fines transitu, **Tyfernum** urbem pervenit. Locatis non procul ab urbe castris, per caduceatorem bellum **Tyfernatis**, nisi pareant, denuntiat. Eius adventu magnus civibus iniectus est terror, ut solent subita mala vel fortissimo cuique esse terrori. Agebant quoque trepidationem **Tyfernatis** exules, quorum ingentem numerum hostium castra secutum audiebant.

Tyfernates
ad deditionem
adhortatus.

cum eorum
Legatis ser-
mone miscet.

bant. Praesidia comparaverant nulla: Pontificis opem, quod urbis jure cessisset, minime implorandam existimabant. Si deditio- nem fecissent, exules, diu secuti hostem, futuri civitatis Principes videbantur. Si iure agenti restitissent, haud dubium putabant, obsidione, fame, ferro, ultima esse passuros. Tot circumventi difficultatibus, fecissent primo statim hostis adventu deditio- nem. Sed domesticae simultates, civiliaque etiam inter eos ipsos, qui domi regnabant, odia, prohibebant, opprimebanturque utilia atque honesta consilia civitatis intestino dissidio. Igitur veritum est, ne exules reducerentur. Deditio- nis consilium reiecere. Missi ni- hilo secius Legati, qui bona venia pacem postularent; ceterum de exulibus nullam acciperent conditionem. BRACHIUS Legatis respondit, non aliter pacem dare se posse, quam si ipsi sibi dederent civita- tem. Nullam facere iniuriam, qui sua iura postulare. Hoc unum scirent, non se pro hostibus, qui deditio- nem impedirent, sed inimicis, & quidem acerrimis, habiturum. Non hic bello petere alienum imperium; sed iure suum vindicare. Cogitarent, si a quoquam ipsi agris, aut fortunis, quo mi- nus frui possent, impedirentur, quonam tan- dem animo essent latu- ri. Multo sibi suas urbes, quam illis ipsorum agros, esse cario- res. Accepisse a maioribus, illos miseros esse, qui nova parere nescirent; illos omni-
um

um miserrimos, qui retinere parta non possent. Iampridem sibi eam urbem stipendio & sanguine partam esse, non invito bello correptam. Nunc, si opus esset, bello acturum in Tyferrates, qui mala fide possessa sua bona, suum imperium, ne nunc quidem restituerent, cum peteretur. De exulibus nulla facta mentio. Legati re infecta, minis ac metu pleni, discesserunt.

BRACHIVS, ubi videt, segnius civium rem procedere, nec minus impelli ad deditionem, posse, prius admovet castra: nec tamen agrum infestat, ne tunc quidem agentibus de concordia civibus. Totius agri castella, etsi nihil hostile sentiebant, intra paucos dies a civibus defecerunt: quatuor duntaxat mansere in fide. Nec illa tamen

Tum castra
admovet.

hostiliter vexata. Metere, arare, pabulari, omnia denique mediae pacis opera passim permittebantur. Interea res urbanae tumultuosius agitari coeptae. Alii solvendam deditione obsidionem, alii frangendum, si possent, pecunia hostem, in consilio disceptabant. Haec potior fuit sententia. Missi iterum de pace Legati, qui annuo tributo quinque millia nummum, si hostis bello decederet, patereturque, liberos esse Tyferrates, pollicerentur. Legati pretio preces adiecerunt, orantes, ne finitimam, & optime de eius maioribus meritam civitatem perditum iret. Sineret liberam esse, quam nulla vis externa ante id tempus, neque pa-

Alii Tyferrates
Legati.

ce, neque bello, subegisset. Commodiorem illi Tyfernautium amicitiam, quam servitute[m], futuram, nec plus, subacta civitate, quam liberis civibus, vectigalium percepturum. Vix quinque millia nummum exigi vectigalibus posse: & tamen custodias arcis, munia civium, Magistratus urbis non aliunde parandos esse. In maximis auctionibus vix summam eo demum accedere, ut ali res urbanae cum dignitate possent. Omnia tamen citra servitutem passuros cives. Hanc unam minus honoris habere, quam ferre Tyfernautes queant. Aut mori ante communem servitutem, aut vivere publica in libertate, statuisse: nec libertatem illis fide esse potiorum. Quae promitterent, rite pureque praestituros omnia. Uteretur amicis, quos servos sine urbis excidio habere non posset. Non latebat BRACHIVM, omni humana divinaque ope destitutos, obsidionem diutius pati non posse, non frumentum, non comineatus, non, quod omnium erat maximum, spem illis auxilii, subesse. Itaque Legatis respondit. Nihil sibi Tyfernautium pecunia opus esse, nec pro alienis fortunis unquam, semper tamen pro sua gloria atque imperio, ad ultimos, ubi res tulisset, fortunae se impetus obiecisse. Nunc multo ardentius repetiturum suas, quam ante cuiusquam opes invasisset. Nectam insignem contumeliam atque iniuriam, ut ludibrio foret Tyfernautibus, esse passurum. Nam, quid ludifica-

Brachii re-
sponso.

ficarentur? quid, quando liberos fuisse Tyferrates, aut cui Pontifici non servisse domini, illos non servitutem aspernari? Magnam tamen esse temeritatem ac demeritiam, exasperare, quem iura atque arma essent factura dominum. Quo diutius hoc differrent bellum, eo se gravius illis imperaturum. Nam quid fidem, aut amicitiam, iactarent? Non posse amicos esse, qui de fortunis aperta vi magis, quam manifestio iure, contenderent. Si iuri ac legibus arma cessissent, cur non nunc statim sibi fuisse parituros? Si armis agenda res foret, cur suum nunc tandem imperium recusarent, amisso agro, destituti omni ope, qui Pontificibus solo metu, nullo bello, paruisent? Cessisse sibi Pontificem suo iure. Si rite cessisset, quid ipsi impedimento essent? cur iniuriam facerent suas res vendicanti? Sin nihil Pontifici fuisset iuris, non melius illum tenuisse imperium, quam se invasurum. Nec turpe esse Tyferrati populo, servire coactos bello, qui media in pace, omnique tranquilla Italia, servissent. Nam, quae ad vectigalia spectarent, curae sibi fore, ne quid sibi civitas caperet detrimenti. Non ideo se imperium quaerere, ut alienas avide extorqueret fortunas, quarum nihil indigeret, sed ut haberet, in quos benigne largiretur suas. Irent bono felicique auspicio. Dederent sponte civitatem, quam, nisi nunc darent, paulo post inviti coactique

essent daturi, & quod victoris ira suaderet, direptiones, incendia, & extrema quaeque, subituri. Inirent hanc gratiam, fervarentque civium opes, nec summa cum acerbitate in praedam & direptionem agi paterentur. Si pugnam expectarent, nihil se civitati consulturum esse: omnia militi in praedam cessura. Si deditionem sine praelio fecissent, daturum operam, ut neque publice, neque privatim, sui quenquam imperii poeniteret. Tyfernates, cum duabus legationibus nihil profecissent, animos ad tolerandam obsidionem acrius confirmavere, id solum sperantes, aliquos futuros motus in Italia, quibus averti hostis bello, atque obsidione excedere, cogeretur. Spes erat magis, quam consilium. Ergo BRACHIVS, cognita pertinacia, castra propius locat: munit fossa & vallo, ut plane ostenderet, non se inde, nisi aut victum, aut capta urbe, posse divelli. Vigilibus castrorum imperat, ut egressum civem, si quis forte egrediatur, intercipient, habeantque in vinculis. Nam ante eum diem clementius cum civibus agebatur, & egrediendi, & redeundi, liberis. Interea vineta & oliveta circum urbem igni ferroque vastare, villas passim ac late incendere, casas solo aequare, omnia denique licentius agere, coeperat miles. Tum primum civibus bellum terrori esse, ut cuique sua incommoda urbi erant propinquiora, ita dolor ex prospectu

Inde arctiori
obsidione
cinctum Ty-
fernum

specto incendio & desiderium crescere. Sed tanta erat animorum pertinacia, ut ultima experiri, quam facere deditionem, decrevis-
sent. BRACHIVS, etsi munitissimam vi-
debat fitu urbem, & expugnari perdiffici-
lem, omnia tamen prius tentanda, quam in-
de discedendum, statuebat. Tyernas prae-
sidia largius disponere, moenia, turres, pro-
pugnacula, saxo telisque complere, trepidare
quidem animo, voce tamen hostem con-
temnere. BRACHIVS, ubi videt, rem
ad oppugnationem spectare, quod opus fo-
ret maiore peditatu, mittit, qui Perusiae de-
lectus peditatum habendos, quique bombar-
das importandas, curarent. Quinque millia
peditum ex urbe agroque delecta. Horum
pauci erant sagittarii, maior pars loricati,
clypeatique, dolabris, verutis, falcastrisque
terribiles, & quae praeterea civiles factio-
nes varii generis invexerant arma. Perusi-
norum adventu plus hostibus iniectum ter-
roris, quam BRACHIO spei additum. Illi
numerus & virtutem expavescere. BRA-
CHIVS, quo magis Perusinarum, insitum
natura corpori animoque, robur cognosce-
bat, hoc minus libenter periculis obicien-
dum putare totius Italiae florem. Nec e-
nim ulla gens Perusinis bellicis in rebus in
Italia comparanda. Vix nati obequitant, cur-
sitant, infiliunt, desiliuntque, & aetatem, su-
pra quam dici potest, virtute antecedunt.
Saepe citra ephoebos singulari dimicant

certamine, & domi educatos, egisse foris aetatem, & institutos militiae, putes. Horum tantum numerum privatae inter se contentiones ardentius ad pugnam excitabant. Illi primis sibi cani signum, primi muros scandere, primam dari sibi aciem, postulabant. Nec quisquam libentius otium & quietem agere, quam illi praelium adituri, videbantur, ut suam quisque virtutem aemulatione ostentaret. Ea res BRACHIVM, veritum, ne illa virtutis aemulatio in periculosam temeritatem verteretur, aliquot dies ab oppugnatione continuit. Durissimum enim putabat, ad tantum discrimen cives devocasse. Ceterum haec eadem consilia potius urbis & occupandi temporis cupiditas discutiebat. Itaque, omni reiecta cunctatione, primum testudinem, quanta summa potest, altitudine aedificatam, muris iubet admoveri. Eam complet munitis gravissima armatura veteranis. Porro turri, quae pro portis imminebat, duas opponit intentatque bombardas. A lateribus frequente collocat sagittarios. Perusinum peditatum, aliquanto lassius circa hostium munitiones explicatum, subrigere scalas iubet, ut, si ad testudinem concurrissent propugnatores, tum demum ipsi vacuas moenium stationes occuparent, evaderentque ad summa propugnaeula. Urbem scarum ordines praecinxerant. Aliquot enim continuos dies ad eas conficiendas consumserat pedes. Horren-

rendam tot simul scalarum faciem, ubi conspicati sunt Tyfernates, in se atque in sua moenia ordine adventantium, trepidare, vociferari, & sese complangere, haud aliter, quam capta urbe, coeperunt. Exaudiebantur lamentabiles civium in castris voces. Nec quisquam de moenibus defendendū, omnes de fuga & latebris cogitabant. Pauci erant Primores civitatis, quorum opera hostibus resistebatur. Hi, ubi publicum pavorem, **Deditione recipit Brachius.** subitamque trepidationem sunt conspicati, veriti, ne urbe expugnata direptaque, in poenam ipsi peterentur, neve, si hostis non vicisset, tamen caedes civium, quas praelio fieri defensorum erat necesse, conflarent invidiam, nullo adhuc iacto telo, clamant, deditos esse. Iussi statim aperire portas, repente aperiunt. Obsides imperati. Continuo Primores emittunt civitatis. Hic finis fuit Tyfernatici belli. Quos non obsidio gravis, non vastata praedia, movere poterant, intentata oculis scalarum multitudo perterruit. BRACHIVS, dimisso pediatu, rebusque ad Tyfernum compositis, paucos post dies & ipse Perusiam proficiscitur. Hic, quam unquam alias, magnificentius exceptus a civibus, publice egit gratias, & pedites egregie pro concione laudavit, non inficiatus, illorum opera conterritos esse Tyfernates, nec aliter deditionem fuisse facturos. Interea publica aedificia **publica aedificia refici curat.** pleraque omnia resecta. Suffossus ad Thra-

Thrasimenum monticulus, undeeducta in Perusinum agrum aqua latius incrementum, & in Cortonensem latius fundi, atque expandi non posset. Opus huic seculo, etsi nulla alia re, certe magnitudine ipsa, conspicendum. Octingentos passus in longitudinem producta fossa, quae, centum octoginta cubitorum continens altitudinem, perpetuo compacta muro, alveus est hyberni fluminis. Nam aestate nec recipit Thrasimenum alienas aquas, nec refundit suas. Tunc vero, continuis auctus pluviis, late occupaverat loca, & finitimas littori villas passim obrutas ac mersas absconderat. Montes enim altissimi circum prominent. Inde praerupti, sicque aestate torrentes, hyeme ad convexa lacus ingenti fragore delabuntur. Nec ductus usquam patebat, unde defluens montium iugis aqua decurreret. Sed quantum hybernis crevisset fluctibus, tantum aestivi soles hauriebant. Interea quievisse paululum a continuis laboribus milites videbantur, cum Legati Regis Perusiam venire, initia novarum rerum nuntiantes. Statim post BRACHII discessum magnos coeptos motus in Regno, quasdam civitates maritimae orae crebra inter se consilia agitare, Procere atque optimates clam coetus facere, occulte cogi exercitus, nec tamen aperte quenuquam adhuc defecisse. Sfortiam captum a Regina, & durissima tortum quaestione. Nihil tamen com-

per-

Legati Regis
Siciliae.

pertum fraudis, eamque ob rem illum Reginae ac Regi non iniuria esse suspectum, ut solent mortales non facile credere, quibus iniuriam fecerunt. Petere Regem, ut aliquid Italici praesidii traiceret in Regnum. Nam Valentinis, Catalanis, Hispanis, Italos natura infensos esse. *Missi sunt equites* *Missi auxilij*
 quadringenti, haud sane contemnendum *Brachiani.*
 primo in tumultu robur. Nicolaus Picin-
 nus praeesse iussus, quanta potuit celeritate, Neapolim est profectus. Eius adventu paululum sedata res est, non tamen metu praesentis exercitus, quam quod, subsequendum ceteris copiis BRACHIVM, frequens fama vulgaverat. Ad quem acciundum alteri missi a Rege Legati, Campani principatus insignia, aureum torquem, auream coronam, attulerunt. Coronatus est Idibus Februariis. Negotium tantae rei honestandae Fulginatium tyranno Legati dederunt. Erat enim is natura rerum omnium magnificus ostentator. Primum forum omne quam altissime pendentibus obtectum velis. Palatium deinde crispan-
Nova Brachii dignitas,
 ti auro purpuraque late stratum, & qua defecisset aurum, argentea excipiebant purpurata stramenta. Medio in palatio ebore atque auro distincta sella, eaque celsè conspicienda, fulgebat. Hinc atque inde dispari ornatu pressiora subsellia. Sellam BRACHIVS conscenderat. Prima subsellia Legati, altera magistratus urbis, cetera pro-
 mi

Legati, ad
Pontificem
missi,

re infecta redi-
erunt.

Brachii iter
Neapolim su-
scipitum.

quotannis facere consueverat, semestre stipendium militibus distribuit, iisque imperat, ut Idibus Martiis Tudertum omnes instructi paratique conveniant. Interea Legatos ad Pontificem, quid animi haberet, & hostis, an socius, futurus esset, sciscitatum misit. Princeps legationis Bindaccius Florentinus, eloquentia & consilio clarus. Sed Pontifice magnis rebus intento, & multa adversus Florentinos coquente, Legati nihil, praeter mera verba, retulerunt. Satis apparebat Pontificis & Mediolanensium foedus ad Hetruscum bellum spectare. Utrunque enim arma ciebantur. Nec Florentinos hostium consilia latebant, qui omni studio conati BRACHIVM in Hetruria memorari, ubi tendere illum ad Reges destinatumque bellum viderunt, aliunde copias sibi atque exercitum quaesiverunt. Ex BRACHIANIS etiam militibus quadringenti equites eorum auxilio relictis. Per hos dies quidam de prodenda arce Spoletana ad BRACHIVM detulerunt. Sed, re per arbitrum patefacta, conatus incassum reciderunt. Idibus Martiis, qua die iussi erant milites in Tudertinum convenire, BRACHIVS, exercitu in aciem educto, haud amplius, quam duo passuum millia, processit. Ibi, militari more lustratis copiis, equitum tria millia ducenti, peditum circiter mille, comperti. Hac manu ad componendum Regnum, reconciliandosque Reges, profici-

ficiscens, ad paucos dies in fines Aquilano-
 rum pervenit. Hanc enim illi provinciam Descriptio
 Regina decreverat. Aquila magnitudine Aquilae, urbis.
 quidem una inter Italiae urbes, sed agresti-
 bus, quam civibus, longe frequentior, geli-
 diffimis clauditur, & perpetua nive rigenti-
 bus, montibus. Incolae pascendo pecori,
 lanificiisque intenti, magnas opes ac pecu-
 nias congefferunt. Ceterum asperi atque
 inculti, & cum suis nati montibus, ut pluri-
 mum peculiaris industriae, ita nihil civilis-
 ornatus, urbanaeque lautitiae, retinent, fini-
 timis nulla re magis, quam multitudine, for-
 midandi, agrum sibi peperere montuosum,
 & sex atque octoginta oppidis castellisque
 frequentem. Interea, dum in Samnium Insidiae Regi-
 BRACHIVS proficiscitur, Regina, cui ni- structae a Re-
 hil praeter instabilitatem erat stabile, Regi gina.
 tendit insidias. Dubium, suasa Sfortiae, an
 quo licentius concitatae libidinis frena la-
 xaret. Quem cum excipere non posset,
 Hispanum exercitum diripi a Sfortia, pelli-
 que urbe militem, iussit. Rex fortuna &
 Deum, quorum erat observantissimus, auxi-
 lio fretus, per medias elapsus insidias, ad Ca-
 stellum novum, maritimam arcem, effugit;
 collectivaeque celeriter suis, ac maioribus ac-
 citis ex Sicilia copiis, impetum in urbem
 fecit. Maior pars civitatis direptui data,
 mulieres contra ius belli, tamen citra libidi-
 nem, abreptae, atque in Hispaniam transve-
 ctae, Regina cum paucis in montanum ef-

fugit arcem. Inde faces odii, inde futuri belli clades exorta. Oblita paulo ante recuperati regni & praeteritae calamitatis, BRACHIVM hostem, Sfortiam exercitus Imperatorem, declarat. Aquilani, secuti Reginam, si aliter nequeant, bello arcere BRACHIVM instituunt, prohibito frumento & com meatibus, denuntiant, ut agro finibusque decedat. Ille, ubi audit, hostem se declaratum, praeterito beneficio praesentem iniuriam stimulante, Regis quoque literis sollicitatus, ferro sibi viam facit. Hoc initium fuit Aquilani belli. Sunt tamen, qui affirmant, ante petitem infidijs Regem, Aquilanos solos ex ea provincia BRACHII imperio parere noluisse: sic ira percitum movisse adversus eos bellum. Varios habeo autores. Ceterum res in se fit. BRACHIVS, fines Aquilanorum ingressus, Legationis munus obire per Samnium & Pelignos coepit, citare in ius reos, mutare vigilias, cooptare novos magistratus. Aquilani non modo dicto audientes non erant, sed transitum per fines facere, frumentum, com meatibus, exportari, prohibebant. His de causis itum est hostili agmine in agrum Aquilanum. Primo impetu Posta, oppidum, expugnatur. Inde Ocrimum, inde Paganicum, Navellum, Largianum, inde, finitima quae erant castella cuncta, vi ferroque subacta. Quicquid praelio tentatum, id omne virtute militum superatum, direptumque est;

Nec

Aquilanorum
perfidia,

Bello ferro-
que vindicata

Varia oppida
atque castella
expugnata.

Nec ullo in bello opulentior factus miles, pecorum multitudine. Sed agri defectu, magna iam obsessae urbis incommoda secuta, metus seditionum intestinarum, dolor succisarum arborum, sublata ab obsidione pascendi, quod erat reliquum, pecoris facultas, omnium maxime fames, invictum naturam malum, urgebat. Hanc non patientia leniri, non animi magnitudine ferre, diutius poterant. Huc accedebat metendi frumenti desperatio, & praesentem famem futurae inopiae metus asperabat, fecissentque deditionem cives, nisi paucorum factiones praevaluissent, durissima quaeque patientia, quam deferendam Reginam, existimantium. **BRACHIVS**, totis viribus ad firmandam urbis obsidionem, omnes aditus, ne qua supportari clam frumentum posset, intercludit. Stationes militum, circa urbem dispositae, civem egressu prohibebant, &, ne qua erumpi in munitiones posset, gemina fossa valloque muniverat. Sic hostibus, undique legione circumdatis, neque coelo, neque terra, auxilii spes erat. Sed invidens magnitudini rerum gestarum, quasi iam tum mutari coepta, fortuna solvendae obsidionis viam aperuit. Forte per hos dies Larigianum, quod oppidum initio belli ceptum in agro dicebamus, nulla vi, aut metu, ad hostes defecerat. Haec res adeo **BRACHIO** est visa indigna, ut ad puniendum perfidiam, soluta statim urbis ob-

Aquila obsessa.

Defectio Larigianorum.

dione, contenderet. Motis ad oppidum castris, continuis praeliis totum biduum frustra oppugnat. Oppidani subito post cogitatam rebellioem, quicquid ad tuenda moenia opus foret, tela, saxa, trabes, intra oppidum comportaverant, & postquam adventare hostilem exercitum intellexerunt, praesidium ex finitimis acciverant, magno animo paratos ad obsidionem ferendam. Situs quoque loci, natura egregie muniti tuebatur. Cincti durissima obsidione, fortissime se defendebant. Nec quicquam ardentius ad moenium defensionem, quam commissae perfidiae scelus, accendebat, desperataque venia ex ignavissimo & timidissimo quoque strenuissimum atque audacissimum faciebat. Interim, ubi occasione, Aquilani, quod videbant, hostem ad urbis obsidionem reversurum, civitatem frumento & commeatibus suppleant, moenia, si qua facta labes esset, muro, turribus, propugnaculisque, communiunt. Legatos, qui a Regina opem implorarent, dimittunt, exercitum & ipsi quoque, pro tempore atque loco, ad praesidium comparant. Denique, quicquid praesens necessitas periculi exposcebat, diligentissime executi. Maxime omnium, collectam ex suo finitimorumque agro segetem intra urbem supportant. Annos universi ad difficillima quaeque confirmant. Non dies, non noctes, a labore In quos expu- muniendae urbis cessatum. Oppugnatio inter-

interea procedebat, nec ante captum oppi-
 dum, quam pauci milites, cuniculo intra ^{gnatos paulo}
 moenia subgressi, refractis celeriter portis, ^{crudelius sae-}
 irrumpendi viam ceteris patefecerunt. Fa- ^{vitum.}
 cta est caedes inagna resistentium, & quasi
 mores iam cum felicitate mutare fortuna
 coepisset, turpiter potius, quam crudeliter,
 in omne genus virorum mulierumque sae-
 vitum. Libera virum corpora in praedam
 militi concessa. Mulieres femore tenus,
 recisa veste, denudatae, atque in urbem
 compulsae, turpissimum & hosti, & civi,
 fuere spectaculum. Quippe semper alias
 ditipiendis oppidis mulierum pudicitiae at-
 que honestati consuluerat. Centurionem,
 viri puellae innuptae Aceris afferentem,
 ipse interemerat. Militem, petulantius in
 mulierem Campanam inestum, caedi su-
 stibus iusserat. Nunc, vultu coeptis muta-
 ri cum fortuna moribus, ne suae quidem di-
 gnitatis & modestiae habuit rationem. Hanc
 tam effrenatam atque immoderatam belli
 rabiem ne ipsi quidem milites probaverunt.
 Voces totis castris exaudiebantur, novam
 ducis aut saevitiam, aut iram, execrantium.
 Plerique, diuturnam felicitatem accusantes,
 nimiam ab secundis rebus insolentiam cri-
 minari. Non nulli naturam illam contem-
 dere Ducis esse, non iram. Quippe semper
 alias perfidiam ac fraudem perosum, ceteris
 in rebus humanum clementemque, fuisse. ^{Aquilanorum}
 Haec res non modo auxit civium per- ^{pertinacia.}

tinaciam, sed ex hostibus, non duris inimicos effecit acerrimos. Tum, si qui erant in civitate, quibus hostium partes non displicerent, ita omnium subito conversi sunt. animi, ut mori prius, si res exigeret, quam vel aequae pacis inire consilia, nedum dedicationis, publice coniurarent. Sic verba factis prosecuti, summa civitatis ac fortunae paucis permessa, taciti atque obstinati, rerum eventum expectabant. Nec BRACHIO, nisi in fame & lassitudine, spes erat. Civitas, maxime populosa, edito sita monticulo, muro, fossa, valla, circumdata, non modo irritam oppugnationem, sed obsidionem militi gravem ac difficilem, faciebat. Dum haec ad Aquilam geruntur. Florentini, commisso cum Mediolanensibus praelio, acie sunt superati. Quae res occasionem traieciendi in Samarium exercitus Pontifici & Mediolanensibus praebuit. Illic enim caput totius belli stare videbatur, & ipsi paulo ante foedus cum Regina percusserant. Florentini, re male gesta, nihilo secius instaurare bellum, reparareque exercitum, adorti, magnis habitis delectibus, ad BRACHIO quoque auxilium petatum misere. Illi durum quidem, diminuere copias, multo tamen durius, tam bene meritos socios deferere. Utrum faceret, magno futurum periculo, cognoscebat. Si Florentini, adversa pugna profligati, hostibus non resistissent, facile illos ad obsidionem solvendam in

Florentini a
Brachio auxili-
um petunt.

in Samnium traiecturos. Sin exercitum ipse
 diminueret, vel oppidanos obsidionem eru-
 ptione soluturos. Reginae quoque magnus
 apparatus nuntiabatur. Haec cogitantem
 Legatorum preces, ut auxilium, afflictis Flo-
 rentinorum rebus, mitteret, perpulerant.
 Missi sunt quadringenti alteri delecti equi-
 tes, certissimum totius exercitus robur. Quod Brachi-
us, missitante
milite, ipsis
mittit.
 Fertur, eorum discessu milites, deserui castra,
 nudarique stationes, conclamasse. Dixisse
 vero BRACHIVM, & quando se Flo-
 rentinis gratias relaturum, si nunc non re-
 ferret. Malle se bello, quam beneficio, su-
 perari. Alterum fortunae, alterum perfidiae,
 crimen esse. Diminuto igitur equitatu, ad
 supplendas copias, peditatumque augendum,
 misit, qui Perusiae delectus haberent. Con-
 scripta peditum quinque millia, intra pau-
 cos dies ad castra convenerunt. Nicolaus
 Picininus, ad Aquilam revocatus, exercitum
 aliquantum confirmavit. Undecimus ve-
 nerat mensis. Nulla tamen interea pacis ha-
 bita mentio: nec civem gravis fames, nec
 hostes asperum & insuetum coelum, stricti-
 que glacie rigenti, & continuo gelu atque
 nive, caampi, deterrere potuerunt, tanta utrin-
 que certabatur, & obsidentis, & obsessi, per-
 tinacia. Nec ulla regio in Italia brumali
 frigore horrentior, ut vulgo fit usurpatum,
 si hyeme ad Aquilam inferi non sint, nus-
 quam esse. Militum tentoria, perpetua ob-
 ruta nive, stridebant, saepeque, ventorum

Conscriptis
novis copiis,

Aquila multo
gravius ob-
detur.

Crebri Aquilano-
rum ad
Reginam nun-
cii.

procella evulsa suis sedibus, tabernacula, qua
status corripere, disiciebantur. Multis re-
media fuere, ingenti trabe confecta, tuguria.
Sylvarum namque ac nemorum nulla pla-
ga feracior. Denique per omnia difficilli-
ma itum est. Nam & in castris quoque, si
non eadem, quae civium, gravis tamen, fa-
mes sentiebatur. Aquilani, crebros nuntios
significantes, quantis in rerum omnium
difficultatibus atque angustiis versarentur, ad
Reginam mittebant, orantes, ut undecimum
iam obsessis mensem auxilium mitteret, nec
vexari, oppressum pro sua fide, populum,
diutius pateretur. Quae natura sustinenda
docuisset, direptiones agrorum, incendia
villarum, defectiones vicorum, frigus, ino-
piam, egestatem, denique difficillima quae-
que, fortissime esse perpeffos. Unam fa-
mem, etiam si ferre ipsi cupiant, natura ta-
men intolerabilem omnibus esse mortali-
bus. Iam eo ventum, ut insueta, vel barbaro-
rum cibis, animalia, pro deliciis haberentur.
Quod exemplum daturam ceteris, si Aquila-
nos deseruisset? aut quos hostilem in-
petum repressuros, quos iter in intimum
Regnum impedituros, si Aquila potiretur
hostis? Quod si nihil tam spectata fides
moveat, hoc illa cogitaret, qua die hosti ea
civitas cecidisset, totum e vestigio Samitum
desecturum, fauces atque aditus Regni li-
bere admissuros hostem, nec ulla claustra, aut
obscula, tam bellicosam & ante eum diem
in-

invictam gentem esse retentura. Repeteret superiora bella, quam brevi amissum Regnum idem Dux, idem exercitus, in fidem redire compulisset. Non segniorem nunc illum hostem futurum, quam olim fuisset amicus, nec tardius erepturum ei Regnum, quam paulo ante amissum recuperasset. Proinde uteretur fortuna sua, quae hostilem furorē tot iam menses circa unam urbem continuisset, nec, dum inde victor erumperet, certam, & imminentem Regno suo, cladē expectaret. Regina, interea precibus ac metu sollicitata, simul Aquilanis ad tolerandum obsidionem non publice solum, sed etiam privatim, confirmatis per litteras, civium animos hortabatur. Simul ad Pontificem & Mediolanensem Legatos ad auxilia petenda dimiserat, & Sfortia quoque, magno interea comparato exercitu, cum externam expectare opem necessitudo minime pateretur, iussus est, quibus posset viribus, in Samnium proficisci, aut ad removendum obsidione hostem, aut, si id non posset, ut sociorum copias, ad Aternum amnem positis castris, opperiretur, statimque, ubi convenissent, universis viribus belli discrimen adirent. Qui, ubi ad Aternum pervenit, inter flumen & mare, cetero transmissio exercitu, ipse quoque traiecerat amnem. Sed ejus scutarium adolescentem, quanquam robusto invectum equo, cum paululum infra vadum declinasset, ra-

Huius ad Pontificem & Mediolanensem Legati.

Sfortiae ad Aternum miser exiit.

Maximae A-
quilanorum
angustiae.

pidus corripuit vortex. Huic opem latu-
rus, conclamat Sfortia. Sed tarde accurrenti-
bus aliis, ipse equum reflexit in vadum, ut
resurgentem coma deprehenderet. Sed vel
lubrico solo una cum equo delapsus, vel
praecipiti correptus amne, nusquam postea
nec vilis, nec inventus est. Hunc fortissi-
mo & bellicosissimo Duci fata dedere exit-
tum. Milites, amisso Duce, cum planctu
atque ululatu littora complevissent, tandem
compressio gemitu, ac diu nequicquam de
fortuna conquesti, pedem retulerunt, non
anxi hostium castris appropinquare. Tanti-
viri casus, nisi fortuna, quae plurimum
potest, aliud iam destinasset, flectere Aquila-
nos ad deditionem potuit. Sed, caecae
odio & desperatione, hominum mentes,
ipso etiam ad mala clausera oculos, ve-
luti callo duratis membris, vix ulli, quamvis
graves, ictus, vulneraque sentiuntur. Igitur
cives, ubi de interitu Sfortiae, & exercitus
discessu, cognoverunt, parati, si opus foret,
ad ultima subeunda, taciti vix iam aliunde
opem expectabant, & desperationem,
gravius aucta, fames urgebat. Tertium de-
cimum obsessi mensem, quicquid erat fru-
menti publice privatimque, totum fere con-
sumserant. Paulum, quod superfuerat, viri-
tim dividi placuit. Subductis tamen ciba-
riis iis, qui per aetatem arma ferre non
possent. Nam equis vesci iam pridem coe-
perant, nec foedis, & quae natura asperna-
tur

tur, animantibus abstinebant. Tandem, habitata totius annonae ratione, vix superesse quindecim dierum alimenta, etiam parcissime distributa, comperiunt. Tum durissimum videbatur, imbecillam plebeculam urbe depellere, multo tamen durius, miseri, & fame pereuntis, vulgi mane vespereque audire querelas. Placuit conquistoribus & praefectis annonae, hac de re publice referre ad populum, ut vel provideretur ante tempus, vel, si id non posset, fortius, quae essent praecogitata, perferrent. Civibus in Novus ad Reginam missus nuncius; consilium vocatis, decernitur, ut iterum nuncius ad Reginam mitteretur, ut sciri posset, quid spei superesset miserae civitati, simulque, ut significarent, quantis in angustiis versarentur, & quamdiu perferre obsequium possent. Ad Nonas lunias durare annonam. Si ad id tempus auxilium non mitteretur, Aquilanos non perfidia, sed ultima fame, defecturos. Hoc accepto nuncio, Novique huius ad Pontificem & Mediolanensem Legati. Regina, omnem cunctationem reiiciendam, existimans, mittit, qui a Pontifice & Mediolanense peterent auxilia, docerentque, quantaceleritate opus esset, ne hostis opulentissima potiretur urbe. Mittuntur undique auxiliares manus, & veluti ad communem hostem delendum, omnis prope armatur Italia. Et tamen cunctis par unus fuisset, nisi vel nimiae gloriae cupiditas, vel, quod magis putaverim, mutata fortuna consilium Adventant auxilia. in temeritatem convertisset. Iam hostes, su-

superatis furcis Pelignorum, ingenti exercitu, infestis signis, adventabant. Dux copiarum atque ducum, Iacobus Caudola, exercitui praeerat. Hunc sequebantur & ipsi clari duces Franciscus, Sfortiae filius, summæ spei adolescens, ac paterni ductor exercitus. Praeterea Michiletus & Laurentius Cotignolani, Nicolaus Tolentinus, & cum his multi agminum ductores, quorum nomina referre est supervacuum. Triplo maior erat hostium equitatus, peditatus ferre par. Hac multitudine hostes haud amplius, quam passum milibus quatuor, procul a BRACHII castris confederant, vim frumenti & continentum expectantes, si suppleri urbem sine praelio possent, nequaquam fortunam tentaturi. Iam mille, annonam ventantia, iumenta convenerant. BRACHIVS, medius inter urbem & hostem, persistere in obsidione, & ne frumentum importaretur, vi atque armis prohibere, studebat. Montes quoque asperi, ac præore Iuvii, duo castra dirimebant, quorum iuga, si superare pergerent, hostes facile opprimi tramite angusto, ac praecipiti, potuissent, & descensus erat multo laxior atque praeruptior. Haec res aliquamdiu suspensum habuit hostem, adversis sese montium radicibus continentem. Interea BRACHIVS omnia, quaecunque ad conflictum necessaria viderentur, diligentissime parat. Planities erat paululum infra urbem, quam mediam Victor, medicus a-

ma, is,

Brachius pugnam parat,

mmis, interfuit. Hanc BRACHIVS ob-
ruendam aqua, stagnandamque curaverat,
occluso tria millia passuum infra eum lo-
cum multa obice atque aggere fluminis
ostio. Quam rem angustae montium fauces,
quas flumen perstringit, haud sane diffi-
lem faciebant. Id eo factum consilio, ut,
fatigati atque in acie obfiti, hostium equi,
pedes inde tollere nequeantes, altoque im-
pediti stagno, medio deficerent praelio. Nam
saeorum equi multo erant robustiores & quie-
te, & pabulis. Futurum quoque putabant, ut
aut incognitam loci faciem hostis exhorre-
ret, aut, imperitis locorum, in ipsum flumi-
nis concideret alveum. Hisperactis rebus,
hosti diu citra montem haerenti, caduceo-
torem permittit, qui tutum adventum ad
planitiem usque pronunciaret. Si transire
montem vellent, ac praelium committere,
nihil impedimenti, quoad omnes apertum
in campum descendissent, accepturos. Scire
se, non committendi belli, sed urbis sup-
plendae, causa tantas copias adventasse. Scire
etiam, non amplius octo dierum alimenta
civibus extare. Illud existimarent, non se
tot mensium operam uno momento tem-
poris importando frumento perditurum.
Committendum esse praelium. Si opitulari
obsessis vellent, non aliter, quam victoria,
frumentum iunmissuros. Proinde irent, quod
necessitudo impelleret, & hostis benignita-
te acquissimum in locum descenderent. Ha-

Caduceo-
rem ad hosti-
um castra mit-
tit.

hanc

Pugnae inter
hunc & illos
gravissimae,

magis putant, ne, quod per caduceatorem
hosti erat pollicitus, quanquam ille non
accepisset conditionem, tamen aut fraude,
aut metu, minus praestitisse videretur. Iam
hostes, impedimenta frumentumque prae se
agentes, in planiciem omnes devenerant.
Hic quadratis agminibus prohibitori, si de-
riperent iumenta hostis vellet, aciem instruunt.
BRACHIVS, cum tempus iam adesset,
quo tot partas victorias, tamque late pro-
pagatum imperium, unius horae momento
& fortunae permitteret, Nicolaum Picini-
num cum quatuor cohortibus, ne erumpe-
re civis posset, ante urbis portas collocavit,
ipse cum parte ceterorum copiarum, pro-
gressum ad mediam planiciem, hostem im-
petu magno adoritur. Hinc pugnae ini-
tium fuit. Profiliunt utrinque medium in
campum, permiscenaturque militibus mili-
tes, tela primum hastasque vibrantes, mox
gladio cominus gerentes rem. Hostium
singula agmina trecentos, BRACHIA-
NA sexaginta equites continebant. Tamen
sic quoque agminum illi numero praesta-
bant. Accitum igitur alterum agmen, ho-
stis catervae late fuscque turbaverat, adeo
pauci multos virtute superaverant. Nec
reliqua hostium acies pugnam detraxit.
Ruent pari cursu in praelium, paratae utrin-
que turmae clamore atque impetu, quanto
possunt, undant. Sic aliquot horis atrociter
est dimicatum, neutra inclinante acie:

Tum

Tum BRACHIVS. signum dat ceteris
 cohortibus, ut, quanto possent impetu, me-
 diam in pugnam se conicerent. Dant illi se-
 se in confertam aciem, nec tulere impetum
 hostes, sed, perturbatis ordinibus, ad radi-
 ces montis, qua una patebat via, fugientes
 se recipiebant. Instat a tergo BRACHIA-
 ANYS, urget, premitque hasta fugientes.
 Ubi toto agmine ad radices est ventum, ho-
 stes, cum nec fugere possent, nec in ordi-
 nem redire, densissimum in globum col-
 lecti, ferientium ictus excipiebant. Ingens
 enim densata multitudo quoddam quasi ro-
 bur, ac molem, qua se ipsa tueretur, effece-
 rat, paucique, conversi in frontem, pro lo-
 ci angustiis resistebant. Actum erat, si pe-
 dices praelio, intervenissent. Iam hastas
 confregerant BRACHIANI, & tanquam
 ad saxum ictus iacussi, non sine hostium
 magna strage, militem fatigaverant. Inter
 haec Michiletus, viri ex Reginae ducibus,
 ubi videt, spem fugae sublatam, & hostilem
 peditum montis iugo inhaerere, opposi-
 tis in frontem paucis delectis equitibus, reli-
 quos hortatur, ut paulatim sese in ordines
 laxarent, crebrumque peditum, qui equo-
 rum ilia suffoderent, repugnantibus inter-
 miscet. Inde futurae cladis initium fuit.
 undecies centena equorum terga post
 conflictum Aquilam reportata traduntur.
 Tot simul suffossis equis, quingentos delectos
 milites aliquanto circumvahi interval-

lo, & a latere impetere iubet hostium aciem. Eorum impetum ut exciperent BRACHIANI, pauci se in frontem convertere. Sic ancipiti praelio, non tamen inferiorerant, nisi quod equos passim hostilis pedes fodiebat. Inter haec Nicolaus Picinius, quem ad portas urbis relictum dicebamus, cum his, quibus praeerat, cohortibus, magno cursu in confertissimos hostium perrumpens cuneos, pervolavit, incertum, praedae cupiditate, victos hostes arbitratus, an ut fatigatis operam integri militis ferret. Haec res, ut hostem primum conterruit, ita postea perniciofa BRACHIO fuit. Primus impetus ad repellendam perturbandamque, paulo ante recompositam, aciem satis efficax, & fugam moliti hostes forent, si qua profugium patuisset. Sed imminente hinc iugo, inde flumine, aut pugnare cum hoste a fronte, aut cadere imbelles, oportebat. Nec ducibus consilium deerat, uno totius exercitus globo impetum urgentis excipientibus, hortantibusque ad suffodiendos equos peditem. Dum haec in acie aguntur, cives, qui iam ab initio pugnae cuncti sese armarant, ubi excessisse hostium praesidium, obstareque neminem vident, ingenti numero totis bipatientibus erumpunt portis, nec viri modo, sed foeminae quoque, hastis, dolabrisque armatae, multitudinem terribilem faciebant. Sex millia fuisse traduntur, qui, magno per colles veluti sylvarum frugore dela-

delapfi, omnia pulvere clamoreque complebant. Inde aucti animis hostes, perterriti BRACHIANI. Nec tunc quidem pedtatus in praelium a monte descendit. Retulit mihi Paggius, vir manu strenuus, nunc etiam aetate venerabilis, qui bello interfuit, & Ducis a latere nunquam discessit, saepe BRACHIVM pediti signum, quia illa non poterat, manu voceque dedisse; sed clamore praefiantium, & in nubem exurgente pulvere, neque enim signo pugnabatur, pedites signum non percepisse. Atque ita, ut erat imperatum, nunquam eo discessisse loco. Additque, paulo ante quingentos ex iis, cum, premi hostem, e ingo despicerent, ad praedam defiluisse, direptisque extremis impedimentis, ne fraudi res foret, in montis se culmen ad expectandum signum recepisse. Aquilanorum adventu ingens equorum facta caedes. Anceps erat malum. Si militem premerent, civis a tergo, stricto paratus mucrone, hastaque intentata, feriebat. Sin, in civem conversi, militi dedissent terga, rediissent agmina universa in ordines, circumvenissentque fatigatos. Equi passim interea cadebant. Erat hoc virtutis, contentis cum fortuna, spectaculum, paucos equites tot millibus hominum pares esse, atque in media, ut erant, pugna locum sibi late gladio facere. Nam hastas iampridem in fugientium confregerant terga. Dux ipse per median aciem, mediaque tela, sublimis

miser flebilis-
que exitus.

Captus Bra-
chius,

equo circumvectus, simul gladium stringere, simul voce manuque hortari, accendere, & unumquemque nomine appellare, cernebatur. Sed trahunt quemque sua fata: nec semper virtuti fortuna succumbit. Ventum erat in confertissimum exercitus robur, in mediamque signorum aciem BRACHIAN-
N illata signa pervaserant, cum circum-euntem & hortantem suos, sunt etiam, qui dicant, milites, coepta iam fuga, sistentem, gregarius miles medio gutture vulneravit. Inde lata facta confirmatio, caesum imperatorem existimantium. Laxat totas habenas, consternatus, in fugam eques. Fusi dissipati-
que, nunquam antea victi, BRACHIANI. Dux ipse, caedendo resistendoque, multis confossus vulneribus, vivus quidem, sed non multo post ab plagis moriturus, capitur. Victor, ex infima plebe miles, ignotum ante id tempus caput, ad hostium imperatorem invectum, ut erat, equo deduxit. Ille, vicissitudinem rerum humanarum contem-platus, miseratione quadam, & lacrymis, partem ex victoria laeticiam, temperavit. Exemptum equo, & intra tabernaculum sub-ductum, benigne, aut non audientem, aut audire nolentem, est affatus. Sed ne unum quidem elicere quisquam potuit verbum, vel quod alte descendentes mortiferae pla-gae vim omnem sensumque exhauserant, vel ut, quoniam fortuna victum corpus in potestatem hosti tradidisset, animum sibi invi-

infectum ipse retinere. Acciti undique medici, qui, magnis propositis a victore praemiis, nihil intentatum dimiserunt. Sed, destitutus ad mortem, animus omnem medicamentorum opem respuebat. Quippe totum triduum sine cibo, sine potu, mutus, ^{triduo post moritur.} cum egisset, incertum, vulneribus, an inedia, est extinctus, anno aetatis sexto & quinquagesimo, superstiti adhuc matre. Nec quicquam hostis, praeter elinguae corpus, habuit in potestate. Et medici, vivere posse, praedixerant. Hic exitus fuit viri, nunquam, nisi in morte, superati, nec tunc quidem ante capti, quam vulneribus multis confossi. Qua in re, mutata iam pridem ^{Causae cladis Brachianae,} fortuna, plurimum obfuit, primum, quod magnam exercitus partem in auxilium Florentinorum iniquo suo tempore dimiserat. Deinde hostes, carpere singulos cum potuisset, universos expectans. Peditatus operam non est usus, qui, si praelio interfuissent, & dissipassent procul dubio fugarum hostem, nec resistendi compotem fecissent, & equos ipsi quoque hostium suffodissent. Postremo quoniam, qui praesidio ad reprimendam civium eruptionem erant dimissi, iniussu Ducis, an spe praedae, aut pugnae errore, loca abierunt. Sic fuit non solum cum milite a fronte in castris, sed etiam cum urbanis praesidiis, civisque multitudine, a tergo, uno tempore dimicandum. Ioannes Ursus fac- ^{atque praef-} pe postea diuise fertur, se, cum hoc bel- ^{gia.}

lum gereretur. Praectorem in Piceno fuisse, venisseque Asculum, stipatum frequenti populo, virum, natu grandem, promissa & cana barba, Mathematicum, & praesagium rerum futurarum profitemem. Hunc a se rogatum, essetne victor futurus BRACHIV. s. Aquilano bello, si hostes ad praelium venissent? Quaesisse ad cogitandum tempus, postridie vero, ad tribunal reversum, respondisse: Si Dux ipse bello non interesset, victorem futurum BRACHIANVM exercitum. Sin, praesente Duce, configeretur, minari stellas, superiorem hostem. Quaes, ut ante pugnam neglecta, ita postea eventus rei, & omnium iudicio, est comprobata. Nisi enim prohibitus esset miles, descendentes in convallem, hostes captum profligasset, cepisset, usurusque in pugna fuisset etiam peditatu. Erat in hostium castris gregarius, & infimae fortunae, miles, qui, post factum Perusiae tumultum, pulsusque seditionis auctores, in auxilium ultro eum plebeis exierat. Hic, se per somnium vidisse, aiebat, BRACHIVM, sublimi equo circumvectum, magnam caedem hostium edere, cum vero ad se interficiendum vibrasset ensen, repulisse statim, atque obliquo vulnere medio illum gutture traiecis-
se, pauloque post ad pedes iacuisse mortuum. Id se iterum, id tertio, videri vidisse. Autor erat non satis certae fidei. Ceterum res ipsa somnium probavit. Quippe media in pugna

gna hortantis, sistentisque militem, voce cognita, imminens iugulo, cum sequeretur, prius omnia, inuisione prius gignitur, deinde cervicem, exhaustit. Tradunt, Legatos Perusinorum, in castris cum adessent, & hostium audirent adventum, fando aliquid, ut assolet, quæsisse a Nicolo Picinino, quid ei futurum ex hoc bello videretur? Illum, secum cogitandum, diu hæsisse, respondisse tandem, omnia sub fortuna esse, nec se diffidere de militum virtute, aut Ducis animo, neque tam hostium terri numero, quam vereri, ne, invidia diurnæ felicitatis, fata cursum eius imperatoris aberrandum statuissent. Id se ex coniectura videri conicere. Mutatos esse subito imperatoris mores. Ex leni & comi durum, ac morosum factum. Consilia veteranorum militum, quibus ante id tempus uti plurimum consuevisset, aut proxis contemnere, aut reiicere, salutaria, & deteriora permiciosioraque, deligere. Paulo ante, etiam in mulieres, inauditum facinus, citra belli iura, & eius consuetudinem, esse faevitum. Fortunam primum ingenia mortalium, deinde opes, evertere consueisse. Utcunque res fuit, præcipuum tamen spectatae, & nunquam antea subactae, virtutis spectaculum. Pugnatum est atroci praelio, septem continuis horis, & a duobus millibus duodecim millia ad montem usque fugata reiectaque. Non modo cum virtute ab hoste, sed etiam cum

Brachianorum
erga suum
Ducem fides.

Eorumque pa-
riter ac ipso-
rum hostium
luctus.

fugae desperatione, pugnatum. Nec ante
superatus miles, quam vulneratus impera-
tor, & ad paucitatem equorum redactum
certamen. Undecies enim centum, ut di-
cebamus, tergora equorum in urbem rela-
ta. Illo mortuo, totis castris factum silen-
tium, quasi plus esset in amisso doloris, quam
laetitiae in capto. Eius milites, qui aut
bello superfuerant, aut ab hostibus erant di-
missi, plerique, facta potestate, spirantem
adhuc consolandi gratia adierunt, remotis-
que arbitris, ut vocem tolleret, utque ci-
bum caperet, hortati, nihil profecerunt.
Nec ullum in Ducem tantus militum amor.
Illi tabernaculum hostis, noctu, moesti ac ta-
citi, perlustrare, illi interdiu, facta, quoties
vellent, potestate, frequentes ad lectum per-
stare, tangere, intueri, suspirare, cerneban-
tur; & ubi tabernaculo excessissent, obvo-
luto capite, plorantes, nulli non hostium la-
crymas excutiebant. Duces omnes, me-
mores rerum humanarum, fortunam, ut
praelio benignam, ita exitu nimis malignam,
criminales, morientem circumsteterunt,
primique e tabernaculo, lacrymas ac voces
tenere nequeunt, ad militem exiere. Tum
vero late se afflictorum voces ad coelum
iactari coepit, gemitu exulantium com-
pleta loca, nec quisquam ex eius exercitu,
eorum, qui aliquem ordinem, aut dignita-
tem, gessissent, qui non barbaram, capillum-
que promiserint, vestesque prociderint, ple-
ri-

DE REBUS GESTIS BRACHII L. VI.

rique, tanquam ultima sortiri rerum hu-
manarum, militia perstiterunt. Corpus, iussu
Pontificis Romam delatum. Sed paucis post
annis Nicolaus Fortebrachius, cum Romam,
& ipse veluti devotum huic familiae, pulso
inde Pontifice, occupasset, colligenda patrui
ossa, & Perusiam deportanda, curavit. Pe-
rusini, non immemores acceptorum benefi-
ciorum, exequiis, Christiano more, publico
luctu, funebrique pompa, celebratis, ulti-
ma Diis Manibus persolverunt. Ossa sub-
limi ac dignissimo templi loco reposita su-
spiciuntur. Et, ne quid latere posteritatem
posset, tumulo in summo templi fastigio
substructo, signa militaria, & aurei torques
circumpendentes, memoriam & Ducis,
& Principis, gratissima in patria
testantur.

Corpus primo
Romam,

post vero Pe-
rusiam dela-
tum.

dignissimo
templi loco
fuit repositum.

F I N I S.



IOAN.

IOANNES ANTONIVS
CAMPANVS CAROLO FOR-
TEBRACHLO, IMPE-
RATORI, S.

Scriptio
causa.

Adhortatio
ad Fortebra-
chium.

Mitto ad te parentem tuum, non linea-
menta solum, atque articulos, qualis
e pictorum manibus prodire solet, effin-
gentem, sed loquentem, pugnantem, & nunc
tandem excitatum ab inferis, in hanc de-
mum ad te lucem exeuntem. Amplissimum
perfecto munus, quo quidem ornatus for-
tasse, certe maius nec ipse tibi dare, nec tu
a quoquam accipere, potuisses. Nam de
tuis gestis, quanquam magna sunt, post te,
qui erunt superstites, iudicabunt. Viventi
raro gloria sine adulatione, aut invidia,
contingit. Morienti neque invidetur un-
quam, nec oculi assentantium unguibus
effodiuntur. Tu modo innitere, ut facis,
parentis tui vestigiis. Non deerunt, qui ef-
fugere tecum caducam mortalitatem co-
nabuntur. Quod ego mihi cum parente
tuo spero fecisse, ut pari cursu ille gestorum,
scriptorum ipse, contendisse ad immortalita-
tis spem videamur. Qua in re, cum non nihil
mihi fortasse debeas, plus tamen Petro
Ioanni nostro, tui nominis ac generis a-
mantissimo, debebis. Ille me, ut hoc scri-
bendi munus susciperem, hortatus est. Il-
le

AD CAR. FORTEBRACHIUM EPISTOLA 437

le cuncta, ut explorata nobis, compertaque forent, indagavit, iacentemque parentem tuum, & iam multos exemitum annos, suis una mecum manibus excitavit. Tu vero hanc Epistolam simul cum opere transcribendam nemini dabis, ne, quod ipsi non fecimus, nimis amice scripsisse historiam videamur.

Vale.

IOANNES ANTONIVS
CAMPANVS ODDONI

S V O S

Fateor hominem me esse fortissimum, qui, cum ineptissimas meas ad clarissimum Ducem, Carolum Fortebrachium, destino, iudicem te habiturus sim, cuius iudicio reprehendi res meas, quam aliorum laudari, malim. Spero, te id in primis cogitaturum, non omnes Senecas esse posse, & si quid est in me, vel artis, vel ingenii, te, tanquam Roscium e summo theatro, primam hanc meam actiunculam spectaturum, puerilem illam quidem, sed hoc magis venia dignam iudicandam, quia puerilem. Qua in re, quanto potui studio, conatus sum sic servare historiae dignitatem, ut magnitudini gestarum rerum orationis amplitudinem accommodarem, & quae magnificentius gesta

Singularis
Campani la-
titia,

modestia,

studium,

fla

48 IO. ANT. CAMP. EPIST. AD ODDONEM.

sta forent, ea & gravius, & illustrius, explicarentur, cetera pressius iacerent. Orationes etiam plenas spiculis, non illis oratoriis atque forensibus, sed quibus historia, tanquam in acie, communis uti consuevit. Sed quid haec tecum? Vide, corrige, emenda, & Campani tui sic tuere dignitatem, ut o tuis manibus laudatus, & emendatus, exeam.
Vale.



IOAN.

IOANNIS ANTONII
CAMPANI,

EPISCOPI APRUTINI,

VITA PII II,

PONTIFICIS

MAXIMI.

MICHAEL FERNVS MED- DIOLANENSIS, B. DIAC. CARD.

REVERENDISSIMO, EX BONA
AVGVRATIONE.

*Si quid unquam a Diis immortalibus
petii, Pater Reverendissime, in quo mi-
hi bene optatum esse censeam: id in pri-
mis fuisse cognosco, cum illi a me rogati
fuerunt, ut tibi, quando vitam meam, stu-
dia mea, actiones omnes meas, meos omnes
cogitatus, tibi videre, tibi dicere possem, oc-
casionem praestarent. Nondum mihi prope,
quid esset Roma? quanta uestri Senatus
gloria? quae vitae urbanae ratio? no-
tum erat, cum divinae virtutis tuae clari-
tas aures meas circumsonabat, & me ad sa-
citam quandam in te devotionem excita-
vit. Porro ubi ad hanc vestram, Terra-
rum Dominam, Urbem fata me perpulere,
se animo, te oculis, semper ita contemplatus
sum, ut non maiore cultu & reverentia
quodpiam numen venerari, & observare,
potuerim. Cernebam, quanta in te patriae
nostrae sita esset gloria? qua prudentia,
qua dexteritate, qua omnium benevolentia,
apud Illustrissimum & Reverendissimum A-
fricanum, cui totum te dederas, sublimia &
excelsa natus ad imperia gubernanda, cun-
cta administrares. Et non iam conicere
modo hunc amplissimum in te dignitatum
fasti-*

fastigium, sed intueri prope, & suspicere, videbar, cum te tua divina virtus vel invitum ad aliud extolleret. Praestantissimam virtutem tuam, prudentissima gesta omnia, altissima consilia, palam in omni sermone praedicabam, literis mandabam, in omni hominum congressu tuam gloriam, tuam ingenii sublimitatem, mores integerrimos, asferebam. Et iam nemo in tota fere Urbe fuit, qui meum in te studium, meam in te devotionem, & non admiraretur, & non obstupefceret. Haec quanquam non obscuris iam pridem potuisse te argumentis nosse cogitarem, nec me lateret, viros summae apud te auctoritatis id saepe tibi testator fuisse, unde spem tuae mihi humanitas eam fecerat, ut de te mihi palliceri possem, quae de quacunque optimo & beneficentissimo Principe: non ego tamen conquiescere animo posse videbar, donec meum hoc in testimonium & observantiam insigni quoque munere, & memorando, tibi posterisque manifestum facerem. Cui desiderio eam videri satisfacere magis posse, quam literaria monumenta, ducerem: ex omnibus, quae olim Campanus, ille Antistes Teramianus, vir unus multorum memoria seculorum in his liberalibus studiis, & dicendi gloria, summus, &, quae edenda ego, illius ingenii captus amore, suscepi, conscripsit, operibus Pii vitam II, Pontificis Maximi, viri in literis & imperio gloriosissimi, quam tuas digna-

tionem dicarem, delegi: parvum sano opus, sed Pii ipsius gloria & splendore omnium, quae ediderit unquam, amplissimum, & in quo cum admiratione coelestis ingenii, fortunae felicissimae, rerum ab illo gestarum magnitudinis, tui etiam imagine quadam, & futurae felicitatis faustissima auguratione, summam delectationem possis accipere. Equidem cum omnes illos veteres percensco, magna illi quanquam impleverint volumina, quem huic vel literis, vel in imperio gubernando, conferam, plane ex omni Graecia, atque nostra hac Romana Urbe, virorum praestantissimorum uberrimo seminario, neminem habeo. Neque puto, Campanum, alioquin virum facundissimum, & qui nisi grandia strueret, neque nisi grande aliquid & eximum illius manibus, tam de se bene meriti, deperet, sine consilio, & exacta ratione, tanti viri vitam & res gestas in tam angustum libellum coegisse, quasi illa spatiosa volumina plus ostentationis ingenii, quam veritatis, habeant, & fidei. Et Pii vita exemplaris, & nobis, tanquam formula, semper ante oculos habenda, in latos historiae campos diffundi non debuit, quae longae lectionis taedio pernosci non posset. Quam ob rem & tu, Patem amplissime, operis exiguitatem tam despicere non poteris, quam non debetis, quandoquidem & nosti, in literis non animi magnitudinem solere, sed auctoris eruditionem, & rerum, quae continentur, dignitatem spectari. Et facile

cognoscis, potuisse me ingentes librorum fascēs tibi dicare, verum non quaesivisse me ostentationem, & strepitu laudum occupari tuam in me benevolentiam, at quidem geniale opusculo augurium, quaedam & arcana praesagia, pro votis & cupiditate protrudere. Et spero equidem, ubi omnia evolueris, nihil me tibi gratius dare, nihil convenientius, potuisse, fatebere. Nam quid a me tibi optabilius dari poterat, quam eius tibi vitam inspiciendam proponere, in quo quandam prope tui imaginem, tanquam in speculo, posses introspicere? Quando enim mecum Pium illum contemplor, illius fortunae primordia, gentilitia signa, res gestas, animi magnitudinem, Principum benevolentiam, Deorum, hominum, beneficia, tantam in te cum illo paritatem invenio, quanta non possum ab admiratione desistere. Ardens utrumque & vivida virtus ad praecclarissimos honores evexit. Eadem utrique coeli sidera praefulsere. Utinam sic cetera augurio respondeant, ut, quos luna eadem coelesti agnatione illustret, iidem Principes excoluerunt, par hominum benevolentia complectitur, eosdem quoque ad paria dignitatum culmina fata perducant. Coluit Pium, & veneratus est, usque adeo gloriosissimus Princeps noster, Sfortia Franciscus, ut nulla maior inter Pontificem & unum Principem benevolentia, & mutuae caritatis observantia, extitisse perhibeatur. Te quantum & inclytus Dux Ludovicus, &

Ee

excel.

excellentissimus Cardinalis Ascanius, illo nati, dilexerint, eminentissima tua haec dignitas ostendit. Pium Calixtus in hunc vestrum ordinem sponte intulit. Te Alexander, illius nepos, ita dignum ea dignitate iudicavit, ut, ceteros illis comitiis sine te non creaturum fuisse, creditum sit. Et cum omnia pari quodam Divorum favore contigisse cernantur, hoc tu praecelluisti, quod per dignitatum gradus ad Purpuratorum ordinem ille evectus est, te ad culmen tanti Senatus una hora ex Protonotario susculit. Dabunt hoc quoque votis nostris superi, ut, sicut ille Calixto successit, tu quoque Calixti genus imperio consequare, & in quo illum habetenus non expler, possis aliquando eodem lunarum numero, pari sub quinis zonis in omni orbe terrarum potestate, aequare. Hoc tibi nostra haec dicatio auguratur: hoc illa tua animi magnitudo & excellentia, in rebus gerendis, liberandis, decernendis, summa moderatio, & sapientia, promittunt. Ego immortalem Deum precor, ut haec nos desideria non fallant. Vale, atque augurium accipe.

Ad Eundem.

*Accipe, quanta Pii fueris, Lunate, secundi
Gloria, qui vitae splendor in urbe fuit;
Hunc tu Pontifices, dices, superasse priores
Moribus, ingenio, religione, fide.
Nec minus hunc cunctis praestare, fatere, praescis
Gestorum numero, viribus, ore, pede.
Tunc habuit, veteres in quo confunderet, aetas:
Uni cesserunt secula cuncta Pio.
Edere ne similem possit, natura creavit.
Vel, si quem veluit, tu modo factus eris.*

PII II. PONT. MAX.
PER IO. ANT. CAMPA-
NVM, EPISCOPVM APRU-
TINVM, VITA.

Pius Secundus originem duxit ex Seps, Pii II. origo;
celebri Tuscorum urbe, familia Pic-
colominea, nobili ac pervetusta, pa-
tre Sylvio posthumo, qui aliquando milita-
res duxit ordines, matre Victoria, aequae
nobili, & foecunditatis eximiae, foemina:
quippe duo deviginti, & ex iis gemellos
aliquot, puerperiis edidit. Natus est quinto
decimo Cal. Novembris Corfiniani, quod
oppidum duo & viginti millia passuum di-
stat a Sena, in fundis gentilitiis; quo pa-
rentes paucis ante annis se receperant, stu-
dio partium a plebe deiectioni. Nomen pue-
ro Aeneae Sylvii inditum in memoriam
avi. Prima rudimenta Corfiniani peregit
admodum puer. Senae propinquis com-
mendatus celeriter, & in Poëtica, & in Ora-
toria, profecit. Ius civile sero amplexus, &
lente, brevi omisit, natura ad Poëticam in-
clinatione. Initia famae ex rhythmis com-
paravit, Hetrusca lingua editis. Mox, ora-
tione & versibus laudari coeptus, multa scri-
psit, ad aemulationem aequalium: inter
quae & leviusculae quaedam fabellae cum
excidissent, aliquando postea suppressere

Nomen & stu-
dia admodum
pueri.

Primum eius
perdifficile
Basileam iter.

Moxque do-
mum reversi
alterum eius-
dem Basileam;
hinc per Ger-
maniam &
Belgium,

in Scotiam
usque protra-
ctum iter.

conatus minime potuit, Italia tota pervul-
gatas. Pertaesus rerum domesticarum, si-
mul & quaerendae gloriae cupidus, Basi-
leam, Helvetiorum urbem, contendit; quo
in loco, diu antea indictum, concilium tunc
adversus Eugenium Pontificem habebatur.
Itinere obliquo & perdifficili, propter or-
tum cum Florentinis finitimis bellum, quo
metu navigaturus secundum tractum Ligu-
stici littoris, cum Populonia solvisset, adver-
sam incidens tempestatem, Corsica omni,
ac Sardinia, vi ventorum circumactus, in
Lybiam usque propellitur. Reversus in
Ligusticum pelagus, & expositus in conti-
nentem, cum diversoria deessent, taedio re-
rum nauticarum, & recenti periculo terri-
tus, pernoctare sub dio, quam redire ad na-
vem, maluit. Reliquum iter per Genuam
atque Alpes egit. Basileae quidem haberi
in pretio, & salutari, ob ingenium coepit.
Sed rebus minus, quam speraverat, succe-
dentibus, in Italiam reversus est. Nec diu
perstitit, secutus Eugenii Legatos, repetita-
que rursus Basilea, Coloniam Agrippinam
secundo Rheno adnavigavit; brevique ibi
commoratus, descendit Attrebatum, Belga-
rum urbem: quem in locum Gallorum
Reguli Britannorumque convenerant. Hinc
ulteriorem in Britanniam, nunc Scotiam,
missus ad Regem, adversus citeriores Bri-
tannos, qui paci adversabantur, sollicitan-
dum. Ad Calexium ingressus oceanum,
gra-

gravi exorta tempestate, pene demersus, ex cursu a nostro coelo in intimum oceanum perpulsus, duodecim dies ad casum navigavit: reiectus tandem in Britannicum litus, agnitusque a regiis speculatoribus, ac prohibitus ulterius progredi. Remetiendo quoque oceano, duas subivit tempestates, quarum altera, dum Scotiam petit, in Norvegiam pellitur. Ex eo loco delatus in Scotiam, percellere quidem ad bellum Regem non potuit; effecit tamen, ut Legatos mitteret, qui de pace agerent, & auxilia Britannis deinceps non administraret. Ipse quoque duobus asturconibus donatus a Rege est, unione adiecto, quem matri destinaret. Hac in insula, votis solvendis, quae inter fluctuum aestus virgini matri nuncupaverat, initium eius morbi contraxit, qui dolore articulorum permansit ad vitae exitum, glacie decem millibus passuum nudis pedibus ad fanum usque calcata, ut redire in oppidum non aliter, quam leclica, potuerit. Scotia decedens, non ausus patienti se committere oceano, habitu mercatoris repetita Britannia, regiones speculatores astu elasis. Basileae XII Viris, qui conventui praecorant, cooptatus, concilium ut Papiam traduceretur, frustra suasis: Italis Florentiam, Germanis Utinum, Gallis Avinionem, praeferebantibus. Munia culae obiit fere omnia. Primum scriba, mox abbreviator maior, designatus, postremo & in-

Basileam tertium reversus, varia obiit munia,

variasque legationes.

ter deputatores conscriptus, etiam epistolis conciliaribus praefuit. Legationes, praeter Scotiam, quam diximus, eo in loco novem suscepit: ad Argentinenses tres, ad Constantinenses duas, ad Francfordienses totidem, ad Allobrogas, & Tridentinos Rhetios singulas. Profectus etiam in Noricos ad Albertum, Caesarem designatum, brevi apud eum mansit: traducere in sententiam Basiliensium conatus, an potuerit, subsequuta statim illius mors incertum fecit. Octoviratum, ad conterendam Eugenii dignitatem institutum, recusavit, quanquam saepe oblatum, haud legitimum ratus magistratum, quem tanta de re privati instituisent.

A Felice, Anti-Papa, ad Federicum Caesarem Legatus missus laurea donatus,

moxque ipse Caesaris amicis adscriptus fuit.

Variae eius, Caesaris nomine, legationes.

Felicem tamen, Anti-Papam, aliquamdiu secutus est; a quo Legatus missus ad Federicum Caesarem, Alberto successum, laurea donatur: quod Poëtarum insigne praecipuum Germani habeant. Mox & inter amicos Caesaris relatus, adscriptusque Secretariis, haud multo post praefectus, est. Ad ultimum adscitus inter consultores imperii, invidiam quanquam Italus inter Germanos brevi superavit. Prima legatione, Caesaris nomine, ad Tergestanos functus, seditiones in civitate exortas compressit, actis in exilium, qui motum concitassent. Altera ad Eugenium, adversantibus amicis, quod offendisse illum graviter videbantur, oppugnata toties ad Basileam eius dignitate. Eo reconciliato, & rebus ex sententia confectis, diver-

divertit ad patrem, ultimo iam contractum senio: nec enim deinde vidit amplius, paulo post mortuum. Eugenii quoque Secretarius factus est absens: quo munere apud Felicem functus, nondum se abdicaverat. Tertiam inde obivit legationem ad eundem Eugenium de duobus Electoribus Caesarum restituendis, quos ille, Felici assensos, & gravia in ipsius dignitatem molitos, exauctoraverat. Profectus est eadem de causa Francfordiam, simul ut neutralium conventus dissolverentur. Ii erant, qui dissidentibus ceteris, neque Eugenio, neque Felici, paruisent, veluti ad nova concilia, atque incerta, spectantes. Rediitque iterum Romam, ac rursus Francfordiam, de conditionibus acturus, itinere hiberno, & cui magnitudine nivium, ac vi excrescentium fluminum, prope succubuit. Reliquiis contentionum Germanicarum tertia demum legatione sublatis, exceptus est Romae ob operam prospere navatam omnium ordinum supplicationibus. Egrotanti Eugenio Germanos, quorum opera vocatus in iudicium fuerat, reconciliavit secundum supplicationem de rebus Germanicis. Praefectus est Tergestanis, rumore removere otto de Praefulis morte, competitoribus multis; qui ad subitum nuntium coorti sunt, ab Eugenio repulsi. Mox, cum vivere Antistes nunciaretur, Ipodiocanus efficitur. Eugenio mortuo, comitiorem custodire praefuit, iubente

Quibus peractis, Romae honorifice exceptus,

Tergestanis praefectus Praeful,

mox Ipodiocanus efficitur.

Nicolai Papae
erga Pium a-
nimus.

Legatio eius
ad Mediola-
nenses;

Collegio, quod viro opus esset ad eam rem, minime factioso. Nicolaum, qui Eugenio suffectus est, multo habuit propensio- rem, propter vetus in Germania contubernium, in qua & ille functus legationibus fuerat Eugenii nomine. Itaque & confirmavit decretos ab Eugenio honores, & novos ipse addidit, iussu, qua die est coronatus, auream crucem anteferre, & consul de religionis summa adesse. Profectum deinde Roma, certiore allato nuncio de Antistitiis morte, id quod Eugenius destinaverat, Tergestanis praefecit, ignarum eius rei, donec in Germaniam pervenit. Ibi & Nicolai ad Federicum, & amicorum ad se, literis rem cognoscit. Missus paulo post ad Mediolanenses cohortandos, ut, mortuo Philippo, Duce, sine legitima stirpe, Federico imperii iure se dederent, exclusus est. Erectis in libertatem civium animis, simul quod a Germanicis imperiis, repetita priorum temporum memoria, abhorrent, brevi deinde circumfessis a Francisco Sfortia, Philippi genero, iussus iterum redire, collegis ad Novicomum metu subsistentibus, ipse magno cum discrimine ingressus urbem, civibus in concionem vocatis, maiorem partem eorum perpulit, Federicum acclamarent: & cum armis quidam oppres- suos alteram factionem pollicerentur, recusavit, indignum, nec e legatione sua, esse, dicens, in stabilienda iussu imperio civitate cui-

cuiquam vim fieri. Fuitque constans opinio, mansuram in fide civitatem, si subventum in tempore obsessis fuisset. Mox, legatione altera aliam excipiente, Neapolim missus, auctor fuit regiae affinitatis, Leonora, Lusitanorum Regis sorore, Alfonsi nepte, Federico desponsata. Interea designatus est Senensium Antistes, absens, quamvis infensa nobilitati civitas alium postulare. Interea fuit designatus Antistes Senensium.

Senae, omni reiecta pompa, more maiorum urbe agroque lustrato, rediit in Germaniam: quo tempore & matrem amisit, duo de septuaginta annos natam. Inter redeundum summovit bellum, quod Veneti obesso Tergestae de contentione finium intulerant. Extemplo, ubi ad Federicum pervenit, ad Boëmos mittitur, arma sumpturos, nisi properasset. Cum enim Ladislaum, Pannoniae ac Boëmiae Regem, admodum puerum, fratris filium, Federicus metu insidiarum, & quod regno imminutus adhuc esset, atque iniuriae obnoxius, apud se educaret, adhibitis custodibus, ne clam subduceretur: Boëmi, indignum rati, custodiri, arcerique a regno patrio, Regem, coactis copiis, bellum, nisi dimitteret, comminabantur. Horum conatus statim, compescuit, ratione adhibita, cur ita fieri oporteret, maxime iniecto metu veneni, quo, paucis post annis dimissus a patruo, puer fraude Boëmica assumptus est. Veniente in Italiam Federico, recedens ipse, ut, Postea missus est a Federico ad Boëmos.

Insidias a Senensibus sibi

strictas mire
elulit,

obviam eun-
do Leonorae,
Federici spon-
sae;

cum civitatibus de transitu, cum Nicolao de coronandi Caesare, ageret, suspectus haberi Senensibus coepit, veritis, ne spe vendicandi imperii Caesarem ad mutandum civitatis statum impelleret, electis popularibus, qui rem potiebantur, ac nobilitate ad pristinam libertatem restituta. Qua de re inter se cum agerent, & facta eius dictaque clam palamve explorarent, nec prodire obviam, neque ubi domum venit, frequentes salutavere. Cogitatum & de inferenda clam nece a potentioribus, rumor fuit. Quam ob rem Decemviros adiens, delere eam suspicionem frustra est conatus. Auxit invidiam mortuus collega, Fullendorfius, & in aede virginis matris loco celebri sepultus: quam rem argumentum adesse iam recepti imperii, querebantur, homine externo, veluti prodita libertate, in civium sepulchra delato. Tum demum, ut tempori cederet, Thelamoniam se contulit, veluti Leonoram excepturus, ex Lusitania mari venientem. Accitus inter haec a Nicolao, minime perit, valetudinem causatus, suspicionem tamen eius sustulit, quod vulgatum erat, constare inter comiciores, Nicolaum, aut moriturum intra Calend. Aprilis, aut in vinculis futurum; periculum ex Federico portendi, novo Imperatore, urbem armis vendicaturus; quo metu Nicolaus Federici adventum extrahere in autumnum cupiebat, fatalem diem occupaturus. Sed

Eneae

Æneae literis confirmatus, proposito absti-
 tit. Leonoram comitatu regio, haud pro-
 cul a Pisis descendente e navi, Federici
 nomine primus excepit, quanquam aegre
 ferentibus Germanis, qui aderant, Fede-
 rico propinquis. Pisas ingressos Florenti-
 ni, ex multitudine suspicione iniecta, cum
 depellere moenibus vellent, eius gratia at-
 que auctoritate vi abstinnerunt. Idem ad
 Volaterras factum, quod hae urbes, al-
 tera, subacta armis, exposita videretur ad o-
 mnem motum novitati, altera in finibus fi-
 ta esset. Senae ad arcem pornoerii, sponsa
 Federico exhibita, orationem habuit perele-
 gentem, quae puellae, Lusitanorumque Re-
 gum, laudes complecteretur. Extat adhuc
 pro portis marmorea columna, pompae
 congressusque monumentum. Cum cives
 adventu Federici nobilitatem relegassent,
 armata undique iuventute ad custodiam ur-
 bis, ut eos metu solveret, non obscura ope-
 ra Federici, discessum acceleravit. Ac tum
 demum remissa suspicione, & propinquis,
 nobilitateque omnium revocata, ipse, publico
 civitatis nomine, Legatus ad Nicolaum defi-
 gnetur, continenti itinere Federicum sequi
 iussus; in quo, resolutandis Cardinalibus,
 qui obviam prodiissent, interpres fuit lin-
 guae Germanicae ignaris. Nicolaum pri-
 mum adiens, cum omnia septa armis inve-
 nisset, metu liberavit. Postridie oratio-
 nem habuit de Imperatore coronando, &
 variam,

quam Pisis ex-
 ceptam

Senae Fede-
 co exhibuit.

Nova Pii ad
 Nicolaum, pu-
 blico Senensi-
 um nomine
 suscepta, lega-
 tio.

Quam secutae
sunt aliae ad
Pannonios,
Boëmos, Nori-
cos; ceteram-
que Germani-
am, & aliae.

variam, & plenam vetustatis; interpres ac moderator omnium, quae inter Nicolaum & Federicum acta sunt, utriusque in se gratiam auxit. Federico Neapolim ad Alfonso, coniugis avunculum, eunte, Romae substitit, dolore pedum demoratus, simul ut Regem Pannoniae, adhuc impuberem, in adventum patruī asservaret. Orationes in reditu Caesaris duas habuit: altera gratias egit Nicolao & Collegio Patrum; altera hortatus est ad bellum adversus Turcas suscipiendum, & posteriore quidem ita movit, ut extemplo ipse Legatus cum summa potestate ad Pannonios, Boëmos, Noricos, ceteramque Germaniam, destinatus sit. Cum Florentini, Federicum Pisana & Volaterrana iniuria offensum, ac deinceps Neapoli ab Alfonso incitatum, existimarent, atque ideo transitum prohibitori dicerentur: praemissus utriusque suspicionem ademit. Ferrariae Borsum, a Caesare Mutinensem Ducem nominatum, primus salutavit, laudavitque oratione clarissima. Venetis quoque pro munificentia in Caesarem iussus est gratias agere. Eodem paulo post a Noricis oblesso, emissus ad hostes, altera, quam exierat, hora obsidionem dissolvit: quo tempore & Boëmos Noricis ipsis conciliavit. Intercessit etiam rogationi Germanorum de maiorum decretis antiquandis, cum magna contentione res ageretur, contra Caesaris dignitatem futura, si decerneretur;

tur. Pannoniorum apparatus bellicum, Federico imminentem, discussit legatione bina: quarum posteriore & pacem confecit, ne quicquam toto biennio petitam. Legationem Germanicam, in Italiam susceptam, de bello Asiatico per omnem Germaniam circumtulit: qua de causa peregit & conventum Ratisponae, ubi progressum in concionem, omnibus, qui aderant, excussisse lacrymas constat, deploratis Graecorum calamitatibus, & recenti clade Constantinopolitana in medium exposita. Cupientem iam redire ad suos, nulla re alia Caesar potuit continere, quam spe iniecta Asiatici belli, pollicitus, sequenti anno expeditionem, quantis maximis posset viribus, suscepturum. Profectus eodem studio Francfordiam, quod in Ratisponensi conventu fecerat, ad suscipiendum in Turcas bellum excivit, ita, ut passim arma caperentur, constitutis ex eius sententia ducibus, qui essent publico nomine rerum summae praefuturi. Ceterum **Mors Nicolai** subsequuta statim Nicolai mors omnia per- **Papae.** vertit. Opinio fuit, Nicolaum voluisse eum cooptare Collegio Cardinalium; sed importunitate Regum, suum cuiusque postulantium, ne recipere competitores cogeretur, & hunc neglexisse. Mortuo Nicolao, rogationem Principum Germaniae privato consilio evertit, petentium id, quod diu tenuisse Galli dicerentur, ne quid Pontifici Romano statuere de templorum praefecturis

Legatio Pii
ultima ad Ca-
lixum, Nico-
lai successo-
rem.

A quo Card-
nalis Romae
designatus
fuit.

ris liceret. Legatione ultima missus ad Calixtum, Nicolao suffectum, ubi iusiurandum exhibuit, Caesarem illi pariturum, hortatus senem ad bellum Asiaticum suscipiendum, & lacrymas excussit, &, ut statim aedificari triremes ad ripam Tyberis iusserrit, effecit, bellumque maritimum ad veris initium inferri. Perpulit mox & Alfonso ad eandem suscipiendam expeditionem, Neapolim ad eum profectus: simul & bellum deprecatus est, quod idem Rex, duce Picinino, Senensibus intulerat, cum minus astitisse ei bello Hetrusco viderentur. Constatque, Regem confessum, propalam extortam sibi ab hoc pacem vi orationis, non impetratam, cum frustra Senenses tribus antea legationibus postulassent. Mansit autem apud Regem, compositis iam rebus, menses aliquot; ac tum demum sero aegreque dimissus. Ultimo discessu aliquoties obvolutus pedibus, Regem sic accendit ad bellum, ut extemplo & veterem classem recensuerit, & novam iusserit aedificari. Tum demum, reversus Romam, Cardinalis postulatione Patrum designatur: qua de re actae Calixto sunt gratiae, ac patribus, Germanorum, Pannoniorumque nomine. Fuitque statim multis in ore, providum sepe Calixtum esse, qui, adhuc vivens, successorem sibi creavisset. Fuit autem illi adeo carus, ut exercitum ab eo ad repellendum Hetruria Picininum impetraverit, &

& mox Legatos, qui peterent, Goro Lollo, consobрино suo, remitti exilium. Mansit autem eo in ordine menses circiter viginti: quo tempore, postulatus a Collegio Varnicensi, ad mare Balticum, Antistes urbis, nec multo post a Ratisponensi, ad ripam Danubii, recusavit utrumque, dicens, iam se Italum esse oportere. Secefferat, ineunte aestate, Viturniam lavandi gratia, & quod singulis annis vitare per id tempus coelum Romanum consueverat. Cum nunciatum est, Calixtum obiisse, celeriores eius reditum patres fecere, singuli ad properandum exhortati. Est & inter redeundum vulgo Pontifex maximus consalutatus. In comitiis Pontificem, suffragiis apertis, acclamatum, prorupisse in lacrymas constat: attentum aliquamdiu, cum excitaretur, & laetandum amici esse contenderint, dixisse, laetari tanto fastigio imperii eos posse, qui labores & pericula non cogitarent; sibi vero iam omnia praestanda aliis fore, quae ipse ab aliis, & in Germania, & in Pannonia, & in Italia, toties postulasset. Cum a Cardinalibus, & coetu Antistitem, ac postmodum a civibus per ordines singulos, consalutaretur, eodem persistit vultu, perductus in solium. Conventum Mantuae in-

Eoque mortuo, in ipsius locum successit.

Priora Pii Pontificis renuntiati decreta.

Altero Ferdinandum, Alfonsi filium, a Calixto paulo ante hostem iudicatum,

tum, amicum declaravit, cuius & causas attulit, quod novum conventum agitati potiora videbantur pacis consilia, quam belli, &, involvere domesticis armis Italiam, minus convenire Asiaticis rebus, arbitrabatur: etiam quod ictum ab Eugenio primum, deinde a Nicolao, postremo initio Pontificatus a Calixto ipso, renovatum cum Alfonso foedus id expressum continebat, ut Ferdinandus patris regno succederet, & Legati, qui aderant, hoc idem postulabant ex foedere, in quod paucis ante annis Italia universa consenserat, &, nisi fieret, certaturi armis videbantur. Proceres ergo regni, Alfonso mortuo, sponte sua ad Capuam in filii sceptrum coniuraverant. Tamen ius regai, & coronam, ea demum conditione permisit, ne cui praeiudicium fieret; simul & tributum, a superioribus pensum Regibus, quotannis solveret aureum nummum duo de quinquaginta millia; Pontificis Romani fines neque invaderet ipse armis, neque invadere alios, quantum in se esset, permetteret; Picininum, regia stipendia merentem, Assisio & Nuceria, per Calixti mortem occupatis, quam primum iuberet excedere; Beneventum, agrumque Beneventanum, restitueret; Terracinam, ad usum imminens belli relictam, exacto decennio, redderet; pacem quoque daret Sigismundo Malatestae conditionibus, quas esset ipse dicturus, Arcem Hadrianam Spoleti-

letinam, Narniensem, Surianam, a praefectis
 pecunia redemit; & pro Hadriana qui-
 dem viginti millia persoluta. Spoletinam
 vero praefectus magna opera Troili Fir-
 mani vix tradidit. Appetente iam vere, ^{Iter Mantua-}
 prius, quam urbe discederet, ne qui fierent ^{num.}
 in Latio & Sabinis motus, iurare finitimos
 coëgit in foedus, absente se duraturum.
 Fecit & decretum ex Patrum consulto, ne,
 si mori sibi extra urbem contingeret, comi-
 tia de sufficiendo Pontifice alibi cogerentur,
 quam Romae, praefinito etiam tempore,
 quo agentes extra Italiam Cardinales in di-
 es comitiorum expectarentur. Iudiciarios
 magistratus Roma vetuit discedere. Lega-
 tis subditarum civitatum & decreta maio-
 rum confirmavit omnia, & partem tributo-
 rum, paulo minus, quam dimidium, in tri-
 ennium remisit. Provocationes provinci-
 alium ad Romanos magistratus ante redi-
 tum suum vetuit interponi, adiecta mul-
 cta ei, qui provocasset. Ad exequilias ius-
 sis per Thermas Diocletianas ad portam
 Flaminiam, atque inde ad pontem Milvium,
 devectus, redire seniores Patrum in urbem
 iussit, aestatemque expectare. Iter primum
 egit secundum fluminis ripam, haud longi-
 us, quam ad septimum lapidem, daturus
 spatium, si qui vellent privatim se alloqui.
 Narniae concursu vulgi facto ad equum ^{Discrimen}
 umbellamque corripendam in discrimine ^{vitis Narni-}
 fuit victor, gladiis in ora dimicantibus: quo ^{ense.}

Pompa Perusinae acta.

Res eius Senae gestae:

metu reliquum iter Perusiam usque, ac deinceps Mantuam, lectica confecit, ad singulos quingentos passus mutatis lecticariis, deflexitque Spoletum ad sororem, ubi & quadriduum substitit; Assisii diuidio minus, arcemque communivit turri eximiae crassitudinis, angulo extremo. Perusiam ingressus est, pompa praecedente, equo vinctus candidissimo, duodecim eodem candore praecedentibus, stratis purpura sine fessore, & qui per frenos aureos manu agerentur, magistratibus purpuream umbellam, auro intextam, praeferentibus, sub quam ipse candida syndone, stola aurea commissa, & purpureo galero vehebatur. Pompae causam praetendit, quod post eiectum Bonifacium septuaginta iam annis Perusini Pontificem intra urbem non aspexissent; dedicavitque sanum Dominici, postulantis civibus, propter eximiam templi magnitudinem, & dona primus intulit. Fenestram quoque eximiae magnitudinis pone aram maximam opere vitreo iussit occludi artificio & textura texellata; maiores magistratus toga indui purpurea talari, ad viros sexaginta. Perusinae Legatos Allobrogum audivit; ac postridie Federicum Urbinatem, virum pace ac bello aeque clarissimum, & quo postea Marso ac Piceno bello copiarum imperatore est usus. Circumnavigato Thrasimeno, ubi ad Clauis vim annem pervenit, Legati Senensium obvi-

obviam progressi, restitutos gentiles ad munia civitatis cum nunciaissent, accelerare leclitarios iussit. Corfiniani haud amplius, quam triduum, moratus, ubi Senam venit, ceteram quoque nobilitatem restituit beneficio populi, quanquam diu recusantis, disperfitque per tribus, ut coire totum in corpus civitatis viderentur: restituere conatus est & duodecimvirales familias, ad capita amplius quadringenta aliquando nobilitatem secutas. Sed visus remissius postulasse, non tenuit. Statuit Antistitem urbis Metropolitum, finitimis in iurisdictionem adiectis, Grossetano, Massano, Clusino, Suavenfi. Civibus Radicophanum, munitissimum Hetruriae oppidum, quod diu antea bello ceperant, consensu Patrum in perpetuum sub tributo concessit. Cum Legati Caesaris, & Beticae, ac Lusitaniae Regum, & Philippi Burgundi, Senam convenissent, omnibus sequi se iussis, Florentiam trium dierum itinere contendit. Tribus legationibus, apparatu diverso excipientibus, inter quas & Galeacius, Francisci Sfortiae filius, sextum decimum natus annum, a Mediolano usque praemissus a patre, & cum eo Arimensis, Faventinus, Forolivienfis, & Forocornelianfis, tyranni occurrerunt, ceteris auream sellam per vias subeuntibus, Galeacio per aetatem manum apponente. Postridie ludi theatrales decreti, quibus leones cum equis concurrerunt, mox cavea per

Bononiae;

Ferrariae;

medios spectatores dilapsi. Consultavit & de rebus Italiae cum Cosma, Senae sui temporis prudentissimo, opibus vero, quantae nulli, ne veterum quidem, privato fuerunt. Tempora quoque ab eo facta, reliquaue aedificia, percipide inuisit, in quis circiter sexcenta millia insueta existimavit. Sigismundi Ariminensis causam, qua proditionis accusabatur a Ferdinando Rege, distulit in conventum Mantuanum. Bononiae septem equitum turmas, quae, secutae Galeacium, illic subsisterant, prius, quam urbem ingrederentur, iurare coegit, futuras in ipsius potestate: fuitque civitas in trepidatione, armata circa optimatum domos inventute, ne quid innovaretur. Auxit metum Brogma, orator quidem vehemens, ceterum qui parum consulte in gratulatione publice civitatis conditionem deploravit: qua de re mox praevaricationis reus in exilium actus est, non ante Pii reditum remissum a civibus. Ferrariam lembo delatus est per flumen Padum, omni genere magnificentiae exceptus a Borzio. Ceterum postulata eius de immunitate civitatis, & remissione tributorum, reiecit, causatus temporum difficultates, quibus augenda tributa in Asiaticam expeditionem essent, non minuenda. Quam ob rem Borzio Ferraria discedentem ad Stellatam oppidum secutus, venturum se Mantuam, cum recepisset, postea minime praestitit. Ad eum locum Ludovicus

vicus Ganzaga, Mantuanorum Princeps, occurrit, classe utraque in naumachiae speciem concurrante. Ingressus Mantuam est Mantuae; sexto Calend. Iunias, quatrIduo prius, quam Romae subscripserat, pompa eadem, qua Perusiam, nisi quod hic Regum Principumque Legati lecticam subire, praefecturae urbanae, vigilesque portarum parere ei iussi, quem ipse statuisset. De conventu acturus, orsus est a re divina, supplicationibus per urbem totam continenti triduo decretis. Exposita ratione belli suscipiendi in Turcas, paucis inventis eorum, qui, se conventuros, erant polliciti, religionis simul, & Italiae, vicem deploravit oratione admodum modesta, & plena desperationis. Sed brevi freuens esse conventus coepit Legationibus Transpadanis; mox & Gallica, ac Burgunda, Casimiri quoque, Getarum Regis, splendidiore, quam barbarorum, apparatu. Venit & Blancha, Francisci Sfortiae uxor, Philippi filia, foemina spectatae probitatis, comitantibus eam quatuor alteris liberis, quorum Hypolita, natu maxima, iuniori Alfonso desponsata, latine oravit pereleganter, Pii studium in religionem complexa, Galeacio fratre orationem eius excipiente, qui ambo patris adventum promittere. Inter haec nuncio de Turcarum impetu in Peloponnesum accepto, trecentos pedites mittit, quorum centum Blancha mercede conduxit, centurione Zanono Cremonensi. Adeum

terrorem accessere Legati ex Rhodó, & Cypro, & Lesbo, & Epiro, atque Illyrio, venientes, omnes petitori auxilium. Auxit trepidationem Sanderovia, munitissimum oppidum in ripa Danubii, proditum Turcis. Itaque Ragusinos, auxilia pollicitos, triremes duas armare, navigareque primo quoque tempore in Gracciam, iussit. Bellum exortum in Germania compescuit, missis Legatis, Verdeaque oppido, erepto Caesari, iussu restitui. Dedit Sigismundo Arminensi pacem conditionibus, quas, tunc acceptas, brevi Gallico bello abrupit. Francisco Sfortia cum quadringentis purpuratis veniente, tum demum expectatis, ceterarum gentium legationibus rogationem tulit de bello suscipiendo, habuitque orationem omnium, quae circumferuntur ipsius nomine, longe gravissimam, secundum quam consensu omnium, qui aderant, bellum decretum est. Alteram tulit rogationem, mari, an terra, gerenda res esset, & Italo milite, an externo, & quam magno exercitu opus foret, & unde cogendum stipendium? ac sententiam ipse subiecit ad singula. Militem conducendum eum, qui vinci a Turcis non consueffet, praecipio Germanum exercitum, neque minorem comparandum, quam satis esset repellendo hosti, neque maiorem, quam alere provinciae possent. Pecunias in Italia exigendas, corrogandas etiam in Gallia, atque Hispania, esse. Cum de Impera-

peratore exercitus referret, qui communi-
 bus auspiciis rem gereret, Francisco mu-
 nus per aetatem deprecante, Legati Bur-
 gundi Philippo, eorum Duci, receperunt,
 votis quoque ad eam expeditionem damna-
 to. Misit & Gorum Lollium Venetias ad
 communicanda clam consilia belli. Rho-
 diis ad triremes celeriter aedificandas sex-
 decim milia aureum nummum dedit ex
 pecunia Gallicana. Sed haec belli consilia *Motus Italiae,*
 mutatae undique res oppressere. Nuncia-
 tum sub idem tempus, triremes quatuor &
 viginti, ad ripam Rhodani aedificatas ad
 utum Asiatici belli, Renati Galli filium, cor-
 reptas, adversus Ferdinandum coarmasse,
 ac motis ad Genuam rebus, classeeque ad
 Lyrim amnem delata, Campaniam vexare;
 Optimates regni plerosque ad Gallos desi-
 cere; Romae Tyburtium & Valerianum
 fratres, illecta iuventute, Agrippae fanum
 communisse, tractis per vim ad supra civi-
 um liberis, ac caesis, qui minus obsequeren-
 tur; Piccininum ad Gallos cum parte re-
 gni exercitus transfugisse; Sabellos Picci-
 nini praesidia recipere; In Picenis Sigis-
 mundum, rupto foedere, oppida regia in-
 vadere; Efinos, & Anconitanos, & in Um-
 bria Fulginenses, & Mevanenses, propter fi-
 nes tumultuari; Britannos eiecisse Regem; *Britanniae,*
 Hispanos, maiore fratre depulso, minorem *Hispaniae,*
 regno imposuisse. Nec ab Germanis qui- *& Germaniae.*
 etiora afferuntur; Pannonios & Boemos,

Quos redax
factus Pius
Senam;

Rege veneno assumpto, distrahere in partes regnum; Noricos inter se armis certare; Moguntinis Dieterum Antistitem inferre bellum. Ad hæc tot simul coorta mala visus non nihil animo succubuisse, rediit celeriter Senam, nec sine discrimine, Pado inter navigandum glacie districto, ut necesse fuerit, securibus excidi. Ad res Germanicas sedandas Legatum misit Bessarionem, Cardinalem Nicenum, principem Collegii. Regi, subitaria collecta manu, auxilium submisit, eoque mox ad Sarnum profligato, nihil cunctatus, veteres instauravit copias, ac novas addidit, duce Antonio, sororis filio. Piccinino Federicum Urbinatem, & cum eo Alexandrum Sfortiam, opposuit; Sigismundo Neapulionem Ursinum, ac mox & Federicum, qui illum ad Senegalliam magna victoria fudit. Romam centuriones aliquot praemisit, & equitum praefectos, qui sicarios Tyburtianos comprimerent. In Britanniam Legatum, praefulem Interamnensem, quem mox, abusum legatione, & pugnae Britanniae immixtum, coniecit in vincula, praefulatu quoque amotum; in Hispaniam etiam, qui fratrem maiorem restituerent. Rediit post hæc celeriter in Urbem, exorta in Campania, & Picenis, ac Sabinis, bella ex propinquo suppressurus. Sed undique extante motu rerum, bello ita incubuit, ut, aliquando quatuor & sexaginta equitum turmis re gesta, non antea desierit,

& paulo post
ipsam Ro-
mam, omni ni-
su componere
allaboravit.

rit, quam subactis undique hostibus, quod multis aetatibus vix contigerat, ~~diversae~~ Italiae data pax fuerit. Bella suscepit invictus, nec unquam, nisi laceffit, & nec sic quidem, nisi prius commonuisset, ab iniuria desisteretur; & Sigismundo quidem non antea inferri arma iussit, quam ter denunciasset, missis etiam Legatis, qui oppida repeterent, media pace per fraudem occupata. Sabello syngrapha, manu sua scripta, conditiones acquirissimas proposuit, quanquam obfesso, & rerum omnium inopi. Utrumque deinde, vi ad deditionem compulsum, servavit quidem; ceterum erepta bello eorum oppida neutri restituit, praefatus, iniuriam eatenus remittendam esse, ne secundo possit inferri. Sigismundo conditionem quoque adiecit, ut in Peloponnesum dux belli adversus Turcas proficiscerentur, ubi postea biennio varia fortuna bellum gessit. In Germania Dieterum, Moguntinum Antislitem, tribus legationibus monuit, mox decretis ipsius parere recusantem, abdicavit, quanquam familia ortum potentissima, alterumque suffecit. Visus est ^{Laudatur Phil} erexisse calamitatibus animum. ^{magnanimi-} Cam nuncietur, deletum in Picenis eius exercitum, ^{tas.} & domestici suppressere nuncium conarentur, ubi rescivit, nihil motus, Sigismundus, inquit, si decies praelio vicerit, semel victus fuerit, bello vincetur, quod mox, inflauratis copiis, evenit. Ferdinando ad Sar-

num profligato, insultantibus Gallis, Fortuna, inquit, belli nobiscum est. Nam ea, quos primum fovet, postremo destituit. In Germania quoque victis insigni calamitate, qui eius autoritate bellum gerebant, Nostrium, inquit, erit, iam vincere, qui victi sumus. Quae tria bella, quamvis principio deteriore conditione ubique fuerint, brevi ex sententia confecit. Expugnari neque casibus fortunae adversis, neque minis potuisse, quod post susceptum bellum nemini pacem dedit, nisi victor, quanquam & a Sigismundo post victoriam Picenam, & a Gallis post suas regias copias, postularetur, conditionibus, ut accipere, non dare, viderentur. Auxit fines imperii, Benevento & Terracina iure foederis a Ferdinando acceptis. Sabinos, qui ad Gallos defecerant, & Soranos, atque Arpinates, & in Picens, ac Flaminia, a Metaurenfibus in Cesenatem usque, Arimino excepto, armis obtinuit, Fano fortunae mari simul, terraque oppugnato, Venetorum quoque classe, quae, illatura praesidium, venerat, opera Anconitanorum profligata. Cesenates iureiurando adiecit, ut post mortuum eorum tyrannum, Sigismundi fratrem, urbem atque agrum Pontifici dederent, quod brevi, quanquam ipso iam mortuo, fecere. Canale, Tudertinorum oppidum, longa obsidione pressum, cum machinis undique dirutum, non tamen ante promissa defensoribus

Augmenta
imperii Pon-
tificii.

ribus praemia expugnari potuisset, & laudavit, qui defenderant, & ducem eorum praefectum militum constituit. Quaedam & sine bello obtigere, in Aquitania Valentinenfis & Diensis Tetrarchiae, quae sunt ad ripam Rhodani a Ludovico Rege, incertum, datae sponte, an maiorum testamento relictæ; in Peloponeso quoque Monovalia, munitissimum situ oppidum, a Patologis traditum; in agro Tolphano prope centum cellas montes alumnis patefacti, ex quibus proventus annui aureum nummum paulo minus percipi, quam centum millia, feruntur. Insolentiae eorum, **Verenda Pii** qui minus iusta peterent, aut molirentur, **ipsis summa Principibus auctoritas.** constanter resistit. Oratores Cyprii, natum ex concubina, Regis filiam, exclusa Charlotta, ex uxore suscepta, Regem dari sibi, postulantium reiecit, quod Cyprum vestigalem promississe Regi Syriae, & iurasse quoque in eius verba, diceretur. Georgii, Boemorum Regis, quod Fantinum Dalmatam, Legatum, coniecisset in vincula, & mox quod male de religione sentiret, regnum publicavit. Sigismundo Norico, Caesaris patrueli, diem dixit, quod, nulla fretus auctoritate, custodiri Cardinalem, eundemque Antistitem Brixinnensem, iussisset, interdixitque aqua & igni, quanquam privata amicitia inter praecipuos habito. Sigismundum Malatestam, obloquentem de religione, atque ideo in ius vocatum, nec com-

comparentem, damnavit, simulacro quoque eius Romae vicatim incenso. Nec multo post foedus Gallicum, in quo & Sigisimundum contineri, Galli contendebant, recusavit, indignum, dicens, iurare cum eo societatem, quem paulo ante damnavisset. Tudertinis tyrannicum morem creando-
rum magistratuum sustulit, datis legibus, quibus rem publicam gubernarent. Increpuit Senenses, quod legem tulissent, ne qua deinceps rogatio fieret de nobilitate restituenda, atque adeo acriter, ut extemplo legem abrogarent. Arcein, in Lavinionensi magnis sumptibus aedificatam a Columnensibus, & loco munitissimo, demoliri, extemplo iussit, Veliternis imminentem. Mittente Caesare legationem paulo obscuriorem recusavit audire, postulavitque clariorem; Burgundam quoque, veluti superbiorem, iniustaque decreta postulantem. Martialem Gallum, quod, virginem incestasse vestalem, ferebatur, praefectura amovit, quanquam scelus non constaret, subdicens, in religione praefectos suspicione non minus vacare oportere, quam crimine. Gallum alterum, Armeniani tyrannum, cum sorore consuetudinem stupri per speciem conjugii habentem, in iudicium tractum, mulctavit, coniectis in carcerem, qui falso decretum Calixti, corruptis tabulis, adhibuissent, actaque res est magna contentione propter familiae nobilitatem. Quaedam minus

minus visus est vindicasse. Perusiae Pap- Prudentia
 duli Balionii, ac filii, caedem, a patruale in singularis,
 spem haereditatis securis illatam, & in Pi-
 ceno acti Sentinatis eadem de causa a pa-
 truo capti, ac mox strangulati, & in prio-
 re quidem causatus tempora, extorqueri fi-
 bi parricidium, questus est, Sentinatem ob-
 sessum, ac mox sub conditione deditum, di-
 misit, omnibus exutum rebus, affectis ta-
 men supplicio, qui iuveni manus intulissent.
 Nonnulla facetiis excepit, aut morfu. Lu-
 dovico, Rege Gallorum, nisi copias, in Fer-
 dinandi auxilium missas, e Campania revo-
 caret, multa minitante, ac rursus, nisi des-
 tineret auxilio; Gallos, qui Romae essent, re-
 vocare simulante, nihil respondit aliud,
 quam: Et habitabimus laxius, & nugas non
 audiemus, castigata simul insolentia gen-
 tis, & levitate. Triballis, confirmari sibi,
 quem ipsi nominassent Regem, postulanti-
 bus, negavit esse sui iuris, sed ad Panno-
 nios pertinere; contendentibus, liberos esse.
 Quid, inquit, servitutem postulatis? Prae-
 fecturam Rhodiensem, exhaustam a Gallo,
 Hispano commisit, dicens, Gallicum mor-
 bum Hispaniensi medico curandum esse,
 quod Galli profusi, Hispani pro frogi, hab-
 rentur. Conventu Mantuano, cum Bur-
 gundi duo millia equitum, quatuor pedi-
 tum, pollicerentur, Germani hominum ei-
 matorum duo & quadraginta millia, Un-
 gari dimidio minus, Ragusini duas trituncas,
 Rho-

Rhodii quatuor, Cypri totidem, Legati ex
 Cilicia hominum triginta millia, dicenti-
 bus Gallis, non antea excitandum foris per-
 egrinum bellum, quam ipsorum domesti-
 cum sopiretur, Mirum, inquit, Gallos, qui
 semper alias vicerunt, hodie verborum ma-
 gnificentia vinci. Borsii quoque Legatis,
 trecenta millia aureum nummum pollicen-
 tibus, cum fidem non fecissent, Non, in-
 quit, tot opus est minus dimidio contentis.
 Cum Veneti propter initum cum Turcis
 foedus palam adversarentur, clam tamen,
 habita ratione, quantum essent collaturi,
 summam belli navalis dari sibi, postularent,
 & classem insuper triremum sexaginta &
 viginti navium rostratarum, ac peditum de-
 lectorum octo millia, & annuas decimas,
 & praeterea quindecies centena millia ex
 publico, Hoc, inquit, Veneti est, recusare,
 non petere; nos vero adeo vobis molesti
 non erimus, ut oneris tantum feratis. Hi-
 spanorum assertionem de miraculis eius,
 qui cum patre de regno contenderat, quan-
 quam asseveratissime instarent, irrisit; idque
 aegre ferentibus, An nescitis, inquit, vita
 miracula fieri, non morte? Germanis of-
 fensis, quod inter respondendum Matthi-
 am Pannoniae Regem appellasset, tanquam
 ad eos ius regni pertineret, Sinite, ait,
 Matthiam tantisper Regem appellemus,
 dum, cum vos regnum tenere, permittitis,
 temeritate simul, & ignavia, exprobrata,
 sub-

subdiditque, armis regna diiudicari, non
 legibus. Clementem eum fuisse, indicio Clementis,
 est, quod nemini, petenti veniam, non faci-
 le ignovit, alioquin pertinacibus inexorabi-
 lis. Bello regio parci Arpinatibus iussit
 ob C. Marii & M. Tullii memoriam, quod
 multi oppidanorum ita vocarentur. Do-
 nadeum, oppidum Sabinorum, direptum a
 suis, gravissime indoluit, ut opinio fuerit,
 cogitasse eum de ducibus exauctorandis.
 Correptos a suis greges Aquilanorum ad
 quinquies centena millia, quod, violata fide,
 ad Gallos defecissent, restituit, dicens, non
 esse multandos infontes, greges agrestium,
 & multitudinis, esse, defectionem a poten-
 tioribus factam, qua liberalitate dedere
 se volentes, Aquilanos reiecit ad Regem.
 Expeditiones non, nisi ex consensu Patrum,
 & sero, suscepit. Susceptis ita incubuit, ut
 aliquando, non suppeditante aerario, atque
 aegre conferentibus focis, accitis quaestori-
 bus. Iam, inquit, si opus est, vendi me
 iubeo. Pecuniarum usque ad vitium ne- Contentus
pecuniarum,
 gligens, ut nec aspicere quidem sustinuerit.
 Impensa belli ingravescente, contraxerat a-
 liquando ad ducenta millia aeris alieni.
 Quod ubi ex rationibus aerarii percepit,
 quaestoribus graviter succensuit, iussis pri-
 ma quaque occasione dissolvere. Quaestore
 urbano usus est Iulio forti, Pisano, acris
 & animi, & ingenii, viro, sed contrahen-
 do aere alieno in sumtus bellicos paulo la-
 ziore:

xiore. Quo factum est, ut, exhaustis vectigalibus, unde suppeditare domesticis sumptibus pecuniam posset, aliquando laboraverit, coactus unum in triclinium, & ipsum admodum frugi, familiam omnem redigere, ut aliquando exclamaverit, & qui appeteret, & qui contemneret pecuniam, stultum esse. Sed neque rationem fisci vectigalibus, aut portoriis, auxit, neque decimas antea exegit, quam bello Turcis indicto, & tunc quoque moderatione adhibita, ne profani ultra, quam trigesima, gravarentur, neve ad maiorem summam infimi magistratus, quam supremi, utque Iudaeorum vigesimae non ex proventibus, sed ex capite, deducerentur. Instituit Quatuorviros ex Collegio Patrum de luxuria coercenda, primum Germanum, alterum ex Gallis, reliquos ex Italia. Sed homines diversarum nationum ac morum dum cunctantur, ipse e vita decessit. Novum etiam collegium Abreviatorum ad viros septuaginta literatura & moribus ex omni natione promiscue electos. Redacturus ad castigationem elegantioreque stilum acta publica videbatur, quod iam ab initio Pontificatus destinaverat. Sed, deterritus diversitate controversiarum, ac legum, differre se in magis otiosa tempora, non omittere, testatus est. Provocationem ad futurum concilium, temere a nonnullis illatum, edicto submovit, dicens, supplicatorum esse perflugium, cum iudicem

Instituta
quaedam laudanda
de dignissima

dicem petere, qui nusquam esset. Episcopos, Protonotariis ordine subselliorum anteposuit, mutata consuetudine maiorum, quamquam plerisque regio genere ortis. Cardinalium numerum duobus comitiis auxit undecim adiectis, laudavitque singulos oratione diversa. Sed neo priorum contempsit suffragia, nec de quoquam retulit, cuius ratio non omnibus constaret. Testamenta eorum, quae Romae decessissent, libera esse voluit. Qui intestati obiissent, eorum bona ita demum referri in aerarium est passus, si nec propinqui comparuissent. Quaestore ejus quaedam suppressere volente ad fiscum devoluta, cum reddere iis, quorum fuerant, iuberet, & ille vendita asseveraret, statim subdidit: Redimantur. Nobilitati, & studio sui, & ex Germanorum consuetudine, favit. Respublicas non aequè visus probasse, definiebat multorum esse tyrannides, & quae optima haberetur, in ea non minus bonis, quam malis, periculum esse; virtutis praemia non fere, nisi apud Principes, inveniiri. Thomae Paleologo, ac liberis, Peloponnesi imperio depulsis, in Italiamque fugientibus, occurri ad Anconam iussit, atque omnia regio more subministrari. Charlottam quoque, Reginam Cypri, regno deturbatam a fratre, atque ad focerum Allobrogem navigantem, descendere ad Hostiam, ac Romae excipi, datis equis, quibus iter reliquam terra conficeret, via-

Liberalitas,

Magnificen-
cia,

tico etiam profecutus. Accitis Romam fere omnibus, quos Turcae patria eiecerant, pecuniam ad victum annuum constituit. Ceremoniis solemnibus permagnificus, ceteris in rebus habitus est intra modestiam. Caput Divi Andreae, ex Peloponneso delatum, profecutus est maxima pompa, Alexandro Cardinali Sentinati Anconam missa, qui, a Graecis acceptum, Narniam usque deferret, ubi in arce reconditum. Exacto post anno, tribus missis Cardinalibus diversi ordinis, & decretis itinere toto supplicationibus, Romam iussit afferri, progressusque obviam ad pontem Milvium, mediis in pratis excepit, tabernaculo exstructo ad rem divinam faciendam, ubi mox & sacellum erexit Ligustico marmore, & in Vaticano cellam dedicavit, simulacro argenteo confecto, Viturvii festam eucharistiae peregit insolito apparatu, strata undique sagis purpureis urbe, velataque linteis, quibus aureae stellae, veluti coelesti affixae globo, interlucebant, ut, excluso coelo, inter flores ad digiti crassitudinem, & diversi generis cantus, supplicatio procederet. Sylvestres etiam homines, hedera vestiti, cum leonibus atque ursis congregari videbantur artificio mirabili, & versus passim heroici canebantur, fontiumque fistulae, utrinque ex adverso sese ferientium, murinure continenti demulcebant, stravitque omnem templi ambitum purpura. Catharinam Senensem, cuius multa
extra-

extare miracula ferebantur, in Divarum retulit numerum apparatu aequae magnifico. Ritus sacrorum & ceremonias ita ubique tenuit, ut ad Sublacum inter coenobitas coenam eodem apparatu, quo illis, ministrari sibi biduo iusserit, quod & Capriolae in Hetruria fecerat, & ad Coenobium Divi Benedicti in Mantuano, & in Florentino ad Certusiam, cum ibi substitisset. Lustrandi orbem, & vagandi, adeo cupidus, ut aliquando dederit calumniae locum, & legationem quidem Scoticam non invitum suscepisse constat; Britanniam vero itinere obliquo, & unde circumspicere multa posset, obuisse, dissimulata veste, Londoniae ingressum; voluisse etiam ad Orchades navigare, sed, deterritum male toties tentato mari, dixisse tritum illud, plus quam temere Neptunum accusare, qui tertio iactetur. Et Scotiam quidem Norvegiamque descripsit, facturus idem de Britannia, si redire ad exactiorem inquisitionem licuisset. Amadeum Allobrogem, qui, incertum, specie sanctimoniae, an aucupandi Pontificatus gratia, solitudini se dederat, quod locum delegisse amoenissimum ad ripam Lacus Lemanici ferebatur, ultro adiit, locumque descripsit. Habuit inter delicias & vallem Sarentanam, quae est in Rhetiis, fontium ubertate atque gratia eximie lactam, ubi & aedem consecutus est. Profectione Mantuana, commemoratus Clavii diem

Peregrinandi
studium.

unum, reliquias labyrinthi, vetustate collapsi, perquisivit, & ad ostium fluminis Mincii divertit in villam, quam, constans est apud accolas fama, fuisse Virgilii. Agrum Tusculanum, & Albanum, & Tiburtinum, studio vetustatis circumlustravit omnem; viam quoque Appiam, & aquae ductus, & Hostiam, & Traiani portum, diversis secessibus inspexit, & in Appia quidem obeliscos ad hyppodromium iussit excavari. Hostiae vero in discrimine fuit, gravissima exorta procella, compulsus metu inundationis nocte media cubiculo excedere. Phalerios quoque adiit, quod audierat, muros adhuc extare lapide quadrato, & Oricoli eadem de causa substitit. Circumnavigavit Thrasimenum & Vulsinium lacum, & utroque in altera insularum pernoctavit. In Thrasimeno subscriptiones libellarias fieri, quae in lacu factae notarentur; in Vulsino summo iugo insulae erigi sacellum iussit, ubi est Christianae virginis sanum, & certamen concurrentium navicularum despoxit, proposito accolis praemio. Fontes sereno die adeo cupide frequentabat, ut saepe inter glaream & marginem coenam postulaverit. Augustam, & Alburnam, & derivationem Anienis, via Claudia ad Sublacum usque invisit. Salonam quoque via Tiburtina ad laevam deflectens, Augustam ubi contegi ad vitandum aestum audivit, egit accolis gratias, statimque accersit. Struxit

xit & Senae fontem in hortis prope pomerium, aqua ductu subterraneo derivata, ubi diem saepe totum decernendis rebus exegit. Quem cum noctu quidam disiecissent, adeo tulit moleste, ut discedere statim voluerit, quaestionem tamen, ultro offerentibus civibus, interponi vetuit, dicens, factis magnam poenam suam cuique stultitiam esse. Montium quoque delectabatur ascensu, ut in Romano & Tiburtino prope nullum praetermiserit, sed praecipue, qui virent arboribus, & in longissimum prospicerent. Amiatam, in Hetruria editissimum, conatus ascendere, ad media substitit, lecticariis aegre subeuntibus. Senae cum diversaretur, saepe Capriolam secedebat, quo in loco ingum est pinu, cupresso, ilice ac lauro, consitum, semitis per gradus sub umbra distinctis. Nisi per hyemem aut pluviam, raro sub tecto aut prandebat, aut spatiabatur. Secedebat singula quaque aestate ab ortu caniculae, nisi qua re graviore distineretur, aut in proximas urbes, aut, si liberum esset, in Hetruriam. Itineribus usus per aestatem nocturnis, stationes libenter secundum fontes habuit, aut flumina & rivos, si fontes non occurrissent. Interdum aut interrogabat proximos de iis, quae prospiciebantur, aut ipse loquebatur, historiam loci, cum posset, ubique subnectens. Vere atque autumnino Viturvinae balnea repetebat, aut Petriolana. Destina-

verat aliquando & Baiana petere; sed, revocatus precibus Senensium, divertit ad Tusca. Lavabatur perfricabaturque a paucis, & exiguo apparatu, ne quem deterret eorum, qui prope lavabantur. Qua de causa nec horam sibi ullam praescripsit. Absterfus paulo plus minusve mille passuum vehebatur. Perpetuo Pontificatu lecticariis usus, ubi navigatio deesset. Annandi leviter secundis fluminibus, cum posset, occasionem avidissime arripuit, quod & minus quateretur, & lecticariis parceret. Dierum ac noctium rationem ad horas usque distinxerat. Surgebat aestate ad primam auroram, hyeme ad alterum gallicinium. Studium ita partiebatur, ut inter legendum aut scriberet, aut dictaret paribus prope intervallis, nisi cum historias texeret, quas constat & verissime, & festinantissime, scripsisse, plerumque duas in horas, nunquam minus, quam in unam, protracto studio. Exceptorem habuit, Augustinum Patricium, quem aliquando ad horas quatuor exercuit, sed duntaxat valetudinarius, & cum chiragra laboraret. Deinde vel aderat rei divinae, vel ipse operabatur. Mox aut cum Patribus consulebat, aut dabat subscriptionibus operam: quae duo munera alternis diebus obiri solita, nisi cum feriae, aut solennia prohibuissent, nunquam intermisit. Subscriptiones etiam extra ordinem, ut quaque postulator occurreret, & in men-

Ratio studiorum,

Rei publicae cura,

sa

sa, & incubili, faciebat. In itinere, ubi ubi sub-
 sedisset, acciri postulatōres iubebat, nec un-
 quam ad fontem, aut umbram, accessit sine
 pugillaribus. Secundum consultationes Pa-
 trum, aut subscriptiones, primum Oratores,
 mox privati, admittebantur. Cum aliquando
 unus e cubiculariis senem verbosiorē fa-
 cere dicendi finem clam submonuisset, ad-
 vertens, repeti omnia iussit, conversusque
 ad cubicularium, irato similis, An nescis, in-
 quit, ex quo inivi Pontificatum, aliis me
 vivere oportere, non mihi? Neminem
 plus triduo demoratus, Oratores saepe, qua
 die venissent, ceteros postridie, admisit, prae-
 scripta cuique hora, ne quem expectando
 fatigaret. Integritatem eorum, qui secum **Familiares,**
 versarentur, exactissime perquisivit, repu-
 diatis, quorum fama minus probaretur.
 Initio Pontificatus Secretariorum numerum,
 quod offerri quaedam temere dicerentur,
 ad paucissimos redegit, pauloque post ad
 duos, Gorum Lollium, consobrinum suum,
 & Iacobum Lucensem, spectatissimae probi-
 tatis viros, & alterius quidem ingenium ac
 vitam ita probavit, ut paulo post Antisti-
 tem Papiensem, mox & Cardinalem, effecerit.
 Qui de postulatis referrent, homines sibi a-
 scivit moribus & doctrina probatissimos;
 praecipuum vero Agabum Cyncium Ro-
 manum, clarum in Poëtica quoque, sed Iu-
 ris scientia longe eminentissimum, quem
 primum Anconitanis, mox Camertibus

praefecit Antistitem, maiora collaturus, si diutius vixisset. Constantissimus fovendis, quos semel esset amplexus, gloriabatur, inter suos neminem sibi fuisse inimicum sua culpa. Dilexit ex privatis Marianum Sozzinum, Senensem Iuriconsultum, veterem aequalem suum, & Procopium Boëmum, quem aliquando in Germania collegam habuerat; ex Regibus Federicum Caesarem, & Alfonso Aragonem, & Matthaeum Pannonium, extremo tempore & Franciscum Sfortiam, quem bello regio socium habuit. Praecipue omnium complexus est Federicum Urbinatem, cui rei bellicae summam commisit; ex Patribus maxime Bessarionem Graecum Cardinalem Nicenum, aetatis suae doctissimum, quem & orare aliquando secundum se iussit, & legationem Germanicam commisit cum summa potestate, Carvajalium quoque Hispanum, eiusdem ordinis, clarum virum, quem iam senem, & attritum legationibus, ex Pannonia revocaverat, dialogosque aliquot inscripserat. Ex domesticis plurimum apud eum potuit Gorus Lollius. Catharinam & Laudomiam sorores aequae dilexit, & Laudomiae quidem virum, ad equestrem erectum ordinem, Umbriae praefecit; ex quatuor filiis primum, Antonium, in familiam regiam adoptatum, Marforum ac Lucanorum imperio praeficiendum, a socero Rege curavit; alterum, Franciscum, viginti annos natum, co-

opta-

optavit Collegio Patrum; reliquos duos, Iacobum & Andream, ad mediocres extulit opes. Catharinae vero, cum unicam haberet filiam, minus visus est praestitisse. Ceterum & praefecturas dedit genero, & ipsi ad viginti millia aureum nummum comparavit. Auxit familiam numero ad Adoptivi, optivorum, inter quos sororis filios, & Gorium consobrinum, & Cardinalem Papiensem, & cubiculatorum aliquot, gentilitiis donavit. Alexandrum praeterea Mirabalum Neapolitanum, quem initio Pontificatus ob eximiam liberalitatem familiae, rei-que domesticae praefecerat, & oppidum Frascatam in Latio secessus aestui gratia concesserat. Amicis & propinquis raro se subtraxit. Sermone gaudebat libero & festivo, & qui modice exiret in iocum, fuitque natura non infacetus urbanitate extemporanea. Occurrentibus aliquando in itinere Lusitanorum Legatis, Nos, inquit, ad hos, an hi ad nos veniunt? Exeunte eo a cella palatii, cum Germanus senex, arrepta lectica, ius sibi reddi, exclamaret, una, inquit, de re, an de omnibus? Respondenti de una, statim subdidit: Recte sapis. Nam actum de te fuerat, si de omnibus postu-lasses. Alteri, se ipsius pedibus commendant, Nescis, inquit, o stulte, quam debiles patronos imploraveris. Corsigniani, quo in loco natum eum diximus, non comparentibus sodalitiis, Solus, ait, meorum con-

urbanitas & facetiae,

te praefinit. Fecit & senex porticum gentilitiam concameratam, aedes quoque adiuncturus, quarum iam cretam straverat. Erexit & cellam ad fanum Divi Francisci, & in ea sepulchrum parentibus marmore Ligustico, hoc inciso Disticho, quod ipse condiderat:

Sylvius hic iaceo: coniux Victoria mecum est.

Filius hoc claudit marmore Papa Pius.

Cogitaverat Amienem ad Tybur usque navigabilem reddere, portum quoque Traiani repurgare, & in Pientino lacum facere, Orcia, flumine occluso, ac vivo ex Amiathe radicibus eodem derivato. Ingenia sui temporis mirifice fovit, sed quantaxat probatissima. Invertens nonnunquam aliorum epigrammata, visusque contempsisse mediocritatem, contraxit invidiam, dicere solitus, Oratores & Poetas, aut supremos, aut nullo in loco, esse oportere. Laudabat in dicendo candorem & vim orationis, Apparatum verborum nimium dicentis otium appellabat. Juvenis, delectatus Poetica, Niraphileticum scripsit versu magis facili & expedito, quam accurato; poemata quoque in epistolarum modum complura. Flexu aetatis orationi incubuit, invitatus rerum & legationum magnitudine. Scripsit ad Ladislaum, Regum Boemorum, adhuc adolescentem, libellum unum, de Arte Grammatica, mox alterum, de Regia Institutione, cum

Literarum
amor,

Scripta,

cum in Germania vigeret; de rebus Boem-
nicis ad Alfonsum, ad Federicum de No-
ricis integros Commentarios; Rerum sui
temporis, in Italia gestarum, libros duode-
cim, quod opus nondum absolutum cum
vita finivit, vetuitque publicari, nisi emen-
daretur, de Eurialo, de Ortu Nili, de
studio venandi, de Haeresi Hussitarum,
de Dignitate Caesaris, de Potestate Con-
cili, de Sanguine Christi, de Veritate
Christiana ad Mahumethem Turcam,
de Gloria belli suscipiendi ad Franciscum
Sfortiam, de Erratis Basileensium, de
Fortuna, de Defensione Poëtices, de
Misera Curialium singulos libros, quorum
magna pars dialogis constat. Descripse-
rat in Pontificatu Asiam minorem; maior-
rem mors intercepit. Inchoaverat & ali-
quando historiam universi orbis rerum ae-
tate sua ubique gestarum; sed omisit, ve-
ritas, ne parum explorata colligerentur. Lo-
ca libenter excipit stilo extemporaneo,
mox castigaturus, praeter Scotiam, & Nor-
vegium, atque Lueniam, Rhodon quoque,
Mitylenem, & Lesbum, & Cyprum, expressit
accurata brevitate. Et historiam quidem
temporum recentiorum nemo putatus est,
& quaesisse diligentius, & verius tenuisse.
Reliquit epistolarum quatuor volumina, di-
stincta temporibus. Orationes nemo tem-
porum nostrorum, & nec veterum quidem,
tot habuit, omnes fere de rebus amplissi-
ma.

te praefinit. Fecit & senex porticum gentilitiam contamneratam, aedes quoque adiuncturus, quarum iam aream straverat. Erexit & cellam ad fanum Divi Francisci, & in ea sepulchrum parentibus marmore Ligustico, hoc inciso Disticho, quod ipse condiderat:

Sylvius hic iaceo: coniux Victoria mecum est.

Filius hoc claudit marmore Papa Pius.

Cogitaverat Amienem ad Tybur usque navigabilem reddere, portum quoque Traiani repurgare, & in Pientino lacum facere, Orcia, flumine occluso, ac vivo ex Amiatinae radicibus eodem derivato. Ingenia sui temporis mirifice fovit, sed quantaxat probatissima. Invertens notnunquam aliorum epigrammata, visusque contempsisse mediocritatem, contraxit invidiam, dicere solitus, Oratores & Poetas, aut supremos, aut nullo in loco, esse oportere. Laudabat in dicendo candorem & vim orationis, Apparatum verborum nimium dicentis otium appellabat. Iuvenis, delectatus Poetica, Nisiphileticum scripsit versu magis facili & expedito, quam accurato; poemata quoque in epistolarum modum complura. Flexu aetatis orationi incubuit, invitatus rerum & legationum magnitudine. Scripsit ad Ladislaum, Regum Boemorum, adhuc adolescentem, libellum unum, de Arte Grammatica, mox alterum, de Regia Institutione, cum

Literarum
amor,

Scripta,

cum in Germania vigeret; de rebus Boëmicis ad Alfonso, ad Federicum de Noricis integros Commentarios; Rerum sui temporis, in Italia gestarum, libros duodecim, quod opus nondum absolutum cum vita finivit, vetuitque publicari, nisi emendaretur, de Eurialo, de Ortu Nili, de studio venandi, de Haeresi Hussitarum, de Dignitate Caesaris, de Potestate Concilii, de Sanguine Christi, de Veritate Christiana ad Mahumethem Turcam, de Gloria belli suscipiendi ad Franciscum Sfortiam, de Erratis Basileensium, de Fortuna, de Defensione Poëtices, de Miseria Curialium singulos libros, quorum magna pars dialogis constat. Descripserat in Pontificatu Asiam minorem; maiorem mors intercepit. Inchoaverat & aliquando historiam universi orbis rerum aetate sua ubique gestarum; sed omisit, veritus, ne parum explorata colligerentur. Loca libenter exscripsit stilo extemporaneo, mox castigaturus; praeter Scotiam, & Norvegium, atque Luaniam, Rhodon quoque, Mitylenem, & Lesbum, & Cyprum, expressit accurata brevitate. Et historiam quidem temporum recentiorum nemo putatus est, & quaesisse diligentius, & verius tenuisse. Reliquit epistolarum quatuor volumina, distincta temporibus. Orationes nemo temporum nostrorum, & nec veterum quidem, tot habuit, omnes fere de rebus amplissimis.

graviter sollicita de omine, donec, designatum Tergestanis Antistitem, audivit. Corfiniani, septimum agens aetatis annum, inter ludos pueriles Pontifex Max. salutatus ab aequalibus, singulos ordine ad oscula pedis admisit. Alfonso, venientem ad se Neapolin, e fenestra digito amicis ostendens, En, inquit, nobis Pontifex Maximus. Federicus quoque Caesar, cum e Cyminio monte Latium prospexisset, eo acciri ad se iusso, Cito, inquit, his in locis regnabis, Aenea, & qui tibi nunc imperamus, brevi parebimus. Romae unus ex regiis purpuratus, ad eum iam Cardinalem veniens, cum lunas, sagis intextas, aspexisset, exclamavit, fore eum Pontificem maximum, quod, agens ipse aliquando in Calabris, audisset, esse in arcanis, proxime futurum Pontificem ea signa habiturum. Qua hora creatus est Pontifex Romae, eadem Laudomiae sorori Corfiniani est nunciatus, octoginta millibus passuum spatio, nec visus amplius, qui nunciaverat. Incidit saepe in discrimen vitae. Puerum pene trimum decidisse praecipiti loco, & prope exanimatum, constat; a bove quoque impetum cornibus, ac, ter iactatum, praeter spem evasisse; multis in locis confossum. In Britannia cum a coena mercatoris amici reverteretur, qui fumabulum praeferebat, ipse in oculis occisus est, prope ut ad eum vulnus pervenerit; & transfretatione Britannica, sereno die, cum ad

ad navigandum invitatus, serius ad navem iam solventem venisset, navis, & qui in ea erant, haud procul a littore, ipsius in oculis demersi sunt. Mediolani cum febrim incidisset, graviore accepto pharmaco, penae consumptus profluvio est; cum alterum medicus supparasset, pyxide casu effracta, periculo eximitur. Nec multo post Basileae, pestilentia contactus, paulum ab interitu absuit, ab amicis omnibus, praeterquam ab Andrea Panigalio, destitutus, quem postea inter praecipuos habuit. Alpes Vindelicas hyberno aequinoctio ingressus, paulum absuit, quin liquentium nivium lapsu obrueretur, semel ingenti globo deiectus. Apud paludes Pontinas, cum noctu per flumen Ligulam navigaret, tribus horis limo inhaesit, navi, quae eum sequebatur, cum undecim viris absorpta. Ad Cumas quoque, nocte cum appuisset, navis oppressa est, sed citra cuiusquam discrimen, quod haud procul a littore, nec profundo admodum mari, subsedisset. Qua quoque die coronatus ad Latèranum est, in periculo fuit, ne a turba congratulantium opprimeretur, ut necesse fuerit, prae fractis scipionibus, gladiis arceri multitudinem, quod idem postea & Narniae contigit. Infidiae illi bis structae, primum ab Everso tyranno, adiutore Boccardo, Piccinini scriba, cuius interceptae sunt ad eum literae, habere se venenum, quo, simul paulum lectica illi

cum audisset, non creditam, & luxuriae, quam bello, aptiorem ratus, Alere, inquit, tantum exercitum difficile erit Europae. Maturandi causam etiam Pannonii dedere, quos postulasse a Turcis pacem, constabat, conditionibus admodum iniquis. Quare, misso statim equitum mille, in annum unum stipendio, ac spe adventus sui facta, in fide continuit. Cruce signatorum etiam concursus ad Anconam factus, quos ad triginta millia ex Gallia atque Hispania error attraxerat, vulgato temere, Pontificem omnibus, qui ad bellum transmarinum proficiscerentur, & navigium ad traiciendum, & victum ad finem belli, suppeditaturum. Igitur, praemisso ad eos, in adventum suum continendos Caravaialio Hispano Cardinali, ac rebus per Italiam omnem compositis, XIV Cal. Iunias Roma proficiscitur, re divina in templo maximo ad Vaticanum peracta, in quod descendere, quoties urbe abiret, & aras singulas ordine venerari, consueverat. Ibi omnibus ad precandum rerum successum invitatis, festinato ad pontem Milvium lectica delatus est. Avidius suscepto itinere, incidit in febriculam, principio haud satis cognitam medicis; & ipse, ne quid morae obiceretur, aliquamdiu suppresserat. Ea iam aucta magis, quam ut dissimulari posset, medicos inhibuit, ne cui patefacerent, iureiurando & imprecationibus adactos. Ad pontem Patribus, ac tur-

ba

ultimum iter,

novissimus
morbus,

ba omni dimissa, cum paucis lembum conscendit, adverso Tyberi navigaturus. Cum, effusa patentibus pratis, civitas abeuntem consalutaret, ac reditum audienti precarentur, prorupit in lacrymas. Substitit nocte prima ad Castellum Lobeum, confessus, navigationem eius diei difficillimam fuisse, contrario flumine colluctanti, quod ex imbecilli potius valetudine, quam labore, accidisse putatum est; nec ausus in ripam descendere, gravi defatigatione contractus, noctem totam egit in lembo. Postridie, quanquam inhibentibus medicis, matutinum iter multo ante solis ortum solvere cum iussisset, ad oppidum Phianum pervenit, navigatione longissima, quadraginta millibus passuum uno die confectis. Cum pridie illius diei ad decimum miliarium substitisset, pernoctavit, & secundo in flumine hoc in loco dum ageretur de parte classis, quae structa ad portum Pisanum penetrare in superum mare per fretum Siculum iubebatur, venireque Anconam ad copias excipiendas, nunciatumque esset, triremes Genuesium, & naves onerarias, quae ad summam classis pertinebant, nondum esse paratas, & praeterea Philippum Burgundum profectionem verbis extrahere, commotus animo est. Auxit molestiam prolapsus e ripa, demersusque in oculis, adolescens, ad remigium mercede conductus, tarde accurrentibus nautis. Quod adeo tulit acerbè,

& insecuta
tandem ipsa
mors,

aeque funus.

exactas, Matthiae, Regi Pannoniorum, mit-
ti in sumtus belli. Cum deficere vires sen-
tiret, reiciens sese in Cardinalem Papien-
sem, Fili, inquit, curam meorum ipse
suscipito, & huic expeditioni adesto. In-
terrogatus ab illo, an sepeliri Romae se
vellet? non tenuit lacrymas, subdicens: Et
quis id procurabit? Illo recipiente, se
curaturum, refici visus est; vocavitque
Patres ordine ad osculum, postulata prius
a singulis venia, si minus recte rem Chri-
stianam administrasset. Lacrymantibus om-
nibus, & Bessarione eius verba de re
Christiana sanctissime gesta excipiente, iter-
rum, amplexis omnibus, inungi se iussit,
ubi concurrens & ipse precibus, inter hy-
mnos expiravit, voce ultima aegre edita,
rogare omnes, pro se precarentur. De-
cessit anno aetatis nono & quinquagesimo,
religionis nostrae millesimo quadringente-
simo sexagesimo quarto XVIII Cal. Se-
ptembrium, ex quo Pontificatum inierat,
anno sexto. Polinctores, curato corpore,
cordatissimum affirmaverunt. Praecordia
exfecta in templo Divi Cyriaci recondita
fuere. Corpus decreto Patrum, subsequen-
tibus ipsis, relatum Romam est, & in cella
Divi Andreae sepultum ad Vaticanum.

Vita Pii a nobis parva conclusa libello,

Digna elephantini tergoris orbe fuit.

*Larga, sed hoc illi Papiensis vena, nec
unquam,*

Dum coeli stabunt, emoritura, dabit.

Cam-

*Campani exigua, & rivo deducta minuto,
Non explet, primum vix rigat illa la-
brum.*

*Cum tua mox aedes nunc pressa volumina,
dicent,*

*Campanus dormit, suscitatur iste Pium.
Debilis at quamvis, atque omni manca la-
bore,*

*Magnum si tetigit, dextera iuvit onus.
Sic ego pone sequens, & post tua terga,
priorem*

Laudabo, atque auctor non ero, testis ero.

F I N I S .

Esse hoc in tumulo Pium Secundum

Ne tu crede; Pius petivit astra;

Terris gloria nominis vagatur.

Praeterquam ossa nihil reliquit urnas.



exactas, Matthiae, Regi Pannoniorum, mit-
ti in sumtus belli. Cum deficere vires sen-
tiret, reiiciens sese in Cardinalem Papien-
sem, Fili, inquit, curam meorum ipse
fufcipito, & huic expeditioni adesto. In-
terrogatus ab illo, an fepeliri Romae fe-
vellet? non tenuit lacrymas, fubdens: Et
quis id procurabit? Illo recipiente, fe-
curaturum, refici vifus eft; vocavitque
Patres ordine ad osculum, poftulata prius
a fingulis venia, fi minus recte rem Chri-
ftianam adminiftraffet. Lacrymantibus om-
nibus, & Bellarione eius verba de re
Chriftiana fanctiffime gefa excipiente, horum,
amplexis omnibus, inungi fe iuffit,
ubi concurrans & ipfe precibus, inter hy-
mnos expiravit, voce ultima aegre eta-
ta, rogare omnes, pro fe precarentur. De-
cessit anno aetatis nono & quinquagefimo
religionis noftrae millefimo quadragefimo
fexagefimo quarto XVIII Cal. Se-
ptembrium, ex quo Pontificatum iure
anno fexto. Polinctorum, curato corpore
cordatiffimum affirmaverunt. Pontifex
exfecta in templo Divi Cyriaci reponi
fuere. Corpus decreto Patrum, ad
tibus ipfis, relatum Romanum ad, & p.
atque funus. Divi. 1000 feptuaginta et octo

& infecuta
tandem ipfa
mors,

atque funus.

*Campani exigua, & rivo deducta minuto,
Non explet, primam vix rigat illa la-*

*Cum tua mox aedes nunc pressa volumina,
dicent,*

*Campanus dormit, suscitatur iste Pium.
Debilis at quavis, atque omni manca la-*

*Magnum si tergit, dextera iuvit onus.
Sic ego pone sequens, & post tua terga,
priori,*

Laudabo, atque auctor non ero, testis ero.

F I N I S.

*Esse hoc in tumultu. Pium Secundum
Ne tu crede; Pius petivit astra;
Terris gloria nominis vagatur.
Praeterquam ossa nihil reliquit urnae.*



IOANNIS ANTONII
CAMPANI AD PANDVL-
FVM BALIONIVM THRA-
SIMENI DESCRI-
PTIO.

Descriptio
montis Aerei.

Venimus Thrasimenum Idibus Se-
ptembris. Sed hic quoque saepius
errare, mutareque sedem, coacti, pri-
mum ad Aereum montem, propter loci so-
litudinem, amoenitatemque, confugimus.
Monticulus est editissimus, & situ, prospectu-
que pulcherrimus. Nam & sese insigni
rotunditate complectitur, & densissimæ ad
eius radices relictis sylvis, in liberum atque
expeditum cacumen exsurgit. Nec perpe-
tuo, ut ceteri montes, excurrit dorso, sed
colligit paulatim sese, atque ex omni late-
re, latis interiectis vallibus, finitimorum
montium societate, disiungitur. Lacum
praeterea, radicibus late iacentem, universum
despectat. Tum arcem habet perexigu-
am quidem, totum tamen cacumen mon-
ticuli complectentem, mirifice ad vento-
rum flatu, atque impetus excipiendos æ-
dificatam. Hic nos, quamdiu venti ac fri-
gora tolerari potuere, dies circiter viginti
commorati sumus. Hyeme deinde ad-
veniente, in pacatiora descendimus loca, u-
bi nec cum continuis ventis esset nobis, nec
cum assidujs nubibus decertandum. Op-
pi-

DESCRPTIO THRASIMENI. 421

pidum est in littore lacus amoenissimum, Descriptio
 Montem accolae vocant. Credo ea de urbis Montis
 causa hoc inditum nomen, quod aliquan-
 to altius, quam cetera oppida, quae Thra-
 simeni fluctibus abluuntur, in speciem par-
 vi montis erigitur, universum pene proe-
 spectans lacum, intra quem sic extenditur,
 ut procul aspicientibus insulae speciem res-
 tinere, continentemque relinquere, videatur.
 Itaque ex tribus lateribus continuo claud-
 itur lacu, reliquo latere porrigit sese, ac
 paulatim expandit in continentem; nec
 multum procul in collem assurgit per apri-
 cum, & ad omnia gignenda feracissimum,
 tum partim ad venandum sylvestrem & ne-
 morosum, partim liberum & in apertum,
 patentes campos. Quo fit, ut id oppidum
 omnium consensu totius agri Perusini a-
 moenissimum censeatur. Nam quae ad
 moenia & domos spectant, cultiora sunt,
 quam credere quenkum incolarum for-
 tunae patiantur. Totum oppidum, scilicet
 quadrato stratum, & pluviam aquam uni-
 versam in lacum exspuit, & sordes ac coe-
 num, solo in lacum devexo, non continet,
 ut non minus hyeme, quam aestate, siccis
 pedibus incedere, totumque oppidum lu-
 strare, sine molestia possis. Porro eam mun-
 ditiem ingens vicorum latitudo exornat, ut
 bini currus, si planicies soli pateretur, oc-
 currere sine impedimento facile possint.
 Sed quo minus curribus uti queant, regio-
 nis

nis importunitate prohibentur; & oppidum est in lacum, a quo tribus, ut est dictum, lateribus abluitur, proclive atque devexum. Itaque oppidani nullis terrestribus vehiculis, sed iisdem, quibus in mari, navigiis utuntur. Hoc in loco totam hyemem & aestatem iam mediam commorati, incredibile dictu, quanta varietate rerum omnium, quantisque voluptatibus piscandi, venandi, navigandi, aucupandi, tempus id omne transegimus, quanquam ferarum venationibus, fugiendi nimii laboris gratia, rarius nos quidem, sed tamen interdum, utebamur. Sed quo plenius earum rerum opportunitatem intelligas: Thrasimenum tibi ad unguem, ut dicitur, describemus; Tu modo epistolae modum ne requiras. Est enim praeter incredibilem ubertatem piscium, qua ceteros Italiae lacus antecellit, facie atque aspectu longe pulcherrimus. Eius ambitus, milia passuum circiter triginta complectens, littore lato, atque arenoso, in speciem maritimi sinus extenditur. Multa praeterea oppida, Thrasimenum ex omni parte cingentia, perpetuum exornant littus. Pleraque, non multo a lacu ipso intervallo recedentia, mirifice eam plagam cultu agrorum atque hominum celebritate exornant. Medio lacu tres interiectae insulae aspiciuntur, quarum duae, ad septentrionem vergentes, haud multum inter se distant, earumque altera minor, ut est,

Transitio ad
Thrasime-
num;

Qui facie at-
que aspectu
longe pul-
cherrimus.

In medio lacu
tres occurrunt
insulae, quae
describuntur.

est, insula, altera maior, appellatur. Minorem incultam atque inhabitatam remansisse anguium multitudine, ferunt, solo templo in eius cacumine posito. Maior insula, quae ad agrum spectat, Cortonensem, ducentis prope familiis habitatur. Reliqua vero, quam tertiam esse, monstravimus, frequens hominibus, situ aliquanto maior ceteris, qua parte lacus pertinet in meridiem interiecta, sex millibus passuum a maiore minoreque insula distare fertur. Hae omnes mille passus, diversa tamen regione, recedunt a continente. Earum incolae solis fere piscationibus incubuere. Nam frumentum, nisi pauci admodum, non sgerunt, quanquam vineta non modo insularum dorsis, sed extremo etiam littore, proximisque littori collibus, plantavere, adeo bibendi voluptas illis, quam comedendi, maior. Lignatum pabulatumque in finitimos campos sylvasque egrediuntur. Vicina quoque oppida haud multum colendis agris ceterisque artibus student, omni fere victu ex piscationibus, quibus mirifice dediti sunt, quaesito. Ceterum lacus diversae orae, certis spatiis intervallisque notatae, haud secus, quam terrestria inter se loca, distinguuntur, Suum unicuique orae nomen, sui extant termini, tum piscandi varia genera, quot vix universo mari habeantur. Navigia quoque non unis utuntur. Habent enim, quas illi naves, nos melius magnas, ut opinor,

Orarum adiacentium situs, ratioque vivendi;
Diversarum diversa navigia,

lapillos in aquam coniiciunt, ad cuius fontum concurrentes, qui prope natant, pisces, superiecto statim Iacio, capiuntur. Nunquam, magna coorta tempestate, fluctibus altissime concitatis, cum pisciculi undique ad portum confugiant, Iacii, usus praecepius habetur. Æstate adveniente, pisces ad littora frictus causa coeuntes, incredibili multitudine eodem reticulo capiuntur. Quod eo potest videri delectabilius, quoniam, qui hoc piscantur modo, per ipsam littoris arenam siccis, cum velint, pedibus pervagantur. Est & alius usus Iaciorum, de quo posterius dicemus. Utuntur praeterea retibus eximia longitudine, maculis quidem amplissimis, latitudine vero non

Cervariorum, magna, vocanturque Cervaria, quod & latiores habeant texturas, & sint, quibus irretiuntur cervi, prope simillima. Eorum latitudo quinque, longitudo triginta, continet pedes. Quibus cum velint uti simul, Cervaria plura connectunt, quae, longo tractu lacus subsidencia, pisces non nisi pinguiissimos intercipiunt. Nam hi magis libere fusaque vagantur; limo plerumque ceteri conteguntur. Piscatoribus interdum sonitu ac strepitu peragentibus, exciti pisces, & fugae intenti, occurrentibus implicantur Cervariis. Sed hoc duntaxat per aestatem; hyeme omnium interdictum est strepitu, ne pisces ipsi thoros, de quibus paulo post dicam, deferere & in aliam regionem

gionem perterriti migrare cogantur. Tenduntur autem Cervaria per aestatem interdiu, nonnunquam etiam noctu; hyeme vero, per noctem in lacum relictæ, prima statim aurora repetuntur. Sed de hoc genere, quoniam vulgatioꝛ extat usus, plura non dicam. Tertium rete multo mirabilius, quam cetera, incredibili magnitudine, arctissimis intextum maculis, filoque perduro & litio perfimili, in latitudinem centum, in longitudinem ducentos, pedes extenditur. Eius usus hyeme tota permagnus fructus affert uberrimos. Hic enim lacus unus ex omnibus, quos nostra admisit Italia, hibernas piscationes non solum pati, sed etiam fructuosissimas præstare, consuevit, cum omni genere piscandi, tum maxime, de quo nunc loquimur. Et habet Thrasimenus opportunitates piscandi multas, quarum omnium vel maximam esse censent, quod in tanta latitudine atque ambitu, ubi maior est eius altitudo, non amplius, quam quatuor & viginti, continet pedes, solumque habet planum & limosum. Limus autem perlucidus decem pedum continet altitudinem, hyemeque est calidissimus, & ad fovendos pisces mirifice accommodatus. Illic enim sæpe, relictis thoris, occultantur, ut qui futuram hyemem ac ventos diu ante naturæ benignitate præsentiant. Quæ si horridior futura sit, thoros magno cum incommodo piscatorum deferentes, ad limum

Opportunitates
piscandi.

Descriptio
Thororum.

ipsum, tanquam ad meliora tecta, calidioraque hiberna, confugiunt, eodemque brumae tempore toto delitescunt, nisi qui aliquanto sint obesiores. Hi enim neque thoros deferunt, neque frigora magnopere pertimescunt, adeo macies nocere etiam piscibus potest. Sed ne ab instituto recedamus, absolvendum est nobis tertium piscandi genus, mirabilius ceteris omnibus, atque uberius. Circiter Calendas Iunias primum ex vicinis sylvis, quarum magna circum lacum extat copia, tenuem ac frondosam materiam subcidunt, farcinulasque cogunt incredibili multitudine. Ex his deinde densissimos aggeres in medium lacum coniiciunt, ita, ut aqua penitus obrutae, ne a superna-vigantibus quidem aspiciantur, eosque appellant Thoros, nomen, ut ferunt, a re ipsa traductum, quod pisces, vel diurna peragratoe fatigati, vel, quod verisimilius videtur, frigoris vitandi causa, illic noctu ad farcinulas conquiescunt. Quod nisi saepe fecerunt, tanquam ad sua cubilia hibernis duntaxat mensibus assuescunt. Sternuntur autem in universo lacu thororum circiter duo millia. Nam ex quadraginta navibus, quas habent singulae, quinquagenos sexagenosque substernunt; quanquam non semper novos exaggerent thoros. Plerumque enim veteribus nova viridioraque stramenta subiiciunt. Non nunquam virentibus paucis adiectis farcinulis, thororum instau-

staurationes appellant. Igitur omnium difficillimum est thororum tantum numerum medio in lacu, nullis impositis signis, ab unoquoque suos, observari potuisse, cum nec multum inter se distent, sintque permixti, nec quicquam, quod oculis patere possit, emineat. Sed nihil tam difficile est, quod idem humana non vincat industria. Notantur igitur thori mirabili diligentia. Piscatores, quem in locum sarcinulas congestere, illinc e medio lacu in continentem prospicientes, quae facilius occurrant oculis, bina signa, pertinentia ad orientem solem, totidem ad occidentem & septentrionem, interdum etiam ad meridiem, diligenter observant, mandantque memoriae. Non nunquam inter domesticas ratiunculas & thororum regiones ac signa conscribunt. Signorum autem altera propinquiora, remotiora altera, utraque tamen ad oculos ipsos per eandem rectam lineam occurrentia, siue domus illae sint, siue arbores, aut aliquid tale, quod procul intuentibus cerni possit. Itaque ex tribus, aut ad summum quatuor, lineis, ab oriente, occidente, meridie, septentrione venientibus, singulae per bina transeunt signa, quorum alterum quidem, ut supra dixi, remotius est, alterum vero propinquius. Proinde quem in locum lineae recte per sua signa concurrent, illinc stratum significant thorum. Sed quoniam facilius percipi solent, quae oculis,

quam quae auribus, patuere, similitudinem etiam afferemus; tu, quod ipsi literis explicamus, animo diligenter attendito. Vidisti saepe & multa, cum trivium, tum etiam quadrivium; nec ignoras, omne trivium in tres, quadrivium in quatuor, sectum esse vias, quae ubi committunt, aut secant sese, medium quoddam spatium, quasi centrum, efficiunt. Finge, & rectissimas esse vias, & unicuique viae duas turres, aliquanto intervallo distantes, eminere, quarum propinquior altera duo, altera remotior quatuor, millia passuum distet a centro. Qui igitur in trivii centro maneat, sex videbit turres, tribus rectis ad se tramitibus pertinentes. Qui autem in quadrivio perimorabitur, octo perspiciet, quatuor ad eius oculos rectissimis tractibus occurrentes. Quod si paululum a centro ipso recedatur, nec viae patebunt longius, nec turrium ordo constabit. Primum ergo, cum thorum velint invenire, qua nocte piscandum est, quam in regionem coniectas arbitrantur sarcinas, in eam de tertia vigilia, quanto maximo fieri potest silentio, devehuntur. Deinde, conversi ad continentem terram, tam diu, huc illuc navigantes, circumspectant, donec sex, aut ad summum octo, quae observaverant, signa rectis ad oculos concurrunt lineis. Qui si paululum ex loco moveantur, nec signa occurrent, rectis illuc tractibus aspicientia, nec lineae in alium quempiam

piam locum recte congregientur. Coelo autem nubilo, cum prospectus in continentem obscuritate noctis, aut nebularum densitate, impediuntur, non nunquam thoros piscantur alienos. Qua re cognita, thori domino, aut partem lucris satisfaciunt, aut integrum thorum, quem ille velit, piscandum concedunt. Utrum eligat, in eius est arbitrio, cuius fuerat thorus. Quod si nebulae diutius circum lacum haerent, montes ac rura aspectu eripientes, piscationes per id tempus fieri non poterunt. Thoro percum, quem diximus, modum invento, ambitum eius pertica longissima percontantur suspensim, ac nullo cum strepitu, statimque retia illa, quae diximus, circumtendunt. Magnus sane in tendendo labor. Retia circa thoros tendendi labor, Primum omnium navim ad palum quandam, longo intervallo a thoro defixum, longissimo alligant fune, ita, ut palus eo pertineat, unde ventorum occursuri impetus videantur. Id autem eo consilio faciunt, ut & navis consistere, & longo funis tractu minus a ventis impelli, exagitarique, possit. Deinde thori ambitum, diligenter, ut dictum, contis longioribus quaesitum, circumdant duobus ordinibus perticarum, aliquanto interiecto spatio distantium, quibus alligata retia ita sustineantur, ut, protracta in longum, atque extensa, glomerare sese & supernatare non possint. Retia non modo ad solum usque demittuntur, sed ita pars quaedam per limum extenditur, ut pedes aliquot ae-

piscandique
modus.

quata protensaue iaceat, fiuntque anguli curvi atque ampli, altera parte prioris ordinis perticarum in soli speciem strata, altera per reliquas perticas in modum surgente parietis, quae pars fursum exsurgit, aliquot in ea sarcinulae suspenduntur, quo perterriti pisces, ac thoris exagitati, confugere latereque possint. Retibus iam firmatis, piscatores, partim in navigiolum descendentes, partim consistentes navi, rastra iniiciunt, perticas intentant, contos subigunt, thorum ex omni parte perturbant, sarcinasque ad unam corripientes, alium in locum extra retia coniiciunt, sequentis anni futurum thorum. Utuntur autem ferreis rastris mirae magnitudinis, sexdecim praecurvos quasi digitos habentibus. Eamque ob rem uni raistro plures incumbere oportet, quod, ad solum usque penetrans, pisces limo contactos intercipit, quos eo vitandi frigoris causa confugisse, dicebamus. Sunt, qui videriat, uno iactu rastris sexaginta pisces esse correptos. Quae res indicio est, hyemis, quam praesentiunt, magnitudine esse perterritos, & in limo ipso, quem natura calidum ostendi, sese penitus immeruisse. Quo nihil piscatoribus esse potest incommodius, cum pisces, quod thoris non assuevere, capiendi sui facultatem minime praebeant, nec in unum aliquem convenient insidiarum locum, sed toto lacu vage sparsimque limo, quo quemque tempestas rapuit,

pūit, contegantur. Thoro per hunc modum furcillis rastrisque exagitato, ac sarcinulis exteriorem, ut diximus, in locum coniectis, pisces omnes, suis exciti sedibus, ad sarcinulas, quae in retis gremio erant suspensae, confugiunt, nulla alia data evadendi via. Tum vero, quae pars retis limo aequato iacebat, perticis alterius ordinis, quam celerrime fieri potest, elevatur, remanentque retia curvata, in speciem longae sportulae colligentia sese, omnibus lateribus per perticas duorum ordinum elevatis. Quod autem medium est inter utramque extremitatem collectum gremium, per id pisces, iam & sarcinulis ipsis exturbati, natando fugiendoque pererrant, non nulli tanto impetu subiliunt, ut, superatis retibus, liberi in patentem concidant lacum. Tanta interdum multitudine complevere retia, ut confundere oculos, & nubeculae, quam auster impellat, speciem praebere videantur, adeo & multi sunt, & incredibili celeritate concursitant, donec paulatim, collectis retibus, unum in locum archum angustumque compellantur. Huc deducti, Mucilum, manibus, quot libitum est, capiuntur, & in aliud quoddam reticulum, Mucilum illi vocant, leniter coniciuntur. Quibus peractis rebus, alii secernendis piscibus occupati, alii funiculis solvendis intenti, clamore atque cantu omnia complent. Non nulli, quem reliquum usum Iacii dicebamus, prius,

quam colligantur retia, in thori vestigiis
 lacio piscantur. Postremo perticis, contis,
 rastris, ceterisque piscatoriis instrumentis,
 in navim convectis, & retibus in puppe
 congestis, ad portum magno plausu, modico
 tamen lapsu, deferuntur, Mucilo ad na-
 vim primum, quo minus agitetur, mox, ubi
 portui appropinquaverunt, ad navigio-
 lum alligato, ac per medias undas subdu-
 cto. Quod ideo faciunt, ne pisces, aut in
 ficcum educti moriantur, aut celeritate of-
 fensi, vel Mucili angustis pressi, concuti-
 antur. Quibus rebus nihil ad eos in hye-
 nem servandos incommodius. Vendun-
 tur enim minoris, qui procelloso, quam qui
 tranquillo, lacu capiuntur, quoniam minus
 exagitati fervari diutius queant. Studium
 quoque servandi non vulgare. Viminibus
 faliceis, aut si qua sint similia faliceis, cophi-
 nos intexunt praelongos atque amplos, & in
 columnae speciem rotundos, nisi quod pau-
 latim in ora coguntur, clausi undique ar-
 ctissimeque contexti, praeter unicum in ex-
 trema fronte relictum os, per quod & im-
 mittuntur pisces, &, cum tempus postulat,
 extrahuntur, persimiles saccis, nisi quod ute-
 ris sunt amplioribus, & salicis, ut dictum est,
 conficiuntur, ore quoque sint archiore,
 quam sacci, Vaccaria dicunt piscatores. Eos,
 ubi piscibus complevere, multo relicto va-
 cuo, ne angustis pressi moriantur, pesca-
 torii nodi sigillo concludunt, longoque al-
 liga-

Studium pi-
 scos servandi.

Vaccaria.

ligatos palo, in intimo littore, nec multum
 procul a terra, relinquunt. Natant illi dies
 aliquot, mox, viminibus sensim inadefactis,
 obruuntur. Natantibus australes venti sunt,
 perniciosi. Nam & littora coena perfun-
 dunt, & Vaccaria ingenti exagitant aestu,
 etiam sua quadam natura pestilentes. A-
 quilone autem, aut Favonio, flante, nihil pi-
 fces accipiunt detrimenti. Mira quidem,
 sed tamen certa nobis, atque explorata, re-
 feruntur, cophinis ad solum demersis,
 pertenuem quandam panniculum piscium
 oculis increfcere, & paulatim occaecari, oc-
 caecatos autem nullam amplius australium
 ventorum tabem aut impetum pertimesce-
 re, atque in longissimam hyemem, & in-
 primam fere aestatem, vivos posse servari.
 Sed iam ad alterum genus piscandi transea-
 mus. Nam usus quoque hamorum cele-
 berrimus. Eorum tria sunt genera. Alii
 pertenues, nec multum arcus magnitudinem
 excedentes, mirabili flexu curvati & extor-
 ti; vocantur autem Spaternae. Sed eorum
 usus toto est interdictum lacu. Si qui clam
 utuntur, funiculo primum longo, de quo
 posterius dicemus, centenos ducentenosve
 suspendunt, tenui ferro in fili modum ex-
 tenso, interdum etiam & filo, si eo genere
 ferri careatur. Quod ideo faciunt, ne pi-
 fces, ubi escam hausere, filum aut erodant
 morfu, aut impetu evadendi disrumpant.
 Funiculum deinde hamis, ferreo filo ligatis,

ac minuto inescatis pisciculo, noctu in lacum coniciunt, qui, paucis ex utraque parte sustentati subere, incredibile dictum est, quantam piscium decipiant multitudinem. Alterum genus artificiosius est, & mirabilius, minus tamen ad omne tempus accommodatum. Quippe vel si paulum lacus intumescat, aliquo flante spiritu, nec piscatio quo minus recte fiat, impedimento sunt, undaeque paulo aestuosius agitatae obtutunt offendunt oculorum. Hami quidem sunt bene magni, minus tamen intorti, quam quos paulo ante diximus. His filum longissimum in hunc modum alligant. Primum iuncum, quam maximum comparare queunt, ter quaterque duplicatum, in palmi redigunt longitudinem. Deinde filum, quo suspensus est hamus, medio iunco conglomerant. Mox inescatum hamum medium in lacum iacentes, iuncum ipsum, suapte natura pernatantem, diligenter observant. Quem si tranquillo lacu circumagi, aut alteram in partem quasi praecipitem inclinari, videant, celeriter ad eius locum navigantes, hamum subito contrahunt conatu, supposito prius reticulo, ut, si filum interceptus piscis erumpat, in subiectum decidens reticulum, liber enatare non possit. Sed hoc modo soli Lucii capiuntur, pisces mirae pulchritudinis, qui vario colore, & quasi viridibus aspersi maculis, ceteris omnibus, quos Thrasimenus alit, magnitudine praestant.

Hac

Lucii pisces.

Hac piscatione nulla delectabilior, & si per omnem tempestatem fieri posset, nec ulla quidem esset utilior. Sed de Luciis mira referuntur, coire interdum cum serpentibus, & ex his gignere, atque eam ob rem vario esse colore, pisces praeterea summae magnitudinis involare, solosque in hoc lacu esse voraces, quod & dentium implicatissimus ordo demonstrat; remansisse aliquando in sicco Lucium, quem cum vulpes capere contenderet, alterum pedem eius dentibus esse deprehensum, atque ambos inventos esse mortuos. De tertio genere hamorum, quoniam est familiare omnibus, & hamis palustri arundine suspenduntur, nihil dicam. Eorum tamen usus supra thoros non vulgaris. Sed quo minus saepe fiat, vetat, qui thorum substravit, ne pisces aliquo, vel parvo, exturbati strepitu, alios in thoros exterriti deferantur. Anguillarum piscationes plus videntur habere difficultatis, cum nec omni reperiantur lacu, sed limoso duntaxat atque herbido, nec eisdem, quibus alii pisces, retibus capiantur. Est autem Thrasimenus ex omni parte perlucidus, nisi quod in ea plaga, quae pertinet inter meridiem atque orientem, paulo sese latius in continentem effundens, angulum efficit quietiorem, limi tamen, coenique feracem, & ulna, ceteris palustribus herbis, densum atque obscurum, quo ne venti quidem, ac tempestas, penetrare potest. Nam fractae

Anguillarum
piscatio.

Tophi.

etiae densitate herbarum undae repelluntur. Ventī quoque, occurſu circumſectentium ſeſe mortuum liberum exitum non habentes, maiores undas facere, tumidioresque, aeſtusque ciere, prohibentur. Hic igitur, intextas paluſtri canna, ſepeculas in obliquos gyros & quaſi anfractus longo tractu circumdant, raris tamen relictis foraminibus, per quae irrepentes anguillae in tophos (ſic enim appellant genus retis artiſicioſiſſimum) delabuntur. Eius retis primum os patens atque amplum paulatim in arctius cogitur, donec anguſtiſſimum factum, in medium latioris reticuli ventrem excipitur. Cum igitur anguillae, ſepecularum anfractu oberrantes, inſperſam ſectarum eſcam in Tophos ipſos, foraminibus obiectos, incidentes illabuntur, illae quidem aditu facili atque libero, ſed, ubi ad retis uterum pervenerunt, elabi reditu peranguſto non poſſunt. Nec tamen anguillae hoc in lacu oriuntur; ſed eſt finitima, atque in Thraſimenum devexa, vallis, cuius terra lubrica minutiffimarum anguillarum, nec ſili magnitudinem excedentium, feraciſſima eſt, quarum, quibus eius cura data eſt, magnam vini in lacum, terra interdum admixta, conſiciunt. Ex quo vulgi ſubſecutus eſt error, exiſtimantis, eam terram ſtatim in anguillas verti, quoties Thraſimeni unda perfunditur. Quamquam nec ex ea valle ſolum, ſed etiam ex Cluſinis paludibus aſportantur.

Parvae

DESCRIPTIO THRASIMENI. 509

Parvae enim coëmtae, atque in lacum ipsum coniectae, in incredibilem solent evadere magnitudinem, fiuntque longe meliores, quam quae Clusinis paludibus coaluerunt. Eius rei causam esse, putant, puritatem & munditiem lacus, ubi & non nascuntur anguillae, quippe quae non nisi ex luto coëctoque gignantur, & iniectae aquarum depurantur nitore. Sed qui eam incolunt orram, non iisdem, quibus ceteri, retibus ac navigiis utuntur. Causa est densitas herbarum, quae & thoros, si substernerentur, obduceret, ut sine magno labore sarcinae evelli non possent; & ipsae per se satis sunt fovendis piscibus, & a ventis ac frigore defendendis. Ceteris igitur piscationibus reiectis, solis utuntur Rocchis, eamque ^{us.} ob rem navibus navigiolisque caruere. Navigant autem, cum illorum vocabulis utendum est, mediocribus Caravellis. Rocchorum immensa multitudo. Suspensi enim canna palustri, & per noctem in lacum relictæ, mane repetuntur. Sed in tendendo quoque mirificus ordo servatur. Neque enim passim temereque tenduntur, sed per rectissimos tractus, veluti per sulcos arbuta, collocantur. Eius regionis pisces, nequaquam comparandi ceteris, & colore, & gustu, facile dignoscuntur. Dorso enim sunt nigriore, afferantque, scio quid, Intosum coenosumque gustantibus. Tum mortui, livore quodam obducti celerius, quam ceteri,

Aucupia avi-
um,

praecipue
aquatiliū,

utpote Mer-
gorum,

ri, corrumpuntur. Sed de piscationibus
fatis arbitror dictum. Reliquum est, ut a-
vium aucupia aestiva hibernaque absolvam,
quo plenius Thrasimeni felicitatem intelli-
gas. Avium in primis magna copia, genera-
que pervalia. Quocirca aucupandi quo-
que modos, necesse est, esse complures.
Nos tamen eos solos afferemus, qui digni-
ores memoratu atque auditu videbuntur;
ceteros ipse considerabis, cum a terrestri-
bus aucupiis, quorum studiosissimum te ef-
se scio, non multum differre videantur. At-
que non alienum putavi, pauca prius de a-
quatilibus avibus dicere, quo magis in aper-
to sint omnia. Earum aliae quidem pisci-
bus aluntur; abstinent autem hoc cibo a-
liae. Sed quae pisce vescuntur, deteriores
ceteris, & nisi diligenter condiantur, nescio
quem piscium odorem effundunt, vix no-
stris deliciis tolerabilem. Ex his nonnul-
lae despiciuntur. Nam Mergis, quorum
magna extat copia, nemo vescitur. Avis
ad anseris magnitudinem, nigra, foeda, in-
signis voracitate praedita. Navi & thoro
descendente, statim eo incredibilis advolat
Mergorum multitudo. Catervatim enim,
tanquam explicata acie, gregatimque ferun-
tur. Mox thori vestigiis immergentes se-
se, pisces mira magnitudine rostris edu-
cunt, statimque absorbent, magnum sane
Thrasimeni curatoribus incommodum. Ne-
que enim plures piscatoribus toto anno pi-
sces

DESCRIPTIO THRASIMENI. 31

scas capi, quam ab his paucis mensibus involari, satis constanti opinione ferunt. Sed nec annum illic integrum permorantur. Tanto enim sunt calore, tantaque teguntur pluma, ut aestatem, nisi gelidis in fluminibus, perferre non possint. Igitur primo statim adventu hyemis ad Thrasimenum e remotissimis advolant regionibus; multitudinem autem, quantam, nisi qui ipse suis, ut dicitur, oculis videat, credere quisquam, aut cogitare, vix possit. Tum interdum quidem toto lacu natando mergendo sese, atque rapiendo, circumferuntur. Non nunquam defessi, proximos littori petentes palos, passis illic ad solem alis, paululum consistunt. Mox, quasi resumtis viribus, integri ad praedam profiliunt. Nocte iam adveniente, ad proxima, si qua sunt, flumina volatu altissimo concedunt, nec bimini, ternique, sed eodem, quo grues, eunt ordine. Nam alter alterius caput tergo excipit, & ducem unum ordine longissimo ceteri subsequuntur. Mox deinde ad praedam, eodem servato ordine, auroram circumter revertuntur. Eam ob rem Thrasimeni curatores praemium his, qui singula capita Mergorum obtulissent, ternos denarios statuerunt. Praeterea Volsenam, quo in loco nidos primo vere facere consueverunt, mittunt, qui ova rumpant, pullos iam natos interimant, &, si quos condidere, nidos exturbent, vivaria, si qua habeant, deleant, caver-

ver-

vernas intercludant, cetera omnia, quae ad
 delendos pertineant Mergos, diligentissime
 faciant. Nidificant autem in asperrimis
 crepidinibus praeceptorum montium, quo
 loca habeant ad tollendos pullos praecipiti
 rupe munita atque invia, adeo unicuique
 vis sua est se, liberosque tuendi. Quocirca
 magnus in delendo labor, plurimique nidi
 illaesi atque integri dimittuntur. Alterum
 genus magnitudine gutturis rostrique per-
 mirandum, ut facile integrum arietem ca-
 pere posse videantur. Eorum victus ra-
 pinae. Specie pulcherrimus. Natant tota
 die, & quasi deambulantes, Mergorum, qua-
 cunque eant, vestigia subsequuntur, eosque
 observant mergentes; surgentes autem
 aggrediuntur, & si quem rostro piscem
 cepere, vi eripiunt. Igitur quo pacto il-
 los & observent, & adorianur, aspiciete
 summa est voluptas. Harum quoque avi-
 um cibo abstinemus. Extant etiam avicu-
 lae quaedam, columbarum magnitudinem
 vix excedentes, candore insigni, mansuetu-
 dineque singulari, ut non nunquam ad na-
 vim usque volando descendant; aluntur
 autem mortuis pisciculis. Quoties enim
 vaccaria evacuantur, aut mortui, si qui sint,
 pisciculi eiiciuntur, earum millia ingenti
 stridore supervolitant, eiectosque pisciculos
 mira cum celeritate corripunt; eamque
 ob rem & harno, si libitum est, facillime
 capiuntur. Nec his quidem vesci consue-
 vimus.

vimus. Ceteras omnes, praeter paucas, quarum nomina ipsis etiam ignota sunt accolis, non aspernamur, anseres, fulicas, germanos, strigiles, cygnos, anates, & si qui sint eiusmodi. Fulicas a summa, qua sunt, nigredine appellatas, existimo. His oculi stant igni rubentiores; rostrum, nisi quod ipsum quoque rubeum est, columbae rostro persimile. Hae paulo maiores gallinis incredibili multitudine lacu, praesertim extremo, natant. Strigiles, minores columbis, rara, nigraque teguntur pluma. Itaque volare illae quidem, ac tollere sese, quod alas habeant pene nudas, non possunt; undas tamen concitatissimo findunt cursu. Fulicarum ac strigilum carne non solum vescimur, sed inter mediocres habemus delicias, si modo exta omnia & caruncula quaedam sublivida; quae est sub costis, abiiciantur; quanquam fulicae, quod piscibus non aluntur, non tanta indigent cura condiendi. Germanus, anati persimilis, nisi quod aliquanto maior, piscibus & ipse nutritur. Sed quae ad anates atque anseres pertinent, praeteribimus. Quales enim illae sint, ignorat nemo. Cygni, quos accolae Cefios vocant, aves sunt candidissimae, aliquanto maiores gruibus, quanquam grués tibiis sunt longioribus. Aluntur autem solis radicibus iunctorum, quorum magna in toto littore gignitur copia. Hi etiam futura praesentiunt. Nam & mortem suam cantu significat,

chum appel-
lant,

per hamum,

& per aream,
sive per retia,
quae Pagellas
vocat.

dem, sed tamen minus usitato, & quo soli capiuntur mergi, aut si qui naturam eandem habeant sese demergendi. Primum latum reticulum alligant palustribus cannis, quibus natura levibus, ne ad ima descendat, sustinetur. Quatuor deinde mediocres lapides totidem reticuli angulis suspenduntur, qui, duro alligato licio, duos ferme pedes infra reticulum pendeant, atque ad ima descendant. Rete igitur protensum a lapidibus ad solum, modico illo relicto intervallo, deducitur, & ne ad ima usque descendat, cannis palustribus sustinetur, dum pedum relicto spatio, quantum per liciū lapides infra reticulum descendebant; Rochum appellant; adeo ipsi sibi peperere nomina. Inter haec mergi, ut est natura, ad limum usque penetrantes, ne supervadere queant, reticulo prohibentur, nec multo post, maculis intercepti atque implicati, moriuntur. Est & alius modus mergis maxime insidiosus. Hamo pisciculum inferunt, quem illi exforbere cupientes gutture traieciunt. Ultimum genus haudquaquam dissimile terrestribus aucupiiis. Aream, extremo littore suffossam, tamdiu milio, faba, aut simili esca, consternunt, donec avium, saepe impune comedentium, multitudo ingens assuescat. Interea, tuguriolo prope aream aedificato, duo retia inter se paria, Pagellas vocant, aream ipsam magna ex parte complectentia, sic tendunt, ut humi reie-

reiecta vix appareant, & ex tuguriolo contracta per funiculum sursumque erecta mirifice concluduntur. Praeter haec, quae memoravimus, plurima aucupiorum extant genera, quorum ipse, quod obscuriora videbantur, nec memoratu digna, non putavi, faciendam mentionem, ne nimiam & supervacuum minimarum rerum in scribendo diligentiam accusares. Equidem regiones adivi & lustravi multas; nullam tamen agro Perusino cultiorem amoenioremque cognovi. Vasta sane & montosa procul intuentibus, cum autem propius accedas, nihil tum cultu agrorum, tum benignitate coeli, tum & terrae ubertate, felicius. Sed de reliquo quidem agro fortasse scribemus alias; nunc autem, cum eramus otiosi, inducti sumus, ut Thrasimenum nostrum describeremus, rationemque tibi nostri otii redderemus. Totius enim agri Perusini mira fertilitas; eius autem orae, quae Thrasimenum claudit, tanta rerum omnium ubertas atque copia, tanta etiam amoenitas, ut cetera quidem hominum, haec autem Deorum, domicilia esse videantur. Finitima littori loca cuncta feracia, quaedam arboribus confita, pauca pascendo pecori herbida & nemorosa, cetera vinetis olivetisque referta. Hinc Clusina patent arva, quae, Thrasimenum ipsum ad occidentem longissimo tractu arrigentia, plena sunt variis generibus ferarum. Hinc editissi-

Laus agri
Perusini.

Littorum
Thrasimenum
adiacentium
pulcherrima
conditio.

Barculii.

pluvius fane ventus, nec piscibus solum, quanquam his maxime, sed ceteris quoque animantibus, perniciosus. Flante aquilone, per septem dierum ac noctium continua itinera deportantur. Hoc vento nihil cum ceteris rebus, tum maxime piscibus, salutarius. Nam & viventes tutos, ne moriantur, praestat, & mortuos diu ab omni livore tabeque conservat. Feruntur autem cistellis, salicto vimine intextis, Barculos vocant accolae. Singuli muli quatuor vehunt cistellas. Cave, vel marinas piscationes cum his censeas conferendas. Plura enim haec uberioraque genera; & cum terra fiunt, plus admirationis videntur afferre. Sed de Thrasimeni amoenitate nunquam fatis multa dici possent. Quamdiu hic permorati sumus, ne otiosi quidem, iucundissime viximus. Neque enim deserta nobis atque inculta loca defuere. Nam Clusina arva, quae Thrasimenum claudunt ad occidentem solem, vasta sunt atque patentia, referta vario genere ferarum. In media igitur terra positi, latissimum tanquam mare prospicimus, navigia quotidie videmus; non nunquam tranquillo navigantes lacu simul manibus attractamus undas, simul nantium piscium lasciviam intuemur, qui non modo ad inspiciendum oculos, sed manus etiam ad capiendi spem, videntur invitare. Interea magnas excitari aquarum

mo-

DESCRIPTIO THRASIMENI. 531

moles, subitamque exoriri tempestatem, mox aestus omnes, quasi confecta pace, resistere, nosque cum ad navigandum, tum etiam per aestatem ad natandum, allicere; Hyeme autem altissimas misceri undas, & praeruptos aquarum montes magno in nos impetu concurrere, ripas omnes atque littora, & cuncta denique vicina loca, fluctuum sese collidentium stridore compleri; pisciculos ad littora portusque confugere, ac sese retiario capiendos praebere. Inter ea piscationum studio late fervere omnia, viros, unumquemque suo labori intentos, alios nova contexere setia, vetera refarcire, alios novas rates aedificare, veteres reficere, commissuras stappa munire, remes atque alia navalium operum instrumenta dolare. Mulieres quoque alias linum cannabumque contondere, diligentius expurgare, alias plerasque filandi licii studiis intentas esse, viris omnia administrantes, eorum labores adaequare, media nocte surgentes, cantu excitare vicinorum aures, & longas dormitationes accusare. Videre haec omnia atque audire pulcherrimum. Tum quotidie insulas atque oppida, quae in Thrasimeni littore sita sunt, tertium circiter vigiliam nautico plausu laetitiaeque resonare; tot simul naves mane abeuntes, piscantes interdiu, vesperi redeuntes aspicere; tum lacum omnem

Atcolarum
piscatorum
praecipui la-
bores.

pag 10. ANT. CAMPANI DESCR. THRAS.

variis confertum navigiis, non modo faci-
em maritimae orae praebere, sed multa
hic maris simul ostentare varietate portu-
um. Haec in media terra si videas, cre-
do, fore, ut & affirmes, me nihil tibi de
Thrasimeni descriptione esse mentitum,
& ipse statim loci amoenitate
capiaris. Vale.



IOAN-

IOANNIS ANTONII
CAMPANI AD PANDVL-
FVM BALIONIVM DE
INGRATITVDINE FV-
GIENDA

LIBER PRIMVS.

Saepe me, Pandulfe, hortatus es, ut, quae Excusatio la-
ipse de ingratitude sentirem, ea, si boris suscepti.
quando essem otiosus, paulo diligen-
tius ad te perscriberem. Quod ego neque
recusare ausus sum, ne fugiendi labo-
ris gratia morem tibi gerere nolle putares,
neque plane promittere, quod factu longe
mihi difficillimum cognoscebam, siquidem
in desertas me rerum solitudines, & in ab-
ditam quandam atque obscuram Philoso-
phiam, traicere videbaris. Nam si dicen-
dum mihi esset de modestia, de magnitu-
dine animi, de gloria, de dignitate, de o-
mni genere virtutis, atque praeslantia, si de
constituendis civitatibus, de Diis etiam im-
mortalibus, & scientia rerum futurarum, si
de omni denique sublimi atque ardua fa-
cultate differendum: plurimos, me hercu-
le, & locupletissimos auctores habuisssem,
quorum incedere vestigiis, & pulcherri-
mum, ut arbitror, & quam facillimum, no-
bis extitisset. In ingratitude autem ex-
pli-

plicanda, quem imitari possim, habeo neminem. Et quod est apud Lucretium: Avia Pieridum peragro loca nullius ante tacta pede. Diu igitur, quid agerem, incertus, mecum ipse mirifice confundebar, qui, si, ut aequum erat, crebris hortationibus tuis obtemperarem, scriberemque aliquid in ea Philosophia, cuius ne limen quidem adhuc atque aditum prospexissem, in impudentiam quandam incidere videbar, & temeritatem non mediocrem. Sin his in rebus fuisset adversatus, quae non minorem mihi gloriam, quam iucunditatem tibi, essent allaturae, tum me omnium appellare potuisses ingratisimum. Sic erat, quocunque me appellerem, non sine magno periculo atque dedecore discedendum. Neque prodesse mihi magnopere videbatur, quod tanquam inter duos mundos habitarem, quales Deos lufit Epicurus. Postremo cum instares vehementius, & id non hortaberis solum, sed iam quasi tuo iure postulares, malui temerarium me, quam ingratum atque difficilem, iudicari. Satijs enim arbitratus sum, quoniam ita cogerer, si auctore te impulsoreque delinquerem, fieresque & ipse particeps erroris mei, nec stultum atque audacem appellares, quem tu ad eam rem aggrediendam vel solus impulsisses. Spero tamen, hanc novitatem materiae, ut laboris & industriae multum, ita non parum excusationis, mihi praebituram;

&

DE INGRATITVDINE FVGIENDA LIB. I. 25

& ceteris quoque, si quando his de rebus accuratius scribere constituent, multo faciliorem aditum fore ad id ipsum, de quo loquimur, investigandum, non quod mea vestigia secuturos esse censeam, (id enim mihi non persuadeo) sed quoniam facilius agitata & concussa robora, quam immota atque intentata, divelluntur: quanquam non adeo dementes fuerimus, ut, nullius auxilio freti, veniremus ad scribendum. Multa enim accepimus a Sulmonensi nostro, viro cum in omni magnarum rerum scientia, tum maxime in Philosophia doctissimo, quae in haec volumina non sine nostra diligentia contulimus, loquentem eum iustis quidem de causis inducentes, cum quod Philosophus est omnium acerrimus & copiosus, tum ne, quam ab illo accepimus, disciplinam temere nobis assumentes, in id vitii laberemur ipsi, quod fugiendum aliis detestandumque moneremus. Pauca etiam mutuati sumus aliunde, ut neque animus, neque studium nobis, diligentiaque defuerit. Nam quantum ad ingenii vires attinet, id nos aliorum iudicio relinquimus; & naturam accusare, ea mihi summa deinceps videtur ingratitude.

Sed antequam de re dicere incipiamus, **Exordium,** non videtur illud silentio praetereundum, a persona quod plerique incipientibus nobis exprobarunt, non decere satis, neque ad spectatum pertinere virum, neglecta virtute, quae rebus
omni-

omnibus est anteponenda, exquirendis atque explicandis vitiis studium operamque consumere, ne edocere posteros & prave vitam instituere videatur. Quod ita fieri putant, si in disputatione adducta vitia memoriae posteritatis mandentur, eamque ob rem maiores nostros, humanarum divinarumque rerum ritus, mores, studia, complexos, aut nullam unquam in scriptis suis, aut perexiguam, mentionem fecisse vitiorum, omnemque de illis disputationem abieciisse; quae vero ad decus vitae huius atque ornamentum, & in primis ad virtutem attinerent, ea summa cum diligentia prosecutos egregie satis magnificeque tractasse, omnemque in ea studia & animi & ingenii magnitudinem contulisse; & si quando in vitia praeter opinionem incidissent, illico revocasse pedem, & sese ad virtutis instituta convertisse. Ceterum naturam ipsam per se pronam nullius egere impulsu, ad turpissimum quodque facinus inclinatam esse semper, & ad omnia flagitia delivem. Satiuste, praeccludere illi viam, neque aditum in eum locum patefacere, ad quem sponte sua videtur nullis nostris adiumentis accessura. Quibus autem leguntur haec nostra, eos nihil aliud, quam vitiorum documenta reportaturos, & quo diligentiores operam navabunt, eo nequiores magisque ingratos evasuros, ut, qui traiecto flumine piscantur, madeant, necesse est.

est, & fluminis unda perfundantur. Nec quenquam fuliginem & sordes alias manibus tractare posse, quam tingantur digiti, atque adeo foedentur, uti saepe non sine magno labore diluantur. Eodem modo neminem vitia esse lecturum, quin vel inficiatur animus, & quadam vitiorum contagione depravetur, vel ad virtutem fiat honestatemque languidior. Sic evenire, ut, a recta semita rationeque vivendi divertentes, ad turpem & ignominiosam vitam adducamur. Id praeterea & aetatis, & otii, quod in vitiorum inquisitione consumimus, multo praestantius ad mores optimos perquirendos, investigandaque rerum honestarum praecepta, accommodari; perquam exiguum vitae spatium esse nobis a Diis immortalibus constitutum, multos etiam primo aetatis cursu deficere solere; nec posse tam exiguum temporis & virtutis & vitiorum studiis impertiri. Nemini tam diu vivendum esse, cui vel ad unam bonarum artium facultatem, nedum ad vitia, satis otii temporisque suppeditet. Esse itaque id ipsum, quod vivimus, non ad cognoscendas illecebras, vitiaque perscrutanda, sed potius ad bene sancteque vivendi studia conferendum. Vitium nullum nobis afferre potest emolumentum, nihil magis dedecori & calamitatibus expositum; virtutem gloria comitatur. Illud igitur fugiendum esse semper, nec operam his rebus impendendam, quae detrimento nobis & ignominiae futu-

futurae sint. Virtutem omnibus appetendam esse, huic dies, huic noctes invigilandas, huic vires omnes & animi & corporis accomodandas. Postremo non recte eos facere, qui, neglectis optimarum rerum studiis, vitiorum documenta sectentur, & abiecta virtutis contemplatione, cum vitiis reliqua, tum maxime ingratitude, lites persequantur. Insidari enim generi humano, & ad foedam morum depravationem pellicere, contaminareque videntur. His atque aliis rationibus & ipsi nihil scribunt, & ceteros, ne scribant, acerrime dehortantur. Equidem nisi mea cum multis causa coniuncta esset, facile istis acquiescens, non nimis graviter commoverer. Sed cum videam, & hanc calumniam mihi cum multis esse communem, & maximam humanis rebus incommoditatem asferre, nullamque esse maiorem ignorantiae & stultitiae causam, perversam atque inutilem eorum opinionem paucis refellere constitui. Videntur enim mihi non mediocri castigatione dignissimi, quibus ita male sit de vitae rationibus ex sapientia persuasum, ut arbitrentur, quenquam evadere posse sapientem, qui minus fuerit omnium malarum scelestarumque rerum, quam virtutis atque honestatis, notitiam consecutus. Nam (ut Phisicis placet, quod genus hominum rerum proprietates atque naturam mirifice perscrutantur) contraria quae

sunt

& intentione
scribentis de-
sumtum.

sunt, ea ita se habent, ut alterum a nobis cognosci non possit, nisi utrumque simul antea cognoverimus. Quam ob rem nemo de suauitate, de luce, de praestantia formae, de copia dicendi, de clementia, de omni denique virtute, iudicabit, nisi quid acre, quid obscurum, deforme, exile, truculentum, vitia cognoscat omnia. Quis enim honestatem amplectetur, nisi qui sciat fugere turpitudinem? Virtute autem nullus atrocior hostis, quam vitium, quae duo convenire inter sese, ac simul habitare, nullo modo possunt. Virtutem amplecti si velimus, vitia fugiamus oportet, ab hisque vehementer abhorreamus. Quae vero ignorantur a nobis, fugi atque evitari, mea quidem sententia, non possunt. Cur infantes ignem non formidant? serpentem non timent? non caedes parentum, non incendia patriae, non denique ulla rerum discrimina verentur? Cur homines saepe veneno conficiuntur? Unam omnium, puto, esse rationem, cum videlicet non cognoscunt. Nunquam, me hercule, in hostium insidias incideremus, si eas, quo pacto, quibusque in locis servantur, quibusque artibus evitandae sint, ac fugiendae, quam optime calleremus. Immensa praeterea natura est, in qua saepe nos rerum similitudine confusioneque deludimus, & decepti speciem recti, ut ait Flaccus. Quae superba dicenda sunt & temeraria, ea nos magnifica & fortia gesta nuncupamus.

cupamus. Qui timidi sunt atque ignavi, humiles & mansueti iudicantur. Ceterum qui prodigi sunt & profusi, eos beneficos arbitramur, & inprimis liberales; qui adulatorum, qui scurrae, qui leves, qui garruli, urbanos, placidos, faciles, eloquentes, appellamus; & temerarium quendam gladiatorem fortem ac strenuum dicemus militem. Sic immanissimum tyrannum ut gloriosissimum Regem observabimus. Habent enim, quae honesta sunt, quandam cum rebus turpibus similitudinem, quam nisi prudenter ipsi cognoverimus, plerumque non magis in virtutem, quam appetimus, quam in vitia, quae fugimus, nullo discrimine prolabemur. Nam & animi magnitudinem superbia, & fortitudinem audacia, imitatur. Prudentiae & liberalitati malitia & effusio finitimae sunt. Rursus patientiam duritia, verecundiam timiditas, vanitas & iactantia gloriam, frugalitatem avaritia, constantiam pertinacia, adulationem amicitiam, religionem superstitio, & lenitatem animi molitia, comitatur. Idem evenit in his, quae sunt. Saepe enim specie bonae habitudinis turgens quidam & inflatus tumor occultatur. Quid in Medicis? quos hoc quidem in loco maxime videmus imitari. Nam ut illi corporis morbos, ita nos animi vitia, percontamur, non ut his adhaereamus, quibus & animus & corpus in periculum atque discrimen adducatur, sed

sed ut depulsis sicut illi corporis valetudinem, ita nos animi moderationem, assequamur. Optimam animi valetudinem virtutem esse, quis ambiget? Eam si quis labefactaverit, turpique infecerit contagione vitiorum, animus quidem valere & recte sese exercere non potest. Medicorum volumina quanquam omnia ad unum finem pertinent bonae valetudinis, morborum tamen indicibus plena sunt omnia, qui, nisi genera, causas, signaque morborum, nisi initia, augmenta, gradus, decrementaque, perceperint, & quae salutaria atque utilia sint, quaeve perniciofa & mortifera, quam optime teneant, resistere morbis, valetudinem restituere, & restitutam tueri & conservare, non possunt. Ceterum qui animadvertendic in hominum capita puniendique habent potestatem, his omnia criminum & maleficiorum genera perspicua sint, oportet, quid furtum? quid peculatus? quid calumnia, dolus, parricidium? quo tempore? quo in loco? quibus adiumentis? qua confidentia? vitare potuerit? magnum sit, an mediocre? ad privatum aliquem, an ad universae Reipublicae statum maiestatemque, pertineat? sponte quis peccaverit, an invitatus, atque fortuito? Sic qui mari terraque mercatores, sive equos, sive margaritas, aut pretiosiora quaedam, emere voluerint, nisi rerum emendarum vitia mendasque cognoverint, incommodatam conse-

perdiscentes, non in eodem, quo prius, errore deformitateque persisterent. Ex omnibus enim erroribus is longe maximus habendus est, cum ne errare quidem ipse tibi constantissime persuades. Quod evenire cunctis, necesse est, nisi vitis omnibus perinde, ac virtute ipsa, quam optime cognitis. Neque iniuria Terentianus ille Parmeno tantopere solebat gloriari, quod ignarum atque imperitum adolescentem in meretriciam domum induxisset, ubi perspectas turpissimarum mulierum illecebras, immunditiam atque illuviem, facile deinde sperabat evitaturum. Hoc ille sibi palmarium, hanc postremam erudiendi adolescentis gloriam, existimabat. Quod etiam Cinicum illum Diogenem atque Aristippum dixisse constat, viros cum in vita & moribus, tum ceteris in rebus, diversa sentientes, quorum alter expedire dicebat adolescentibus, maximeque ad eorum mores, studiaque conferre, si meretricis domum ingrediantur turpitudinis cognoscendae causa, quam ubi perspexerint, vehementer fugiant, necesse est, atque abhorreant; alter ut non turpe videbatur ingredi, ita egredi non posse turpissimum. Lacedemonii quoque, magna exempla vivendi, ceteris, quibus nihil potius fuisse memoriae proditum est, quam ut liberos adolescentesque praecepta morum integritate summaque modestia educarent, instruerent, erudirent, quoties convivia in civi-

Diogenis Cinici & Aristippi sententiae,

Lacedemoniorum exemplum,

civitate celebrassent, temulentos quosdam servos admittere solebant, quos sui liberi, in tanta & oris & mentis conservatione conspicati, & riderent, &, ne ipsi eadem de re ridendi forent, evitarent. Qui autem vitae brevitatem impedimento sibi esse propterea queruntur, quod ad multarum & prope infinitarum rerum notitiam consequendam ne multa quidem secula, nedum anni paucissimi, sufficere videntur, nescio, quantum iure queruntur. Quod etiam permolestè ferens Theophrastus, cornicibus & corvis, quorum natura hebes esset, & in terrestri duntaxat mole pessundata, totaque demersa, diuturnum & prope immensum vivendi spatium datum esse, dicebat, hominibus autem, quibus essent praeclata ingenia, capacia rerum divinarum, perexiguam vivendi metam a natura fuisse praescriptam, ut e multis, maximis, amplissimisque rebus, ad hominis cognitionem atque excellentiam pertinentibus, vix pauca quaedam propter vitae brevitatem assequantur. Quod etiam Zeno querebatur, nullius rei maiorem inopiam mortalibus esse, quam temporis. Hoc Xerxis, qui, cum, facto ex navibus ponte, Hellesponticum mare traiecisset, tanta militum multitudiae, ut, aequatis montibus, vallibusque, nec mari, nec terra, caperentur, tantas copias summa cum admiratione circumspiciens, tacitus atque attonito similis, humanae vitae terminos contemplatus, vim lacrymarum

de brevitae
vitae senten-
cia refutata.

Excusatio na-
turae.

rum fudisset traditur, cum, neminem ex tam
incredibili multitudine vel uni seculo super-
stitem fore, cognoscebat. Adeo brevis est,
& circumcisa hominis vita, quantumcunque
longissima contingat. Quanquam mihi nec
naturam inculcare est animo, nec eam ma-
gnopere defendere, quam nullis in rebus
producendis errasse, nihilque plus minusve,
quam satis esset, effecisse, iam pridem ipse
mihi pulcherrime persuaserim. Longissi-
mam profecto vitam natura mortalibus tri-
buit, si non ad supervacuas & vanas actio-
nes, sed potius ad optimarum probatissima-
rumque rerum studia, conferatur. Ea sunt,
vitium virtutemque cognoscere, & quae his
sinitima sunt, atque annexa, quam diligen-
tissime perscrutari, ut evitemus alterum, ac
detestemur, alterum ut recte studioseque
colamus, amemus, amplectemur. Nam qui
vitam omnem in otio & voluptatibus per
luxum atque libidinem & ignaviam con-
sumfere, hi mihi, & si Nestorem illum an-
tiquissimum vivendi spatio superarent, Cad-
meos fratres, ut est in fabulis, videntur imi-
tari, qui, qua hora simul omnes nati
sunt, eadem simul omnes occiderunt. Stu-
diosi autem, ut nulla sibi temporis factu-
ra exeat, sic nullam eius indigentiam atque
inopiam patiuntur. Plus enim habent spa-
tii in vita, quam quod satis sit, ad vivendum,
& ad omnium magnarum difficiliumque
rerum notitiam consequendam. Possumus
itaque non virtuti solum, ut sancti atque hone-

honesti, sed vitiis etiam, ut sapientes habeamur, navare operam, studiaque nostra omnia utrisque simul citra omne & virtutis & aetatis detrimentum impertire. Virtutem enim, nisi cognitis vitiis, consequi poterit nemo. Nam & certam esse, oportet, & ab omni vitiorum depravatione seuigatam. Quos autem vitia latuerint, eos nunquam plenam, putabo, virtutis cognitionem habituros. Quas ob res cur isti me tantopere dehortantur, equidem non intelligo. Mihi vero nihil videtur esse praeclarius, nihilque sapiente viro dignius, quam si fraudem, dolum, insidias, & turpissima quaeque, cognoscentes, ad virtutem tamen tuendam atque exornandam, servandamque honestatem, referamus omnia. Sed iam ad instituta transeamus. Cum ad fanum Constantii una cum Nicolao Sulmonensi reficiendi animi gratia me contulissem (soleo enim & audire illum frequenter, & perdiscendae Philosophiae causa vix unquam ab eius latere discedere) & hic me, ut solet, ad dicendum aliquid non hortaretur solum, sed quaedam ipse disputationis quasi fundamenta iacere coepisset, populusque in via frequens nobis, ut solet, occurrisset: nihil, ait, videri sibi mirabilius in tam immensa multitudine mortalium, quam tantam esse omnibus morum, vultus, corporis, dissimilitudinem, ut nunquam duo tresve ex omni sui parte similes fuisse

Instituti ratio
ocasioque.

memorentur, idque non solum in hominibus, qui & ingenio & corpore differrent, sed in ceteris quoque animalibus, solo distinctis corpore, videri mirandum. Causam omnino ad stellas sideraque referri, quorum motus traiectionesque perpetuae in infima haec & terrena maximam habent immutandi potestatem, quae cum tanta sint celeritate, tantoque impetu & concitatione rapiantur, ut persistere ne momento quidem possint, continue alios atque alios concentus efficiunt, qui causae sunt rerum omnium, & semina. Hic mihi etsi pulcherrima disceptatio esset exorta, tanti viri disputatione dignissima, ceterum quae non satis recte inecum ageretur, (maior enim erat, quam quae a me vel defendi, vel oppugnari, vel etiam intelligi, potuisset) placuit tamen aliud quiddam afferre, non multum abhorrens ab eo, quod erat institutum. Nam cum fateri me, sic esse, respondi, vicissim & ipse percontari coepi, quod ille genius hominum teterrimum atque immanissimum omnium existimaret; ea in re diu iam a me fuisse dubitatum, nec habere satis exploratum, quos omnium pessimos iudicare potuissem; quanquam saepe mecum in eam incidissem opinionem, nullos homines infestiores humanitati, & a bene beateque vivendi studio remotiores, quam qui *αἰχμαῖνοι* a Graecis, ingrati a nostris appellantur, eos praecipuos humanitatis

ac

DE INGRATITVDINE EVGIENDA LIB. I 59

ac vitae hostes, nec ullum esse crimen turpius ingratitudine. Tum ille, haud absurde, inquit, opinaris; multi, ut ego quoque, idem opinantur. Fortasse non iniuria. Est enim scelus quoddam atrocissimum, & quod non honorem solum & dignitatem offendit amicorum, sed ipsam penitus extinguit humanitatem. De hiis, inquam, si non est aliud, quod putes pervertendum, (neque enim sumus occupati) quid ipse sentias, libenter audirem. Nam qui adhuc ea de re paulo accuratius disputaverit, inveni neminem. Pergratum, inquit, cum ceteris in rebus, ad disciplinam & eruditionem attinentibus, tum maxime in tam opportuna & honesta postulatione, tibi quam accumulatissime satisfacere. Sed tamen non alienum mihi videtur, si Graeculos illos imitemur, omnia in certamen & controversiam adducere solitos, quod ego ad unamquamque rem aperiendam plurimum valere arbitror, nihilque magis ad multarum rerum usum-memorianque conferre. Nihil enim tam obscurum atque abditum, & a communi sensu cognitioneque remotum, quod frequens illa disputandi consuetudo & diligentia non inveniat, aptissimeque demonstret. Fit enim saepe, ut ex crebris disputationibus magnarum rerum non solum sensa captemus aliena, sed ipsi etiam, nova quaedam excogitantes, mirum in modum exacuamur, & ingenium, pulcherrimis

Disputationis
suis, atque uti-
litatem.

atque

atque altissimis rebus intentum, vehementer excitetur, ut ne dici quidem possit, quantum frequenti & quotidiana disputatione proficere, & in rebus omnibus erudiri, videamur. Quam ob rem idem quoque nobis censeo faciendum, fusa tamen & continua oratione, non crebris interpellationibus abrupta, ne vel tempus in repetendo conteramus, vel seriem perturbemus rerum explicandarum. Proinde, quid tu sentias de ingratitudine, prius explicato, mox ipsi vel ad opinionem tuam, si videbitur, refellendam, vel, si opus erit, ad confirmandam sententiam, accedemus, nullaue in re tibi deerimus. Ego vero, cum, inquam, ita placeat, dicam perlibenter, sed ea lege, ne ineptias novi philosophi & deliramenta derideas. Perniciosam hominibus ingratitudinem, & omni malo flagitio comparandam, multis equidem censeo de causis; sed eo perniciosissimam iudicandam, quod, cum duplex liberalitatis genus habeatur, alterum, in conferendis praestandisque beneficiis, in referendis alterum: quorum primum inter homines praeclarum atque excellens, & maxime ad laudem gloriamque accommodatum; alterum vero necessitatem quandam prae se ferens, ut honestum est, & omni laude dignissimum, si praestetur, ita, si contemnatur, turpissimum, & ab humanitate prorsus alienum. Utrumque ingratitudo tollere e vita, penitusque extinguere, videtur.

ingrati-
tudinis
pernici-
osissi-
ma detes-
tandaque
facies.

Tollit enim o-
mnem libera-

DE INGRATITVDINE EVGIENDA LIB. I. 41.

tur. Quis enim, omni sublata spe prae-
 mii, quod ab ingratis expectare non possu-
 mus, beneficentiae & liberalitati locum esse
 putabit? Equidem nihil omnibus divi-
 nis atque humanis in rebus fieri posse, ar-
 bitror, nisi quasdam facientibus praemia vel
 accepta prius fuerint, vel saltem exposita,
 ut accipiantur. Nam qui rebus bellicis, qui
 studiis literarum, qui legibus, qui omni de-
 nique facultati atque operi, student, eam ob
 rem moveri ad id potissimum, impellique
 videntur, quod vel utilitatem quandam
 praemio sibi cessuram arbitrantur, vel, quod
 multo pulcherrimum, famam atque glori-
 am. Quae spes si tolleretur, nemo tam es-
 set insanus, qui, eiusmodi ceterisque rebus
 dandam operam, existimaret. Idem puto
 liberalibus & beneficis evenire, qui, si
 nullam sperarent remunerationem benefi-
 cii, & ne liberalitate quidem, ulla uterentur,
 ut neque agri arantur atque excoluntur, ni-
 si fertiles, neque arbores, nisi uberrimos
 fructus pariant, foveantur, purgantur, inse-
 runtur. Omnem itaque ingrati humani-
 tatem extinguunt, quibus aut nihil conferri
 potest, quod nobis gloriae sit, emolumento-
 que futurum, aut, si conferamus quicquam,
 vana spe duci, nullaque accepta gratia, in-
 bonos deinde & gratos viros munifici &
 liberales esse non possumus. Veremur
 enim, ne, semper in ingratos incidentes, te-
 mereque profundentes fortunas nostras,
 pau-

paupertate aliquando, & rerum inopia, conficiamur. Ingrati enim rerum acceptarum omnia sua sola utilitate metiuntur. Magnifica quidem res, & praeclara, conferre beneficium, munificum sese omnibus, libentemque praestare, inopibus adiumento esse, consulere ignaris, levare afflictos, operferre omnibus, omnem denique munificentiam & liberalitatem in omnes exhibere. Ad quod cum natura ipsa cogere nos quadam humanitatis lege videatur; quanto magis cogi eos existimabimus, qui non ipsi primi contulere, sed accipere beneficium? Sed est quoddam genus hominum in postulandis atque accipiendis muneribus procacissimum, quorum in postulando audacia, in accipiendo confidentia, incredibilis ac prope detestabilis, in referenda vero gratia & beneficio rependendo tanta sunt oblivione, tantaque amentia, ut aut dissimulent ac negent, accepisse se, quod est postremae perfidiae, aut, accepta si fateantur, referre tamen gratiam, cum est opus, minime studeant, aut obliti penitus atque indistinctiores efficiantur, aut, quod omnium censeo immanissimum, pro laude, pro gloria, pro vita, pro dignitate, pro bonis omnibus, obrectationem, ignominiam, calamitatem, perniciem, & omnia mala, referant. Hos omnes ingratos iure optimo nuncupamus; quanquam refert plurimum, quis sit inter eos ingrator, quis ingraticissimus

Præcipue hoc agit genus quoddam hominum & in postulando & in accipiendo procacissimum, quorum quatuor potissimum occurrunt species.

mus,iudicandus. Habent enim vitia gradus quosdam magnitudinis, ut remissiora in aliis sint, aut mediocria,& interdum fortasse toleranda, in aliis vero maiora,& non ferenda quidem,inveniantur; quemadmodum nec virtus ipsa omnibus eadem esse solet, sed in quibusdam hebetior languidiorque, in plerisque vero multo eminentior atque præstantior. Utcunque tamen accipiendam putabimus ingratitudinem, quocunque in gradu collocandam, turpem nimis, ac foedam, & ab omni humanitatis genere iudicari oportet alienam; quippe cum nomen ipsum absolum per se atque infestum gratiam rebus & iucunditatem omnem eximere videatur, ut nihil relinquat nobis, quod iurè censeamus appetendum. Appetuntur sane non quidem, quæ ingrata & infesta, sed quæ grata sunt atque iucunda. Haec ut consequamur, omnem vim nostram & conatus adhibeamus; illa vero tanquam pestifera & perniciofa torremus, fugimus, detestamur. Verum qui beneficium non negat, quanquam turpissimum, non referre gratiam, minus tamen delinquere putaverim, minusque, quam ceteros, in culpa esse, qui cum debere sese ateatur, neque liberalitatem inficiatur alienam, neque inimicorum penitus se ostendit acceptorum, videaturque vel aliquid re-

Prima, ea quæ magis, ac reliquæ, excusanda, est eorum, qui quidem neque beneficium se accepisse negant, neque tamen gratiam referunt.

Quæ pol-

pellekti liberales, aut satis sibi fore praemii gloriam existimabunt, aut spem adhuc remunerationis aliquam retinentes, non omnino a beneficentia & liberalitate desistent. Quem iccirco tolerandum aliquando dicebamus, si non voluntas deesset gratiae referendae, sed vel angustia rei familiaris impediretur, vel metu aliquo difficultateque perterritus, differendam in tempus statuatur remunerationem, melioremque & reddendi & cumulandi beneficii occasionem

Exemplo Darsi illustratur.

expectandam. Qualem Darium erga Silophonem Samium, ferunt, extitisse, qui, cum privatus, neque regiam adhuc nactus dignitatem, quadam ab illo veste donaretur, expectandam ratus occasionem, nihil sibi principio retribuit; ceterum, ubi primum regnum adeptus, & urbem & insulam, Silophonti parere iussam, eius usui arbitrioque subiecit. Quam ob rem, non oblitum fuisse Darium, credendum est, sed meliorem reddendae cumulandaeque gratiae occasionem expectasse.

A quibus differunt, quibus neque occasio, neque facultas, sed voluntas saltem beneficii remunerandi suppetit.

Quod ea de causa qui fecerint, non modo non culpandos puto, verum magnopere, mea quidem sententia, commendandos. Sin illis ac temporis oportunitas, & fortuna suppetitaverint, quo pacto excusari possint, equidem non intelligo. Nam & plerumque non expetenda solum, sed quaerenda etiam est occasio reddendi beneficii. Solet enim animus cuiusque cum in rebus ceteris, tum maxime in libe-

liberalitate spectari, qui si non nisi ad honestum, bonum, aequumque declinans, nulla impulsus malevolentia, nihil temere, nihil flagitiose, nihilque denique avare, agere conetur, etiamsi mala rerum eventa sequantur, neque ingratus erit, neque temerarius iudicandus; ut, qui sociis obsessis navim frumentariam miserit, eaque prius, quam in portum se recipiat, ab hostibus intercipiatur, non iccirco eum vel focum ingratum, vel liberalem hostes, appellabunt, quanquam sunt utilitatem ab eo consecuti non mediocrem. Non enim, quid agamus, semper inspiciendum est; sed quofimus animo, cum agimus. Quod etiam in fabulis iocati sumus, corvum, lupos per ardua montium iuga comitatum, partem sibi praedae fieri postulasse, qui eos secutus nullo tempore destituisset, sociusque fuisset; repulsus deinde a lupis, tanquam non eos, sed praedam cibumque, secutum, neque minus luporum, si occiderentur, quam ceterorum animalium, exta fuisse voraturum. Omne namque beneficium maleficiumve ideo appellandum, quod, a bono malove animo profectum, non ipsum eventum rerum prae se ferre; sed voluntatem atque animum respicere atque intueri, videatur. Quam ob rem quibus non voluntas retribuendi officii, sed facultas atque occasio, defuerit, ab omni, ut arbitror, ingratitudinis crimine absolventur. Idem de his quoque

ut & ii, qui non, quam debent, sed quam possunt, remunerationem offerunt.

Secundam, eamque primam longe deteriore, ingrati- tudinis speciem constituunt, qui aperte negant, se unquam beneficium accepisse;

censeo dicendum, qui, cum ingens aliquod acceperint beneficium, non plenam atque uberem gratiam, sed tamen aliquam, retulere; siquidem non obliti penitus, aut ingrati, iudicandi sunt, quorum animus quantocius magno beneficio devictus, si non illud, quae debet, saltem quae potest, remuneratione prosequatur. Nam neque acceptum munus & benefaciendi virtus occultatur, & rerum inopia atque egestas faciet excusatum, neque omnem ab animo liberalitatem radicitus evellit, spe aliqua compensationis remanente, cum manifeste appareat, metas illi retribuendi non voluntate constitutas, sed impositas ab inopia. Videtur enim fore, cum fortunatius res sese habebunt, gratiam eum multo pleniorē esse relaturum. Ceterum, qui negant accepisse, quorum undique permagna est copia, tanta sunt feritate atque perfidia, ut maiore quasi esse non possint. Quid enim potest esse perfidius, quam eius inficiari beneficium, cuius ope atque auxilio fretus, vel periculo substractus, & saluti restitutus sit, vel in aliqua dignitate constitutus, vitam sit consecutus meliorem? Reminiscor equidem, frequenter me, in eos viros incidisse, qui ornati a me & cum pecunia, tum rebus aliis, sustentati, susceptique hospitio, & in maximis difficillimisque negotiis adiuti, usque adeo confidentes atque ingratos sese praestiterunt, ut cognitionem mei & familiaritatem

tatem dissimulare non sint veriti, atque ita mecum egerint, ut si nusquam neque cognitum, neque visum, aut auditum, unquam habuissent, nefandos profecto homines, & liberalitatem delentes omnem. Quis enim conferendum in quempiam beneficium, aut ulla unquam utendum liberalitate, iudicabit, si, de quibus optime se meritum, & quavis gratia dignum, putet, ab iis negligi se contemnique, cognoscat; & a quibus summam caritatem, amorem, decus, expectabat, his contemptui sese videat esse, atque ludibrio, & odio etiam non mediocri? Ingrati hominis poena nulla maior atque atrocior esse potest, & quam ipse vehementius fugere conetur, quam eos ipsos intueri, quibus se sentiat obligatum, officioque devinctum. Quorum eo maxime potentiam horrere fugereque videtur, cum non delectatur aliena in se caritate & benevolentia, sed exuritur assidua recordatione beneficii, ex quo, qui gratus est, maximam sollet capere voluptatem. Nam & si ingratum sua protervitas absolvat, conscientia tamen, severissima aequi atque iniqui iudicatrix, arcana rerum confessione damnat & torquet. Habet praeterea conscientia mirificos accusatores defensoresque ruborem, trepidationem, constantiam, fiduciam, quorum primis mala, postremis bona reteguntur. Qui vero levatus abs te, atque adiutus, aliquando tui notitiam dissimulabit, si forte obvium te

illi obtuleris, erubeat, necesse est, cogente conscientia. Quid tunc illum censeas cogitare? quibus te petere execrationibus? quo usque vitam illi tuam videri molestissimam? Quorum enim veremur conspectum, potentiam formidamus, eos odio persequamur acerbissimo, & extinctos cupiamus, oportet, ne obvios se nobis interdum offerentibus subpudere erubescereque cogamur. Equidem aequiore animo tolerandos esse, ducerem, si satis haberent, negare beneficium, neque ita nos tacita malevolentia atque odio infectarentur. Est enim turpe satis, atque absurdum, non reddere, quod acceperis. Cui si addideris malevolentiam, nihil potest turpius atque immanius excogitari. Quid efferacius cane? quid totius humanitatis magis expers inveniatur? cui si semel noti esse coeperimus, perpetuo nos memoria tenebit, nunquam oblatrabit, mordebit nunquam, etiam si fuerit irritatus, & quocunque profecturos longo itineris spatium comitabitur, nunquam a nostro tergo latereque discedens, & quoties vel solo nutu evocabimus, cauda, capite, auriculis, & ipsis demum oculis, incredibili laetitia blandietur. Ingratus autem, omni cane perfidior, ne illud quidem veretur dissimulare, quod constat, sitque omnibus manifestissimum, dico notitiam & familiaritatem, quae non nisi diuturno tempore & multorum testimonio comparantur. Quod animal leone truculen-

*Præcipue si
praeterea be-
nefactoribus
suis adhuc
male velint.*

lentius? Sed eum nōs ad beneficium flecti saepissime videmus. Etenim nulla tam immanis, tam indomita & immansueta, fera, quam sui educatoris adventu non summo opere gaudere, gestire, atque arridere, videamus. Ex omni genere animalium solus ingratus beneficientis vultum nequit intueri. Quem veste, quem pecuniis, quem victu, iuveris, quem susceperis hospitio, quem denique capitis interdum periculo liberaveris, cui summum praestiteris honorem, ad dignitatemque sustuleris, is te aut perinde ac nusquam cognitum dissimulabit, aut si id, cum manifestum sit plurimis, inficiari non possit, nihil se tibi debere, contendet. Tum vel nullum dicet accepisse beneficium, vel multo plura & maiora praestitisse, quam acceperit. Quid igitur ingrato, vel dissimulante foedius, vel negante perfidius, vel utroque detestabilius, inveniatur? Quamquam non me fugit, interesse plurimum, quinam maiorem inferant nobis iniuriam, hi, qui, ornati a nobis, notitiam tamen nostri, beneficiique memoriam, dissimulant, an qui, aliquid in se collatum, aperte inficiantur? Utrique enim ad unum ingratitudinis finem, diverso tamen itinere, contendunt. Nam quibus audacia inest dissimulandi, eos tum demum ituros inficias, existimo, si quando velimus praestitas commoditates, collataque in eos beneficia, in memoriam revocare. Tunc enim non igno-

rasse solum, sed ne vidisse quidem, Deos atque homines testabuntur, aut, si id facere non possunt, mendacem te, ac vanum, appellantes, mille conviciis insectabuntur, & iurgiis. Quocirca, qui dissimulat, eo minus delinquere videtur, cum hic paulo tectius, ille vero multo apertius, inficiatur. Dissimulantem nequitia, negantem etiam & perfidia, condemnat. Tamen ingratus alter, quia negat, alter vero, cum negare paratus, si repetatur. Aliud genus ingratorum ad eos attinet, quibus cum magna sint collata munera, non modo gratiam referre non cogitant, sed ipsius, quod turpissimum est, obliti beneficii, ea ipsa, quae acceperunt, penitus memoria delevere. Rem, me hercule, ut primo aspectu tolerabilem, neque nimis magnae deformitatis apparentem, ita, si paulo propius accedas, diligentiusque perspicias, nescio, an omnium perfidissimam, ac prope nefandissimam, iudicandam. Nec vero dubito, plerosque mortaliū, cum maxime ceteris in rebus, tum in hoc, multa inter se, diversaeque sentire, & suum cuique esse iudicium, atque sententiam. Nam sunt, quibus humanum & ne turpe quidem, hoc videri soleat, cum invitis plerumque nobis ea excidant, quae, si perpetuo memoria teneremus, summa nos afficerent voluptate, maximumque interdum asferre ornamentum, ut qui literas, qui leges, qui artes reliquas, qui denique res mil-

le

*Tertia, eaque pene nefandissima, ingratitude spe-
cies est eorum, qui beneficiis, quae acceperunt, penitus memoria deleverunt.*

Neque enim est, quod non nulli volunt, lapsus memoriae.

le, didicerint, quarum omnium memoria diuturna in nobis esse non potest, nisi quam rarissime paucissimisque contingat, ut rerum omnium, quae didicerint in vita, ex omni parte recordentur. Quae praeterea aetas magis ad discendum idonea, & ad memoriam magis accommodata, quam tenera illa puerorum, qui tamen vix minimam partem rerum, quae in aetate didicerint, perpetuo tenere potuerunt, instante semper atque admonente praeceptore? Multa praeterea sunt, quae vim illam memorandi soleant impedire, amplissimae dignitates, calamitates, ingritudines, quarum vi atque impulsu non modo, quae accepimus ab aliis, sed nos ipsos, interdum obliviscimur. Obruitur enim sensus atque memoria multitudine gravissimarum rerum, quas in vita evenire, necesse est, & ipsius fortunae mutatione & varietate confunditur, ut neque aures nostras sonare magnitudinem, neque oculi solis possplendorem intueri, sic fieri, ut, quoscunque ex infimo loco ad summum rerum fastigium & dignitatem fortuna sustulerit, pristinae conditionis & amicitiae iam memores efficitur, cum permagni inotus animorum, maioriam totam occupantes, minima quae depellunt, quemadmodum ardentes faucesque incendia magno fulgore solis obtinentur depellunturque ab angulis & in oculorum. Saepe etiam solet evenire membra quaedam nimio dolore adeo

Néque impeditur ob novas vel dignitates, vel calamitates, vel id genus alia.

tabescant & corrumpantur, ut nec sentire, nec movere se, queant; eodem modo deficere memoriam multitudine & varietate maximarum rerum, non culpam voluntatis, sed naturae opus esse, contendunt, quippe cum humanum sit, & nobis a natura datum, quam iure nos quidem accusare non possumus. Conatur enim nihil mutuum facere, nihil gignere diminutum, sed perfectissima quaeque producere. Rursus periculorum & calamitatum tanta interdum est acerbitas, tantus metus atque dolor, ut non modo immemores beneficiorum, sed exanimis, non nunquam fieri videantur. Multos memorare solent, vel orbatos filiis, vel exutos dignitatibus, vel aliis fortunae casibus laceratos, non oblitos solum praeteritarum rerum, sed insanos factos aliquando, & summo demum dolore angustiaeque confectos; ut Aiacem illum Thelamonium, quem ita insanum propter iram scribit Sophocles, ut, greges armentaque Archivorum ferro invadens, ipsos se Archivos putaret interfecisse; ut Hecubam canina latrantem rabie; ut Hieroclem, Parthorum regem, qui, Pacoro filio Aventidio cum omni exercitu trucidato, in furorem conversus, fertur, non cibum sumere potuisse, non amicos alloqui, non vocem emittere; ut Periandrum, qui, unus inter Graeciae sapientes habitus, filium a Corcyreis interfectum, atque multum dolens, impatientissimo moerore confectus

Quod tamen tantum abest, ut exemplis probari posse videatur,

fectus est ; sic Menippum Cinicum, qui, pecunia sibi per insidias erepta, laqueo se suspendens, vitam ex ingentidolore finivit ; sic alios multos. Neque censent, memori-
am beneficiorum in tam acerbissimo dolore locum habere potuisse, in quo salutis ac vi-
tae memoriam abiecerunt omnem. Quos-
dam etiam ex nimia laetitia vita defunctos, ut Dionysium, tyrannum, accepto victoriae
nuntio ; ut Sophoclem, ut Chilonem, quo-
rum alter, victor in tragoediae contentione
declaratus, subito ex ingentilaetitia moritur,
alter, filium in Olympia coronatum ample-
xus, extinguitur, qui honos maximus apud
Graecos habebatur. Multos tantus inter-
dum invasit morbus, ut extemplo sensus
memoriam & rerum omnium cognitionem
amiserint, phreneticos, vel lethargos ; sic Stra-
bonem quendam, qui, cum saxo in caput
concussus esset, rerum omnium, quas ante
noverat, dicitur statim factus oblitus. Quam
ob rem non videri tantopere culpandos, qui
memoriam abiecerunt beneficiorum, quod
plerumque a natura ipsa casuque contingit.
Contra vero mihi nulla tam ingens, tamque
insignis, ingratitude videri solet, & quae tam
nullam admittat excusationem. Nam ut a
pueris initium capiamus, perdiscunt illi qui-
dem multa, sed ea diu memoria non tenent ;
tamen non ita statim dediscunt, ut ne se-
mel quidem recitare possint omnia memoi-
riter, quae, animo frequenter agitata, saepe

ut potius con-
trarium pro-
betur.

Contingit
enim istud
magis negli-
gentia,
quam memo-
riae culpa.

que ad verbum repēta, raro e memoria delabuntur. Qui igitur accepit beneficium, si cito referat, si frequenter in animo versabit, saepeque de illo referendo cogitabit, nunquam efficietur oblitus. Quod si multa nobis excidunt, quae, memoria retenta, maximo nobis essent ornamento, quod ego non inficior, nec hoc quidem memoriae magis videtur, & naturae, quam negligentiae nostrae, tribuendum. Cur legum, cur artium obliviscimur reliquarum, nisi quia non frequenter exercemus, non mente, non animo & cogitatione versamus? Hinc praeclarum illud a Pythagora praeceptum, exercendam esse memoriam; hinc Diogenis saluberrima sententia, nihil in omni vita sine exercitatione fieri posse; ob eam homines cum in Mechanicis, tum in ceteris artibus, permiram celeritatem assecutos; hinc etiam & Periandri Corinthii praeclare dictum, exercitationem omnia valere. Cantores vero & citharoedi tantam habent initio difficultatem addiscendi, ut ne vocem quidem exprimere, aut digitos movere, posse videantur; mox vero, summa voluptate allecli, aut repetentes, quae didicerunt, aut concentus omnes & vocum intervalla crebra cogitatione complectentes, id demum frequenti usu & exercitatione consequuntur, ut, clausis, si velint, oculis, & vocem flectant varietate incredibili, & chordas omnes mira digitorum celebritate percurrant. Ingratus vero, quia nullam capit voluptatem refe-

referendi, ideo nunquam de reddendo beneficio cogitavit, nisi fortasse, cum accepit. Quae res non ad homines pertinet; sed bestiis ea insita natura, ut, quamdiu cibus ore versetur, sola praesentium delectatione teneantur. Sic etiam, quae audita semel fuerint, memoriaque comprehensa, excidant necesse est, & elabantur, nisi custodita sint, & animo frequenter repetita, nunquam intermissa. At mutatio fortunae animum ad Sed mutatio
maiora convertit. Fateor equidem hoc, in fortunae non
illis duntaxat, qui, minimis rebus assueti, nisi male fa-
quae magna sunt, sine mentis atque animi nos aut men-
detrimento capere non possunt. Hi sunt, te captos ad-
quorum nimiam felicitatem graviter, ut o- eo turbat, ut
mnia solet, Aristoteles, ab amicis non cen- pristini sui
set esse cupiendam. Putat enim, eos ne- status penitus
quaquam in amicitia mansuros, ubi fuerint obliviscantur,
nimium locupletati, discessurosque ab offi- aut beneficio-
cio, tanquam secundam fortunam capere si- rum olim ac-
pe amicorum oblivione non possint. Sed ceptorum im-
ego, idem omnibus evenire, non arbitror. memores red-
Fortuna vero, quanquam in rebus aliis plu- dantur.
rimum valet, nullam tamen habet in animo
potestatem. Qui Reges, qui Principes, qui
Imperatores, efficiuntur, optime illi quidem
meminisse poterunt, privatos sese aliquan-
do, & in infimo rerum statu constitutos, ad-
iutosque beneficio privatorum hominum,
quod in Dario supra demonstravimus. Im-
mensum nobis Dii immortales vim ingenii
& memoriae tribuerunt. Multa invenio
man-

Magna enim ingenii memoriseque vis est.

mandata literis a nostris maioribus, magna quosdam, & prope divina, fuisse memoria; ut Gneam illum Platicum, qui postridie, quam venisset Romam, omnium Patriciorum, & equestris ordinis civium, nomina cum summa omnium admiratione dicebat, eosque omnes suo nomine compellabat. Cyrrhus vero & Themistocles, L. Scipio, alique permulti, idem in suis militibus faciebant. Mythridentes quoque tanta memoria fuisse perhibetur, ut duabus & viginti nationibus, moribus, institutis, lingua, differentibus, quibus imperabat; ipse nullo cum interprete loqueretur. Quid dicam de Septio Metrodoro, qui, multorum simul loquentium verba sensaque excipiens, in maximam omnes admirationem adducebat? Plurimos equidem, unemorare possem, cum superioribus seculis, tum etiam aetate nostra, quam plurimum memoria valuisse. Nec est eadem vis videndi atque auditus, aliorumque sensuum in nobis. Quippe prius illi atque hebetes magnitudine rerum deficiunt & confunduntur. Animus vero immensus est atque divinus, qui, quo plura capit, maioraque amplectitur, eo magis perfici atque illustrari consuevit. Quo fit, ut, cum defixius quicquam intuemur, hebetentur oculi, & caligine quadam mirum in modum afficiantur, soni magnitudine aures obtundantur; studio vero & assidua contemplatione magnarum rerum non modo non obrui-

Sensus quidem in hominibus differunt; animus vero immensus est, atque plane divinus.

obruitur animus, & vis ipsa contemplandi, sed ingenti quadam & prope incredibili luce intelligentiaque compleitur, illuminaturque continuo usu cogitandi. Nemo potest, mea quidem sententia, tam satis doctus esse, tam satis eruditus, tam maximarum altissimarumque rerum memoria refertissimus, qui non colligere sese, & multo plura capere, censeatur. Neque, si qua volet alia, propterea non perdiscet, cum mens multis rebus sit occupata; neque, si perdiscat, rerum obliviscetur ceterarum. Qui vero magnis calamitatibus & fortunae casibus laceffiti sint, & in maximis angustiis ac necessitatibus constituti, quanquam incommoditates plurimas & detrimenta patiuntur, non tamen ita cetera omnia dediscere putaverim, ut nulla in eis remaneat memoria praeteritarum rerum, & pristinae felicitatis immemores efficiantur. Nam etsi miseris & calamitosus maximum adiciat doloris incrementum prioris fortunae recordatio, fiuntque ob hoc miseres, cum, felicioribus & tranquillioribus rebus assueti, quae paulo molestiora fuerint, non parum aegre patiuntur, eamque ob rem multo magis affliguntur: repetunt tamen honores, opes, dignitates, amicitias, & multorum in se collata beneficia recordantur; tum, praesentium incommodorum calamitatem acerbitate compensantes, felicissima quaeque meminerunt, & quod more suo sapienter, ut Poëta: Nimi-

Neque obstant calamitates, angustiae, necessitates, atque fortunae casus.

Quod exem-
plis superius
iam allatis il-
lustratur.

um meminisse, necesse est. Quod si Aiacem, factum primum furiosum, propter iram atque dolorem mox sese interfecisse, & Sophocles, & alii plurimi, tradiderunt, nescio equidem, quem furiosum, si mori fortiter maluit, quam vivere ignominiose. Idem multi fecisse memorantur. Nam quod de gregibus atque armentis Poëtae confinxere, his non magnam admodum fidem putamus adhibendam, nisi fortasse, Palladem eius rei causam afferentes, id Deorum immortalium potestati tribuamus. Orestem quoque furiae caede parentis invaserunt. Sed nec Pyladem ullis affectit iniuriis, nec eius in Thracia oblitus est, cum mori se malle diceret, quam mactari Pyladem pateretur. Sic infana facta Hecuba, & propter maximam crudelissimamque fortunae acerbiter in furorem rabiemque conversa. Verum non illa in Helenum, non in Cassandram, sed in Polyneftorem, faevendum cognovit, quod magis praeclarum facinus agere vel optime sana potuisset, quam violatam fidem hospitii, per iuratos Deos & necatum filium ulcisci. Quod si Sophocles, si Periander, si Menippus, Chilo, aliique permulti, vel gaudium nimium capere, vel doloris acerbiter superare, non potuerunt; quid aliud causae fuisse putem, nisi infitam & pertinacem in animo memoriam, vel boni, quo nimis gaudebant, vel mali, quo nimis angabantur? Qui si neque victoriae & utilitatis, neque

neque calamitatis atque incommodi, nemi-
 nissent, profecto neque a gaudio nimio
 fuissent, neque ab intolerabili dolore, supe-
 rati; sed, cum iis cogitationibus haerentes
 avelli non poterant, nimiam memoriam
 mortis causam habuere. Quam ob rem
 non video, cur deficere memoriam, & obli-
 visci homines, etiam maximis & periculo-
 sissimis calamitatibus, arbitrari debeamus,
 afferreque exempla, ad eam rem nihil pror-
 sus attinentia. Optima rerum omnium ex-
 cogitandarum magistra necessitas est. Ni-
 hil enim magis solet ingenium atque me-
 moriam nostram excitare. Nunquam, me-
 hercule, magis sapere solemus, magisque
 rerum omnium recordari, quam cum mil-
 le fortunae casibus expositi, tanquam navis
 ventis atque fluctibus, exagitamur. Quod
 vero de moribus dicebatur, quam rarissime
 solet evenire, ut ita penitus exanimati, se-
 pukis sensibus, efficiamur, ut nec recolamus
 quidem praeterita, nec praesentia, si qua
 sunt, satis recte sentiamus; aut si accidat
 fortassis aliquando, non igitur videntur excu-
 sandi, qui tam diu ingrati perseverare potue-
 runt, ut etiam morbum expectarint, ad
 ingratitudinem perpetuo confirmandam.
 Erat enim occupandum tempus, ut anterefer-
 ret gratiam, quam referendi tolleretur oc-
 casio. Quam ob rem qui oblitus fuerit
 beneficii, eum magis delinquere, putaverim,
 quam quo iure possit excusari, cum sit tur-
 pis-

Potius neces-
 sitas ingenium
 atque memo-
 riam excitare
 putanda est.

Neque de
 moribus idem
 est arbitrari.

pissimum genus ingratitude, & quantum ad humanitatem & perfidiam attinet, ceteris omnibus, quae diximus, anteponendum. Qui non referunt, qui negant, qui dissimulant, ingrati quidem omnes iudicandi sunt, ceterum nequaquam cum hoc genere comparandi; quippe cum nemo prohibeat, quando emendare sese, & quam gratissimos praestare, possint. Enim vero mores, & quam facillime, & quam saepissime, commutantur. Quod cum ceteri permulti, tum maxime Palemon Atheniensis ostendit, qui ex ignavo & temulento adolescente in sapientissimum & gravissimum Philosophum evasit, sola Xenocratis oratione persuasus. Saepe enim colligunt homines sese, &, nullo impellente, sua ipsi delicta detestantur. Nemo tam ferus & agreslis, tamquæ ab omni humanitate destitutus, qui, si modo peccare se intelligat, non aliquando sibi ipsi displiceat, & ad sanctiores mores melioraque studia permutetur. Qui vero se errare non sentiat, is & vitam suam probat, & in ea summa vi atque studio perseverat. Quam ob rem, oblitus qui fuerit beneficii, gratus fieri nullo modo potest. Nunquam etenim reviviscet, quod semel est extinctum, ut membrum aliquod, a corpore decisum, cuius nullae remansere reliquiae, in corpus amplius coire nullo, ut arbitror, valebit artificio. Nec ulla est tam pestilens & immanis aegritudo, quam medici vel curare
pe-

penitus nequeant, vel saltem levio-
 re non possint. Solis his, qui sunt extincti,
 nullum asserre, nullumque idoneum medi-
 camentum excogitare, valuerunt. Quid
 enim ab his putabimus esse sperandum, in
 quos non conferri quidem videtur benefi-
 cium, sed extingui? Equidem sic mihi per-
 suadeo, nullam certio-rem, nullamque stul-
 titiam insigniorem, quam res fortunasque
 nostras ita temere collocare, ut nobis, cum
 opus sit, praesidio esse non possint. Sed il-
 lum ego longe censeo stultissimum, qui
 non largiendo quidem, sed dissipando poti-
 us, ita collocat opes suas atque profundit, ut
 statim videantur esse periturae, nullamque ne-
 que loci, neque temporis, recordationem
 habiturae. Sed iam ad genus aliud transe-
 amus, quod eam ob rem postremo loco
 constituimus, cum non solum cetera ingra-
 torum genera, sed omne scelus atque flagi-
 tium, atrocitate sua videtur anteire. Hi sunt,
 qui pro honore dedecus, pro laude igno-
 miniam, pro salute, pro vita, periculum,
 discrimen & perniciem referre consueve-
 runt; quorum ut atrocitas insignis, ita
 copia quam maxima. Quid hoc scelere
 immanius? quid truculentius excogitari
 potest? Si qui gratiam non retulere, ve-
 hementer abhorremus; si qui negaverunt,
 qui oblitii sunt, odimus, detestamur, execra-
 mur. Quo vultu? quo animo? quibus
 oculis intuebinur? qua malevolentia eos

Quartam de-
 nique ingra-
 torum speci-
 em, eamque
 longe imma-
 nissimam a-
 trocissimam-
 que, constitui-
 unt ii, qui pro
 honore dede-
 cus, pro laude
 ignominiam,
 pro salute,
 pro vita, peri-
 culum, disci-
 men & perni-
 ciam refe-
 runt.

persequi debeamus, qui, adiuti cum a nobis, maximisque ornati dignitatibus, & in summa rerum fortuna atque amplitudine constituti, oppugnare tamen nos & pedibus conculcare non vereantur? Quos domi, quos tectis, hospitioque suscepimus, quos domestico praesidio sustentamus, ii nos domo, patria, propellere, rebus omnibus exspoliare, & in exilium extrudere, nituntur. Quorum fumus tutati dignitatem, honorem auximus, amplificavimus gloriam, & quorum laudes, in coelum usque tollere conati sumus, ii summum nobis dedecus inferre, famam nostram depopulare & afficere turpissima cogitant ignominia. Et quos ab inimicis atque hostibus non sine magno nostro discrimine defendimus, magnoque interdum vitae periculo subtraximus, hi nefanda in nos tela & sceleratas manus intulere. Quos in portum restituiimus, ab his in maximas tempestates discriminaque iactamur. Multis vitam ipsam conservavimus, qui, corpus atque animam eripere conantes, mille insidias & mortem nobis atrocissimam machinantur. Quid hoc scelere potest nedum dici, sed excogitari, detestabilius? quid foedius? quid denique inveniri truculentius? & ab ea, quae est inter homines, caritate magis alienum, magisque liberalitati contrarium? Quis non ab omni officio beneficentiaque delistat, si, quibus hominibus benefecerit, hi sibi omni vi atque studio nocere

Tollit enim
humanitatem
& liberalita-
tem.

cere infidiarique conentur? An ideo se-
mentem electissimam seminavimus, vites
propagavimus, ut, perniciosas cicutas meten-
tes, non musta, sed aconita & pestilentissi-
ma venena biberemus? Et quod per saxa
scripsit Themistocles (nam ille quoque ad
ingratos tunc forte loquebatur.) An ideo
moenia vestra, domosque, condidimus; ut
essent, qui nostra delerent? Quod tantum
facinus agitari possit? quod tam immane
flagitium excogitari, quod non huius trucu-
lentissimi sceleris atrocitate superetur? Con-
tulimus enim beneficium, ut potentiores ef-
sent ad tuendos sese, non ad contumeliam
nobis inferendam. Dedimus gladium, quo
se, fortunasque suas, & si opus esset, nos
etiam, nostraque defenderent, non ut in eos
impetum facerent, a quibus vitae praesidi-
um accepissent. At poenitebat homines
sceleratissimos gratiam, ut par erat, minime
referre, nisi vim ultro atque iniuriam nobis
intulissent. Alexandrum Macedonem hu-
ius detestandi & nefarii sceleris magnitudi-
nem ostendisse; multi memoriae prodide-
runt, qui, cum Clitum, nutritiois suae fratrem,
magnum in primis & praeclarum virum, in-
terfecisset, quod, Philippi patris gesta in
convivio magnifice, ut decebat, extollens, A-
lexandri gloriae atque laudibus detrahere
visus esset, non modo mortuum Clitum,
mitigato furore, deploravit, sed se ipsum
interficere eodem telo constituit. Quod

Id quod Ale-
xandri maxi-
me Macedo-
nis exemplo
illustratur.

cum milites, detenta manu, facere prohiberent, miserabili planctu Regiam totam, ululatuque complebat. Nec indecorum tantæ maiestatis fastigio putavit, faciem crebris unguibus laniare, & circumstantes obtestari milites, ne se tanto dedecore supersitem esse paterentur; sinerent eum mori, qui omnium ingrattissimus conservatori suo, & de se optime merito, vitam per summum facinus ademisset, quippe qui se apud Granicum amnem, nudo capite dimicantem, suo clypeo texisset, & Rosacis manum, capiti eius imminentem, amputasset. Postremo cum ferro vitam, prohibentibus suis, finire non valeret, inedia extingui properabat. Triduum namque sine omni cibo atque inclusum iacuisse, moriendi gratia, tradiderunt. Intelligebat enim, nihil a se committi potuisse crudelius, quam pro auxilio atque salute calamitatem & interitum reddidisse, nec ulla alia re tantam ingratitude, quam sola morte, diluendam. Ingratitudo, quantum ego sentio, cuius homini turpis habenda est; Regi vero atque Principi longe turpissima. Quid enim magnificum illis, & praeclarum esse potest, si sint ingrati, qui liberalitatem in primis & munificentiam praestare, & gratiam quandam prae se ferre, ipsa imperii maiestate compellantur? Turpius enim illis est, in beneficio, gratia & liberalitate, quam in praelio superari; quorum in alteris animi nequi-

Dedecet potissimum ingratitude Reges atque Principes.

nequitia deprehenditur, fortuna in altero potest accusari. Philippus quoque, Alexandri pater, etsi amicitias sola, ut ferunt, utilitate coluisset, ab ea tamen, de qua loquimur, ingratitude vehementer abhorrebat, re profecto omni magno scelere atrociorē. Hic cum militem in castris haberet, fortem quidem virum, & bellis gerendis plurimum exercitatum, & cui Rex propter singularem & animi & corporis fortitudinem magna praemia contulisset: forte evenit, militem turbido mari navigantem, maximis procel-
lis & tempestatibus agitatū, fracta demum navi, in agrum quendam fuisse deiectum, ibique ab eo, cuius fuisset ager, exanimatum, ac prope mortuum inventum, quanta maxima fieri potuit diligentia & humanitate, curatum, & domo, igni, vestibus, cibisque, ad revocandam animam conferentibus, humanissime forum. Quid plura bonus vir? Cum militem triginta circiter diebus apud se detinuisset, abeuntem veste pecuniaque donavit. Qui ubi ad Philippum Regem se contulisset, orare coepit, ut iacturam eius & calamitatem miseraretur, quem maris fluctus & tempestates, omnibus rebus exspoliatum, ad postremam inopiam rede-gissent, postulat, dari sibi praedium, in quo a bono viro susceptus evasisset. Hic cum despoliati se per summam & inauditam ingrati-tudinem segre pateretur ab eo, quem summa caritate, praesidio, vitaeque custo-

Quod exem-
plo Philippi
Macedonis
declaratur.

dia, texisset, rem omnem, ut sese haberet, Regi patefecit, orat, ne, sua sibi beneficia & humanitatem nocuisse, patiatur, simulque, ne militi, tantum facinus aggresso, diuturniorem concedat impunitatem; Sordidissimum fore tanti Regis spectaculum, si, tam ingratos & nefarios viros aliquam apud se auctoritatem habere, sustineret. Extemplo Philippus, restituto, ut par erat, praedio, militem, ad se vocari iussu, non exauctoravit solum, sed, igni admoto, literis frontem insigniri iussit, ut ludibrio foret omnibus, & animum ingratisimum, & nullius amplius dignum beneficiis, indicarent. Nam ut ego pro Philippo loquar, quantum tibi beneficium praestare possim? quam tantam asferre commoditatem, ut sperem, gratum erga me animum habiturum? Possum tibi centuriam, possum cohortem, possum etiam phalangem, & denique totum exercitum, committere, possum & regni quoque dare maiestatem. Magna haec quidem & praeciosa munera, sed quae, si cum vita conferantur, perexigua sunt; & nullius emolumenti iudicanda, & tanquam vana atque inutilia contemnenda. Si pro vita, quam accepisti, detrimentum referre non puduit, quam, obsecro, mihi habebis gratiam pro cohorte? Tum cavendum mihi censeo, si quicquam tibi donem. Quoties enim de meis in te meritis cogitabis, toties erit mihi a tam pessima & sordidissima gratia

tia metuendum. Nam quo plura maioraque in te beneficia conferantur, eo maius mihi periculum impendere, pluresque strui suspicabor infidias. Cui opes, cui fortunas omnes, cui salutem, vitamque debebas, eum tu fortunis omnibus exspoliare conabar. Quo in loco vitam tibi, spiritumque restituit, eum tu locum eripere studuisti. Non possum tantam immanitatem exequi verbis. Maius enim est scelus, quam quod Conferantur inter se quatuor superius proposita ingratorum genera. fatis dicendo possit explicari. Enim vero ceteros, qui a nobis paulo ante dicebantur, alios alia causa facit ingratos. Hic non refert, vel cum avarus est, & inopiam egestatemque veretur, si reddiderit, vel quia opus nobis gratia esse non putat. Negabit ille beneficium, cum permolestum sibi videtur, si, se nobis devinctum atque obligatum esse, fateatur, notitiamque nostri dissimulabit, vel ob eam ipsam causam, quam diximus, vel quia videtur referre non fortasse propter inopiam, quam fateri vel pauperiino cuique solet esse durissimum. Neque enim adeo sapientes nati sumus, neque adeo bonis & subductis rationibus instituti, quin in frequentissimos errores incidamus. Negat enim quispiam beneficium, cum satius duxit, ita facere, quam fotentem reprehendere. Nam non possum non fateri, male existimasse. Sed suo tamen errore defendetur. Nam qui per so-

tus videtur excusari, minus tamen delinquere, quam ceteri, iudicabitur. Alius oblitus est beneficii, quod, inficiari non possum, esse quam turpissimum. Sed sua illum negligentia atque ignavia tuebuntur. Qui vero huic nefario generi est affinis, hoc vel maxime non potest excusari, cum neque paupertate & inopia, neque pudore aliquo, neque errore atque negligentia, sed sola perfidia, nequitiaque, peccavit, qua non ad ingratitudinem duntaxat, verum ad terribissima quaeque impelli flagitia potuisset. Nam quos, bonum aliquod accipientes, malum referre non pudet, eos nulla fide, nulla modestia, nullis legibus, nullis institutis, nulla denique iustitia & pietate, contineri, sed ad turpissima quaeque praecipites ituros, existimo. Quid enim, ut inquit Poëta vester, hosti faciat, qui sic excludit amantes? Si eos, qui maxima sibi, amplissimaque beneficia contulerunt, offendere minime vereatur: quid illis faciet, qui magnum aliquod detrimentum intulerunt? Si eos iniuria lacestat, cum quibus arctissima videbatur familiaritate devinctus: quo dedecore, qua contumelia, qua iniuria, quo impetu, in peregrinos ignotosque feretur? Nulla enim arctior amicitia inter homines esse potest, nulla maior familiaritas, nulla denique necessitudo coniunctior, quam quae mutuis studiis, alternaque beneficiorum largitione, continetur, quam, qui ingratus est,

est, evertat, necesse est, & caritatem omnem auferat, & beneficium. Quapropter nihil mihi atrocius videri solet, & humano generi detrimentosius ingratitudine. Cuius omnia genera foeda mihi quidem detestandaque videntur; sed hoc postremum omnium constat esse foedissimum, alienissimumque ab humanitate, quae tota in mutua benevolentia & caritate versatur. Neque iniuria quidem, qui ingratitudinem definire voluerunt, urentem ventum & caritatis fontem exsiccantem esse, dixerunt. Nulla enim capitalior pestis in amicitia conservanda, nullum maius in omni vita & humanitate discrimen. Nam si sanctissimum amicitiae & necessitudinis vinculum vel a caritate, quae nobis a natura est insita, vel a beneficiorum collatione proficiscitur: quid est, quod ab ingratis non sit penitus desperandum, qui & caritatem nullam habent, & beneficia nec conferunt quidem, nec, quod turpius est, referunt, si conferantur? Sed ego Deos satis demirari nequeo, qui, cum beneficii quidem ipsi sint, & in homines mirifice liberales, & precibus, aere muneribusque flectantur, iustitiam maxime coli iubeant & pietatem, hoc tamen nefandissimum genus hominum per summam impunitatem vivere, & suis etiam donis ali, maxima rerum affluentia patiantur. Quos quidem tollendos e vita omnes censeo, & tanquam ex agro lolium decerpandos, a

Quae inter
tamen postre-
mo loco no-
minatum emi-
net, tanquam
turpissimum
atrocissimum
que.

Conclusio
costringet se-
riam hortatio-
nem ab ingra-
tis sibi caven-
di, eosque
quam maxime
fugiendi.

quibus, ut supra memoravimus, liberalitas
omnis extinguitur, beneficentia tollitur, ca-
ritas & benevolentia summovetur; quibus
rebus a vita sublati, ne vita quidem ipsa
satis recta ratione constabit. Ego vero,
si quid unquam fuerit mihi negotii cura
ingratis, erit autem, ut opinor, frequen-
ter, tantum praestabo vel fidei, vel beneficii,
quantum satis honeste denegare non pote-
ro. Idem ceteris censeo faciendum, qui,
si magnifici haberi velint, si largi, benefici,
liberales, id saltem cavere studeant, eamque
teneant largiendi viam, ne sua sibi benefi-
cia, aut nunquam in omni vita prosint, aut
in detrimentum calamitatemque redundant
acerbissimam. Quod ita praestare quam
facillime poterunt, si ab ingratis tanquam
a vento flammaque cavebunt. Haec ha-
bui, quae dicerem de ingratitude. Di-
xi equidem pleraque confidentius, ut tu
quoque, si qua sentias (sentis enim lon-
ge plurima) in medium, si placeret, af-
ferres.

IOANNIS ANTONII
CAMPANI AD PANDVL-
FVM BALIONIVM DE
INGRATITVDINE FV-
GIENDA

LIBER SECVNDVS.

Non temere contendisti a me, Pandul-
fe humanissime, manifestari tibi,
quantum habeat vel mali ingratitu-
do, si admittatur, vel, si fugiatur, boni.
Utilem profecto rem, & quantaui investi-
gatione dignissimam. Nullam enim cen-
teo capitaliorem humanitatis ac vitae pe-
stem, & quae magis fugienda sit omnibus,
magisque toto animo, totaque mente dete-
standa, quam ingratitudo. Quid, obsecro,
videri potest cum ab omni genere morta-
lium, maxime ab iis, qui sive domi, sive mi-
litiae, praesse volunt, alienus? Quid vel
ad regendam civitatem, & animos homi-
num conciliandos, incommodius, vel ad mi-
litum benevolentiam comparandam & exer-
citus in fide continendum, inutilius? Qui-
bus in rebus magnam ipse laudem, ingen-
temque tibi gloriam, peperisti, ut sive belli
gerendi disciplina, sive regendae atque ad-
ministrandae Reipublicae studiis, nemo tibi
anteponendus esse videatur. Etenim ea in
civitate natus, educatus, & liberalibus arti-
bus

Praefatio con-
tinet, praeter
ingratitudinis
mentionem
maxime obli-
sam,

nam totius Ba-
lioniorum
Gentis

bus institutus es, qua, ut neque fortissimo-
rum sapientissimorumque hominum nulla
copiosior, neque gerendis bellis, militari-
busque studiis & disciplinis instructior, sic
nulla statu ipso per superiora tempora tur-
bulentior, memorari potest, & quae tantis
civilium cladum fluctibus, tantisque dome-
sticarum seditionum tempestatibus, fuerit a-
gitata. Quanquam commune hoc in tota
& Umbria & Hetruria malum, quod etiam
& Picentes invasit, ut ne vici quidem inte-
stinis vacare discordiis videantur. Perusia
vero, postquam ab Achaeis est condita, etsi
imperium suum longe lateque distendit, e-
iusmodi semper factionibus fuisse traditur,
ubi maiores tui primum Civitatis locum
per multa iam secula tenuerunt, summo
consensu omnium optimatum, nisi quando
eos alterius factionis viri partim ferro neca-
vissent, partim profugos atque extortes pa-
triiis laribus abegissent. Nam & illi, ple-
bem secuti, aliquando pulsis, ut est dictum,
ac trucidatis optimatibus, supremum sibi
locum in Civitate vindicarunt, quoad ipsi
quoque rursus vi atque armis a tuis inde
maioribus pellerentur. Hic tu incredibili
moderatione animi, summaque domestica-
rum & civilium rerum sapientia, maxima-
que animi gratitudine in omnes, qui te, tu-
amque dignitatem atque amplitudinem,
conservassent, tantum tibi amorem omni-
um, tantam caritatem, studium, benevolen-
tiam,

tiam, comparasti, ut maiores tuos hac in re non aequasse solum videaris, sed eos ipsos longe omnium sententia superasse. Quam Nelli, Pandulfi Patris, in re Nelli Balionium, parentem tuum, patrem habuisti, optimum & sanctissimum virum, & ceteris omnibus aequitate, iustitia, mansuetudine, & praecipua vitae integritate, praestantem, & ab hac ipsa, de qua loquimur, ingratitudine, supra quam dici potest, abhorrentem, qui, cum per aetatem a strepitu populari publicisque negotiis ad quietem sese, & animi tranquillitatem, reuocaverit, omnia in te deposuit & domestica & publica gubernacula. Quid dicam in re & ipso tandem Pandulfi, magnitudinem atque celebritatem; qui cum pene puer ad sororis tuae virum, fortissimum & praestantissimum hominem, militandi gratia te contulisses, nihil egisti, quo te non tuis dignum maioribus demonstrares, & specacula de te praeberes longe pulcherrima, ut tantum tibi nominis ac gloriae in hac nostra citiore Gallia comparaveris, tantumque tuis omnibus adieceris ornamentum, quantum ipse, etsi sentio animo, verbis tamen explicare non possum; ubi te in periculis & calamitatibus constantissimum, pugnacissimum in bello, in otio iucundissimum, & in omni tempore, omnibusque in locis, quam gratissimum, praeuisti, ut omnes fortitudinem admirarentur, virtutem laudarent, & diligentiam, & te singulari studio & benevolentia complecterentur, nomenque tuum

um non milites solum, verum Gallia uni-
 versa loqueretur. Postremo cum nullis
 periculis succumbere, nullis terreri adverfi-
 tatibus, non hostibus cedere, non pugnam
 obrectare, sed pro gloria & animi magni-
 tudine discrimina subire quam plurima, la-
 cessere hostes, manus conferere, & in confer-
 tissimas semper turmas impetum facere,
 consuesses, non laudis opinionem solum,
 sed praestantissimae virtutis tuae insignia
 reportasti, quibus gloriari solebat vehemen-
 ter Sertorius, vir omnium, quos prisca secu-
 la tulerunt, in re militari praeclarissimus.
 Eadem Philippus, Antiochus, Annibal, alii-
 que permulti, nescio, an tam manifesta
 gloria reportarunt. Quippe inter mille
 sequentia tela, multis aliis & illatis & ac-
 ceptis vulneribus, altero captus oculo, non
 prius a pugna destitisti, quam hostes tuos
 omnes, tui unius virtute impetuque perter-
 ritos, terga dare, atque in fugam sese verte-
 re, coëgisse. Detraherent, qui velint, &
 laudibus tuis invideant: nullum profecto
 verius testimonium virtutis, gloriaeque tuae,
 nullum apertius indicium fortitudinis, nul-
 lum gloriosius insigne rerum a te summa
 cum laude atque omnium admiratione
 gestarum. Quas ob res ab Imperatore, in
 Italiam adventante, ultro militaribus insigni-
 bus atque ornamentis donatus es, ut ornan-
 tur hodie, qui magni & in primis clari ha-
 bentur viri, quae nos aliis in locis omnia
 for-

fortasse dicemus uberrime. Nostri enim officii esse putamus, pro maximis amplissimisque beneficiis, a te collatis, non ista solum, quae egeris, sed etiam, quae acturus sis, literis memoriae mandare. Sed iam ad instituta redeamus.

denique vero etiam officium scribentis.

Ubi finem dicendi feci, subridens ille, credo propter ea, quae nuperrime ad meam retrudendam ac labefactandam sententiam excogitaverat, sedeamus, inquit, ne semper agamus Peripateticos, qui Stoicorum etiam provinciam ingressuri sumus. Quemadmodum enim corporis quies & respiratio quam maxime prodest, sic ingenium etiam solet mirifice, & ad inveniendum, & ad discernendum, excitare. Ubi confessum est, equidem non possum, inquit, me continere, quin, ut Chremes ille, caput tibi hodie demulceam, qui, cum heri pridie ad haec varia & difficillima Philosophiae studia te contuleris, tantum videris in ea facultate profecisse, quantum, qui ad eam consequendam non parum aetatis atque otii consumerunt. Valde itaque tibi congratulor, & ingenium non probo solum, sed, aetatis habita ratione, vehementer admiror. Quod etsi opus esse non arbitror, officii tamen mei est, ut ad haec honestissima, quae coepisti, Philosophiae studia te exhorter, & currenti, quod dici solet, equo stimulos admoveam. His, velim, animum tuum, his ingenii vires intendas, manibus pedibusque

Sequitur responsio Nicolai Sulmonensis ad ea, quae Libro I. dicta sunt.

Laus Philosophiae.

in-

incumbendum est his studiis, quibus non solum negotia nostra, sed otia ipsa, & omnis nostra aetas exornatur. Philosophiae, inquam, noctes diesque invigilandum. Ceterae enim artes admonent hominem multarum rerum; Philosophia sola, & facit, & instituit, & ad omnem fortunae ictum ita parat, ut tegat, atque ita tegit, ut vincat & rideat. Sic enim spero, te, si perseveres constanter, ornamento nobis futurum non mediocri, qualem ipso etiam te initio praestitisti. Cumque multa in eam sententiam adiecisset, ut me benevolentia potius, quam animi iudicio, laudaret: quae paulo ante de ingratitudine dixissem, sic omnia miro quodam ordine atque memoria complexus est, ut dicta mea non solum repeteret memoriter, sed exornaret cuncta, & ubi opus esset, suis novis acutissimisque rationibus confirmaret. Quam ob rem placebam ipse mihi non mediocriter, ut qui, magnum aliquid atque praeclarum dixisse me, putarem, quod tanti fuisset Philosophi iudicio comprobatum, neque oppugnaturum amplius, cum tantopere me laudasset, existimabam. Tandem plurima, inquit, a te dicta praeclare, & aequae, ne a novitio quidem Philosopho dicta censeantur. Sed ego, nec omnia tibi concedenda, puto, nec rursus neganda omnia, ne, vel, si cuncta concederentur, ab his studiis, tanquam satis eruditus, evolares, vel, si refellerentur omnia, desperatio-

ratione quadam & rerum difficultate perterritus, e medio currendi spatio revocatus, a studio philosophandi desisteres. Quam ob rem dicemus pauca quidem, sed huic disputationi non incommoda fortasse, & a studiis institutisque tuis nequaquam aliena, cum, ut veram huius disputationis metam inveniamus, neque oberremus longius, tum ut tui etiam acumen ingenii paulo diligentius pertentemus, quod tum demum acutum atque acre iudicamus, si, quae a te & contra te tela coniciuntur, ita & intorqueas fortiter, & constanter excipias, ut, repulso hoste, locum, quem tibi cepisti, tuearis. Rerum tu Digressio ad omnium, quae vivendi praevertunt rationem, atrocissimam perniciosissimamque ingrati-^{ulteriorem} tudinem^{ipsum ingrati-} iudicabas. Causas autem, di-^{tudinis confi-} derationem, cebas, esse permultas, sed eam potissimum iudicandam, quod liberalitatem & munificentiam extinguere omnem, & e medio tollere, videntur. De liberalitate mox: nunc ingrati-^{derationem,} tudinem ipsam paulo pressius ac propius intueamur. Hanc tu appellas rerum omnium perniciosissimam. Mihi Quae vero ne mala quidem videtur, saepe etiam utilis, nunquam mala, saepe utilis, plerumque necessaria. Placet ante, quam plerumque feramur longius, disputationis nostrae iacere fundamentum, ut unum in locum congerere materiam totam, & aedificare, valeamus, nec operam tempusque perdamus oberrando. Placet, inquam, ex divisione tua ingrati-^{necessaria, vi-} tudinis definitionem aucupari, ^{deatur.} quod

Cuius suppe-
ditatur, tam
divisio,

quam defini-
tio.

Malum quid
ingratitude-
nem non vi-
deri partim
probat,

quod & commode, ut arbitror, fieri potest; & Physici plerumque idem facere consueverunt. Omnem tu ingratitudinem quatuor in genera consumebas. Primum eorum, qui, cum faterentur, accepisse beneficium, gratiam tamen referre negligerent. Alterum ad eos attinebat, qui vel paulo tectius dissimularent, vel aperte negarent, accepisse. Eos, qui omnium obliti essent, genus tertium considerabat. Postremum eos maxime continebat, qui pro commodis incommoda, & pro gloria ignominiam, pro auxilio, pro salute, calamitatem, perniciem, reddidissent. Ex his facile definitionem colligemus. Omnia namque illo tendere videntur, ut sit ingratitudo, quoties accepti beneficii gratia vel omnino nulla, vel certe non satis digna, referatur. Hoc tu perniciosum & funestum arbitraris; ego vero, ut saepe non malum, ita plerumque bonum, & aliquando necessarium esse, contendam. Id nos manifestissimis, ut arbitror, rationibus aperiemus. Quod enim mali rationem non habeat, id quo pacto tandem appellabis malum? Qui navim gubernare, declinare scopulos, auram, ventos, regionesque cognoscere, maris tempestatem praevidere, stellarum ac siderum intervalla, motumque notare, & cetera, quibus sit opus ad navigandum, ignorabit, hunc tu nautam censeas esse dicendum? Stulta, me Hercule, ista censura. Rursus qui mentem habet &

ra-

rationem, brutum nec esse quidem, nec dici iure, potest. Malum vero id appellamus, a quo omnia abhorrent, fugiunt, detestantur; ut bonum id solum dicimus, quod omnia cupiunt, expetunt, amplectuntur, quemadmodum noster Aristoteles. Quaecunque enim appetuntur a nobis, & quaedam quaeruntur delectatione animi, ea mala dicenda esse, non puto; ut nec bona, quae fugimus atque horremus, appellantur. Ingratitudinem vero cum non omnes execrent, paucissimique devitent, quo pacto malam esse censeamus? Plurimos adeo ingratos finxit ipsa natura non homines solum, quorum paucissimos inveniri gratos, tuus clamat Cicero, sed feras etiam, ut nullis obsequiis flecti ad humanitatem & mansuetudinem, nullis leniri aut tangi beneficiis, nulla denique conciliari liberalitate, videantur. De hominibus quidem ipse videris, qui ad res gestas hominum, civitatum, nationum, inquirendas non parum temporis atque otii consumsisti. Sed ego quoque nonnullos, memini, audivisse, magnos in primis & praecclaros viros, multas etiam civitates perlibenter hanc sibi saepe ingratitudinem arripuisse, quam, si, qualem tu, funestam fuissent & perniciosam opinati, summo studio, summaque diligentia devitassent. Quos ^{partim illustratur, exemplis homi-} igitur in tanta nos turba prius aggrediemur? Romanosne, an Carthagenenses? Athenienses, an Thebanos? Omnes enim, late

potiti rerum, sanctos atque optime de Republica meritos cives habuerunt. Ex his pletosque, aut exilio ignominiose, aut morte crudeliter, sustulerunt. Quae res si mala visa esset & perniciofa: nunquam in eam universi adduci sententiam potuissent, ut, aut superiori Africano Romani exilium, aut posteriori mortem, intulissent. Quid dicam M. Furium Camillum, sanctissimum virum illum quidem, & ceteris omnibus pietate, fortitudine, gloriaque, praestantem, sed ex ea tamen civitate, quam ante, quam exul fieret, pulcherrimis ipse victoriis exornavit, in exilio ab hostibus atque incendio liberavit, & post exilium, ne desereretur, effecit? Quid Lentulum? Quid Nasicam? aliosque permultos, magnos sane viros, & reipublicae utilissimos, insigni tamen ingratitude agitados omnes; Annibalem, Carthaginenses pepulerunt, conservatorem & propugnatorem suum: Amilcarem Alexandri consilia suis civibus patefacientem, interfecerunt. Athenienses ea civitate Thefeum pepulerunt, quam ipse fecerat civitatem, & qui, Regis filius, Athenas, aut condidit, aut constituit, in Schiro privatus extinguitur. Aristidem, & re, & cognomento, iustum, cum victoriam omnium pulcherrimam apud Maratonem Atheniensibus peperisset, in exilium ire coegerunt. Quid vestrum illum Aeschinem, qui, exilium suum commune sibi cum Aristide, gloriatur? Quid dicam

DE INGRATITUDINE FUGIENDA LIB. II.

dicam Demetrium, cuius tot pulcherrimas
 unagines cum in foro collocassent, paulo
 post illum necare nequeuntes, trecentum se-
 ptuaginta sex eius statuas confregerunt?
 Quid in Socratem? Quid in Alcibiadem?
 Quid, si ceteros praetereamus, in Them-
 istoclem, aliosque pene innumerabiles?
 quorum praeclara domi militiaeque facino-
 ra plurimum Reipublicae, cum pacis, tum
 belli, tempore contulerunt. Quid rursus
 Thebani? Nonne Cadmum, iam senem, his
 moenibus, his tectis, his domibus deiece-
 runt, quas ipse condiderat? virum litera-
 rum, ac metallorum, & lapicidarum, inven-
 tione clarissimum. Sed praetereamus sane
 Respublicas, quae, nisi non malam ingratitu-
 dinem existimassent, non tanto consensu
 omnes fuissent ingratae. Qualem censes
 fuisse Alexandrum? Nonne magnum & re
 & nomine virum, &, ut taceantur alia,
 quinquennio Aristotelicis disciplinis institu-
 tum? Quem, obsecro, ex tot suis ducibus
 non, aut interemit, aut interimere cogitavit?
 Non Calisthenem necavit, vehementer sibi
 Aristotele commendatum? Calisthenes Ale-
 xandrum, cuius res gestas scripserat, exor-
 navit; Alexander Calisthenem interfecit.
 Hunc ille, aut fecit, aut conatus est facere,
 immortalem; hic illum morte affecit crude-
 lissima. At Cassandri quasi ex eadem of-
 ficina crudelitas insignior habita est, ingra-
 titudo non minor. Hic Alexandrum,

apud quem, aut primum, aut certe non possimum, consilii, fidei, dignitatis, locum obtinebat, veneno confecit; duos deinde filios, Rosanemque vxorem, & Olympiadem matrem, ferro necavit? Quid Romulus? Quo pacto fratrem habuit, cuius ope fretus, pastorum, saepe manus evaserat, urbemque una fundaverat. Quid Tullum? Quid Tarquinium? Pleni sunt auctores istarum rerum. Repete Pompeium; repete C. Caesarem, oratorem, & tuum etiam, si ita vis, repete Ciceronem. Caesi sunt omnes ab ingratis, an non? Quid Octavium, qui postea Augustus est dictus? Nonne Caesaris, a quo adoptatus fuerat, & haeres institutus, filium, ex Cleopatra susceptum, interemit? neque aetati, neque nomini, affinitatique, pepercit? Non melior Iugurtha in Micipsam, a quo cum esset adoptatus, & in regni partem admissus, non solum duos filios exspoliavit regno, sed eos ambos dolo fraudeque necavit. Sed quid exemplis opus est? praesertim apud te, qui refertus es historia rerum antiquarum. Sed, quaeso, repetas paulisper vitam & aetatem tuam, & manum pectori, quod dici solet, paululum deducas. Quoties in vita fuisti, non dicam ingratis, sed tamen non semper cuiusque exactissimus beneficii compensator? Necessesse est enim, ut plerumque simus ingrati omnes, sive inopia rei familiaris ad referendam gratiam minime suppeditantis; sive occupatione rerum aliarum;

sive

sive quia non egeat is, cui gratiam ipsi debeamus; sive cum hamum in esca latere vereamur; sive quia tyranni metuimus odium, si eius inimico, nostro tamen amico, referamus; sive causis mille. Quod si omnes igitur, qui sunt ingrati, malos censerī oporteat, vide, ne bonum inveniamus neminem. Sunt etiam, quos adeo ingratos non casus aliquis fecerit, sed finxerit ipsa natura, ut universae penitus humanitati bellum indixisse, maximisque decertasse odiis, videantur; ut Cynicus ille Diogenes, qui bonis, malisve insensus, notos perinde, atque ignotos, contumelia persequabatur. Heraclitus quoque & Democritus ita rebelles ceteris mortalibus, ut, quoties, sive peregrinum & ignotum aliquem, sive civem & familiarem, aspexissent, lacrymae alteri excuterentur, alter in risum erumperet. Quid Bellerophontes? Nonne congressus hominum fugiebat odio incredibili? Quid Timon ille Atheniensis? Amabat Alcibiadem, quem everfurum funditus patriam cognoscebat; ceteris asper & intractabilis erat. Orationem etiam unicam habuit in omni vita, suis moribus vel maxime consentaneam, qua viros Athenienses, ut sua sese sicu suspenderent, hortatus est. Itaque fuit ingratus Timon, & civibus, & patriae, nescio, an ratione; sed certe natura ingratus. Vides igitur, non omnes fugere ingratitudinem, sed multos eam sua quidem sponte

ferarum,

complexos. O quae tibi volumina conficerem, si tempestatem hanc nostram, & ingratos, non quidem quos audivimus ab aliis, sed quos vidimus ipsi, recensere vellem; non modo hic dies ad dicendum non satis esset, sed etiam te obtunderem audiendo. Sed deimus hanc veniam aetati nostrae, tanquam non solum praecepta vivendi non teneat, sed etiam vitae spatio maioribus nostris par esse vix possit. In feris autem maxime naturae vis apparet, quas ideo volunt sic appellatas, cum toto corpore, solaque natura impellente, ferantur. Earum plurimae, quanquam multa saepeque conferimus, nec sentiunt quidem, quae conferuntur, nec ullo largitionis genere leniuntur. Nam milvus agrestis semper nulla nostra tangitur beneficentia. Mures item & hirundines, cedo, quas unquam vidisti mansuetas? Versantur tamen nobiscum semper, & nostris etiam in porticibus, in domibus, in cubiculis etiam nostris, educantur; sed tamen ad illam domesticam vernaculamque mansuetudinem flecti nullo modo possunt. Quid vestros illos ericinios, ad hominum ac ferarum perniciem velocissimos, qui ne parvuli quidem excepti mansuescunt? Sed & vipera exemplum est ingratitude singulari, quae, & congregantis maris collum praecidit, & a suis ipsa catulis nondum natis interimitur. Sed sint sane frivola, quae diximus, & huic rei, cuius est
fu-

DE INGRATITVDINE FVGIENDA LIB. II.

futura disputatio, non satis accommodata. Quid dicemus Cocticen, memini aliud nomen, an excidit? Cuculum dicunt. Certe sane hanc unam, non negabis, ita fuisse natura institutam, atque ab ipso initio nascendi comparatam, ut plane ostenderet, ingratitude non dandam vitio, sed ipsi potius esse naturae tribuendam. Avis est haud sane multum rapax, sed nec a papacium quidem natura abhorrens multum, quae aliis infensa ceteris, ubi ova peperit, quod aliam suo in nido tuta satis fore non putat, supponit alieno, eius maxime, quam sibi cum colore, tum magnitudine, videt esse simillimam; & ne parum convenire numerus videatur, quot subiicit sua, totidem sortet aliena. Fovet itaque infelix avis, nihil suspicans mali. At pulli, quam primum eruperunt, victu dispares, alteri humiles, parvoque contenti sunt, alteri, naturam secuti, rapiunt omnia, & iam grandiusculi, pingues, lactique, altricem summa delectatione ad se nutriendos alliciunt. Tum sibi curruca placet, & tales, tantosque peperisse, gloriatur. Hos alit, suos negligit. Sed ubi unguibus ac rostro valuerunt, primum cibum per vim eripere, mox ipsos laniare adoriuntur, spectante matre, sibi que gaudente. At vero, posteaquam pennae ad volandum satis crevere, avem ipsam aggressi, unguibus rostroque dilaniant; quam ubi totam sunt penitus depasti, tum demum, quasi

avium,

immo ipſius
naturae,

reddita gratia, nido diſcedunt. Quid agis igitur? An negas, hoc eſſe naturale? & non hominum ſolum opiniononi inſitum, ſed ipſis etiam tributum feris? Quod indicium dari nobis maniſeſtius potuiſſet, homines inſtinctu quodam naturae atque impulſu non fieri, ſed naſci potius, ingratos? Quod ſi fatebimur, & illud fateamur, neceſſe eſt, quod inſiciari iure non poſſumus, non malam eſſe ingrati tudinem, cum nec mali rationem habeat, ſed in re potius & natura reponatur. Natura vero, ſi cum Ariſtotele ſentias, nihil mali parit, ſed bona omnia producit & gignit. Sed cum eo ventum, ut in naturae mentionem incideremus, & ingrati tudinem ab illa proficiſcentem oſtenderemus, non videtur, fore alienum a re noſtra, ſi tanta in re (eſt enim quaefitu digniſſima) paulo diutius immoremur. Satis, ut arbitror, quae ad animalia pertinebant, proſecuti ſumus. Idem in aliis quibusdam faciemus breviter & luculenter, ut plane intelligas, opinionem tuam, licet veri ſimilem, non tamen totaliter veram, & conſtantibus eſſe rationibus confirmatam. Stabilliri enim prius oportebat mali rationem non quidem opinione vulgari, ſed iudicio & ſententia philoſophantium. Quo ſolide iacto fundamento, multo firmitus atque altius aedificare potuiſſes. Nunc vereor, ne tua aedificia, nondum conſecto opere, collabantur. Sed redeamus iam, unde deſleximus.

Ter-

Terram beneficam esse, maximeque in ho- &
 mines liberalem, non Poëtae solum, quibus^{PI}
 non semper assentior, sed Philosophi etiam^{AI}
 optimi & sapientissimi, tradiderunt. Et est,
 me Hercule, benefica, & in qua naturae vis
 late dominatur. Tota enim ex ipsius nutu
 & dispositione dependet. Hanc nos ter-
 ram appellamus, quod incessui pateat, & pe-
 dibus assidue teratur, adeo ipso etiam no-
 mine sua in nos beneficia negare, ut iure
 non debemus, ita etiam recte non possumus.
 Sic illi semitas, calles, actus, itinera, in ea-
 dem eundi, calcandique significationem in-
 didimus. Tellurem autem propterea nun-
 cupamus, quod ex ea fructus omnes, alimen-
 taque tollantur, finisque terrae omnipo-
 tentis alumni. Haec quoniam agros, arva,
 praedia, stagnis, fontibus fluviis, irrigat at-
 que humectat, humus appellatur. Haec
 Ops, haec Bona dicitur a nobis, quod &
 opem ferat omnibus, & bonarum rerum co-
 piam perquam abunde suppeditet. Quid
 oracula Deorum? Nonne parentem no-
 stram? nonne magnam parentem ostende-
 runt? quoniam gignit omnes, genitos edu-
 cat, educatos vero rebus omnibus sustentat
 & fovet, recipitque in sese morientes omnes,
 &, ne a foris lanientur, occultat. Audio, &
 Fatuam a quibusdam appellari, quod infan-
 tes non antea vagitum emittant, quam, ut
 est hominum fatuitas, Fatuam attigerunt.
 Multa sunt illi nomina, ut quae in Poëta-
 rum

rum officina cūdantur; sed ea nos, ne longius feramur dicendo, relinquemus. Tamen illo tendunt omnia, ut sit natura tota benefica, tota liberalis. Neque me Hercule iniuria. Principio nudos mortales & omnibus exutos rebus, excipit, fovet, alit, & mira multarum rerum varietate delectat, odores præstat suavissimos, colorum mille species, tot etiam sapes, dulcem, suavem, amarum, austerum, acrem, acutum, æcerbum, acidum, salsum, insulsum, & ex his qui fiunt & commiscuntur, prope innumerabiles. Montes etiam editissimos excogitavit, & opacas sylvas, mille ferarum generibus refertissimas, vel ad usum delectationemque venandi, vel ad materiam, pro tectis, pro domibus, deificendam, ut a glacie, pluvia, ventis, imbribus, interdum etiam a sole, tegeremur, mariaque ratibus navigaremus. Fontes etiam, & flumina, vel ad leniendam sitim, cibosque conficiendos, vel ad corporis alvorsumque sordes eluendas, quosdam etiam ad morbos corpore depellendos, quales in Baiano tuo plurimos & calidissimos, excitavit. Quot enim genera morborum a natura proveniri homini possunt, tot ibi balnea tellus aperuit. Tot præterea saluberrimas herbas, quibus & pelleantur ægritudines, & animalia, quæ nobis vel ad vestes lana conficiendas, vel ad homines ipsos, oneraque provehenda, ad cibum usum forent, alerentur. Huc adde tot mediter-

diterraneos lacus, qui tanta sunt praeclari-
 ubertate. Nam quid arbitaris hunc Thra-
 sinenum, longe omnium amoenissimum
 & pulcherrimum, admissum a terra, nisi
 tantam nobis aleret praeclari multitudinem,
 quantam non haec civitas solum, sed univer-
 sa Hetruria, sentit, sentiuntque Umbri, atque
 Picentes, & etiam Romani, ad quos quoti-
 die plena retia perferuntur? Sed quid nos
 e multis pauca persequimur? Quocunque
 te vertas, terrae beneficiis plena sunt omnia.
 Hinc lapides aspiciuntur, ossa matris no-
 strae, quibus in aedificia multa variaque
 congestis, nos vitamque nostram, ac fortu-
 nas, tueri & custodire valeamus. Hinc laetissi-
 mi colles, oleis vitibusque fertilissimi. Hinc
 tot dulcissima poma, per anni tempora distin-
 cta misceat. His nos, atque aliis, beneficiis
 prosequitur in vita, ut nihil deesse possit ad
 laute magnificeque vivendum. Quid tan-
 dem, ubi e vita migravimus? Num deserit
 morientes? Immo vero fovet & tegit, reci-
 pinurque in eius gremio mortales cuncti,
 & quod est praeclare apud Pacuvium: *animas & re-*
multasque
 Haec omnia animat, forinat, alit, auget,
 creat, sepelit, recipitque in se omnia, ut
 contemplanti mihi saepe numero haec ab-
 surdum videri solet, maiores nostros tan-
 tis eam nominibus decorasse, & nunc
 Deam, nunc magnam, ut est, parentem,
 appellasse. Sed quorsum, dices, haec?
 Mira est terrae liberalitas, ingens beneficen-
 tia,

saris aliquan-
do, videatur.
Id quod &
rationibus
probatur,

& exem-
plis illustra-
tur.

quid ad rem pertineat, intelligamus. Est enim ingratitude, quoties accepti beneficii, aut gratia nulla, aut certe non satis digna, referatur, quae mala tibi perniciosissimaque videtur. Sed vide, quaeso, ne, cum, ingratitude fugiendam, tibi persuadeas, in scelus incidas multo flagitiosius, & ex ingrato longe ingraticissimus efficiaris. Saepe enim potest evenire, ut tum demum referamus beneficium, cum sit recipientibus non gloriae, aut utilitati, sed ignominiae potius, detrimentoque futurum, Iupiter ille, qui est in fabulis, ingratus non fuit erga Semelem, perniciosus tamen fuit. Nota est res, neque indiget explanatione. Sic Egeus ille, Thesei parens, cui maris nomen attribuerunt, cum quaedam in eum Theseus beneficia contulisset, (fieri enim poterat, ut talis Deus beneficio egeret) tria sibi, quae vellet, optare permisit. Optat infelix pater, discerpi filium. Nam tum forte erat iratus. Ille, ne ingratus videri posset, marinam bestiam immisit, fecitque, ut Hippolytus discerperetur. Cum tamen ira illa vehemens defecisset, gemitus parentis undique exaudiuntur: Hippolytus hic est; facinus cognosco meum. Ego te peremi; morte dignum facinus ausus sum, qui nova natum nece sparsi. O maria! o terrae! o inferorum furiae! impium rapite, atquemersum premitte perpetuis malis. Sic sese infelix conficiens pater, Deos omnes, atque Egeum ipsum,

ipsum execratur. Qui si fuisset ingratus, Theseus Hippolyto suo non esset orbatum, nec patrem ipsum Deum crudelem atque immanem appellasset. Melius ille Domitius seruus, qui, postulante domino venenum, ne vivus in Caesaris veniret potestatem, soporiferum porrexit medicamentum; pauloque post capto Corfuio, cui oppido forte Domitius praesidebat, Caesar summa cum humanitate complexus est. Laudat ille Philippum medicum (sic enim seruus vocabatur) & re cognita, gratias agit non mediocres. Qui nisi fuisset ingratus, & domini non paruisset imperio: Domitius quidem ante diem veneno fuisset extinctus. Sed quid exempla ista perquirimus? Si aegrotanti amico & aquam postulanti, non obtemperabimus: erimus ingrati; si vero porrigemus, grati, tua quidem sententia, indicabimur. Pulchra, me Hercule, gratia, quae facit, ut, cum ingrati esse videri nolumus, multo quidem efficiamur ingraticissimi. Si furiosus sit amicus, & ferrum, quo se perdat, exposculet: putesne, illius insaniae obtemperandum; ut ingratitude, quae tibi videtur tam mala & perniciosa, fugiamus? Quid perniciosius, quam ferrum ad necem exhibere? Quid Brenius noster, qui parentem arctissime deuinxit, quoniam se interficere velle videbatur, nonne etiam catenas iniecit? Sic, si amanti amico, cui maximis multisque beneficiis deuincti sumus, operam

Aliquando
non solum
oportet esse
ingratus

sed & quam
maxime fas
est;

dabimus, & ad turpes illecebras, flagitiisque
iuvabimus: fugiemus quidem ingratitudi-
nem; sed nescio, an satis faciemus amicitia-
e. Quis igitur ista tua de Philosophia
praecepta non videat, ex stultis, ut ait Poe-
ta, insanos facientia? cum summa potius
ope nitendum sit, ut amicos a flagitio dehor-
temur, & quasi magistri ad bene sancteque
vivendum instituamus. Sunt enim, quem-
admodum praeclare, ut solet, inquit Aristo-
teles, non adiuuandi, impellendique ad mor-
bum, sed omni potius studio a vitiis & turpi-
tudine retrahendi, ne illi incommoda maxi-
ma consequantur. Itaque oportet esse in-
gratum. Quod si oporteat, negare non po-
tes, vtile esse rem ingratitudinem, & vivendi
rationibus saepe necessariam. Quam si fuge-
re nos semper, ut tu mones, detestarique
volumus, & ita referre gratiam, ut detri-
mentum pro utilitate, & pro vita perniciem,
referamus: magis, me Hercule, detestandi
sumus ipsi, quam sit ingratitudo fugienda.
Sed haec te fortasse non mouent, hominem
fixum, & tua, ut soles, opinione acriter inni-
tentem; quod ego in te saepe commendo;
inodo non sis pertinax. Quid si vel iactan-
tia & ostentatione quadam, vel, quod est pe-
riculosius, ambitione, quispiam benefecerit,
vel si captare muneribus haereditatem cupiet,
si amicitiam & familiaritatem, decipiendi
gratia, conslare, si donis & largitionibus ope-
ram impetrare, lenociniis, si plebem, si opti-
mates

mates, conciliare ad Rempublicam diripien-
dam, ad alienas fortunas inuadendas, ad spo-
lianda templa Deorum inuortalium, ad
mille denique flagitia committenda : huic
tu gratiam censes esse referendam ? num
potius summo a te afficiendus supplicio ? e
domo, e laribus, ex ipsa denique ciuitate,
praecipitandus ? Sunt adhuc, qui eam ob
rem beneficiis uti solent, vt ex paucis, quae
fecerunt, multa, & ex paruis multo maxi-
ma, consequantur, & quod nos de Viua no-
stro dicere solemus : Passeres mihi, Viua, per-
quam magnos attulisti, ut & columbas a me
perquam exiguas reportares. Plurimi Re-
ges adeunt ; multi etiam diuitibus largiun-
tur, vel poma, vel pullos gallinaceos. Res
est sane non contemnaenda, si tantum largi-
untur. Sed statim deinde vel pecunias a
diuitibus, vel a Regibus efflagitant magistra-
tum. Qualem huic hominum generi te prae-
stabis ? Videntur enim mihi non beneficos
& liberales, sed piscatores potius & venato-
res, imitari. Nam, ut ait Poeta vester, au-
ceps, quando concinnat aream, effundit ci-
bum ; aues assuescunt, saepe edunt, semel
si sunt captae, rem soluunt aucupi. Magna
vero matris familias in pullos gallinaceos
liberalitas ; maior in sues munificentia, quos,
vbi saginauit, aut exponet, vt vendantur
multo pluris, quam quod saginando contu-
lit, aut tandem caesos vsui domestico refer-
uabit. Itaque multo sic praestant beneficia,

beneficium
vero semper,
& erga
omnes,

ut, non aliena commoditate moti, sed sua utilitate compulsi, ad benefaciendum esse videantur. His tu gratiam censeres referendam esse? Oportet esse ingratos aliquando: alioquin humana simul, diuinaque peruerterentur. Nam nec Dii fugiunt ingratitude nem semper, & hominibus saepe est necessaria. Illud autem non modo sum stolidum arbitratum, & a Philosophiae praeceptis abhorrens, sed etiam, te in id erroris incidisse, vehementer admiror. Tollis videlicet beneficium & liberalitatem propter ingratos. Quasi vero solis iis benefacere debeamus, qui & possint, & velint, referre beneficium; ceteros autem, sive inopes, quia nequeunt, sive ingratos, quia nolunt, gratiam referre, contemnāmus, nullaque in eos unquam beneficia conferamus. Quibus igitur censeres benefaciendum? Divitibus, qui non egeant, an gratis, qui multo cumulatius aliquando retribuant? Utrumque tamen, mea sententia, reprobandum. Nam profundere mihi illud videtur, hoc vero foenerari. Quid enim potest esse profusius, quam cuiquam praestare, quod habeat; quam id elargiri, quo nihil indigeat? Tanto enim beneficium constat esse amplius, quanto magis sit accipienti necessarium; etsi id non voluntate atque arbitrio donantis, sed eius potius, cui donatur, utilitate, metiamur. Si nautae anchorae donentur, si pacatae & tranquillae civitati praesidium nostrum imponamus,

mus, si maxima rerum omnium affluentia
 fruenti copiam largiamur: quid hoc pot-
 est esse stolidius? quid a liberalitate & be-
 neficentia magis alienum? Quod si expecte-
 mus, maiora nobis referri, quam contuleri-
 mus; propterea sumus benefici: quid
 aliud foeneratores agunt? Hoc, ut arbitror,
 solum interest, quod illi nude nobiscum,
 simpliciterque paciscuntur, hi benefaciendi
 nos simulatione decipiunt. Illis cum, quod
 sumus polliciti, persolverimus, nihil a nobis
 amplius postulabunt; hi, nunquam plene si-
 bi satisfactum esse, iudicabunt, adeo sunt ab
 ea ipsa, quam simulant, largitione munifi-
 centiaque remoti, a qua nihil omnino potest
 esse remotius, quam si quid utilitatis gratia
 conferatur. Proinde illam ego censeo libera-
 litatem praecipuam, & munificentiam singu-
 larem, in qua ne spes quidem ulla appareat re-
 tributionis, aut, si qua demum appareat, non
 tamen illius impulsu moveamur. Nam ut
 praeclare Stoicus noster, & acerrime disputat,
 vel nihil expectandum, vel, quod est multo
 magnificentius, eorum omnium, quae dedi-
 mus, effici debemus immemores. Non igitur
 intelligo, cur liberalitatem submoveri cen-
 seas propter ingratos, a quibus vel nihil est re-
 cipiendum, vel saltem ita recipiendum, tan-
 quam non videatur expectatum. Officii enim
 nostri esse videtur, ut omnibus summa cum
 liberalitate beneficiamus. Ingrati sint, nec ne,
 quibus benefiat, id profecto nihil ad nostram

etiam ingra-
 tos.

praecipue
propter hu-
manitatem.

Exempla Ca-
milli,

beneficientiam attinebit, aut, si attineat, non vi-
deo, cur alienos errores imitemur, & nostro
desimus officio. An quoniam illi sunt in-
grati, iccirco nos officii debemus illiberales?
Quod si pravo erga nos animo fuerunt,
vel meminisse desinendum est nobis, vel, eos
non sapientiores fuisse, cogitandum. Nec
tanti stultitiam faciamus, & temeritatem alie-
nam, ut rationis gubernacula nobis etiam
erepta esse videantur, quibus si, cum sunt
ingrati, benefacere nolemus; at faciamus,
quoniam sunt homines, & in quos res no-
stras conferre magnificentissime valeamus.
Si eorum oderimus mores, spectari conve-
niet humanitatem, aut, si nihil tale cogitabi-
mus, cavendum erit, ne tantum in nobis va-
leat aliena nequitia, ut sit nobis ratio, disci-
plinaque nostra contemptui. Afferam hic
Camillum, & tuis nunc tecum armis decer-
tabo, magni virum illum quidem, & cum
pace, tum maxime bello, praestantissimum,
sed qui eam ipsam ingratitudinem & sense-
rit, & maxime in singulari humanitate restin-
xerit. Hic, cum multa, praeclaraque facino-
ra pro Republica domi militiaeque gessisset,
pulsus tamen ab ingratis civibus, forte apud
Ardeam, Hetruriae civitatem, exulabat;
quo tempore, Galli cum maximas in Italiam
copias traiecissent, expugnata urbe atque in-
censa, Capitolium obsidebatur. Camillus,
ubi haec intellexit, mediam ingressus con-
sionem, Ardeates ad bellum hortatur; ipse,
coacta

coacta iuvenum manu, primum Gallos, in-
 caute atque inconsulte palantes, adoritur,
 profligatque; mox, dictator in exilio factus,
 in eos, qui Capitolium obsidebant, impetum
 facit; aurum, quod pro redimenda Urbe
 tum forte pendeatur, tolli e medio iubet,
 ferro, dicens, non auro, Populum se Roma-
 num solere defendere. Tandem, hostibus
 ad vnum caesis, ingratos cives ac patriam
 liberavit, pauloque post Romanos, alio mi-
 grare cupientes, constantissime detinuit, &
 ne patrii lares desererentur, effecit. Qui si,
 tuis obsecutus praeceptis, opem ingratum fer-
 re nolisset: ne ipsum quidem sanctissimae
 Urbis cinerem intueremur. Maluit itaque
 homines eos iudicare, quam ingratos, nec
 mores illorum, sed suum potius officium,
 contemplari. Demosthenes, cum missus *Demosthenis,*
 esset in exilium, legatum Atheniensem, Pe-
 riclem, secutus, Argos, Sicioniam, Corin-
 thum, & reliquas totius fere Graeciae civi-
 tates, sua divina eloquentia conciliatas A-
 theniensibus, a quibus exul erat factus, socie-
 tate coniunxit. Qui si civium ingratitudi-
 nem cogitare voluisset, non pacis tam in-
 speratae, sed odii acerbioris, auctor extitisset.
 Maluit itaque sua erga ingratos cives accu-
 mulare beneficia, quam ab humanitatis offi-
 cio aliena temeritate desistere. Palantus, *Palanti,*
 Dux Spartanorum, cum in Italiam, ignomi-
 niae occultandae gratia, se contulisset, Ta-
 rentique arcem, pulsus incolis, occupasset, a

suis tandem damnatus, exilio Brundisium
 proficiscitur, quo & Tarentini, ab eo pulsi,
 paulo ante confugerant, ibique, propter am-
 plissimam viri auctoritatem perbenigne re-
 ceptus, consenuit. Cum vero moriendi
 tempus appropinquaret, Colligitote, inquit,
 o viri Tarentini, ossa mea, cum vita exces-
 sero, pulveremque tenuissimum Tarenti-
 nam in arcem proicite; haec vna recupe-
 randae vobis patriae superest ratio. Sic
 Apollo cecinit, quo in loco mei pulverem
 disperferitis, ibi diurnam vos sedem habi-
 turos esse. Quod cum decepti fecissent;
 redire nunquam amplius in patriam value-
 runt. Nam oraculo monitum erat, ubi Pa-
 lanti pulvis misceretur, ibi Spartanos stabi-
 lem tandem & perpetuam sedem habituros.
 Dignus sane, qui puer a Diogene vocare-
 tur, in quo magna quaedam animi vis ap-
 paruit, ut, suorum nequitia contempta, qui-
 bus dux fuisset, foret etiam conservator,
 nec, factum se ab illis exulem, sed ducem
 potius fuisse, cogitaret. Quocirca liberali-
 tatem ingratitudo non tollit, nisi fortasse
 apud eos, qui non recte fuerunt liberales,
 quorum animus non tam in ferendis semen-
 tibus, quam in frugibus metendis, occupatus,
 non, quo beneficium ferre possit, sed unde
 fertilior gratiam metere, laboravit, quo
 nihil est magis a liberalitate censendum
 alienum. Divinum animal homo, & ad
 Deorum im- mortalium, sublimia semper erectus, ac Diis immorta-
 libus

libus prope simillimus, ita comparare debet se, ut, cum in rebus ceteris, tum maxime in liberalitate & beneficentia, Deos ipsos, a quibus est ortus, imitetur. Dii enim tanta tribuerunt nobis, quanta & videmus ipsi, atque sentimus, & quae praeterea vix animo & cogitatione complectimur. Nam quod moveatur hoc coelum omne, quod undique patens atque apertum intuemur, sideraque ipsa, incredibili & divino splendore lucentia, circumagantur, irrequieta semper, & ad mortales gignendos, & conservandos, continue moveantur, eorumque altera noctibus aliquid nobis suae lucis impertiatur altera suo lumine dies nobis illustret & compleat, omniaque, certis sese intervallis aspicientia, varios in infimis his, & terrenis, rebus producant effectus, variasque tempestates, & animalia cuncta, eadem illa varietate distinguant; quod etiam mare hoc vastum & profundissimum, terrae circumfusum atque interiectum, cum ad itinera peregre perficienda, tum ad pretiosissima gemmarum aliarumque rerum genera foecundissimum atque uberrimum; quod terrae ipsae, altrices hominum, tot nobis fructus alimentaque tanta ministrant; quod gignimur; quod vivimus; quod adulti divinae rationis participes efficimur: haec omnia Deorum sunt munera, gratis tamen generi hominum elargita, ita, ut sine omni spe praemii collata nobis esse videantur. Sed nec Dii,

quos homines imitari debent.

quamquam sumus ingratiſſimi, largi eſſe de-
 ſtituerunt, nec ullius unquam impietate mo-
 ventur a ſtudio & conſuetudine benefacien-
 di. Nulli mare, nulli terram, nulli coelum,
 intercluſerunt. Patet omnibus mare, patet
 terra, quibus boni malique nullo certo diſ-
 crimine perfruuntur. Nascuntur enim
 omnes, ſoventur, educantur, & rationis men-
 tiſque participes efficiuntur & coelo tan-
 quam tecto quodam operiuntur. Nec ſol
 ipſe tam lucidus & ſempiternus bonis, quam
 malis, vtilior. Idem gratis atque ingratu,
 eodemque lumine, cunctis exoritur. Prae-
 dones maria navigant, nec ſaepe, quam
 mercatores, naufragiis obruuntur. Terra
 quoque, & ſerpentes alit, & homines. Sed
 quorſum haec ſpectat oratio? aut cur haec
 afferimus exempla Deorum immortalium?
 Quasi vero non idem homines facere, non
 principes, non civitates, ſoleant, cum ſaepe
 civitates a Regibus, vel ab imperatoribus
 exercitus, vel plebem a ſenatu, cum largitio-
 nibus aliis, tum etiam immunitatibus mille,
 donari videamus. Saepe exercitus corona-
 tur univerſus, nec, quia unus duove ignavio-
 res in acie fuerunt, indigni reliqui iudican-
 tur. Saepe focis veſtigalia, ſaepe etiam
 ſtipendia, remittuntur, non quia bono erga
 nos animo fuerunt ſinguli illi (id enim fieri
 poſſe non arbitror) ſed quia ſatis putandum
 eſt, ſi aliter fieri non poteſt, proſuiſſe malis
 bonorum gratia, quam bonis malorum cau-

sa nocuisse. Danda igitur ita sunt beneficia, ut dari tantum, non repeti, aut exprobrari, videantur. Nec ita deimens esse velim, ut, Praeterea
studendum
est beneficen-
tiae, neque
propter glo-
riam, neque
propter uti-
litatem gloriam hominibus appetendam esse, non censeam. Quis, illam, nisi deimens, negabit, esse appetendam? ab hoc tamen studio benefaciendi alienam arbitror. Non enim ex gloria beneficium, sed ex beneficio gloriam, nasci oportet. Vel nascatur illa, vel non nascatur, beneficentiae studendum est. Qui vero beneficium & se liberalem utilitatis aut honoris causa praestabit, non plus illi deberi, puto, quam qui ad nuptias invitamur; ubi, quanquam laute magnificeque accepti, cantu, sono, tripudiis, demulcemur, gratias tamen nobis deberi existimamus, quod nuptiis ornamento fuisse videamur. Quod si nec utilitatis, aut honoris gratia beneficia conferantur: non video, cur ingratius conferri non debeant. Nam ita praestanda sunt interdum, ut nec is quidem sciat, cui praestentur. Non possum admirari satis Archesium, optimum sane virum, & in primis clarum. Hic enim, cum accepisset, Thesibium amicum, in aduersam incidisse valetudinem, premique inopia rei familiaris, ita, ut se curare non posset, ad eum, ut affolet, profectus, aliquando sacculum plenum pecuniae illius pulvino subiecit. Putavit enim, Thesibium, si palam dedisset, pudore non accepturum. Sic enim dedit occulte, ut dandi auctor Thesibio ipsi plane esset

esset ignotus. Multa praeterea beneficia ita dissimulanter & quasi occulte conferebat, ut ne sperare quidem gratiam, nedum expectere, videretur. Singularis haec Archesilai, & vera, non ficta, beneficentia. Nam qui utilitatis suae gratia beneficus est, sibi est beneficus, aliis infidiosus. Atqui illos duntaxat agros, putas, esse colendos, qui sunt fertiles; arbores non ferendas, nisi quae fructus pariant; steriles vero aut relinquendas incultas, aut agro funditus extirpandas. Optima, me Hercule, colendi ratio, si agros colamus alienos, ex quibus, solam utilitatem expetentes, nihil nobis ad delectationem relinquimus. Lapides, si fieri posset, araremus. Arbores vel ad usum ignis, vel ad tabulas trabesque conficiendas, abscindimus; poma cum ipso ramo plerumque immatura divellimus, ad utilitatem omnia metientes. In nostris vero agellis alia ratione procedimus; non omnia volumus arari, multa ad interambulandum spatia, multa ad sedendum, intermittimus; arborum non fructu magis, quam umbra, delectamur, neque plures ficus, quam vlinos, & laurus, cupressusque, quam nuces ac vites, affectamus; multa nobis ad delectationem, pauca etiam ad utilitatem, serimus. Quapropter quibus utilitas semper est animo, hi nihil ad officium, ad utilitatem omnia, metiuntur. Qui vero humanitatem, qui laudem, qui decus, gloriamque, sectantur, qui honorem rebus omni-

Id quod ulte-
rius proba-
tur.

omnibus anteponunt, qui denique Deos ipsos immortales imitantur, de liberalitate semper, & beneficentia, cogitabunt, atque ita cogitabunt, ut non utilitati studere, sed officio potius intendere, videantur; idque solum meditantur animo, omni utilitate reiecta. Cum multa dederint: quo pacto multo plurima dare, & fortunas omnes in munificentiam possunt, liberalitatemque conferre? nullius ingratitudine perterriti, quo minus munificos se praestent, quam maxime liberales, etiam in eos ipsos, qui fuerunt ingrati, nova semper maioraque beneficia cumulantes, quibus illi permoti aliquando, quoniam paucis non poterant, multis in se collatis, emolliantur; sicuti lignum, quo durius est, & ad caedendum difficilius, eo crebriores illi vehementioresque ictus incutimus, ut usui nobis esse queat. Quod ubi fuerit caesum, maiore nobis vsui esse poterit, quam quod nullo labore decisum ac sectum, molle quidem & flexuosum, sed, gravia quae sunt & ponderosa, ferre non potest. De gratia vero ita statuamus, ut nec tanquam futuram speremus, nec desperemus, quae aliquando possit esse futura. Quapropter cave, censeas, submoveri liberalitatem propter ingratos. Nam quod paulo post adiiciemus, beneficis nos etiam adversus gratos esse non posse, quoniam omnes, quorum non essemus experti gratiam, censeretur oporteret ingratos. Quid hoc potest dici stolidius? Id
mibi

quanquam in ingratos aut iam cecidisse, aut etiam casura, dubitares, ut qui agrum seminavit alienum, etsi sibi utilitati non cedit, feracem tamen esse desiderat, quoniam ipse seminavit. Sed nec ad utilitatem referenda sunt omnia. Illa deficere potest, gratia non potest. Aut enim congregantur pecuniae, aut in liberalitatem munificentiamque conferuntur. Mercatorum est illud; hoc ad Principes spectat, & eos, qui, robore quodam animique praediti magnitudine, ideo struendis opibus incumbunt, ut possint esse liberales. Quod si tollantur beneficia: non domus constabunt, non civitates, non imperia, manebunt. Quocirca Titum satis admirari non possum, qui, cum amisisse diem, dicebat, quo non aliquod vel mediocre beneficium contulisset. Sed num Titus gratiam repetebat? Id quidem fuisse, beneficia foenerari. Itaque reitotienda sit omnis utilitatis spes, si beneficus velis, si clarus, si magnificus, haberi. Sin commoditatem sequi, quam gloriam, malis; liberalitatis nomen deponas, oportet, teque ad foenus quaestumque traducas, quanquam haec nimis saepe. Quae hactenus dixi, non tam confutandi tui dixi gratia, quam quod in

Sequitur alia multis ita fere sentiebam. Iam adiciemus pauca, & quidem exiliter, ac perieiune. Mox, cum tui acumen ingenii pertentaverimus, conclusionem ex rebus ultro citroque habitis, si tibi videbitur faciemus, absoluta controversia.

Sequitur alia multis ita fere sentiebam. Iam adiciemus pauca, & quidem exiliter, ac perieiune. Mox, cum tui acumen ingenii pertentaverimus, conclusionem ex rebus ultro citroque habitis, si tibi videbitur faciemus, absoluta controversia.

controverſa. Ingratum dicis eum, qui neque refert gratiam, neque beneficium inficiatur; atque eum ipſum primo loco ſta-
tuiſti. Porro, qui negaret, accepiffe, ſe-
cundo loco ponebatur. Cui vero accepti
meriti excidiſſet memoria, eum tu tertio
collocabas. Ultimus autem omnium, qui
pro bonis mala, pro honeſtis turpia, retu-
liſſet. Hic ingratitudini metas impoſuiſti,
ut in hac quatuor quidem genera ita con-
ſummaretur, ut nihil omnino amplius ha-
bere videretur, quod quidem eſſet adicien-
dum; nec ullos præterea ingratos eſſe iu-
dicabas, tanquam omnia ingratitudinis mem-
bra ſatis ac diligenter expoſuiſſes. Sed vi-
deamus, an ſatis, & omnia, & diligenter.
Equidem eſſe alia quædam genera ingra-
torum, video, quæ a te neque parum, ne-
que quicquam, explicata, ſilentio præter-
eunda eſſe non puto, ne, cum multa dixiſſe
videri volumus, pauca admodum eaque
negligenter, dixiſſe videamur. Nam qui
gratiam referunt occulte, qui pro maximis
& plurimis acceptis meritis pauca quædam
& exilia, qui tarde, qui inſolenter, qui ita
denique diſſimulanter, referunt, ut non re-
ferre gratiam, ſed beneficium ipſi potius
conferre videantur, ingrati proſecto ſunt
omnes, in tua tamén enumeratione minime
reponuntur, nec ad genus aliquod, aut mem-
brum, reſcribi poſſunt. Qui gratiam occul-
te refert: quid intendit aliud, quam libera-

Sunt quippe
etiam ingra-
ti, qui occul-

litatis tuas gloriam defraudare, abscondere virtutem, famam, laudemque suppressere? Retribuit enim, non tam propensius ad gratiam, quam moleste ferens, si tibi obligatus esse videatur. Quo fit, ut longe sit is habendus ingratus, qui sic est gratus, ut nihil habeat cum gratia & caritate coniunctum. Non melius illi, qui, magna cum acceperint, paucis se, ut ipsi quidem putant, absolverunt. Est enim ita cumulanda gratia, ut non modo aequari beneficium existimetur, sed magnitudine crescat immanis. At quorum gratia fera est, non fere aliter censeo iudicandos ingratos, quam eos in ius vocandos, qui creditam pecuniam praestituto tempore non solverunt. Itaque non parva interdum multatione puniuntur. In gratia vero referenda sic constitutum est tempus, ut tum maxime referamus, cum aut necessariam, aut saltem commodam, futuram ei putabimus, cui gratia debeatur. Rursus quod refertur insolenter, tantum abest ab ipsa gratitudine, quantum ab insolentia comitas gratiae coniungitur. Quid tu igitur censes istos ingratos, an non? Quod si censeas, non sane video, cur eos omnes silentio praeterieris. Itaque statuamus alia quaedam ingratorum genera, nisi quid habeas, quo possis ista defendere. Nam quid ego de ordine ipso dicam? quem nemo, nisi ineptus, non videbit. Oblitos enim beneficii minus putabas ingratos, quam

DE INGRATITVDINE FVGIENDA LIB. II. 61

quam qui pro bonis mala, & honestis turpia, retulisset. Itaque tertio loco statuebas. Nam de ceteris non attinet dicere. Sunt enim satis commode collocati. Utar verbis tuis. Qui obliti essent beneficii, eos gratos fieri posse, magna vi dicendi negabas. Quod equidem perlibenter tibi concedo, valuti, quod est semel a corpore truncoque decisum, aut mortuum, coire amplius in corpus, aut reviviscere, nullo modo potest. Quocirca est in his gratis desperanda, cum excitatricem memoriam penitus abiecerint, & in maiorem facile perfidiam impelli possint, si nulla officii recordatione teneantur. Qui vero mala nobis intulere, non possum non scelestissimos & detestabiles indicare; possunt tamen praeteritorum memoria leniri, & ad gratiam, benevolentiam, officiumque, converti, ut qui clausis sua sponte oculis incedat, facile illos, cum volet, aperiet, nec poterit nolle diu, & semitam, a qua forte deerraverat, quam primum voluerit, apertis oculis intuebitur, in eaque deambulando persistet. Qui vero caecis aut effosis luminibus huc illuc incertus oberrabit, rectam eundi viam prospicere cum nequeat, omni exiguo lapillo cessabit; qui, ubi semel deflexerit a via, nec cane quidem duce, in eam amplius dirigetur. Nam ut nos quoque tuos Ionas adducamus, erant illi longe ingraticissimi, qui adversus Athenienses, conditores suos, cum

Ex quibus tamen tantum non meliores, sane non magis detestandi, videntur, qui pro bonis mala referunt, quam qui, beneficiorum obliti, prorsus nihil referunt.

Exemplum
Ionarum.

Xerxe societatem inierunt, bellumque inferre asperrimum decreverunt, eam urbem adorti, a qua ipsi fuerunt quam saepissime conservati. Sed vide, quam brevi momento ad gratiam reconciliari, & benevolentiam, potuerunt. Themistocles tunc forte duxerat Atheniensium. Is, ubi Ionas defecisse videt, copiasque cum Xerxe iunxisse, periculi magnitudine perterritus, quoniam praesens alloqui non posset, positus symbolis, quocumque essent Ionae applicaturi, per saxa haec scripsit: Quibus nunc vos, o, bellum, Ionae, inferetis? His, qui urbem vestram, qui moenia, qui tecta, qui templa etiam, vestra condiderunt? qui vos saepe iam in libertatem vindicavere? qui toties & cum Dario & cum Xerxe bellum, ne vos desererent, susceperunt? Eos vos non deseritis solum; sed communem vobis atque illis hostem inculcatis? Qua dementia? quo furore perciti, tantum, Ionae, facinus agitis? Ite ad nos, conditores vestros. Quod si tute facere non poteritis, bello discedite, hostem nostrum vestro praesidio spoliare, ut Athenienses non cum affinibus suis, sed cum solis hostibus, certaturi videantur. Ionae vero, cum haec legisent, remis incumbentes, bello discesserunt, Xerxem, eorum praesidio nudatum, vincendum, profligandumque Atheniensibus reliquerunt. Quibus si tanta beneficia, quae Themistocles memorabat, penitus excidissent, Athenienses, consecuti vicloriam non fuissent; nec adduci Ionae potuissent.

tuissent, ut a Xerxe deficerent. Sed memoria, domina & princeps meritorum, quanquam errare permittit interdum, revocat tamen, & diutius in errore versare non finit. At vero, qui nihil omnino recordantur, cur excusari possint, non equidem intelligo. Immensa est enim memorandi vis in homine, & rerum multitudine non obtunditur, si modo, quae conceperit, frequentî cogitatione repetantur. Qui vero, adiuti a nobis, flagitium in nos aliquod, aut scelus, emoliuntur, male illi quidem, sed ut vel mediocriter possent excusari, vel quod ira impellantur, aut aliqua animi perturbatione, maxime si non iniusta, moveantur, & hortatu atque impulsu id faciant alieno, vel quoniam beneficium tarde duriterque a nobis extorserunt, vel quoniam, quos primum affecimus beneficio, deinde sumus persecuti dolo, fraude, iniuria, contumelia, vel necessitate compulsi, & angustia rei familiaris, nobis aliquid eripuerunt. Quibus rebus, etsi defendere crimen omnino non queunt, habent tamen aliquid praesidii, quo se recipiant. Qui, quoniam peccare se intelligunt, facile, nacta occasione, se ipsos corrigent; quod facere non possunt, qui sint obliiti, nec vlla necessitate, sed sola negligentia, sunt ingrati. Verum tamen, si haec tibi omnia concedamus, illud nequaquam tibi assentiemur, demirari te Deos, aiebas, qui, cum benefîci quidem ipsi sint, & quam

Ingrati tamen tales
nunquam

sunt impu-
nes:

maxime liberales, & iustitiam inprimis coli iubeant, & caritatem, ingratis tamen tanti sceleris licentiam impunitatemque concedant, cum iustitiae caritatisque hostes atque inimici esse acerrimi videantur. Nihil ista opinione perversius, nihil, quod Deos magis offendat, quorum illud est proprium, & sempiternum, bonos praemius, suppliciis malos, afficere. Quid hoc posse fieri iustius arbitraris? quid dignius maiestate, imperioque Deorum? Nam Pythagoram praetereamus, qui, profectum se ad inferos, dicebat, vidisseque illic Homerum atris serpentibus circumplacitum; Hesiodum quoque, columna quadam alligatum, durissima dare supplicia, quod ingrati plurima de Diis mendacia confinxissent, a quibus erant in lucem vitamque producti, & eam ipsam scribendi facultatem consecuti. Quid Menedemus? qui, furiali amictus veste, Arcadicumque gerens pileum, centumque elementa, fraxineamque manu virgam, tragicosque cothurnos, missum se ab inferis, dicebat, speculatorem rerum atque actionum humanarum; quae cum vidisset, rursus se ad inferos reversurum, omniaque Diis manibus renunciaturum. At Democritus, vir acutissimus, ut Physicus, disertus, ut Graecus, duos opinatus est Deos, quorum alterum Beneficium, alterum Poenam, appellabat. Praeclare id quidem. Quid enim dici potuit manifestius? Poena mulctantur mali, beneficio bo-

ni

ni afficiuntur. Nisi fortasse ita non sentiebat, sed esse beneficium Deum, quoniam illius omnia beneficentia & largitione constarent. Poenam vero, Deum alterum, graviter, in Hercule, & praeclare definit, quo demonstraret, qui beneficiis abuterentur, gratiam minime referentes, eos poena quidem esse mulcandos, ut nihil ab hominibus agi posset vel impune, si deliquerint, gratiasque non egerint, vel sine retributione, si benefecerint. Hoc Philosophi, quorum vestigia sequimur, de grato atque ingrato sentiebant. Nec arbitror, videri tibi Epicuro & Cyrenaicis illis assentiendum, qui, nec curare Deos mortalia, nec bonos malosve fecernere, constanter quidem, sed tamen inepte, putaverunt. Atqui opinione quadam stolidi & vulgari concedi malis impunitatem putas, quoniam non exemplo puniuntur. Nam quae apud inferos aliquando patientur, ea neque exemplo nobis esse possunt, neque voluptati. Sunt enim in sola credulitate constituta, fortasse non ita. Sed nec movere animos magnopere queunt, nisi quae vel oculis nostris visa sunt, vel ab iis accepta, qui videntur. Quos circa istos nunc inferos dimittamus, apud quos scelera ipsa satis quidem, ut opinor, acerbissima poena diluantur. Sed id nihil ad nos commovendos. Terroris enim cum multum habeant, non omnibus videntur esse. Ingrati qui sunt, quanquam non subito statim fulmine corripuntur, non

Sed eos infra
semper ma
net, gravissi.

maque poe-
na.

hiatu telluris absorbentur, non mari, non flumine, demerguntur, poenae tamen obnoxii sunt non mediocri. Quippe nullum est genus hominum adeo inferum ceteris, atque invisum, & in quos minus liberaliter munus aliquod conferamus. Quandam enim prae se ferunt impietatem, ut eos ne intueri quidem oculis valeamus. Omnibus odio sunt, atque contemptui. Quae poena maior? quod supplicium durius? qui cruciatus excogitari possit acerbior? quam indignot omnium amicitia, beneficio, ope, praesidio, benevolentia, existimari? An impunes eos censes appellandos, quibus propter commissum scelus infesti sint omnes? quibus adhibentur nulla beneficia? qui adversis in rebus nullius ope sublevantur? nullius auxilio foveantur? nullius humanitatem sentiant, & misericordiam? in secundis vero nullius congratulationem, sed omnium invidiam atque odium, consequantur? Si qui Rempublicam & patriam prodiderunt, si qui Deorum immortalium templa diruerunt, etsi scio, haec omnia sine summa fieri ingratitudine non posse, fortunis omnibus spoliatur, eiiciuntur civitate, igni etiam atque aqua illis interdicitur; sed habent multos, quorum praesidio sustententur. Plurimi, si opem alio pacto ferre non possunt, eorum calamitatem atque inopiam miserantur. Ingratos vero, non civitate, sed, quod malus est, omnium animis praecipitatos atque deiectos nemo,

neiro miseratur. Non illis aqua, non igni, sed amicitia, sed amore, sed omni humanitate, interdicitur; nec fortunis duntaxat amicorum, sed sperandi etiam libertate, spoliantur. In secundis rebus detestandi, conculantur, dique videntur, in adversis illudendi, & aerumina, miseriaque dignissimi iudicantur, ut flagitii loco sit, quotiès cuiusque ope sublevantur. Saguntinis ab Hannibale obsessis, & Exemplum Romanorum. populi Romani, quem ipsi saepe iuverant, opem implorantibus, Romani auxilium non tulerunt. Quibus partim flamma sua sponte consumtis, partim ferro ab hostibus interfectis, Hannibal, maximis coactis copiis, in Italiam contendebat. Quo nuncio perterriti Romani, missis Legatis, Gallos Hispanosque sollicitant ne penetrare illum in Italiam, ac per suos fines transitum facere, patiantur; se paratos esse, foedus cum his aequo iure percutere, perpetuamque inire societatem, si modo Carthagenensium copias per suos fines iter facere prohibeant. Legatis derisis contemtisque, fere ab omnibus sic responsum, ferunt: Non pudet, o Romani, vestrae nobis amicitiae mentionem facere? qui Saguntinos, amicos, sociosque vestros, in postremo eorum periculo deseruistis, suisque hostibus prodidistis? Quo vultu, quo animo, societatem a nobis, atque amicitiam, postulatis? An audetis fidem nunc vestram polliceri nobis, qui perfidi nunc in Saguntinos extitistis? An, qui

Nec id quidem immerito aut iniuria.

Nullum quippe maius, nullum detestabilius, magisque est execrandum.

pro acceptis beneficiis gratiam amicis referre neglexistis, eam nobis, ne cognitis quidem, nedum promeritis, referetis? Exemplum hinc abite, & ad quorum aures Sagunti excidium nondum pervenit, socios vobis adsciscite; nobis autem persuadere nequaquam poteritis. Exemplum enim ante oculos habemus, ut in Romanos non plus habere nos spei, quam fidei Saguntinis, oporteat. Illi, optime de Republica meriti, decepti a vobis, desertique, perierunt. Nos, qui nullis prosecuti sumus officiis, quam a vobis sperare gratiam debeamus? Itaque legati Romani, infecto negotio, redierunt. Non mirum id quidem; mirandum magis fuisset, si quicquam exorasset. Pulcherrimum est enim, aliena in re periculum facere; tum id multo pulchrius, si, facto periculo, in discrimen minime ipsi veniamus. Sed ne dici quidem potest, quantum omnium animus offendat ingratus; cui, si etiam ignoscatur a ceteris, ipse sibi certe non ignoscet. Uritur enim assidua recordatione beneficii, nisi fortasse non recordetur, in se ipsum poenam refundens culpam, suo se iudicio sententiaeque damnabit; nec suo tantum, sed etiam alieno. Nullum enim tam turpe facinus, nullum scelus tam immane, nullum denique tam absurdum, detestabileque flagitium, quod vel mediocri non possit exultatione purgari. Solus ingratus, si verum fateri volumus, nul-

DE INGRATITUDINE FUGIENDA LIB. II. 619

la unquam idonea excusatione purgabitur; *flagitium, in-*
 cum non odio, non iniuria, non iracundia, *gratitudine.*
 concitetur, non casu aliquo & fortuna, sed
 sua ipse sponte, delinquat. Quo fit, ut in-
 gratos toto animo, totaque mente, deteste-
 mur, & ne vita quidem, nedum beneficio,
 dignos putemus, etiam si adversus nostros
 inimicos ingrati fuerint. Adeo ingratitude
 est ipsa nobis inimica magis, atque infesta.
 Quo fit, ut ingratum nemo rectis intueatur
 oculis; sed omnes mala ei omnia, & cala-
 mitates omnes imprecentur &, ut uno ver-
 bo complectar, ingratus omnibus est ingra-
 tus atque infensus. Hanc tu impunitatem
 appellas. Ego vero ita censeo, nullum pos-
 se acerbius excogitari supplicium, nullos in-
 veniri duriores, & animo, & corpori, crucia-
 tus, quam omnium amore, fide, beneficio,
 benevolentia, humanitate, misericordia, spo-
 liari. Sed iam finem dicendi faciam, quan-
 quam multa quidem a te dicta, & graviter,
 & accurate; sed ita tamen, ut illis quoque
 litem intendere potuissemus, si modo tem-
 pus, voluntasque non defuisset. At vero
 iam sol coepit inclinare, & ipsi non omnia
 refellere proposuimus, sed ea solum, quae visa
 essent quæsitum & investigatione digniora.
 Tu vero, si quid habeas ad hæc, quo te de-
 fendas, affer in medium. Quod ubi feceris,
 rem omnem arbitratu tuo, quam rectis-
 time fieri poterit, statuamus. Quae cum
 dixisset, silentium aliquamdiu secutum est.

HAEC ENIM NI-
 colaus Sul-
 monensis

Nam

Nam & verebar ipse cum tanto Philosopho, in ea praesertim facultate, contendere, & sententiam meam ita retrusam ac labefactam relinquere, turpissimum iudicabam. Sed, quod maiorem me in modum perterrebat, ingratum agere videbar, si, a quo uno id ipsum, quod habebam, disciplinae fuisset consecutus, cum eo de Philosophiae praeceptione decertarem. Itaque cum, cedere me illi, respondissem, nec ullis in rebus adversari velle: Non ita facias, inquit, ne plus timiditatis habere concessio ista videatur, quam verecundiae. Tum nos multa diximus, consulto, & pleraque inepta, & inter sese ipsa pugnancia, quo locus tibi foret, ut mea refelleres, vel, si modestius agendum putares, saltem defenderes tua. Proinde si habes tu quidem, quo te, tuasque rationes ac sententias, tueare, ne retice. Nam quod vereris, facile praestabo, qui quidem plura dixi, quam quae erant mea disputatione dicenda, ut tuum istud acumen excitarem, teque ad hanc disserendi consuetudinem instituerem, faceremque promptiorem. Quae quidem re mirifice delectabimur, si frequens accedet exercitatio, & ex usu ipso disputandi vim nobis quandam, & quasi naturam, pariemus. Tum ego, quoniam ita iubes, non defugiam auctoritatem. Malo enim, imprudentiam requiras meam, quam voluntatem accusas. Equidem mecum ipse constitui, nullius, quam tuam, in me auctoritatem

Ad quae
Campanus:

ritatem potiore fore. Nec adulandi gratia dici putes; cum tantum tibi debeam, quantum homini nato. Itaque iure optimo statui tibi omnibus in rebus obtemperare, quem non solum hortatorem habui ad haec studia, sed praecipuum adiutorem. Dicam igitur, quam brevissimè fieri poterit. Nam, etsi concussas video rationes meas, & tuis acutissimis argumentis vehementer improbatas, non tamen penitus arbitror esse deiectas. Habent adhuc, quo se praesidio tuteantur, nisi tu novum fortasse bellum indixeris. Quod si feceris, ne portae quidem occludentur, facile nos devictos esse patiemur. Non faciam, inquit. Nam & tempus, & hic etiam locus, admonuit, ut, facto tandem dicendi fine, ubi quaedam in tuam, si placet, sententiam adiecerimus, domum statim inde repetamus. Mihi vero placet, inquam, & id vehementer exspecto. Sed primum pauca ad ea, quae nuper dicta sunt, respondebo. Etsi praeter spem evenit, ut de re tam plane, tam manifesta, tam acris contentio nasceretur: dicam tamen ipse, quae sentio, dicamque audacius hortatu tuo; quanquam video, perquam iniquo me loco tecum hodie certaturum. Nam quid dici potest confidentius, quam hominem me ignarum atque imperitum, & a Philosophiae studiis penitus alienum, atque expertum, audere, tecum de Philosophiae sapientia contendere? cuius tanta copia in disputando, tanta in repetendo

Eximia laus
Nicolai Sulmonensis.

do memoria, tam denique incredibilis in
 refellendo vis, & impetus quidam vehemen-
 tissimus probandi confirmandique omnia,
 ut saepe, cum te audierim de rebus, ut sol-
 les, maximis acerrime disputantem, in ad-
 mirationem ipse mecum venerim non me-
 diocrem. Nam & in dicendo tanta suavi-
 tas, tam aperta rerum maximarum atque
 amplissimarum explicatio, ut es istud divi-
 num quoddam oraculum esse videatur.
 Nam & obscurissima quaeque, cognituque
 difficillima, sic aperis, ut nihil omnino dici
 possit apertius atque facilius, quod non nisi
 ex praestanti quodam ingenio solertiaque
 singulari & omnium magnarum rerum at-
 que artium scientia proficiscitur. Neque
 enim in sola Philosophia polles, etsi scio, il-
 lam solam esse non posse, in qua tu prin-
 ceps excellis omnes; sed in his etiam, quae
 ad communem usum vivendi pertinent.
 Quid dicam in his, quae ad Deos immortales,
 ad magnitudines atque intervalle, motus
 traiectionesque stellarum? Quibus in re-
 bus, etsi saepe alias clavisisti, tum maxime in
 eo conventu doctissimorum hominum, quem
 Perusini superiore anno celebrarunt,
 omnium es sapientissimus iudicatus. Ade-
 rat incredibilis numerus doctorum homi-
 num, & quos equidem non contemno, eru-
 diti viri illi quidem, & toto terrarum orbe
 delecti, sed quaquam tibi neque vi, neque
 memoria, neque ullius artis genere, compa-
 randi,

randi, ne in his quædam, quæ ad religionem spectant Deorum immortalium, quam unam facultatem illi maxime profitebantur. Quod si tantos viros tua incredibili & prope divina sapientia superaveris, & eorum dicta sensaque refelleris, si nemo tecum in controversiam & contentionem venire soleat, quin cum, vel respondendo mirifice confutes, vel instando copia & varietate confundas: quid est, quod ego tecum audeam decertare, qui, solum hoc biennium Philosophiæ studia sectatus, vix equidem prima illius elementa perdidici? Nam & dialecticam, sine qua neminem Stoici futurum putant in oratione sapientem, ego vero semper aspernatus sum, tu vero tanta cura studioque complexus, ut quaedam his de rebus volumina confeceris, quæ, ut sunt, ita Insolubilia videris appellasse. Mihi vero legere aliquando cupienti via non datur, qua insistere mihi potuissim. Nam quæ primum confirmas, recte quidem procedere videbantur, mirabili quodam contextu artificioso, & acute subtiliterque conclusa. Rursus eadem cum refelleres, miro quodam modo cuncta rescindebantur, ut, quæ vera prius, nullaque in re ambigua, putaveram, ea mox quam falsissima iudicarem. Quæ quanquam ita se haberent: sæpe me tamen ad legendum invitabant, subtili quadam copia & varietate plectum; libenterque & ipse ad ea mea studia contulissim. Sed nec

inge-

ingenium, quod quidem his rebus esse debet acerrimum, nec tempus, suppeditare mihi, sentiebam. Quo fit, ut, quam disciplinam atque artem antea saepe contemseram, eius nunc vim & magnitudinem vehementer admirer, saepissimeque in ea percipienda delecter. Quid dicam in Mathematicis? in quibus ipse annum iam pene totum frustra consumsisse videor. Te vero nemo in earum rerum cognitione praestantior, ut non solum, praesentia quae sint, cernas, sed etiam, quae futura, praesentias. Quod genus divinandi non parum tibi peperit gloriae.

Transitio ad rem ipsam, siue ad ulteriorem ingrati- tudinis considerationem.

Repetuntur autem quasi per compendium superioris dicta.

Sed iam ad rem ipsam accedamus. Enitar enim summa ope, ut, si non graviter & luculente, attamen breviter circumciseque, respondeam, ne, quod spatii tibi erit opus ad concludendum, frustra meus id ineptiis conteratur. Primum itaque omnium, ut nos quoque ordinem servemus, ingrati- tudinis definitionem ex ipsius divisione confecisti; quod & recte fieri censes, tanquam a Physicis; quorum tu es longe princeps, usurpatum, & ego tibi perbenigne concedo. Desinis autem, esse ingratitudinem, quoties beneficii gratia vel non satis digna referatur. Hoc tibi iecisti fundamentum, quo me vagum ac fluctuantem magno quodam impetu retruxisti, ut qui nullam mihi sedem, aut locum, certa definitione statuisssem. Mox ingratitudinem malam non esse, quod neque mali haberet rationem, & esset inter-
dum

dum a natura ipsa profecta, & a Diis etiam immortalibus frequenter usurpata. Nam & hominum plurimos memorasti, & animalia conquifisti permulta, quorum culpam non in consuetudinem, aut opinionem, sed in ipsam refundere naturam, videbaris. De hominibus mox. Id enim totum est de re nostra. Nam quod ad feras attinet, id nihil ad nos pertinet, de quibus nunc pauca dicemus. Nam si milvus agrestis est semper, si indociles mures atque hirundines, si hericini quoque nulla excepti aetate mansuescunt, si viperae, si coctilis, si omnium denique animalium exemplo nitebaris, quod, ubi coaluerunt, omnem abiiciunt memoriam beneficii; eamque ob rem ingratitudinem in re & natura contineri, non in opinione consistere, nec esse tantopere accusandam, quoniam naturam ipsam accusaremus, a qua nihil posse produci mali, Aristotele auctore, contendeas: videamus per Deos immortales, ne latius, quam necesse est, divagemur, atque aliud inveniamus, quam quod erat perquirendum. Quid enim aliud magis a gratia putamus alienum, quam feritatem? Quid ab ipsa illa, de qua loquebamur, munificentia & liberalitate remotius? Liberalitas quidem & munificentia, gratia, largitio, & quaecunque communia sunt eius generis, in animo sita sunt, atque in eo animo, qui quidem nihil habeat feritatis, sed sit benevolus ac mansuetus, parti-

Demonstraturque paulo uberius, a feris ne quicquam esse beneficentiam ac gratiam discendam aut expectandam,

R r

cepsque

cepisque rationis. Hinc maleficia, hinc be-
 neficia, gigni atque oriri, dicebamus. Quo
 propter ipsa- rum ferita- tem naturae. igitur pacto feras, aut beneficas esse, dicemus,
 aut gratas, quae animo careant & ratione,
 sintque ab omni humanitate benvolentiaque
 remotae? Appello autem feras non solum,
 quae ferociam & impetum nocendi habeant,
 sed omnes, quae vel toto, ut ais, corpore,
 vel solius naturae motu, impulsioneque, feri-
 rantur. Ex quo genere ne aves quidem ex-
 cipimus. Non ignoras, Stoicos tuos, recte,
 ut opinor, de vivendi ratione sentientes,
 non exiguam fecisse dissimilitudinem inter
 homines ipsos & animalia cetera, ut nihil in
 illa iuris habere non putent, quae & ratio-
 nem non habeant, & sensus nutu atque im-
 perio moveantur, tantumque sint semota a
 nobis, quantum supremo illo coelo haec in-
 fima terra seiungitur. Illinc nobis datus
 est animus; ferae vero ex hoc terreno glo-
 bo nascuntur. Nam, quod Pythagoras est
 opinatus, migrare animos nostros divinos &
 sempiternos in corpora brutorum, id opi-
 nionis iam prorsus obsolevit, ut vanum &
 superstitiosum, & quod ad agrestes illas &
 imperitas vulgi aures effundebatur. Gratus
 is maxime habendus est, qui, retenta in ani-
 mo memoria beneficii, firmam habet repen-
 dendi, & perpetuam, voluntatem, quam non
 impetu fert naturae, sed animi ratione me-
 titur, vultque esse sempiternam; quod est a
 feris totaliter alienum, cum nec memoria
 sint

Descriptio
 hominis
 grati.

sint aliqua, praesertim diuturna, nec animum habeant, cum modo & ratione coniunctum, ducem atque imperatorem rerum honestarum. Minime igitur mirandum, feras ipsas, nec praestare beneficia, nec praestita sentire; quanquam multa video tradita memoriae a viris sortasse gratissimis, sed interdum nimis levia sectatis. Demetrius, Physicus, auctor est, pantheram, ferum quidem animal, & natura truculentum, cum forte catulos, qui in foveam ceciderant, levare non posset, sedentem in viam, homini diu expectato moestum & quasi supplicem occurrisse, togaque leniter acceptum, ad foveam usque perduxisse, tum vero blandientem, & manifesto sese dolore conflictantem, quid eum facere oporteret, nutu significasse, mox, eductis catulis, virum per desertissimas solitudines comitatum, reddita nutu ac plausu gratia, tuto in loco dimisisse; sic aspidem, ab Aegyptio quodam educatam, dum forte catulos in illius domo peperisset, ex hisque unus hospitis filium interemisset, reveriam ad cibum, cognitaque culpa, catulo necem intulisse, sic etiam draconem, Arcadico puero, a quo fuerat nutritus, opem attulisse. Mira de delphinis memoriae tradita referuntur, vexisse interdum pueros in intimum usque mare, eosque deinde ad locum pristinum revexisse; mortuis vero pueris, eos moerore atque angustia fuisse consumptos. Multa nostri maiora

Exempla aliquot ferarum, a multis pro gratis habitatum, ut pantherae,

aspidis,

draconis,

delphinarum,

Sequuntur
exempla fe-
rarum, pro
beneficiis li-
beralibusque
creditarum,
ut canis, lu-
pac,

leonis
elephantis,

lupum,

cervae,

apum,

serpentis,

formicarum,

res litteris mandaverunt, quae, si animum in-
ducere possumus, ut vera fuisse, non ficta,
credamus: facile constat, animalia quoque
sentire beneficium, & esse liberalia. Nam
quae de Cyrrho, Romuloque tradunt, quo-
rum alter est a cane educatus, a lupo alter:
quid, nisi tantam, quantam natura ipsa pa-
tiatur, beneficentiam, significare in brutis
animantibus, voluerunt? Sic Sandrum Co-
cum, Alexandri ducem, longa fuga defudan-
tem, a leone fuisse detersum, pugnantem
vero ab elephante, quem nunquam antea vi-
derat, tergo exceptum. Multo mirabilius,
quod sequitur. Gargaris, qui postea est
Abydis appellatus, ab avo exponi iussus (erat
enim ex filiae adulterio natus) plurimarum
lacte ferarum, ubera sua sponte praeben-
tium, nutritus; mox suis obiectus, ut
eum, fame coacti, lacerarent, illaesus re-
manfit; postremo deiectum in mare, & in
littus sua forte depulsum, cerva quaedam ex-
cepit, eumque densissimis in montibus edu-
cavit. Captus tamen a venatoribus, & avo
dono datus, tot periculis ferarum beneficio
superatis, regno successit. At Platonis la-
biis, cum esset infans, apes infederunt. Fuit
deinde, ut accepi, suavissimus. Roscium,
cum vix esset natus, serpens implicavit, cre-
do, futuram corporis agilitatem, volubilita-
temque portendens. Quid Mida? in cuius
ex formicae triticum congesserunt. Divi-
nabant, ut opinor, hominem illum fore
quam

DE INGRATITUDINE EVGIENDA LIB. II. 69

quam dignissimum. Sic Hieronem, illum
 optimum & clarissimum virum, amicissi-
 mumque populi Romani, expositum a patre,
 quoniam ex ancilla natus esset, apes ipsae, iterum apum,
 congesto in os melle, diebus aliquot alue-
 runt. Nec multo post, cum esset in ludo
 litteris operam daturus, tabulam lupus cri-
 lupo,
 puit, primaque deinde bella gerenti & aquila,
 la in elypeo, & noctua in hasta, confedit. Sed noctuae.
 quid miracula persequimur? Haec, & his tantum abest,
 quae sunt similia, vel vera censenda non ut rem rite
 sunt, sed a vetustissimis ad quandam origi-
 nis maiestatem gloriamque conficta, vel, si scuro relin-
 quant;
 pro veris habenda censeamus, profecto
 non impulsu naturae suae ferae tanta bene-
 ficia praestiterunt, sed nutu potius, & im-
 perio Deorum immortalium, ad futuram il-
 lorum magnitudinem portendendam. Quod
 facile quidem potest apparere, cum in aliis
 per multis, quos non est opus referre, tum
 vel maxime in his, quos ipse paulo ante
 memoravi. Omnes enim ad id tandem
 praestantias dignitatisque pervaserunt, ut
 digni sane visi sint, qui non quidem a feris,
 sed a Diis ipsis immortalibus per feras,
 alerentur, ut egregium quendam, nec
 vulgarem, ortum habuisse, & divinitatis au-
 xilio digni fuisse, viderentur. Quod si nec
 divinitatem aliquam, nec rursus figmentum,
 credamus affuisse: causam agimus meam,
 tametsi hoc modo agi non valde contendo,
 nec feras beneficas existimari velim. Quae

Et id potissi-
mum quidem
ob feritatem
naturae.

si essent, fortasse beneficentia & ipsae sape-
reantur. Sed id nos, ut in magno quidem
discrimine, ponamus, benefecerint ferae,
nec ne? vicinus sane, si benefecerint, gra-
tiaeque fuerint; sui vero nihil tale egerint,
non ideo de causa decidimus. Cetera
enim animalia, vel nunquam potuerunt
referre gratiam, vel extemplo duntaxat
post accepta beneficia potuerunt. Carent
enim ratione atque memoria, ut, nisi quae
praesentia sint, non prospiciant, expertiaeque
rationis, non nisi vi sensus impulsae, movean-
tur. Sensus autem, ut saepe me admonuisti,
nec praeterita admodum, nec futura, com-
plectitur, sed ea sola, quae praesentia sunt
positaeque ante oculos, intuetur. Grati-
tudo vero & ingratitude non modo in prae-
sentium, sed in praeteritarum, futurarumque,
rerum cognitione, memoriaque versatur.
Adveniente hyeme, tenere accipiter noctu
passerem dicitur, implicitum unguibus, pe-
ctorique suppositum, cuius calore solus, a
brumae frigore defendatur; mane vero,
cogitato beneficio, dimittit illaesum. Ita-
que valet recens memoria in feris; sed ea
tamen diuturna manere nullo modo potest.
Cochix nutricem suam interimit. Non est
dicenda ingratitude; sed natura potius, & vis
quaedam ita faciendi, quae illi ab origine sic
videtur insita, ut eam naturae suae legem
praeterire non possit. Homini autem
praeclara est, divinaque natura, & ea ipsa
ita

Longe tamen
aliter cum

ita comparata; ut pulcherrimum & commodissimum in vita ducat, liberalitate & munificentia uti sempiterna, mutuaque semper beneficia ultro citroque conferre. Habet enim animum, moderatorem ac principem, & laudis atque honestatis hortatorem; cuius nutu atque imperio gubernatur. Sic amicitiam colimus, sic misericordia tangimur trahimurque humanitate. Amicos autem non solum natura comparamus, ut aves atque ferae, quae coetus & greges cogunt, nec aliae, quam aliae, sese diligunt, sed tantum se universae naturali quodam societate coniungunt; nos arte, nos studio, nos diligentia, nos officio, confirmamur. Milvi semper oderunt corvos, cygni aquilas, gryphes equas, noctuam cornices infectantur, non quia privata quaedam intercessit iniuria, sed quoniam ita ferantur natura. Contra vero permagna est pavonis amicitia cum columba, si modo amicitia possit appellari. Amat turturē psittacus; perexigua est inter eos similitudo naturae. Quid tum? Feruntur enim sensu quodam insito, non usu; non consuetudine aliqua, quae plurimum in amicitia valet. Itaque non privatis beneficiis, non studio, non moribus, sese amant; neque est aliquod inter eos quasi discrimin amoris, ut alium, quam alium, magis amare videantur, nec ulla re in odium conciliantur, aut conciliantur in amicitiam. Quod enim a natura est insitum, constans

homine comparata res est; quippe qui sola mente regitur, ac ratione; quibus vero cetera animalia carent.

est, atque perpetuum, vincitque saepe natura rationem. Illa stabilis manet, haec loco temporeque mutatur. Homo vero sanctum & divinum animal, non solum naturam habet insitam, sed etiam, comitem animi, rationem. Quaedam illi ab animo rationeque tribuuntur, quaedam insunt ab ipsa natura. Unde etiam omnis mutatio, cui vita hominum subiacet.

Ratio est gubernatrix

Nam potum, cibum, appetitumque coeundi, quoniam sunt impermutabiles, negare certe non possumus, a sola, quam iam saepe dixi, natura proficisci. Ceterum benevolentiam, humanitatem, modestiam, mansuetudinem, clementiam, & inprimis liberalitatem, quoniam sunt etiam ab animo, & plerumque permutantur, quis inficiari possit, a sola aut provenire, aut confirmari, ratione? Ratio vero non solum, quae sunt, sequitur, sed magis etiam, quae videntur. Itaque solet, vel ignorantia, vel nequitia & improbitate, loco temporeque, permutari, ut, quos habuimus amicos, aliqua statim de causa fiant inimici, qui fuerunt liberales, avarissimi quidem efficiantur. Video, campum mihi patere latissimum, si hominis praestantiam complecti vellem, dissimilitudinemque a ceteris animantibus, a quibus tantum, mea quidem sententia, distat, quantum nec a nocte dies, nec coelum a terra seiungitur. Sed, non oblitus instituti, dicam, si fieri poterit, quam brevissime. Omnis nostra vita dandis accipiendisque muneribus, & alterna quadam liberalitate, mutuaque benefici-

nefficientia continetur, totaque ex caritate & benevolentia constans, in officio & ratione versatur. Hinc novas eorum, quos saepe nunquam vidimus, amicitias comparamus; hinc laudem, decus, gloriam, vindicamus; divitias, opes, dignitatesque consequimur. Nam quid tot principum praeclara gesta? tanta maximorum potentissimorumque Regum magnificentia memoratur? in quibus nihil omnino potest esse perversius, quam non esse beneficos. Nemo tam dives, & cui rerum omnium abundantia copiaque suppeditet, qui non aliorum egeat adiumento. Si calces, domum, vestimenta, & cetera id genus, ad usum rei familiaris attinentia, conquiremus: non profecto a nobis ipsis haec omnia, sed ab alio quodam, quaerere oportebit. Hinc civitates & hospitia; hinc fora; hinc Deorum immortalium templa constituta, ut homines multi, qui in solitudine degere vix potuissent, in societatem, unaque moenia convenirent, ubi simul habitantes, mutuam inter se operam auxiliumque praestarent. Ferae autem, quoniam progressi sumus fortasse longius, nec ad nidus conficiendos, nec ad aliquid tale, cuiusquam operae videntur indigere. Itaque singulae sibi nidos aedificant, novas amicitias parant nullas, liberalitate prorsus, & munificentia, vacant. Si quid habent societatis, id habent a natura; sed nec alia cibum alii concedet unquam, nec aliena suis in ni-

omnium rerum atque actionum humanarum.

Ferae contra, non nisi impulsu naturae, aut sensus, trahuntur.

to notiora sunt omnia. Quam ob rem non conquiramus, quae nihil admonere me possint. Plus enim ab animo haec, quam a coelo terra, seiunguntur. Animus ipse gratiarum est domicilium, quo quicumque vacant, nec sentiunt gratias, ut admittant, nec beneficio aliquo, maleficioque tanguntur. Animus est liberalis, idem largus atque beneficus. Quippe si quodvis amplissimum munus, si universum aerarium, si denique vitam ipsam, idque animo invito, in aliquem conferamus, non sumus dicendi beneficii. Contra si maxima detrimenta, si acerbissimas calamitates, si cladem, vel amicis & familiaribus nostris, inferamus, idque facimus invito, ingrati existimandi non sumus animo. Ex omnibus enim rebus, quas Dii immortales hominum generi tribuerunt, sunt autem innumerabiles, nihil sibi referri possulant, praeter animum expetitum atque sincerum, & omni terrena contagione vacantem. Sic auspicia, vota, ceremonias, litationes, sacraque solennia, tum demum rite fieri, opinamur, cum animo fiunt puro, & vestibus illis prope simplicissimo, quae non nisi candidissimae solent adhiberi. Sic etiam, quae ad nostram pertinent religionem, omnium, quae sunt, quaeque fuerunt, optimum atque sanctissimum, animum expetunt longe purissimum, nullo fuso nullisque obsoeniis atque illecebris depravatum. Dii namque immortales non munera intuentur, quorum

Animus vero
solus est fons
atque origo
gratiae, libe-
ralitatis, be-
neficentiae.

ut & male-
volentiae;

immo ipse
cultus divini,

quorum minime illi quidem egent; sed animum respiciunt, cuius affinitate, & tanquam amicitia, delectantur. Quem si pollutum, contaminatumque cognoverint, nihil secum putant habere commune; sed a sua potius natura deerrantem, exutum sua excellentia, censent, coelestique divinitatis propinquitate spoliatum. Vides, quo me, tanquam in altum, deducat oratio. Sed contraham vela, ne in peregrina, mihi quae incognita, maria devehamur. Deos tu quidem dicis imitandos. Sed illi ab animo repetunt beneficium. Num igitur a trunco? num a lapide? num tandem a feris ipsis? num etiam a terra, quam tu maxime contendebas esse beneficam? Mihi quidem persuadere non poteris, ut hanc ipsam gratam ingrathamve dicendam esse fatear; et si scio, in eam te sententiam, non quidem quod ita sentires, sed tentandi mei gratia, pleraque neque vera, neque probabilia, coniecisse. Quanquam furdo fabulam decantasti. Meliora quaedam memoria teneo, eaque a te ipso in aequum erant otium disputata, non iocandi aut tentandi mei, ut nunc, gratia, sed erudiendi potius, & ad Philosophiam istam tuam claram atque verissimam recto, ut dicitur, tramite perducendi. Quocirca feras istas procul abiciamus. Exemplo enim nobis esse non possunt, ut, qui eas imitari velint, hi maxime ferae dicendi esse videantur. Hi rationem, quam habent, aspernantur; illae nunquam

Additur ulterior adhuc, luculentiorque probatio;

rationem

& quidem argumentis ab ipso homine petitis.

rationem habere potuerunt. Sed iam ad homines veniamus, ut in area nostra latius aliquando versemur. Sunt enim totaliter de re nostra. Sed eos quoque quam brevissime perstringemus, ut tempus tibi relinquatur ad concludendum. Nam esse Deos ingratos, non attinet dicere, nisi maxime, & videri, & esse, velimus ingrati. Qui si aurum, ut tu dicebas, pro farre non referant, cave, tamen ingratos censeas esse dicendos. Sciunt enim, quid nobis, ut ait Poeta, rebusque sit utile nostris, quid etiam unicuique referendum; sumusque homines, ut ait idem, illis, quam nobis, multo cariores. Quocirca cum Diis hac in re minime contendamus. Sed ego vim tuam memoriae, incredibilemque rerum omnium notitiam, vehementer admiror. Nam quae in Philosophia graviter & copiose loquebaris: nunquam mihi aliter persuaseram. Sciebam enim, esse te omnium in ea facultate doctissimum. Sed quae ad historiam pertinent, nullam tibi fuisse vel curam, vel notitiam, arbitrabar. Verum unde tot efficacissima vetustissimorum hominum exempla manarunt? qui tot ingratos undique, tanquam ex historiae agro, unam in aream, congestisti, ut inficiari aere non possim, te non solum Philosophum esse acerrimum, sed omnium aliarum magnarum rerum diligentissimum inquisitorem, ut, tanquam Leontaeus ille, omni de re possis quam accuratissime dispu-

disputare. Hoc quidem Philosophus, mea
sententia, melior, quod ille sibi auream, ut
ferunt, statuam collocavit, te vero, nihil ad
ostentationem, sed ad veritatem omnia, rei
ferentem, nulla unquam praecipitem egit
arbitrio. Sed ne feramur longius: ingratos Repetuntur
istos paulisper, si placet, consideremus: exempla su-
Qui si fuerint natura ingrati, fateor, neces- perius iam al-
se est, mea me sententia esse deiectum; sin- lata, ad qua-
vero nec natura, nec omnes in ingratitudi- paulo accura-
nem inciderunt, velim, ab ista tuatam acra- tius a Campa-
vi & oppugnatione desistas, neque meis se- no responde-
dibus stare patiaris. Primum omnium mi- tur;
hi Diogenem, tanquam esset aliqua mihi utpote Dio-
cum Diogene contentio, mordacem sane genis,
hominem, ut Cinicum, ingratum tamen di-
eendum esse non arbitror. Qui si convi-
ciis persequeretur omnes: quid aliud age-
bat, quam praecipiam quandam in univer-
sum genus humanum caritatem? Vide, ne
me mordeas, Diogenes, dum haec a te pos-
tulo. Quid oblatrabas malis? Quid censea-
mus fuisse responsurum, nisi id, quod alii
quando respondit: cum vitiis perditos mores
haberent longe turpissimos. Quid rursus
irascere bonis? cum, inquit, inter malos
rum vitia flagitiaque versarentur. Utrique
sunt obiurgatione dignissimi. An igitur in-
gratitudinis illum censes accusandum? Quid
parentes ipsi dicere nobis benevolentius po-
tuissem, quam ut nec essemus ipsi mali, nec
cum malis vitae consuetudinem haberemus? Bonos

Democriti at-
que Heracliti.

Bonos ille inveniri paucos existimabat, quos interdum per meridiem lucerna quaerebat. Si qui tamen invenirentur boni, eos imagines dicebat esse Deorum. Quam praeterea gratus in Corinthium Xeniadem, a quo cum esset emptus, liberos eius singulari cum diligentia sanctissimis atque optimis disciplinis erudit, & tu eum appellare audes ingratum? Quid de Democrito atque Heraclito dicam? quorum alter deliramenta ridebat humana, miserabatur alter, ut ingentem quandam caritatem in omnes videantur habuisse mortales, quibus non haec caduca & fluxa confectanda, sed virtutem & divitiarum aeternarumque rerum contemplationem habendam esse, monstrabant; quod ipsi, rebus ceteris contemptis atque despectis, omni soluti cura, faciebant. Potuit fortasse ob hoc durior videri Democritus, quod per desertas solitudines, perque hominum sepulchra, oberrabat. An putas, ut mortuos etiam irrideret? Minime id quidem opinor, sed ut, nullis turbis ac coetibus impeditus, & quasi ad mortuos abstracti animi contemplatione traductus, quae vellet, expedite libereque contempleretur, nec distraheretur animus occursum & praesentia rerum alienarum. Hoc si odium generis humani dicendum, si rursus ingratitudinem appellandum esse, censeamus: multi profecto sanctissimi viri atque optimi in eandem incidisse calumniam & humanitatis inimici fuisse

fuisse asperrimi viderentur, qui cum patrum nostrorum, tum etiam nostra, memoria, patriis laribus, urbanisque amoenitatibus & domesticis, praetermissis deliciis, in sylvis ac montibus vitam omnem solitarii peregerunt, ne se humanis contagionibus & quasi vinculis circumplexum se totos ac liberos ad contemplandam Deorum immortalium gloriam magnitudinemque conferrent. Quos ego si appellem ingratos: tam inique faciam, quam qui, quod ipsi praestare non possunt, id carpere nituntur in ceteris. **Timonem**, Timonem vero, quem ais Atheniensem, inficiari non possum, hominem fuisse duriorem & natura fortassis ingratum. Quod tamen si ab animo eius dissentiebat oratio: num quenquam interfecit? num hostibus patriam prodidit? num eius urbs incendio conflagravit? num denique quenquam factis offendit? Non possumus dicere id quidem; sed fac, fuisse omni, ut ais, rebellem humanitati, & hominem dicendum putamus, natura durissimum. Nam mihi non accusare naturam placet. Nec Timonem istum magnopere defendam. Quis illum exitus excepit, cives suos, ut se suspenderent, admonentem. Nonne publice caesum lapidibus obruerunt? Quod non fecissent, nisi ingratitudinem rem esse malam, & summo dignam supplicio, iudicassent. Et erant Athenienses non imperiti rerum existimatores, & in maximis etiam sceleribus, sola, ut ferunt, cicuta contenti.

Quaeritur,
an sit ingrati-
tudo habenda
naturalis?

Opinio Pyr-
rhoniorum,

tenti. In Timonem vero, tanquam aliquod maius facinus ausum, & reum ingratitudinis, plus excogitandum supplicii putaverunt. Ego vero nunquam inficiabor, & Timonem inhumanum, & multos aliquando ingratos, extitisse. Sed in his, ut saepe diximus, naturam accusandam esse, non puto. Fieri enim potest, ut causa aliqua, quae sit nobis incognita, fuerint ingrati. Sed ego non quaero. Non enim id nunc agitur, sintne ingrati? quorum ego numerum, scio, esse quam maximum; sed an sit ingratitudo habenda naturalis? Haec nunc igitur controversia. Quae cum absoluta sit, parum admodum mihi erit elaborandum; quanquam in arctissimas tu me fauces atque angustias compulisti, ut, nisi pedem referam, effugere nullo modo possim. Bonam esse ingratitudinem, ideo contendeabas, cum esset a natura. Naturalem autem propterea dicebas, cum multi non casu aliquo, sed nati potius, viderentur ingrati; naturam autem ita comparatam, ut nihil, nisi quod bonum esset, excogitaret, nihilque gigneret, quod quidem esset in mali ratione reponendum. Possum haec omnia confiteri; possum rursus negare omnia. Quod si fecero, magis meae servivero causae, faciliusque ista tua tela repulero. Quod si Pyrrhonios illos velim imitari, qui nihil vel natura bonum, vel natura malum, opinantes, haec, quae appellamus bona, quae etiam mala, quae

quae honesta, quae turpia, nominamus, folius opinionis esse voluerunt; quod sentiebat & Archelaus. Archelaus, haud absurde fortasse, (neque enim temere ad id opinionis inducebantur) quid potest videri nobis calamitosius morte? Parentibus & propinquis nostris e vita migrantibus, moesti lucem non aspectamus, plangimus, lamentamur, manus pedesque concutimus, capillos etiam & vestimenta proscindimus. Nihil hoc luctu miserius. Sunt tamen, qui hoc non solum id ipsum moleste non ferant, sed parentum filiorumque funera cantu ac laetitia persequantur; quales in Asia tradit Euripides, quorum, cum nascuntur liberi, ululatus undique exaudiuntur, cum in miseriam putant natos esse sempiternam; mortuis vero congratulantur, tanquam rem adeptis longe praeclaram. Vide, quid agat opinio. Nos mortuos lugemus, tanquam omni privatos felicitate; illi nascentes deplorant, tanquam in miseriarum & tempestatum mare deiectos. Persae filiarum nuptiis permiscuntur. Nihil apud nos detestabilius. Quidam parentum cadauera torrere ac comedere dicuntur. Nihil apud nos potest esse nefandius. Quid ita, si quis me roget? Nihil afferam praeter opinionem, quae tamen illis quoque potest esse probabilis. Satiis enim putant, in filiorum visceribus condi corpora parentum, quam huini sita, vermibus aut serpentibus devorari, quae pie se facere opinantur. Tan-

Vis atque
potestas fo-
lius opinio-
nis.

Quae sint na-
turae,

ta igitur rerum omnium varietas non a natura, quae una est atque eadem apud omnes, sed a sola opinionum diversitate, manavit. Nam ut est cuique de re aliqua persuasum, sic variam fert dicendi faciendique sententiam; non quod ita sit semper, quale sentitur. Magnae sunt vires opinionis. Radices enim emittit altissimas, quae, cum animo infederunt atque inveteraverunt, uno consensu multorum deleri ac funditis extirpari non facile possunt. Sed tamen missos faciamus Aporéticos, eorumque principem, Pyrrhonem, abiiciamus, nihil natura neque turpe, neque honestum, existimantem, sed ad hanc, quam diu agimus, opinionem & consuetudinem omnia referentem, cui ego, ne forte parum sit a me, nequaquam assentior. Dedit nobis natura lumina quaedam honestatis. Ad ea nos, qui per vitiorum tenebras obscuri atque incerti divagamur, suo ingenti splendore dirigimur; quae nisi pravis moribus extincta fuerint, ad quamvis nos gloriam magnitudinemque perducant. Placet igitur imitari Stoicos, qui, cum virtutem omnium humanarum divinarumque rerum optimam & pretiosissimam fateantur, vitia maxime illi contraria atque adversa putaverunt, eaque perniciose esse, & ad bene beateque vivendum nullo modo conducentia, nec ita nudam naturam relinquendam putaverunt, ut non multa illi bona inessent atque honesta, quae

quae sua ipsa sponte produceret. Sed video, te mutasse sententiam, nec in eadem, qua prius, opinione persistere. Quoties ipse me admonuisti, non omnia dicenda esse naturalia, adeoque naturalia.

turalia, quae reperirentur in natura, sed ea solum, quae vel semper, vel plerumque, contingerent. Multos enim videmus caecos; an sit caecitas illa naturalis? Datum est nobis **Exempla.**

lego naturae, ut bipedes, ut rationis mentisque participes, ut apti denique ad ridendum, oriamur. At si quis vel vno pede, vel pluribus, quam quibus nasci homines soleant, vel hebes, atque insanus & rationia expers, oriatur: quis est, qui dicere aufit, ortum hunc esse naturalem, & non potius contra naturam factum? Risit semel in omni vita Crassus; Zoroastres vero, quae die natus est, risisse fertur; credo, propter sidera & stellas, quas est postea summa cum diligentia contemplatus. At Demophon, Alexandri miles, egregie tremebat ad solem, calescebat ad umbram. An igitur haec talia, quae paucissimis contingant, censeres dicenda naturalia? Quod si multi sunt ingrati, quod ego tibi nunquam sum inficiatus, si multi scelerati ac detestabiles, si nulla denique civitas improborum vacua, ut ait Xenophon, quod propter tam immensam multitudinem necesse est evenire; quidnam aliud ingrati, quid mali, detestabilesque, dicuntur, nisi quia, legibus naturae non parentes, eius ordinem funditus perverterunt?

**Applicatio
dictorum ad
ingratitude-
nem.**

Magna vis est naturae, optimum sibi in omni rerum procreatione proponit; sed tamen, ut Democriti careat medicamento, quo boni, pulchri & fortunati liberi nascebantur, deficit interdum, & quod proponit, praestare non potest; a quo si quid gignatur mali, quod fere non accidit, id praeter suum morem eveniet. Fures quotidie suspenduntur; adulteri & parricidae, & qui sunt eiusmodi, acerbissimis suppliciis cruciantur. Cur ita magnus est numerus eorum? sed, ut bonis aequari non possit; putasne datum natura, ut adulteri, ut parricidae, ut fures, efficiantur, quoniam multi inveniantur tales? Ego vero ita sentio. Sed, rectene sentiam, nescio; hoc tantum scio; te quoque idem aliquando sensisse, eam rem solum appellandam esse naturalem, in qua aut omnes, aut plerique, semperque consentiant; contra vero naturam omnia, quaecunque rara insperataque contingant. Quod si populus Romanus adversus plurimos est habitus ingratus, quod ego tibi non plane assentior, si Thebani, si Carthaginienses, si denique permulti; modo id videndum est, an & semper, & in omnes, fuerint ingrati. In exilium profectus Africanus ingrati patriam appellavit. Nolo disputare, an recte appellaverit, cui & Consulatus ante tempus & honores amplissimi decreti. Orantem praeterea tanta turba in Capitolium secuta, ut magistratus pene soli & subsellia vacare

mane-

maxime per
exempla.

manerent. At vero, cum Petilii diem illi dicere voluerunt, vocatus in iudicium, & causam dicere iussus, patriae ingratitudinem exprobravit. Quid si iudicium vel amore, vel magnitudine rerum a se militiae gestarum, vel auctoritate, devitasset; quantam legibus fecisset iniuriam? Sustulisset aequitatem, ius patrum pervertisset, & libertatem populi Romani a se defensam offensisset. Idem in Camillo. Pluris enim auctoritatem publicam, quam privatam dignitatem, facere voluerunt. Quo plane licet intelligere, Romae non tam privatam gloriam paucorum, quam publica legum iura, valuisse. Idem in ceteris censeo esse dicendum. Nullam enim, arbitror, Rempublicam tam dementem esse potuisse, in qua plurimorum sententiae vigent, ut in ingratitudinem communi omnium consensu vel errore aliquo, vel dolo, avaritiaque, conciderit. Sed fac, omnes fuisse ingratos, quos ipse paulo ante memorasti, (non enim est contra me) illud modo videndum est, an fuerint & omne, & semper, ingrati, vel, id si nimium tibi videatur, an plerique, & frequenter. Quod si esset, non possem non asseverare, ingratitudinem rem esse naturalem, nec ulla reprehensione dignam. Sed longe opinor aliter. Nam si Cn. Pompeius male egit cum Carbone, si Popilius in Ciceronem, Sextilius in Caesarem oratorem, Bersus in Darium, multo fuerunt ingrattissimi? num eos

Quid de in-
gratitudine
senferint ma-
iores, quam
uberrime do-
cetur, partim
exemplo Ro-
manorum;

censes in ceteros omnes, num etiam semper, ingratos extitisse? Quid si grati fuerunt aliquando, vel in eos ipsos, quibus postea fortasse non sine causa nocuerunt? Sed non est propositum, causam agere ingratorum, quos ego ne vita quidem, nedum patrono, dignos existimo. Sed quid si isti, quos nunc tam vehementer accusas, aliqua in re lacesciti atque offensi, non tam inferre, quam ulcisci, iniuriam, putaverunt? Sed eos, ut dixi, minime defendo; pauca tamen afferam exempla maiorum, eaque perbreuiter, ut quid illi de ingratitude senferint, intelligere valeamus. Primum omnium populum Romanum consideremus, quem tu quasi reum capitis damnare videbaris, cum in plurimos fuisset ingratus, qui, si de se optime meritos non ornaverit, sed contemserit, non gratia, sed ignominia persecutus fuerit, suppliciiis quamvis durissimis afficiantur. Sin vero, qui vel in officio & societate mansere, vel in rebus adversis opem auxiliumque tulerunt, maxima sunt ab illo beneficiorum praemia consecuti, eum, si placet, ab hac quasi forensi decertatione liberemus. Et enim consideranti mihi saepe numero & rerum a populo Romano domi militiaeque gestarum magnitudinem cogitanti, nulla maior causa videri solet ad tantam illam nobilitatis atque imperii gloriam provexisse, quam ingens quaedam & incredibilis actio gratiarum, & beneficiorum admirabilis compen-

compensatio adversus omnes, a quibuscun-
 que beneficium vel perexiguum accepisset;
 Quibus enim praemiis cives suos persequ-
 batur, qui praesclaram aliquod facinus pro
 Republica peregissent? Eorum augebat di-
 gnitatem; auctam vero opibus, auctorita-
 te, gloria, exornabat, quibus provocatus
 optimus quisque labores durissimos terra
 marique perpeti, capitis pericula subire,
 mortem pro patria appetere, non dubitabat.
 Qui nisi cum privato, tum publice, fuissent
 exornati; nescio, an tantam ad eas res ge-
 rendas animi magnitudinem contulissent.
 Omnibus enim, qui dignitatem populi Ro-
 mani atque imperium tuerentur, qui Rem-
 publicam augerent, eamque diligenter admini-
 strarent, maxima erant proposita praemia.
 Quippe qui insignitis quicquam domi mili-
 tiaeque gessisset, huic coronae, huic statuae,
 huic orationes, huic triumphi, huic orna-
 menta, huic mille rerum gestarum insignia,
 parabantur. Num quid arbitraris, Roma-
 nos tot genera excogitasse coronarum, nisi
 ut cives suos, qui aliqua virtutis gloria flo-
 ruissent, laudum meritis prosequerentur am-
 plissimis, eosque ad res magnas obeundas
 ardentius excitarent. Qui urbem aliquam
 obsidione liberasset, obsidionali donabatur
 corona; Civica, qui captum civem hostibus
 eripuisset. Qui vero primus in hostium
 muros profuisset, muralem; qui primum in
 castra hostium irrupisset, castrensem acci-
 piebat.

piebat. Quid in bello maritimo? Qui primus in hostium profluvisset navim, navali; quique illorum magnum numerum vel mari, vel terra, cecidisset, triumphali; qui non magnum fudisset numerum, tamen bellum, parta victoria, confecisset, ovali coronabatur. Et ne quid sine praenio fieri posse videretur, si qui, bello cum ipsi non interfuissent, aliquid tamen pro imperatoris victoria procurassent, hi quoque sua virtutis ornamenta consequebantur. Imperatorem si quis in bello servasset, huic etiam Senatus assurgebat; una esse, propeque affidere, iubebat, munerum vacationem ipsi patri evoque paterno concedebat. Et quod multo mihi pulcherrimum videri solet, si qui sibi coronam virtute in vita peperissent, eandem mortuis, non illis ipsis solum, sed eorum etiam parentibus, imponi, laudesque clarorum hominum ad cantus & tibicinem in conione laudari, voluerunt; quod genus laudis Naenia dicebatur. Maiorum etiam gesta in convivio canebantur. Quid hoc gratius dici potuisset? Quid dicam tot statuas triumphales, tot amplissima sepulchra, tot clarissimos titulos, tot imagines & monumenta maiorum? Quid tot celeberrimos gloriosissimosque triumphos? Atque ut alte repetam, quid Romulus egit? Nonne Hostilium, quod primus urbem Fidenam irrupisset, frondibus coronavit? Non tunc auro cuncta, purpuraque fulgebant? Et tamen erat aliquid.

quid, quod minus glorioſe expeteretur. Nam, quae nunc ſpe praedae bella geri ſolent, tunc gloriae cupidine gerebantur, & quae nunc in auro atque in argento ſiunt diſcrimina, (nam haec ſunt, quorum gratia deceratur) tunc in lauro, myrtho, gramineque, fiebant. Felix ſane prior illa aetas, contenta, ut ait Poeta, fidelibus arvis. Quid, ne nimis aetati noſtrae ſuccenſeam, in Co-clitem Romani? quid in Q. Mutium egerunt? quorum alteri, quod pontem ſolus contra fortiffimum hoſtium impetum tenuiſſet, ſtatua in Comitio collocarunt, agrum praeterea, quantum die arari poſſet, donaverunt, ſingulique in eius domum munuſcula contulerunt; alterum, quod, interfecturus Regem, in hoſtium caſtra penetraſſet, Regemque ipſum, metu inſidiarum perterritum, ab obſidione removiſſet, maximis ſunt, & laudibus, & muneribus, perſecuti. Agro enim trans Tyberim donaverunt, quae, ne tanti beneficii excidere poſſet memoria, Arva Mutia vocaverunt. Quid in Cocleam virginem? quam primam omnium equeſtri ſtatua decorarunt. Quid in Manlium? a quo ſunt Galli e ſupremo iam Capitolio deiecti. Commendatus a ſuis vehementer. Parum id quidem, quando verba magno non conſtant; ſed militari etiam conſenſu donatus eſt. Singuli enim milites ac tribuni ſex quisque libras farris totidemque vini quartarios in aedes, quae erant illi in Capitolio,

con-

contulerunt. Magna, me Hercule, praemia; in tanta praesertim caritate rerum. Fame enim durissima premebantur; sed erant grati in homines. Quid igitur postulamus? etiamne in feras? certe sane, quod equidem vehementer admiror, tam ad unguem, ut aiunt, gratos esse voluisse. Nam cum anserum strepitu Manlius ascensum hostium praesensisset: statuerunt anserum cibaria in primis a censoribus collocari. Vide, quantum abest, ut, fuisse eos ingratos, dicam, qui cum anseribus beneficio certaverunt. Quid in Minutium Augurinum? Pretium farris in tribus nundinis ad assem redigenti, statuum auratam extra portam ter geminam, stipe ab universo collata populo, dicaverunt. Trebio vero, quod aedilis frumentum populo praestitisset, idem honor statuae in palatio & Capitolio cessit; functus autem vita populi humeris in rogam portatus est. Sic Valerius ille, qui Publicola est appellatus; sic Agrippa, Senatus plebisque conciliator; sic alii permulti. Quid dicam, T. Manlium Torquatum non solum aurea corona donatum, sed cognomen sibi ac suis posteris adeptum, quod Gallum singulari certamine superasset, & pro concione a Dictatore Quinto commendatum? Obruor copia exemplorum. Sed indulgebo mihi, paucisque expositis, modum illis imponam. Cornelio Consule exercitum Romanum incaute per hostium fines ducente, cum signa re-

ferre

ferre non posset, circumfessusque ab hostibus, magno cum periculo in apertam calamitatem incidisset, P. Decius, Tribunus plebis, novo consilio exercitum & consulem liberavit, pauloque post & Samnitum copias fudit. Praeclara quidem res digna nomine Deciorum; sed num fuit consul ingratus? num universus exercitus gratiam non egit? Laudato enim in concione coronam auream, boves centum, unumque praeter ceteros niveum, auratis cornibus, consul largitus est; a legionibus autem graminea corona capiti eius imposita; porro tertiam milites obtulerunt, qui, Decium secuti, tam praeclaro facinori interfuissent. His consul singulos boves & binas tunicas, legiones autem libras farris & vini sextarios contulerunt, ut plane mihi exclamare libeat: O tempora! o mores priscos! quantum in rebus omnibus diligentiam, quantam in beneficiis referendis gratiam, adhibebant. Valerium, postea dictum Corvinum, Camillus Dictator, Servilium Cornelium Lentulus consul, aurea corona donavit. C. Duellio, qui primus navalem victoriam ex Carthaginensibus reportavit, quot honores a Senatu decreti? Et nos quidem audemus illos accusare? Facimus profecto non grate, qui eos sic appellemus ingratos. Nam quid ego dicam templum illud Fortunae? quid aedem Pietatis? quid constitutionem illam praeclaram, qui in legatione moterentur, his equestres

in

in foro statuas collocandas? Sed praeterea-
 mus sane exempla domestica. Eumenidi,
 quod contra Antiochum bellum cum popu-
 lo Romano gessisset, universam Asiam con-
 cesserunt. Massiliensibus, quod pecuniam
 publice exactam Romam misissent, qua se
 populus Romanus a Gallorum obsidione red-
 imeret, locus spectaculi in Senatu datus,
 immunitas decreta est. Foedus quoque
 cum his aequo iure percussum. Cum Cereti-
 bus, quod sacra sacerdotemque Romanorum,
 Gallorum incendia fugientem, receperunt,
 auspicia propterea fieri decreverunt. Quid
 illa legatio ad Aetolos, ut ex urbibus Acar-
 naniae praesidia deducerent, liberos esse pa-
 terentur, qui soli contra Troianos, originis
 suae auctores, auxilia non praestitissent?
 Quam longe, Dii immortales, repetita gra-
 titudo! ut non solum recentia, & in se col-
 lata, sed vetustissima maiorum suorum, be-
 neficia recognoscerent. Sed, ne unius po-
 puli Romani exemplis inniti videamur,
 quid senserint ceteri, cogitemus. Ea res
 indicio esse potest, quantum, ingratitude
 aspernati, vitandum id vitii, ac totis viribus
 fugiendum, putaverunt. Nam quae de Ari-
 stide, atque Aeschine, ceterisque, dicebas, non
 secus accipienda existimo, quam quae de A-
 fricano & Camillo afferebantur, plus va-
 luisse ius publicum civitatis, quam privata
 merita paucorum. Quanquam ideo quo-
 que arbitror, fieri potuisse, ut civitates non
 semper

partim Grae-
 corum:

Imper bonorum cura atque auctoritate re-
 erentur. Saepe factionibus, intestinisque
 scordiis, statu Reipublicae perturbato, & or-
 num ac magistratuum dignitate sublata, le-
 es non valent, aequitatis iudicia conte-
 nuntur, pelluntur optimi quique, & in
 eleratorum omnia potestate sita, non ra-
 one, sed libidine, non moderatione, sed
 appetu, non auctoritate, sed licentia, non
 enique iure, non legibus, sed iniuria, sed
 ambitionis furore, geruntur. Quod equi-
 em non negaverim tunc accidere potuisse,
 um pulsus est e civitate Themistocles, cum
 theseus e regno eiectus, cum missus in exi-
 um Aristides. Sed ego non, quid seditio-
 , aut scelerati homines fecerint, quaeren-
 um puto; sed, quid sanctissimi cives egerint,
 onsiderandum. Omnes enim inventio suis-
 : gratissimos. Sed ne accusa, obsecro, A-
 enienses. Nam quid si tuus adesse possit
 Hippocrates? Ille vero nequaquam tibi ista
 oncederet, qui, cum venientem ex Illyriis
 estem praedixisset, missis per omnes Grae-
 iae civitates discipulis, ad remedia conferen-
 a, Athenienses, ac etiam totius Graeciae
 ivitates, honores illi Herculis decreverunt,
 ivino affecti beneficio, divinam gratiam
 eferentes. Quid in Berosum? cui futura
 praesentienti, & multa, tanquam cerneret,
 ivinanti statuam, aurata lingua, collocave-
 unt. Quid rursus in Demosthenem? qui,
 um civitatem ad bellum contra Alexan-
 drum

drum suscipiendum impulisset, idque ut faceret, aurum ab Arpago quodam accepisset, pulvis civitate, forte apud Megaras exul, haud multis post diebus Athenienses legatum ad Peloponenses sollicitandos mittunt, hunc secutus Demosthenes, Sicianos agros, Corinthum, & reliquas Graeciae civitates, Atheniensibus sua illa divina eloquentiae ubertate coniunxit. Qua cognita re, Athenienses, missa obviam navi, eum summo consensu omnium ab exilio revocaverunt, dignitatemque pristinam reddiderunt. Armodium & Aristogonem, quod Ippia tyranno interfecto, civitatem servitute liberassent, publico decreto servis aspicere non licebat, ne, qui libertatem ipsi peperissent, servili polui aspectu viderentur. Quam propensa gratia, quam honesta? Et tamen adhuc privatos agimus. Cheronesi populum Atheniensem, contra Philipbum auxilia ferentem, coronaverunt aurea corona; Gratiarum quoque templum beneficii testimonium erexere. Quid Bisantios atque Perinthios dicam? qui eidem populo, quod eundem regem, omnia eorum oppida ferro atque incendio vastantem, repressissent, statuam sex decem cubitorum in Bosphoro posuere. Quid illa Solonis lege praeclarius, qui pro patria in bello cecidissent, maxime illustrandos esse, & clarissimis monumentis exornandos; liberos vero eorum publice alendos atque erudiendos esse? Actionem quoque adversus

adversus ingratos inexpiabili lege sanxerunt, credo, Perlas secuti, apud quos durissimis ingrati suppliciis afficiuntur, infamesque habentur. Audio, quasdam fuisse nationes, aliarumque gentium. ubi, si qui eius criminis convicti essent, palo medio gutture traiecto, necabantur; dignum sane tam nefario scelere supplicium. Quid illud ab Atheniensibus primum, mox a Romanis, institutum, servos, qui essent manu missi, nulla re alia in servitutem redigi posse, nisi aliqua erga dominos ingratitudine notarentur? Commendandi etiam Massilienses, apud quos ingratos servos, etiam si ter fuissent manu missi, in pristinam tamen conditionem cogere licebat. Sed nimis exemplis abundamus. Satis equidem, arbitror, demonstratum, neque naturalem esse ingratitudinem, quam optimi & probatissimi quique detestantur, nec rursus bonam, cuius arcendae ac puniendae gratia tot leges excogitatae, tot confirmati mores, tot denique omnium hominum & civitatum consensu poenae constitutae. Atqui utilis est ingratitude & saepe necessaria. Sic enim tibi videri dicebas. Fateor id quidem; sed his duntaxat utilis, qui in congerendas pecunias, accumulandasque divitias omnem spem atque animum contulerunt: quanquam iis ipsis obesse potest non nunquam, quos nemo, si modo sciat, esse ingratos, liberaliter poterit magnificeque tractare. Sed eam tu ideo volebas esse necessariam, cum neque furio-

Unde colligitur, ingratitudinem neque naturalem esse, neque bonam.

Sed neque utilem, neque necessariam, eam esse, ulterius demonstratur.

sis parentibus ferrum esset exhibendum, neque amicis turpibus in rebus obsequendum, neque aegrotis familiaribus aqua porrigenda. Quis non tibi ista concedet? Quis tamen ingratitudinem hanc esse fateatur? Nam hoc totum est a me. Praebere enim furioso ferrum, aegrotis aquam administrare, quid, obsecro, incommodum minus posset afferri? Tibi vero, qui ista non facerent, viderentur ingrati? Equidem delirare te dicerem, nisi scirem, tuam longe ab oratione sententiam abhorrere, & animum ipsum vehementer cum lingua pugnare. Quae maior ingratitudo? quae immanitas estera-
cior, quam praestare amico, quae non modo videas non profutura, sed valde etiam nocitura esse cognoscas? Pulchra sane vero benevolentia, tum multo pulchrior, si hoc benevolendi genere adversus inimicos utimur nostros, eosque tanto nobis vinculo colligatos hac ipsa caritate & benevolentia prosequemur. Nam in amicos quidem non attinet dicere. Video, te ample satis de liberalitate magnificeque locutum: ut sumus omnes loquendo magis, quam faciendo, magnifici. Laudamus liberalitatem; in coelum tollimus sapientiam; doctissimum quemque suspicimus, admiramur, & omni ornamento dignissimum iudicantes, in summo coeli culmine collocamus; verba tamen sola profundimus, rem & pecuniam continemus, probitas, ut ait Poe-

ta, laudatur & alget. Si qui gratiam expectant beneficii, eos, ais, vel aucupibus, vel mercatoribus, esse simillimos. Ego vero, in liberalitate pretium expetendum esse, non arbitror; sed nec tamen, si res exigat, desperandum, non quod ipsi repetere debeamus gratiam, sed ii ipsi, quibus fuimus beneficii, officio fungentes suo, ultro nobis, cum opus est, referre teneantur. Nam quid ego dignum tua magnificentia dicam? qui statueris, hominem in beneficiis conferendis, & in hoc ipso genere largiendi, Diis esse immortalibus comparandum. *Quae sit Deorum, dum largos atque beneficos se praestant,* qui, ut gratis, sic etiam ingratis, lunam splendere, lucere atque oriri solem, & terram ac coelum patere, voluerunt? Vide, ne raram, ut est in fabulis, imitemur, quae, cum bove de magnitudine certatura, tanto pressio diu spiritu intumuit, ut, suam egressa magnitudinem, rumperetur. Nam si Dii immortales, quorum beneficio sumus coelum, terram, mare, vitam atque omnia, consecuti, magna in nos semper munera contulerunt; si frumentum, si poma, si aurum, si denique cetera, ad usum hominum produxerunt; num putas, quasi acervos illis extare, qui donis aut largitione minuantur? num vasa, quae depleantur? Habent enim Dii rerum omnium copiam incredibilem atque abundantiam redivivam, quae nec carpendo exhauriri potest, nec ulla vi aut tempestate intercipi. Stabilis est, plena est

quae homi-
num,

& sempiterna, nullo exhaustu, nullaue at-
tenuatione decrescens. Itaque Dii secare,
plenaque, ut dicitur, manu largiuntur.
Homini alia ratio est habenda. Sunt edu-
candi liberi, sunt alendi parentes, sunt etiam
amici atque affines, si qui sint, pauperes su-
stentandi. Quibus rebus haec fiunt, oportet
quaerere labore & vigilantia, quaevis ve-
ro non temere dissipare, nec in sterilem
terram semina proicere, sed uberrimo &
fertili solo committere. Nam ubi sunt il-
la exhausta; novo labori est opus. Tum
aetas laboris patiens, nisi parata sint iuveni,
quibus sustentetur senex, in tristissima acru-
mina laboriosissimaque miseria consenscet,
fame fortasse moriturus, illacrymatus inse-
pultusque morietur. Domus enim aetatis
senectus est. Illo sunt nostri labores, no-
strae peregrinationes, negotiationes, consilia
referenda, ut tranquillam quietem & rebus
affluentem necessariis tanquam domum ha-
bitemus. Haec qui non cogitat, atria lu-
strabit vacua, & tunc demum sapiet, cum
ne quicquam sapiet. Itaque hominis pluri-
mum intererit, quibus elargiatur; Decorum
nihil intererit. Civitates autem & impera-
tores, quanquam maxima solent conferre,
cum militibus praemia, tum civitatibus or-
namenta, qui praeclarum aliquid eorum
gratia gessissent; non tamen est magnope-
re mirandum, si nullum saepe velint inter
gratos atque ingratos esse discrimen. Nam
sunt

quae denique
totarum civi-
tatum impe-
ratorumque
conditio,
monstratur.

sunt quaedam genera donorum, quae, nisi publice omnibusque conferantur, non gratiam inibunt aliquam, sed odium atque invidiam parient sempiternam, ambitionis potius, quam liberalitatis, nomen habitura. Si quis frumento populum donaverit, exercitum stipendio auxerit, civitatibus vectigalia remiserit, idque publice in universos egerit; maximam ille quidem omnium benevolentiam comparabit, & liberalitatis sibi vindicans opinionem, amplissimam ex ea largitione gloriam consequetur. Sin id efficiet privatim in singulos, invidia conflata multorum, beneficentiae nomen tollitur, suspicio nascitur ambitionis. Quare coactae civitates & imperatores, non ut ingratis quicquam conferri velint, sed ne dissidium pariant, neve factiosi aut ambitioni videantur, ut possint gratis praestare beneficia, praestabunt etiam ingratis; illis ornamentum gratia, his vero ignominiae fugiendae. Accedit ad haec illa altera tua magnificentia, non solum nullam ex liberalitate gratiam expectandam esse, sed, quantopere fieri possit, beneficium occultandum, & Thessalum, nescio quem afferebas ab Archelao, optimo & sapientissimo viro, insigni dissimulatione donatum, cuius exemplo rapuisse me sublimen & in pistrinum compegisse videbaris. Sed ego molam illam asinariam, si modo potero, detrectabo. Nam cum omne beneficium ex duobus fac-

A dante quidem beneficium recte illud occultandum;

ab accipiente
vero manife-
standum est.

piissime constare videatur, conferente altero, altero vero accipiente; nunquam negaverim ab altero perquam diligenter occulendum atque omni studio tegendum esse, ab altero autem, qui acceperit, quanta maxima potest manifestatione, praedicandum, omnibusque patefaciendum. Exemplo nobis potest esse terra, cui, quoties semina committuntur, occulenda sunt & comprimenda vehementer. Paulatim illa deinde commissa exerit atque ostentat, & radicibus longe lateque propagatis, ramusculis exornat, &, quo apertius illa videri possint, suavissimo & pulcherrimo flore praecingit, &, quasi lactitia gestiens, fructus tandem reddit uberrimos. Sic, qui seminat beneficium, occultare illud debet, & quasi tectum animo comprimere, ne cernatur; qui vero accipit, exerere ac manifestare, & quibusdam laudum ramusculis munire, floribusque vestire dignitatis, ut, etsi fuerit exiguum, tanquam semen aliquod, quam latissime propagetur, extollendo & praedicando; postremo vero gratiam referendo. Sed ego ab Archefilao tuo non discedam longius. Fuit is auditor Crantor, a quo cum diligentissime Philosophiae praeceptis imbueretur, dixissetque Crantor carmen illud Euripidis: Num gratiam habebis, virgo, si te servarim? (nam putabat, hoc praestare Philosophiam, ut eam secuti liberi ab omni fortunae impetu servarentur) respondens Archefilaus versu se-

Exempla.

sequenti: Due, ait, me, hospes, & ancil-
 lam, aut coniugem, ut voles, habe. Quibus
 verbis ostendit, nullam esse tam uberem
 & cumulatam gratiam, quae pro accepto
 beneficio digne satis referri possit, ne liber-
 tas quidem, cuius conservandae gratia. Chi-
 to, gnatus ille Gallicus, filios censuit come-
 dendos. Quod Phalisci plane ostenderunt,
 qui, proditis a paedagogo liberis, hisque a
 Camillo restitutis, veteri sese libertate spo-
 liare, quam ingrati censer, maluerunt.
 Quid Carneades? Nonne, quoties in Crisippi,
 cuius fuerat auditor, mentionem incidisset,
 aperte dicere solebat: Nisi Crisippus fuisset,
 ego profecto non essem? Quid? etiam il-
 lud ipse Crisippus, qui, cum adversus Clean-
 tem aliquando paulo contentiosius disputas-
 set, cetera in rebus se dicebat esse felicem,
 adversus unum Cleantem infelicissimum,
 adeo sibi turpissime facere videbatur, a quo
 disciplinam omnem accepisset, eum sic dis-
 putando & contendendo laceffere. Plato-
 nem adhuc puerum, damnato Socrate,
 suggestum conscendisse, accepimus; ac So-
 cratem praeceptorem defendere voluisse.
 Sed aetate prohibitus, Socratem, quocun-
 que accessisset, habebat in ore, illius virtu-
 tem, illius humanitatem, sapientiam, inte-
 gritatem, in omni hominum frequentia
 praedicabat. Aliquanto mollior, sed tamen
 idem sentiens, Epicurus, gratiam amicis,
 etiam absentibus, dicebat, esse referendam.

Qua cessante
omnis cor-
ruit liberali-
tas, omnis
beneficen-
tia.

ta rerum omnium aeternarum abundantia, copiaque suppeditat, ut non solum modico non mensurare, sed nec mente quidem ipsa cogitare, valeamus. Hominis autem fortunae tenues ac perexiguæ, & ad omnem incerturam ac tempestatem expositæ, diligenter constituendæ sunt, ne, navi semel tracta, raso, ut aiunt, capite, limina lustreimus aliena, & mendicam, ut dicitur, opem imploremus. Eas vero si quis suo detrimento beneficis etiam ingratis velit elargiri, in bonos atque gratos propter illarum exiguitatem conferre non poterit. Atqui furere tu me & vacare mente, nedum Philosophiam provertere, clamabas, qui dixissem, homines deceptos semel ab ingratis, in bonos & gratos liberales amplius & beneficos esse non posse. Hæc tibi illæ tam magnæ furis videbantur, quibus universam Philosophiæ provinciam populatus, tanquam ad arma atque ad bella excitarem. Sed ego virum securiorem te vidi neminem, qui ne in manifesto quidem periculo pertimescas. Ceterum quoties a te, non dicam pecunias, (nam denegantur illæ, nescio, quo pacto, confidentius) sed libellum aliquem vel perexiguum postulavi; tollebas manus, cochleum intuebaris, & Deos te immortales iurasse dicebas, nemini copiam esse facturum, quod esses, nescio, a quo tuo, ut dicebas, familiari deceptus, cuius tamen nomen dicere verebaris. Vide, ut tuo te mucrone ingula-

verim, qui, si sic confes in liberalitate & beneficentia perseverandum, ut nullius culpe terreamur, nec, etiam decepti alieno scelere, ab officio consuetudineque nostra tam praeclara moveamur: cur igitur vel ita facio, ut non sentis, vel ita non sentis, ut dicis? Ne ride. Nam id profecto inficiari non potes. Equidem cum saepe alias, tum etiam hieri, vacuus a te discedens, novam istam in te religionem non mediocriter incusavi. Cum enim Celsi tui videndi magna me libido incessisset, audiveram, mirifice illum de medicina locutum, clarissimos quoque medicos complexum: quos non tunc Deos, quos non homines, testabar? non modo mihi, quo cum esses hac mediocri consuetudine & familiaritate coniunctus, sed ne parenti quidem tuo, si forte revivisceret, copiam esse facturum. Atqui utinam tu solus ea sententia esses. Idem & multi & saepe factitarunt, ut, ab aliquo quodam decepti, vel in rebus aliis, vel maxime in pecunia, quas veris, ut ait Roeta, lacrymis amissa ploratur, nulli amplius fidem putent adhibendam. Negare non possum, facere eos prave; sed tamen eam pravitatem quam paucissimi cogitant, vel quia natura ipsa illiberales occasionem negandi satis idoneam nacti sibi esse videbantur, vel cum, ut est in veteri proverbio, quos ignis flammaque offenderit, hi fumo cinereque terrentur. Si hirundines, si passeret, si columbae, calamitatem

tatem suam minime sentientes, eodem in nido pullos perdere perseverent; non video, cur idem mihi censeas faciendum, nisi fortasse, quoniam illi laqueo saepe capiuntur, mihi quoque laqueum adire ac me me suspendere persuadeas. Nam duces quidem & imperatores semel, ut dicebas, bello superati, novum consilium inire, integrum exercitum cogere, postremo proelium instaurare consueverunt; fateor, si copias auxerint, locum aequiorem legerint, vincendi spem firmam duxerint; alioquin, bello discedentes, in certamen iterum venturos esse, non arbitror. Non illepide Venetum illum afferebas. Sed vide, ne non indigni deceptione videamur, si minus, quam sit necesse, caveamus. Vetus proverbium est multorum consensu & opinione probatum: Decipienti me semel Dii male faxint; faxintque hanc, si bis idem ille deceperit. Alterum enim in decipientis perfidia positum est, alterum a nostra sola temeritate profectum, qui, quam in foveam delapsi semel inscitia sumus, in eandem iterum negligentia nostra delabimur; quod qui faciunt, omni mihi videntur deceptione dignissimi. Quam ob rem ita nobis cavendum est, ne, quod dici solet, ridiculum incommodum subeuntes, nobis detrimento, risui ceteris, futuri esse videamur. Sunt haec, ut arbitror, propemodum absoluta, nisi novum aliquod bellum exoriatur. Quae reliqua sunt dispa-

tatio.

Quae tamen
cum grano
salis accipi-
enda.

tationis nostrae, haud magno negotio retrahemus; &, quam brevissime fieri poterit, refellemus. Vide, quantum in te conceperim animi, quae, quasquam sunt a te dicta copiose, tamen latere nos diutius, quae vera non sunt, & sese occultare non possunt. Video, divisionem illam ingratorum, cum numero, tum etiam ordine, non tibi admodum placuisse. De ordine mox dicemus.

nunc numerum ipsum, an omnia capiat, videamus: quanquam ita ipse rem omnem explicasti, ut non sit multum nobis elaborandum. Qui occulte refert gratiam, quid agit aliud, quam gratiam non refert? Ob-

Repetuntur adhuc semel genera ingratorum superius iam plus simplici vice proposita.

tinet enim testimonii vim gratia. Nam & accepta beneficia fateri debet, & promeritum ac virtutem testificatur alienam. Testimonium vero sic praestandum est, ut palam publiceque nulla cum dissimulatione praestetur. Aliter vero si fiat, neque vim habebit aliquam, nec testimonium rite videbitur appellandum. Quocirca qui sic referunt, ut occultent, in primo divisionis nostrae genere censeo collocandos. Sic qui insolenter, qui dūriter, qui tarde, retulerunt, veluti testimonium vel extra iudicium & statutum diem, vel ab odio, ira, malevolentiaque profectum, iuris ac legum auctoritate repellitur, nullam habens vim ad res ipsas, quarum nascitur controversia, diiudicandas. Saepe iam diximus, tum deum gratiam

Adhuc praeterea

benda

gratiae refe-
rendae tem-
pus atque
modus.

De ordine
confirman-
tur ea, quae
supra iam
fuerunt alla-
ta.

benda est enim in animo semper & tanquam parata, omni negligentia & tarditate reiecta. Qui vero, maximis acceptis beneficiis, fucibus se ac nucibus satisfacere, gratiamque accumulate referre, arbitrantur, plus errant, quam tota via. Sunt enim complicatae manus illae gratiarum & perpetuo sese ambitu reddentes, ubi beneficium acceperis, quo plus referas, plus referre tenearis, nec solum benefacienti, sed etiam benefacere volenti. Sedet in animo promeritum, a quo evelli radicitus nec potest, nec debet. Qui arborem ferit, semel ferit; fructus tamen illa semper parit uberrimos. Nec est beneficium in animo, tanquam lapis in agro, qui moveri aratro atque abiici queat; sola memoria excitatur, quae, quo plus excitatur, eo magis magisque complectitur voluntate referendi sempiterna, ut vestigialis, quanquam saepius exacta, debentur tamen semper quotannis. Habet enim beneficium quandam, ut ita dicam, obligationem, meritorum collatione comparatam, & radicem quandam humanitatis altissimam atque immensam, a benevolentia, officio, studio, caritate, profectam, quae omnia debent esse sempiterna, & vires ingentes a vetustatis duriturnitate suscipere. Sed iam ad ordinem accedamus, ubi tu me praeposterum iudicans, machinasque intendens, expugnare undique pertentasti. Sed nondum nostra propugnacula labefactata ac funditus deicela deo.

deo: Oblitos beneficii ceteris, tua sententia, deteriores existimabas, eamque ob rem ultimo in loco statuebas illos; alteros facile, se ad gratiam conversuros, mitigari posse, & odium illud vel vetustate sedari, vel acceptorum meritorum memoria & cogitatione deponi; oblitos, in eadem pertinacia haesuros, nullo pacto ab ingratitudine posse divelli, nec aliqua teneri recordatione, quominus iniuriam nobis afferant & contumeliam, quos nulla officii, cuius omnem illi penitus memoriam abiecerunt, moderatione leniemus, eoque nobiscum agent insolentius, quo quicquam se nobis debere non putant. Quam pulchra haec, quam etiam probabilia; quanquam mihi minime quidem videntur esse probanda. Sunt enim, quos ais, longe, fateor, ingratisissimi, sed illis alteris nullo pacto, quantum ad ingratitudinem attinet, comparandi. Nam si quando nobis nocuerunt laceffiti, digni venia videntur, cum suis se adiutoribus se nocere non putent. Quod si putarent, nunquam fortasse nocerent, &, quod ego saepe iam dixi, animus est hominum contemplandus, & cum in rebus aliis, tum maxime in liberalitate & beneficentia, quasi ad speculum intuendus; ad animum sunt omnia referenda; animo duce vivimus; animum rerum omnium testem habemus. Quod praeter illum agimus, id non agimus. Quia oblitus trahitur ad nocendum, is errore trahitur

latur & ignoratione peccati. Qui vero, memoria tenens beneficium, insidiari tibi atque obesse non vereatur; non errore, sed perfidia, non ignoratione aliqua, sed atroci quadam & efferata immanitate, peccabit. Plurimum quidem interest, animone homines & studio ita faciendi, an casu aliquo & fortuna, delinquant? Sponte sua peccarunt illi; hi vero deliquerunt inviti. Quocirca recte mihi utrumque genus videor collocasse. Tu, si alter censeas, ages, ut voles: ego sequar iudicium tuum, modo aequum te iudicem praebeas & veritati studentem, non mecum dedita opera cavillantem. Reliquum est, quod tu mihi maxima & incredibili copia dispendi extorquere nitebaris, ingratos nequaquam impune peccare, quo in loco cum Deos demirari me dicerem, non tam Deos ipsos defendere, quam, quantum ipse disputando valeres, ostendere voluisti. Nam, & praeter iudices illos inferorum graves atque severos multa impendere ingratis supplicia, contendisti, quae mihi, paulo mecum altius repetenti, vera nimirum esse videbantur, sed ad poenam illam, quam in animo ipse conceperam; non accedebat. Magna, me Hercule, poena, omnibus odio esse, maior, beneficio dignum non putari, multo maxima, omnium caritate, amicitia, ope, auxilio, benevolentia, spoliari. Sed homini irato, & a reo cruciatum exposculanti, non sunt ista satis. Furtum quis com-

misit,

misit, pellitur domo, nulla fide dignus existimatur. Magnum hoc quidem, sed nisi tortus eiulatus emittat, nisi cruci affixus dependeat, nisi vitam ipsam una cum scelere deponat; vix eum putaverim dignas satis poenas ac supplicia perfolvisse. Nam sunt paulo leviora, multari pecunia, notas frontibus inuri, mediocribus etiam suppliciis, excruciiari, virgis caedi, totam urbem nudatum caesumque lustrare. His ingrati si afficerentur; possem vel mediocriter esse contentus, quanquam duriora illa parari cupiebam. Nam si quis furto deprehensus, etsi fidem non violat, durissima tamen morte mulctatur: qua poena, qua multa, quo supplicio, digni erunt ingrati, qui, sola perfidia adducti, ius omne fidemque perverterunt? Sed iam finem dicendi faciam, nec committam, ut provinciam occupem alienam. Dixi plerumque confidentius; multa etiam percurri celeriter, in quibus me tibi plene satis fecisse non arbitror. Nec enim, quae sunt a te contra meam opinionem sapientissime, ut soles, ætérneque prolata, magnopere me commoverunt, non quod non essent illa dicta præclare; sed aliud est, controversiam agere, ubi adversarium paulo cupidius oppugnamus, aliud sententiam ferre, ubi, quod verum sit, studiosius diligentiusque perquirimus.

U u

Satis

Conclusio
causæ.

Satis longam mecum egisti controversiam, meque ex omni parte quasi stimulo pupugisti. Nunc sententiam feras, oportet, & quid de ingratitudine sentias, non quid disputare possis, aperiās. Vide, quantum tibi tribuam auctoritatis, ut, quem habuerim adversarium, eum mihi iudicem eadem in causa constituam. Spero equidem sententias meas a te paulo ante deiectas, & quasi igni ferroque vastatas reaedicaturum. Quod si feceris, ardentius me ad haec philosophandi studia provocaveris, spemque induxeris meliorem. Nam, ut est in proverbio, qui aliquando non inepte, sapienter nunquam. Quas cum essent dicta, conticui.

IOANNIS ANTONII
CAMPANI AD PANDVL-
FVM BALIONIVM DE
INGRATITVDINE FV-
GIENDA

LIBER TERTIVS.

Praefatio
Zenonis.

Zenonem illum Ciziceum, magnum in primis divino ingenio virum, a quo nomen Stoicorum simul cum disciplina manavit, cum, ex Phoenicia navigans, naufragium fecisset, oraculum consuluisse ferunt, quo-

quoniam pacto vitam posset ducere beatam?
 responsumque, si vivens mortuos coleret, fu-
 turum illum in omni vita beatissimum.
 Quo responso ab oraculo accepto, Zeno-
 nem ad legendum antiquorum libros, annos
 iam triginta natum, omni se studio & dili-
 gentia contulisse, qui, cum annis multis
 Cratem Thebanum secutus, aliquid se ade-
 ptum in Philosophia, arbitraretur, dixisse
 fertur, nunquam secundioribus ventis navi-
 gasse, quam cum naufragium fecisset. Felicem
 sane navigationem & auram longe secundis-
 simam! qua hominem illum praestantissi-
 mum, ex fortunae cupiditatumque fluctibus
 ac tempestatibus liberatum, in tutissimos
 Philosophiae sinus portumque tranquillissi-
 mum decessisset. Mihi quoque, profectio-
 nem meam aliquando cogitanti, & latrohum
 insidias atque impetum recordanti, quan-
 quam non tam altus portus, munitum ta-
 men a tempestate receptaculum datum esse
 videtur, qui, cum in Hetruriam profisciscens
 omnem meum animum atque studium ad
 civilem scientiam contulissem, ita sum for-
 tunae acerbitate vexatus, ut, etsi fortasse,
 non libenter, vere tamen, dicere possim,
 nullum unquam iter contingere mihi glo-
 riosius ac felicius potuisse, quam cum in la-
 tronum insidias incidissem, a quibus non
 solum rebus ad eam scientiam necessariis,
 sed illo & animo atque studio spoliatus, to-
 tum me, cum ad res gestas mortuorum, tum

Et ipius Cam-
 pani exem-
 plis demon-
 strat,

solam Philo-
sophiam bene
beateque vi-
vere docere.

vel maxime ad sanctissimam Philosophiae disciplinam, statui transferendum. Paucis enim rebus Philosophia solet esse contenta, ut non solum non multis egeat, sed ne multa quidem cupienda praecipiat. Non ego civilia iura contemniam, quae vel maximam partem obtinent Philosophiae, in eaque fere tota versantur, vel, ad bene beateque vivendum excogitata, ex uberrimo Philosophiae fonte manarunt; quanquam sunt postea progressa longius, ut non tam ad sancte, quam ad laute, vivendum quaesita esse videantur. Sed de illis alias fortasse liberius. Philosophia vero cum fructus alios parit uberrimos, tum ad virtutem atque honestatem vehementer accommodata, libidines, voluptates, flagitia omniaque vitiorum genera, detestatur, inimicaque temeritati, e sublimi quodam excelsoque loco casus contemnit humanos; & fortunae minas impetusque deridet. Hanc qui sequitur, nihil habet, quod desideret beatitudinis, nullus sibi aditus interclusus ad felicitatem; ob hoc ipsum felicior, quoniam sua est quantulacunque rerum fortuna contentus, ut qui nihil omnino sibi putet cum temeritate, nihil cum stultia, esse commune. Sed Philosophiam assequi magnum est, magnique opus, nec humana fluxaque suspicientis, sed divina atque aeterna sectantis. Ad eam tamen consequendam plurimum valet exercitatio, valet etiam boni copia praeceptoris. Ate-
ram

ram ergo si potero, non contemnā; alterum, fateri possum, nactum me esse praeclarum, & qui me non docere solum diligenter solet, sed ad eam ipsam, quam dixi, exercitationem vehementer hortari, ut currentem non modo calcaribus pungat, sed excitatum ardentius ingenti etiam clamore succendat. Quem si fata superstitem esse patientur, non despero, me quoque aliquid degustaturum, in quo non poeniteat elaborasse. Hic dux consiliorum, rationumque inearum; hic hortator virtutum, castigatorque vitiorum; hic meorum praecipuus studiorum adiutor, ut, qui ante ignaro atque imperito remige per scopulos asperrimos navigabam, nunc optimo & sapientissimo fretus gubernatore, placidissimum in portum videar esse delatus. Gratias itaque latronibus agere, & possum, & debeo, non mediocres, qui me, auro ac vestibus spoliatum, in pretiosissima Philosophiae studia compulerunt. Si auro illo non caruissem, nunquam ad hanc me philosophandi provinciam contulissem, cuius animus, pecuniarum studio & cupiditate incensus, legum civilium incendio atque ardore flagrabat. Eripuerunt mihi incitamenta vitiorum, virtutum irritamenta reliquerunt; divitias, quibus ad leges est opus, abstulerunt; paupertatem, Philosophiae comitem, dimiserunt. O felices Deos immortales insidias! o impetum acerrimorum hostium amicissimum!

o pugnam denique illam, in qua victi sumus, invictissimam ! gloriosissimumque ex calamitate triumphum ! Tunc enim me primum, a fortunae iugo & potestate subtractus, ad animi mei quietem, tranquillitatem, otium libertatemque, revocavi. Nam contentum esse suis rebus, nihil appetere, nihil quaerere, nihil desiderare, animum ad omnem fortunam excelsum gerere, virtutem ultro complecti, vitia sponte detestari, ea mihi summa demum videtur esse libertas. Haec Philosophia praestat omnia, in qua nos, Pandulfe, cum saepe alia, tum maxime hoc tempore, cum Sulmonense duce & praeceptore nostro versamur, a quo quaecunque de fugienda ingratitude accepimus, litteris mandare constituimus hortatu tuo. Itaque ubi ipsi finem fecimus dicendi, me, ut solet, commendato, in hunc modum locutus est : Commodum mihi videtur hinc abire, ut ad umbram illam, quae sub ulmo est, sedeamus. Huc iam solis radii penetrarunt ; quam ego rem, ne orationis tuae cursum interpellarem, rationesque interromperem, aliquanto sum perpeffus diutius, quam valetudo postularet. Ibi, quod est reliquum contentionis nostrae, persolvemus. Eamus, inquam ; sed vide, ne quod tu novum in me bellum moliaris. Satis iam videor tecum, nescio quam aequo Marte, conflixisse ; satis iam illo veteri & trito, ut ais, Graeculorum more

con-

Mutato loco,

*excitatus a
Campano,*

contendimus. Feci equidem id invitus, et si pace tua dicendum est, etiam laceffitus & a te ipso compulsus. Sed iam vides, inclinare solem; nunc eo ventum est, ut non per inficias contentionesque discurrere, sed, quod principio dicendi pollicitus es, sententiam tuam statuere, oporteat. Fortassis etiam expectamur domi; tuin vereor, ne hoc tempus vix tibi sit futurum satis ad concludendum. Recte opinaris, inquit; atque ita, subiectis palliis, in umbra confedimus. Hic ille, graviter, inquit, mecum decertasti hodie, meque in mea castra fortiter repulisti. Congratulor itaque tibi vehementer. Iam pridem acumen tuum facpius admiratus, magnum, nescio quid, de tuo mihi ingenio pollicebar; nunc non admiror solum, sed pene erumpor laetitia, cum vim tuam dicendi, copiam varietatemque, contemplor. Nam cum essent a me dicta permulta, non ad tentandum modo, sed ad rationes illas tuas quasi de industria confutandas: Dii boni! quam acute, quam varie, quam uberrime, omnia dissolvisti. Perge itaque, ut coepisti, adolescens; Philosophiam totis viribus ac manibus, ut aiunt, pedibusque complectere: spero equidem, in magnum te virum doctissimumque hominem evasurum; me autem habebis nulla tibi opera, nullo tempore, defuturum. Sed, quid ipse sentiam de ingratitudine, diligenter attende; nihil iam loquemur fictum,

Nicolaus
Sulmonensis

praemissa
istius mode-
sta laude,

veram suam
de ingratitu-
dine aperit
sententiam.

Et videtur
omnino in-
gratitudo
longe turpis-
simam maxi-
meque dete-
standum sce-
lus.

nihil simulatum aut commentitium, ad veritatem omnia atque ad ipsam animi sententiam referemus, iudiciumque nostrum, ut sese habet semperque habuit, aperiemus. Contemplanti mihi saepe & res omnes ad bene sancteque vivendi studia referenti, virtutesque ac vitia dies noctesque consideranti, quibus vita nostra vel exornari, vel praeceptis agi, solet, nihil pulchrius videri solet, nihil honestius atque homine dignius, quam esse gratum; contra vero nihil detestabilius, nihil turpius & ab omni genere hominum alienius ingratitude. Vide, quantum abest, ut velim tecum novo bello contendere. Iam enim paulatim in sententiam tuam ipse delabor, ut cognoscere, quid hac de re sentiam, facile possis. Nec agam prolixius. Nam quid per Deos immortales vel ad societatem illam coetumque mortalium inutilius, vel ad vitam honeste agendam incommodius, vel ad amorem, gratiam, benevolentiam, comparandam alienius, vel ab omni officio, disciplina, humanitate, remotius ingratitude? Nam cum omnis nostra vita ulterius constare beneficiis & mutua contineri caritate videatur, atque ita vivamus inter nos, ut alterius ope atque auxilio vacare nequeamus, sitque societas nostra, ad quam nati homines videmur, in benevola quadam & iucundissima consuetudine constituta; quid hoc scelere potest cogitari perversius? quid in-

DE INGRATITUDINE FUGIENDA LIB. III. 681

insalutarius inveniri? qua re gratia pellitur, Id vero par-
 humanitas & benevolentia submoventur, tim propter
 commutis via honestaeque vivendi consuetu- naturalem,
 do pervertitur. Cetera quidem scelera, qua est, tur-
 quantumque sint illa nefaria, unum aut alium pitudinem,
 offendunt, habentque aliquid vel voluptatis,
 vel utilitatis, quo pelli homines aliquan-
 do delinquant. At ingratitudo non minus
 ei, qui committit, quam in quem com-
 mittitur, obesse solet: alteri, quoniam
 beneficia nunquam amplius conferentur;
 alteri, quoniam, quae profutura puta-
 bat, prodesse non poterunt. Itaque
 omnibus molesta atque infensa mortalibus,
 in qua nulla cum voluptate aut delectatio-
 ne, nulla cum utilitate, delinquitur. Facit
 quis furtum, ei nocet, cui surripitur, pro-
 dest autem plerumque surripienti; in adul-
 terioprehenditur, iniuriam fecit viro,
 mulieri ac sibi peperit voluptatem. Siquis
 ira percussus, & quibusdam quasi furiis ac fa-
 cibus inflammat, amens feretur, minabi-
 tur, franget, deluciet domo familiam, extur-
 babit; perbrevis erit ille furor. Quid
 si etiam diuturnus? eos duntaxat offendet,
 qui causam, quare iratus fieret, praebue-
 runt. Quid ingratus? Nulla causa, nisi sua
 perfidia, concitatus, eos laedit, quos non
 debet, quos debet, non laedit. Non enim
 inimicis erit ingratus. Sed quid ego vitia
 commemoro? quasi aliqua possint vitia cum
 hoc nefario & truculentissimo ingratitudinis
 scelere comparari. Equidem plurimos au-

partim pro-
 pter turpissi-
 mos, quos
 producere so-
 let, effecit.

dire soleo, aetatem hanc nostram haud parum accusantes, cum aliorum multitudine flagitiorum, tum vel maxime ingratorum copia incredibili. Queruntur enim & multi, & saepe, paucos admodum inveniri homines, qui & cognoscant beneficia, & cognita dignis meritis prosequantur. Accedit etiam vehemens animi perturbatio. Quippe si ab hostibus & inimicis, si ab incognitis & peregrinis, opem implorantes minime impetremus, si etiam irrideamur, aequo id animo ferendum putabimus, non culpaе id alienae, sed nostrae potius fortunae & calamitati tribuentes. Sed vero despiciemur ab ingratis, quos ornavimus, quorum opes auximus & dignitatem: dici non potest, quanta ira, quanta concitatione animi & mentis furore torqueamur; execramur nos ipsos, durissimos atque acerbissimos cruciatus imprecamur; beneficia, quae contulimus, in nostram redundasse ignominiam existimamus, factumque id non minus temeritate nostra, quam perfidia putamus aliena. Tunc oculos, si fieri posset, ingratis evellemus, tam ardenti furoris incendio concitati, ut coelum, terram, maria, provocemus, serpentes ac tigres excitemus. Quod & sapientissimus Poeta cognovit, Et sic accensa profatur: (erat enim animo vehementer perturbato) Nec tibi diva parens, nec Dardanus auctor, perfide; (putabat, tantam nobilitatem non posse cum ingratitudine esse coniunctam,) sed duris genuit te cautibus hor-

horrens Caucasus; (non humana stirpe, sed ex lapidibus, natum esse, putabat.) Hircanaeque admoveunt ubera tigres, (e crudelissimis etiam animalibus educatum, ut ostenderet, tantum inesse huic nefario sceleri truculentiam, ut, quicumque tanto se facinori devinxerint, non solum omnem prorsus exuisse humanitatem, sed crudelissimam atque immanissimam feritatem induisse, videantur. Quid tum? Vide, quibus illum verbis excretur,.) Spero equidem mediis, si quid pia Numina possunt, supplicia hausurum scopulis. (Deos immortales tanti sceleris ultores appellat, & quem hospitio foverat, cuius classem refecerat, socios disiectos a monte reduxerat, ut inter saevissimos scopulos obruatur, exoptat. Quantum praeterea odii? quae malevolentia? quae pertinacia?) Omnibus umbra locis adero, dabis, improbe, poenas. (Sua illum conscientia doliturum putat, conceptumque an ingratos odium ne morte quidem posse deleri. O summam Poetae sapientiam!) Eumenidum (inquit,) demens videt agmina & geminum solem. (furore magno concitata perfertur; quam aperte declarat, solam se accusare ingratitudinem, & aequo animo ferre non posse.) Quia auxilio iuvat ante levatos & bene apud memores veteris stat gratia facti? (Nihil aliud, quam ingratitudinem, criminatur, quam, necesse est, fidei dei violatio sequatur.) Nusquam tuta fides.

Bie-

Eiectum littore egentem excepi & regni demens in parte locavi. Amissam classem, socios, a morte reduxi. (Vide, quam contumeliose exprobrat beneficium? quantam rursus reminiscendo concipit iracundiam?) Heu! furiis incensa feror. (Quam praeterea ulciscendi cupida?) Non potui abreptum divellere corpus & undis spargere? non socios? non ipsum assumere ferro Ascanium? (parum erat in ipsum ulcisci, nisi socios eius ac filium ad supplicium detulisset.) Et patriis epulandum apponere metis? (Nec satis arbitratur ferro natum interimere, nisi comedendum parenti apposuisset. Quantis vero dignum illum suppliciis iudicabat?) Faces in transtra tulissem, implesemque foros flammis, natumque patremque eum genere extinxissem. (Magna consternatio debacchatae mentis. Itaque universum genus extinguere penitusque delere cupiebat. Vide etiam, quam non poterat mitigari?) O Tyrii! (inquit,) stirpem & genus omne futurum exercete odiis. Exoriare aliquis nostris ex ossibus ultor. (Ultionem etiam ossibus demandabat.) Littora littoribus contraria, fluctibus undas, insuprecor, arma armis; pugnentque nepotes. Anigitur speramus, tantam conceptam iracundiam, tam immoderatum impetum, tam effrenatum furorem, tam vehementem & praecipitem odii concitationem, posse deponi? Semper hic poeta visus mihi sapientissimus.

tissime accuratissimeque locutus omnia, sed hoc immane atque nefarium scelus quantas odii faces habeat, multo sapientius atque accuratius explicasse. Itaque illa Deos, illa homines, sylvas, montes, feras, littora, non humanis contenta testimoniis, appellabat. En tibi hominem ex eadem umbra paulo duriores, qui, cum omnes causas iracundiae convivam amicum deponere iussisset, domesticas similitudines, valorum fractiones, adulteria uxoris, omnia haec, inquit, & quicquid habes tristitiae, meo in limine deponas oportet, sed ingratos ante omnia pone sodales. Intelligebat homo callidus, nulla ex re tam vehementer animos offendi amicorum, tam ad iram atque odium concitari, quam si, quibus ipsi beneficia contulerunt, opesque auxerunt, ab iis, cum opus est, gratia destituti, proditi esse viderantur. In rabiem conversa est Hecuba, ut filium ulcisceretur, non Hectorem, quem Achilles, non Paridem, quem Ajax interfecerat, sed Polidorum, quem Rex affinis amicusque necaverat. Furiis arctatus est Ajax, non aliqua belli calamitate perculsus, non incendio navium, non Hectoris victoria, non exercitus profligatione, conterritus, sed sociorum ingratitudine perturbatus. Sic enim existimabat, nihil sibi crudelius, nihil calamitosius atque indignius, accidere potuisse, quam non ab hostibus, quos semper offendisset, sed a sociis,

Exempla.

quos

Mirum, quantum odium in ingratos,

quos non nunquam servasset, & gloriae ornamenta spoliari. Quapropter saepe, quod in hostem remissius cupimus, id in ingratos ardentius imprecamur. Quis hostem supplicio potius, quam misericordia dignum? quis interficiendum crudeliter magis, quam liberaliter servandum esse putabat? Quid in ingratos? Nulla misericordia, nulla liberalitas, adhiberi potest, officio in iniuriam, amor in odium malevolentiamque, converso. Nec ullum, quod vulgo dicitur, acetum acrius, quam quod vino exortum est dulci. Ab hostibus expectas iniuriam, vim, rapinas, clades, calamitates alias innumerabiles. Si quid horum eveniet, non decipieris; & tu cavere potuisses, & ille functus est officio. Ab amicis autem, beneficio affectis, quid tandem expectabis? Non honorem, auxilium, salutem, consilium, dignitatem? Si quid eveniat secus, tum maxime videberis deceptus, & ille scelerate fecit; & tu tibi ab illo non putabas esse cavendum. Quod si hostes iura quaedam & habent, & servant, bellorum, ne quid dolo agere, ne quid fraude & proditione, videantur: quanto maiori supplicio dignos censebimus ingratos, qui & liberalitatis iura despiciunt, & integritatem, quam nobiscum praecipuam servare debuissent, fraude ac perfidia sceleratissime violaverunt? Sed nimis lente progredimur; velis est hic cursus rebusque conficiendus. Itaque oratio.

tionem meam continuam & profluentem diutius demorari, & quasi per ambitum circumactam, retardari non patiar. Utinam par animo adhiberi possit oratio. Equidem ingratos istos mecum ipse considerans, nescio quo pacto, incendor animo, & odio quodam efferror incredibili. Unde initium capiemus dicendi? An est quaedam circumscripta & seientia res, de qua separatim dici possit? Nullum scelus, nullum flagitium, nulla turpitudine, nulla immanitas, nulla crudelitas, nulla impietas, nihil denique turpe atque horrendum, quod non ab hoc nefario ingritudinis scelere exoriatur, nullum vitium detestabile, quod non ab ingratorum perfidia, tanquam ab omnium malorum fonte, manare ac latius profluere videatur. Serpit enim hoc malum, & nescio quo pacto, per omnes vitae actiones inceptis, omnia foedans, contaminans, crucians, quocumque delabitur. Nam quid per Deos immortales amicitia melius? quid utilius, iucundius, salutaris, comparatur? At ingratitude tollit ac delet funditus amicitiam. Haec tota in benevolentia, tota in officio, tota denique in caritate, versatur. Ingratitude res est odiosa, vitae officia violat, extinguit caritatem. Quocirca definitionem valde equidem commendo, eique vehementer assentior, esse ingritudinem ventum quandam exurentem, omnem caritatis fontem exsiccanter. In amicitia ad prome-

vel ob innumera, quae coniuncta habet ingratitude, omnium flagitiorum infausta mater, vitia augetur.

rendum

rendum quidem diligentissimi ac studiosissimi, ad referendum vero promptissimi, esse debemus; ingrati autem, & in promerendo negligentissimi, & in referendo tardissimi, sunt. Amici fortunas, opes, honores, dignitates, omnia, censent oportere esse communia; ingrati ad suam solum utilitatem omnia metiuntur. Quid pietate praestabilius? Ingrati omnem abiciunt pietatem, neque parentes alunt, a quibus vitam, corpus, animam, susceperunt, neque patriam tutantur, a qua foti & sustentati, nulla eius in se beneficia meminerunt, nec Deos colunt, a quibus, in hanc pulcherrimam lucem producti, vitam simul cum ratione susceperunt, nec aras, focos, templa, delubra, venerantur. Ierati quandam atque immanem prae se ferentes impietatem, trucibus & cruentis oculis hominum fortunis inhiant, & tanquam rapaces aves dilaniant, diripiunt, depilant, amicorum sanguinem fraudulentis rostris exsorbent, officii, benevolentiae, humanitatis, obliti, praedam utilitatis escamque sectantur. Quapropter non iniuria rapacibus duxi alitibus comparandos, quas natura feroces genuit vetuitque congregari. Nunquam enim comitatae, solae semper, aspiciuntur. Quod idem apparet in ingratiss, quos, praedae intentos, involare, rapere, exsorbere, solo incedere, nemini societate coniungi, nullius amicitiam colere, videmus.

Unde quam O eradicandum genus hominum! o pestiferam

feram & perniciosam herbam! ex vitae hu-
 ius agro radicitus evellendam. O labem!
 o maculam! o tabificum venenum societatis
 humanae! quae concordia, quae societas,
 quae benevolentia potest esse inter in-
 gratos, homines teterrimos atque foedissi-
 mos, ad odium natos, ad rapinas instru-
 ctos, ad perfidiam educatos? Nam quid di-
 cam de conservatrice rerum iustitia? quam
 sic violant funditusque evartunt, ut nihil in-
 gratis videri possit iniustus, nihil pravius
 atque iniquius, cogitari? Est illa posita in
 omnium rerum divinarum atque humana-
 rum aequabili & perpetua moderatione,
 unicuique, quod suum est, tribuens, eripi-
 ensque, quod non est suum. Ingrati nihil
 agunt moderate, arrogant sibi aliena, quae
 sunt aliis tribuenda, non tribuunt, quae re-
 ferenda, non referunt. Distingor coqui-
 dem divellorque dolore, cum aliquem ex
 istis intueor, non statim sapi eum subli-
 mem & ad poenam suppliciumque deduci.
 Nec tecum magnopere dissentio, quanquam
 multa divinis simulas, esse illos cruci-
 atis dignos, omni duro supplicio afficien-
 dos. Etiam sculeo? Etiam digni sunt,
 qui, lupino sacco cum gallo sinisque confu-
 ti atque involuti, praecipitentur in profluen-
 tem. Nam si peccatum aliud alio minus
 iccirco iudicari debet, quoniam in eum
 peccatum, in quam mentis peccari convolv-
 niret? sola vigetur distinctio: ingratus
 est nimirum
 ingratitudo
 omnium ma-
 ximorum vi-
 tiorum maxi-
 mum, quae

vehementissi-
 me in ingra-
 tos inuchi-
 tur.

sola peccata
distinguit.

Id quod ulte-
rius proba-
tur,

peccata. Maiore itaque poena plectuntur, qui parentes, quam qui alienos, necaverunt. Cur ita? Quia plus ingratitudinis commiserunt. Quid? qui diripiendam hostibus patriam prodiderunt? Multo maiore. Quam ob rem? Quia in plures fuerunt ingrati, in amicos, in affines, in liberos, in parentes, quorum fortunas & corpora hostium potestati ac libidini subiecerunt; in Deos immortales, quorum aras ac templa dirui, funditusque interire curaverunt. Quid in peregrinos? Licetne eos necare impune? Minime. At illi nullo nobis devincti sunt beneficio. Fateor. Non igitur faciemus ingrati, si quas illis insidias atque iniuriam faciemus? Non recte sentis. Genuit nos natura sociabiles, dedit fomenta quaedam & igniculos benevolentiae, quos non suppressere odio, aut extinguere, sed excitare ac succendere debeamus caritate. Aget nobiscum ipsa natura, accusabit ingratitudinis, si, quas illa vires ad benevolentiam omnium gentium dederit, ab ipsa producturum, eas nos in odium & malevolentiam convertamus. Quorsum, dices, haec? Quid putas, nisi ut intelligas, ingratitudinem non solum scelus esse maximum, sed fontem etiam scelerum omnium reliquorum, quas tanto puniuntur acerbius, quanto plus habere ingratitudinis videntur? Quid dicam, violari fidem, officia vitae perverti, extingui liberalitatem, largitiones & munificentiam

tiam e vita tolli, similitates atque odia nasci
 sempiterna? Quicumque enim est ingratus;
 idem est perfidus, idem iuris, officii, fidei,
 violator, idem omni scelere flagitioque con-
 taminatus. Nam si res, si pecunias, si con-
 iuges, si liberos, si arcēs, si capita dem-
 que nostra, iis committere soleamus, quos
 arbitramur, aliquo nobis beneficio esse de-
 victos; si in hos fortunas spesque nostras
 collocamus; si iccirco iuvamus multos,
 opitalamur, subvenimus, ornamos, ut ha-
 bere possimus, quibus fidem in negotiis,
 spern in periculis, adhibeamus: quales tibi
 videbuntur ingrati, qui praedam tuam, non
 te, secuti, spe ac fide plenum, in media, ut
 arant, flamma incendioque destituent? &
 cum optis erit auxilio, miseram atque affli-
 ctam amicitiam deserentes, ad meliorem
 florentioremque fortunae faciem devola-
 bunt? Quo tunc ipse confugies? Quos im-
 ptorabis? Quibus supplicabis? Multa qui-
 dem & ampla sperabas; sed frivola, ut di-
 citur, recte nitebaris. Atqui nondum
 concludo, quae volo. Restant alia maiora.
 Sed quae tandem istis possunt esse maiora?
 Nulla crudelitas insignis, nulla immanis
 proditio principum, hominum, civitatum,
 nulla fraus, nulla perfidia, esse potest, nisi
 quam ingrati aut fecerunt ipsi, aut ab aliis
 fieri cōsaverunt. Vendidit hic autem pa-
 triam. Quam ob rem vendidit? Quia in-
 grato, qui tuto id facere potuit, seculum illud

commiserat. An putamus, alia id de causa tuto facere potuisse, nisi quia, quem patria ipsa exornaverat, extulerat, ad amplissimum dignitatis erexerat, ei se tuto credendam committendamque esse putavit? Prodit hic amicum. Cur non potius inimicum? Eum ipsum fortasse libentius; sed huic se ille nullo modo commisisset. Ergo illum prodidit, qui se continuit. At ideo certe commisit, quia vincula quaedam officii extare putabat, quae iste, nisi fuisset ingratus, nullo modo perfregisset. Omnes igitur, qui produntur, ab ingratis produntur. Quid crudelitatem? unde manare censeamus? Interfecit quis inimicum, iugulavit, suspendit, trucidavit, paribus, oculis, auribus, deformavit. Quis non hunc iratum potius, quam crudelem, appellaverit? Hospitem vero si quis necavit, aut amicum, aut parentem, aut aliqua se cum affinitate coniunctum: quis hunc iratum? quis non potius crudelem, immanem, truculentum, censeat iudicandum? Habet id ingratitudo, ut, nisi inter coniunctos, vel natura, vel officio, committi non possit. Quam qui committunt, quanto inter se coniunctiores sunt, tanto erit illa iudicanda deterior. Nam, ut dixi, nisi inter aliquos devinctos vinculo, esse non potest. Quinam, obsecro, Alexandrum interfecerunt, nisi quibus ipse, ample magnaeque ornatu, vitam, corpus, animamque cre-

exemplisque
illustratur.

credebat? Qui rursus Cn. Pompeium tam nefarie trucidarunt, nisi quos ipse, ab hostibus patrio atque avito regno deiectos, in pristino regiae dignitatis fastigio collocaverat? Qui praeterea Darium? qui C. Caesarem confoderunt? nisi quos ipsi ornaverant, quorum auxerant atque amplificaverant dignitatem? Quid dicam, osculum illud sanctissimae Religionis nostrae nefarium atque crudele & inde profectum, unde proficisci minime debuisset? Fuit genus illud mortis ex omni, ut scimus, parte violentissimum, ut plane constet, nullum unquam omnino fuisse violentius, cuius indignitatem, quo nihil deesse posset acerbitalis, auxit ingratitudo. An igitur dubitamus, hanc unam quaesitam esse rem ad cruciatus illos durissimos coacervandos, ad mortem denique illam acerbissimam & truculentissimam omni suppliciorum ac scelerum importunitate cumulandam? Quicumque itaque crudeliter, quicumque scelerate nefarieque, perierunt, ii omnes ingratitudine perierunt. Hoc unum est malum, a quo omnia scelera, cuncta flagitia, universae turpitudines, manaverunt. Haec ego sentio de ingratitudine; nec fui durior, quin morem tibi statuerem esse gerendum. Vides enim, quae copiosius dici potuissent, quam brevissime esse tractata, ut non tam percurrisse pedibus haec videar, quam alarum celeritate pervolasse. Hoc

Conclusio fe-
riam conti-
net adhorta-
tionem ad
ipsam ingra-
titudinem ac-
que, ac ingra-
tos devitan-
dos.

tantum adiecerim, nihil tam foedum, tam
turpe, tam immane, tam sceleratum, tam
denique flagitiosum & detestabile, dici posse,
nihil tam nefarium atque impium excogi-
tari, quod ingrato non videatur quam apissime
convenire. Quocirca devitemus hanc im-
manem & perniciosam belluam. Non il-
lum amicitia, non aditu, non congressione,
non consuetudine, non sermone, non aspe-
ctu, dignum existimemus. Acerrimum ini-
micum humanitatis, liberalitatis extincto-
rem, Deorum immortalium contemptorem,
omnium, denique auctorem flagitiorum,
aspernemur, abhorreamus, & tanquam pe-
stiferum aliquod animal trugulentamque be-
stiam fugiamus. In hunc flammis, in
hunc odia, in hunc faces, in hunc incendia,
coniciamus & tela, atque in eius omnes
impudentissima ora, tanquam in nefarium
aliquid, conspuamus. Habes iam animi
mei sententiam, quam sic tibi manifeste pa-
tesceci, ut non tam locutus graviter videar,
quam concitatus ardens. Tu si haec pro-
bas, bonam operam navavimus, idem-
que saepe faciemus. Ego vero, in-
quam, probo. Atque ita, acceptis
pallis, facto tandem dicendi
fine, discessimus.

IOAN.

IOANNIS ANTONII
CAMPANI DE REGEN-
DO MAGISTRATV AD
FRANCISCVM LVCIVM,
EQVITEM SENENSEM,
PRAETOREM RO-
MANVM.

Cum saepe in eum sermonem incide-
remus, qui esset de gerendis magi-
stratibus & rebus publicis admini-
strandis: memini, Luci carissime, quam
attente me audires, his de rebus non simula-
te disputantem, ut solent multi, sed aperte
dissentientem, quae sentirem. Iungere enim
utilitatem cum honestate conabamur; ea
complectentes maxime, quae ex modera-
tionis fonte nata ad commune commodum
civitatis & amplificationem reipublicae per-
tinerent; quibus ipse quoque mirum in
modum assentiebaris, videbaturque, forte,
ut, si quando accederes ad magistratum,
iturus esses quasi vestigiis orationis nostrae.
Nunc vero, cum pro singulari prudentia &
praecipua integritate tua Praeturam urbanam
adeptus sis crebris nuntiis contendis, expli-
cari tibi literis, quae coram solebamus, ut, qui-
bus monitis privatus instruebaris, ea, in am-
plo gradu dignitatis positus, ad civium tuo-
rum utilitatem possis accommodare. Nos
autem hoc tibi libentius obtemperavimus,
quod in eo versamur vitae circulo; quod,

Causa atque
ocasio scri-
ptionis.

Christianae
religionis fi-
nis prima-
rius.

Secundum e-
iusdem prae-
cepta vivendi
norma atque
modus.

Exemplorum
usus.

totum pertinebat ad pie sanctoque vivendum,
propositam habet universi generis humani
summam honestatem, totum est humanita-
tis, & docendo, & hortando. Abducti
enim terrenis cupiditatibus, aetatem fere om-
nem in Christianae religionis praeceptione
consumimus, quae cum alia instituit prae-
clare, tum civiles societates in officio &
tranquillo vitae statu continet, si eius praecep-
tis obtemperetur, cuius illud praecipuum est
opus, ut quam rectissime vivamus omnes.
Haec autem ratio vitae statuendae duabus
rebus comparatur, praeceptis & exemplis.
Sed de exemplis quidem nihil attinet dicere
hoc in loco. Neque enim ad nostrum vi-
vendi genus revocamus; liberior est tibi
vitae ratio, & ad agendum, & ad sentien-
dum: sed tamen, ut imitari oporteat,
quos videas in regenda civitate optimos,
aut, quod maius est & gloriosius, ut, qui
optimi videri velint, te unum imitentur, te
praecipuum sequantur honestatis ducem.
Accedit etiam antiquitas & cognitio gesta-
rum rerum. Occurrunt tibi exempla ma-
iorum tuorum, gentium & nationum exte-
rarum, civitatum & populorum; ex quibus
omnibus aliquid decerpi potest, quod cum
laude possis usurpare, qui est fons haurien-
dis exemplis uberrimus. Nulla enim est tam
barbara, tam inculta, quae non aliquid aut
gesserit, aut tulerit, memoria dignum,
unde, si quid est gestum praeclare, si iuste

ac sapienter factum, si dictum eleganter, graviter, si callide & prudenter excogitatum, omnia cum dignitate possis præstare. In quibus aut non curabis, aut, multorum, qui te antecesserunt, vestigia secutus, errabis, et si non eadem est semper vivendi ratio omnibus; multa tempus, quaedam etiam locus, affert, quibus sapientis viri iudicium facile moderatur. Sed haec, quae ad imitationem optimorum pertinent, magis a te intelliguntur, quam queant explicari a nobis. Praecepta vero traduntur illa quidem, sed haec quoque ad communem cursum civitatum, quam ad stateram religionis, aptiora, ut queri non possis, maius tibi impositum onus, quam quod ferri possit, qui in communi vita & civili societate versatur, ubi aliquanto vagatio est laxior. Itaque nihil à trita, ut a sunt, recedemus via, nec ullas in angustias te compellemus; iter tantum ostendetur, quo sis ad gloriam & laudem expeditior. Civitatis recte administrandae primum locum obtinent Magistratus, quorum tanta vis est, ut, prave negligenterque habitis, quaevis maxima evertant imperia; diligenter autem & recte gesti, amplissima quaeque tueantur. In his enim omnis civilis aequitatis moderatio, in his salus & tranquillitas civium, continetur, qui sunt constituti, non ut opes accumularent, qui multitudini praefint, sed ut constent omnium iura, imperium commune crescat, fortunae civium tutae sint ab

Quis vero sit
praecepto-
rum.

Magistratus
vis & effe-
ctus.

Magistratus
gerendi gra-
ve munus;
quibus vero
leve vide-
tur.

Quaeritur,
quales esse
oporteat, qui
magistratus
gerunt?

Nimirum ne-
que tardos,
neque mali-
gnos.

sive neque
hebetiores,
neque prae-
cipites.

iniuria, & dignitas angeatur universae civita-
tis. Quod quale sit munus, ex ipsa fronte ora-
tionis nostrae poteris intueri. Grave pro-
fecto & onerosum homini ad dignitatem
cuncta referenti, ceteris videri potest levius,
qui, ut minimum afferunt diligentiae ad com-
munem salutem custodiendam, ita ad effe-
rendam ostentationem ambitionis & inso-
lentiae plurimum; qua in re adeo ferri ne-
queunt, ut nihil videri possit inflatus. Sunt
etiam, qui odio & rapina sic armentur, ut
non eorum custodiae traditae, sed depopu-
lationi datae, civium omnium fortunae vi-
deantur. Nos vero, non quales sint, qui
gerant magistratus, sed quales esse oporteat,
quaeri volumus, idemque te velle existima-
mus, ut possis non solum naturam tuam du-
cem sequi, sed etiam praeceptis nostris ad
optimum, quod sit, pervenire. Qua in re
adhibenda est Platonis diligentia, qui eos so-
los censuit admittendos reipublicae muneribus,
qui essent idonei, ceteros autem longe
repellendos, quorum vel ingenii tarditas,
vel naturae malignitas, rem communem
efferre non posset. Quosdam enim tulit na-
tura ipsa paulo hebetiores & tardos ad de-
liberandum, alios vero, acutos illos quidem
& ad consultandum acres & industrios, tamen
parum moderatos, praecipites ad iram, ad
inimicitias atque odium, pertinaces, simul-
tatum cupidos & seditionum; quo nihil est in
libera civitate perniciosius & magis fugien-
dum

dum. Haec autem omnia cum ipso nascun-
 tur homine, & deponi saepe non possunt;
 occultantur non nunquam ad tempus, quo
 maiores suscipiant vires, ad statum civitatis
 perturbandum; neque ulla est ad nocendum
 pestis acerbior. Magistratum igitur prae-
 clare qui vult gerere, hunc ita & natura in-
 stitutum esse oportebit, ut nihil in eo defi-
 deretur, quod ad sumum virum pertineat,
 ut acce ingenium, non abiecta forma, per-
 spicax & matura gravitas in consulendo,
 vivax atque ardens in re bene gerenda dili-
 gentia, & quae satis explicari non potest.
 Intelligitur tamen comitatis acrimoniaeque
 mediocritas, ut neque foedetur iustitia im-
 mani crudelitate, neque lenitate nimia lan-
 guescat, quorum alterum servilem con-
 temtum parit, alterum odium tyrannicum;
 sed sit facilis quaedam mixtaque severitas,
 nata quidem ab ingenio, sed tamen etiam ab
 arte profecta. Nam haec quamquam habe-
 antur natura; non nihil etiam studio com-
 paratur. Conferunt praeccepta clarorum
 hominum, maxime Philosophorum, quo-
 rum ea solet esse sententia, ut neque cruentam
 tyrannidem, neque mollem licentiam, ferri
 putent oportere. Neque enim magis Ro-
 manorum opes attrivit crudelitas Neronis,
 quam mollities Sardanapali Assyriorum.
 Quamquam harum rerum peior crudelitas
 est & perniciosior. Evertit enim uno mo-
 mento civitatem; lenitas paulatim enervat,

sed faciles in-
 genio, for-
 mosos, per-
 spicaces, gra-
 ves, diligen-
 tes.

Praecipue ve-
 ro studeant in
 omnibus me-
 diocritati;

cum

Cuius poster-
ioris vis at-
que effectus
paulo ube-
rius decla-
rantur.

Maxime vero
oportet esse,
qui magistra-
tus gerunt,
pios;

eum violentius robusta cadant, quam imbecilla deficient. Sed haec, quanquam, ut saepe iam diximus, a bonis institutis, magis tamen a natura, desiderantur. Itaque hanc tu quasi primam artem tuare, ut neque duriorē te praebeas, quam humanitatis postulet ratio, neque laxiorem, quam officii dignitas permittat. Quā mediocritate, mirum est, quantum laudis sibi pepererunt, qui gubernacula rerum publicarum suscepunt. Nec ullum est temperamentum conservandis civitatibus accommodatius, siue bello fluctuent res, siue pace conquietant. Quod praechare Coelius noster, ut est omnium in sermone gravissimus, definivit, interrogatus ab architecto quodam, quod malthe gentis ad muros urbium conficiendos esset tenacius, respondit, quod ex magistratuum moderatione & civium concordia conficeretur, ut nullae, quamvis editae ac latae, turres cum illo sint conferendae. Qui autem mediocritatem hanc praestare non possit, tanquam ineptus publicis muneribus arceatur. Pari enim calamitate afficit rempublicam, qui eius vincula ita contrahat, ut rumpat, qui ita laxat, ut dissolvat. Sed de hoc satis multa diximus. Sunt deinde alia quaedam ab animo bene instituta, tanquam a fonte nascentia, quibus si exstiterint, omnia evertantur, necesse est, ut id, quod omnium est primum, & humanis in rebus latissime patet, habere Deum immortalē ante

ante oculos, ducemque ad omnia sequi, ut instituta religionis nec offendas ipse, nec, quantum fieri potest, ab alio quoquam offendi patiaris. Deinde ut conscientia tua, Tum conscientiae suae id est, animi sententia, traharis ad iudicandum, nec ulla percitus iniuria, nullius impulsus inimicitia, nullo, quamvis ingenti, rectam rationem sequantur: pretio, nullius gratia aut amore, nisi aequi & boni gratia, movearis. Existimes civitatem, cui praesidis, fidei commissam tuam, non potestati traditam, & eum ipsum, quem geris, magistratum non ad utilitatem tuam, sed ad commune commodum universae civitatis, aut, si id non possit, ad salutem bonorum, esse referendum, plusque tibi onera impositum, quam dignitatis aut honoris collatum, putes, eumque fructum esse uberriorem, ut prole omnibus, officias nemini, ne laceratus quidem, nisi publicae utilitatis causa. Postremo est tenendum, quod in publicis negotiis vires habet amplissimas, ut Denique nec neque bonorum consilia negligantur, neque bonorum consilia spernant, nec admittantur improborum. Nam ut a primo incipiamus: Deum immortalem propitium si habueris, firmum tibi iecisti fundamentum omnium, quae facturus dicturusque sis, etiam quae cogitaturus. Omnia sequenda sunt colenti Deum, adversa spernenti, &, qui religioni studens divina tutatur, fluctuare potest aliquando, mergi nunquam potest. Nec soli tibi religio ipsa colenda Laus pietatis est, sed universae familiae tuae metus divi atque fructus; nitatis

maiestatis? quantum observantiae & auctoritatis? Ad affectus autem exasperandos aut leniendos, quo genere vitae quid Deo, Principi optimo maximo, acceptius sit, aut homini salutaris, non video. Nec est, quod te sacris ritibus initiari postulem, paucorum illud est opus, & eorum, qui aeterna mortalibus anteponunt, mente freti praesaga rerum futurarum, spretisque dignitatibus & fortunis, quas mortales tanto mirantur & quaerunt studio, omnes cogitationes & vigilas in supremi parentis cognitione posuerunt. Ceteri, quae sunt ante oculos, intuentur, futura tamen, sed raro, & per caliginem aut nebulam insipientes. Nonnulli pecorum more, omni spreta religione, quicquid loquantur, cogitant, faciunt, turpissimo voluptatis sine metiuntur. Horum neque res gestae probari possunt, neque vita laudari, nullaque sunt auctoritate, a publicis gubernaculis longo intervallo abiicendi, cum neque ipsi praecleara aut utilia gerere, nec ceteros ad ea gerenda hortari, soleant, aut si fuerint hortati, nemo est, qui assentiatur, etiam honesta suadentibus. Qui enim contemnit Imperatorem Deum, hunc honestatem colere non putant posse. Probitatis autem mirum est, quanta sit veneratio, eius maxime, quae, coniuncta religioni, & integritatem a natura habet insitam, & a cultu divinitatis honestatem, ut, quicquid persuaderi velit, dici non possit, quam facili-

item honor
atque vene-
ratio;

lis sit omnium assensus. Fit etiam, ut in eo genere hominum vel minima delicta vix credantur, etiam manifesta; in improbis autem vel maxima scelera, etiam occulta, pro compertis habeantur. Quae fides in rebus gerendis cum in ceteris valet plurimum, tum in his, qui in republica versantur, maxime est necessaria. Tollere inimicitias, discernere, quae sint in rem civium, suadere pacem, hortari atque irritare ad bellum, flectere ad misericordiam, excitare ad iniurias depellendas, denique omnia, quae in libera civitate tractantur, quis magis debet, quam qui positus est in magistratu? quis magis potest, quam qui significationem prae se ferat religiosae bonitatis? Haec autem eo spectant omnia, ut & cultui divino vaces ipse, vacetque familia, & eos ne contempnas, qui, contemplatione delectati rerum divinarum, paupertatem ferre, quam pecuniis accumulandis studere maluerunt, qui aspernati haec terrena & fluxa, aeternique coelestis boni ardore incenduntur. Horum familiaris consuetudo multum prodest, & ad praestandam bonitatem, & ad ostendendam. Qui autem sacra publica non celebrat, ceremonias despectas habet, templa non frequentat, dies festos non observat, profana sacris & fluxa aeternis potiora existimat; quid hic facere aliud, quam perniciosum civem agere & immortalis Principi Deo bellum indictum habere videatur?

tur? Porro hunc hominem quo pacto ius tibi tuum redditurnum censeas? quo ius in magistratu constitutum, quem videas sanctissimo Deo, quod suum est, non persolvere? nisi levius fortasse sit scelus, Deum fraudare, quam homines, aut acerbiorē poena fures, quam sacrilegi, sint puniendi; quorum alterum ad Deum pertinet, alterum ad hominem. Denique ita maxima est vis conscientiae, ut praeceptione religionis minime seiungatur; nec ulla res est in tam vario genere virtutum, unde plus consequi possis laudis & auctoritatis, & fidei, a quibus metus & gratia gignuntur, quae duo eminentissima in republica sunt propugnacula. Haec autem religionis observantia & fructus in vita parit uberrimos, ut, ubi vita exceßerimus, proposita habeat summa praemia in aetatem omnem duratura. Itaque omnium gentium & nationum firmata est consensu. Nam & apud veteres Aegyptios sacerdotum collegia Regibus assidebant in causis iudicandis; & Aethiopum quidam ex sacerdotibus creabant Reges. Graeci causas deferebant Amphitrionibus, qui erant in Delo ministri Apollinis. Sic deinde Gallis indicia, sic Chaldaei Babyloniis, Persis Magi faciebant. Quorum omnium vita moresque pendere solebant ex institutis religionis, ut civiles disceptationes & negotia profana sacris essent coniuncta, nec abhorrerent a lege divina iura civitatum, ubi eūdem essent aucto-

Exempla Aegyptiorum,

Aethiopum,

Graecorum,

Gallorum,

Babyloni-

orum,

Persarum,

DE REGENDO MAGISTRATU. 707

auctores & reddendi iuris, & rei divinae faciendae. Romani vero, quorum res domi ^{Romanorum,} aut foris, pace aut bello, consilio aut manu, gestae summa cum laude atque admiratione memorantur, non nuptias facere solebant, nisi auspicato, & re divina prius facta, non tecta aedificare, non ire in provinciam, non bellum suscipere, non magistratui coaptari. Ius belli habebant Feciales, Aediles aedium sacrarum, Pontifices annalium, Augures tum rerum aliarum, tum inprimis magistratum, Tribuni, qui essent sacrosancti, legibus praeerant, deinde qui suis, quique sacris essent initiati. Sic in stulta multitudine Deorum erant tamen caecae superstitionis acerrimi defensores, eamque omnibus gerendis rebus interponebant, quam qui contempsisset, civis habebatur perniciosus & aperte malus. Itaque nonnulli abdicati magistratu, multi ab hoste caesi, praeter religionis exempla praebuerunt; natioque fuit nulla tam inculta moribus, tam victu barbara, quae non existimaret, Diis suis, quantumcunque excogitari posset, honoris esse tribuendum, & bonos ac pios homines parere sibi gloriam in vita non mediocrem; mortuos autem migrare in deliciosam quandam & apricam amoenamque regionem, ubi & inultum consequantur boni, & nihil mali patiantur, aetatemque agere cum Diis sempiternam, & ut quisque aequissimus fuisset in vita, sic & in morte beatissimum futurum.

rum. Tum regnare quosdam apud inferos tradit vetustas; & de poenis suppliciisque decernere, quando in vita essent habiti iustissimi; qui autem turpiter impieque vixissent, exstingui nomen eorum in terris, ipsos autem in loca praecipitari foeda, inculta, tetrica, plena calamitatum & suppliciorum; ibi neque aspectare lucem oculis, neque voluptatem animo sentire, posse. Quod si illi in tam vana superstitione ritus, quos semel recepissent, tanta pietate & cura tuebantur, adhibebantque publicis negotiis; quid est nobis in tam vera, tam honesta, tam sancta, religione faciendum? De qua re, si nimis multa scripsimus, dabis veniam plura etiam scribere cupienti. Alterum est praeceptum, ut, cum ad moderandam reipublicam fueris designatus & in magistratu constitutus, non reiicias, quorum sit opinio laudata, sed eos in consultatione magnarum rerum, quae in disceptationem veniant, admittas, audias, attendas; interdum & in causis mediocribus, quarum aliqua possit esse contentio, sive ad cives spectant privatum, sive publice ad universam civitatem. Sit hoc inter bonos malosque discrimen, ut recipiantur alteri deliberandis rebus, alteri, quantum fieri potest, abiciantur. Vetus est illud Anthistenis, tum demum perire civitatem, cum a bonis mali non discernantur, ut tanquam ager excolenda sit civilis societas. Nec minus sustentandi cives boni & ornandi

Quorum sint
in magistratu
gerendo ma-
xime adhi-
benda confi-
lia;

nimirum bo-
norum; ma-
lorum contra
reiicienda;
quos inter
uti maxi-
mum interce-
dit, ita sem-
per strenue
servandum
est, discrimi-

di sunt, quam herbae salutare rigandae & fovendae; mali autem radicitus exstirpandi, aut, si hoc fieri nequeat, propter multitudinem improborum, quibus, ut ait Xenophon, abundant plurimum civitates. Depurgatio quaedam adhibenda est, tanquam a folio frumenti. Observes unumquemque, ut officium, ut mores, ut aetas, ut auctoritas, postulat, interdum ut genus, si a virtutis opinione non abhorreat, ut eorum, qui non minus gloria sua splendeant, quam laude maiorum; nec solos afferat titulos & vetustatem ad rempublicam capeffendam. Per magni refert igitur, quorum consilio utaris, si bonorum, nihil speciosius & tranquillius agi potest; nihil foedius & turbatius, si maiorum. Inde salus civitatis, stabilitas, robur; hinc calamitas, tumultus, everfiones, oriuntur. Eam ob rem, quorum sit integritas spectata, mores cogniti & probati, auctoritas non vulgaris, aetas non contemnenda, non despectum genus, eorum sententias minime aspernare. Sic fiet, ut non solum ex re bene gesta, sed etiam, quia consilio clarorum hominum usus sis, laudem consequaris, ut sic vel maxime detractores rerum a te gestarum exitum improbare non possint. Qui autem suo iudicio, nullius consilio, facit omnia, hic aut Deus, quidam inter homines habendus est, aut, quod magis arbitror, temerarius iudicandus. Nec te moveat Hesiodi vulgata sententia, qui per se

men; & adduntur rationes.

Hesiodi sententia.

Zenonis.

ipsum rem caſſent, priorem locum laudis
obtinere, quam qui conſiliis aliorum invi-
tantur. Nam Zeno, cui magis aſſentior,
eos commendandos imprimis cenſet, qui ab
aliis moveri malint, quam ipſi ſuo ductu
rem gerere, ut, quanquam industria freti ſua
valeant ipſi ingenio & conſilio ſint perſpi-
caci, tamen, quid ceteris quoque videatur,
explorent; & neſcire interdum, quae ſcias,
haud inutile eſt. Fingunt Poetae, Iovem,
cum quid gravius ſit deliberandum, convo-
care reliquos Deos in concionem, & ordine
rogare ſententiam, ut intelligamus, eo ma-
gis conſulendos eſſe mortalibus, qui rerum
praediti ſint experientia, quo ſunt in-
genio hebetiore atque obtuſiore, quam Dii.
Qui autem per ſe ipſum agit omnia, non
tam proſpicere illum, putant, quae ad deli-
berandum pertineant, quam contemni ſe &
repudiari, tanquam rerum imperitos, arbi-
trantur, affectique hac, ut videntur, iniuria,
quaerunt, quanvis in ſumma laude, quid
accuſent, aut, id ſi nequeant, illud ipſum, con-
tendent, honeſtius atque utilius fieri potuiſſe.
Quam invidiam diligenter tibi cenſeo fu-
giendam. Sed labuntur in eam maxime,
qui, cupidi gloriae inanis, omnem ſibi lau-
dem ſtudent vindicare; nec volunt cum ce-
teris communicare, ut videre in maximis
rebus decernendis ſoli videantur. Quae laus,
eſſi eſt magna, coniuncta tamen cum civium
iniuria, plena eſt oſtentationis & inſolentiae,
parit-

DE REGENDO MAGISTRATU. 77

paritque similitudes contentiosas & discordes, quae, nisi fuerint extinctae & sublatae, perniciem afferunt civitati, ceteris contrariantibus & improbantibus. Quapropter adhibenda est moderatio omnium & optimorum consultatio. Pessimi autem cives, ut ait Plato, careant splendore, lateant oppressa vitia, nullaque pateat aditus ad dignitatem, nec unquam extollantur. At bonorum consiliis honestissimis referta sit civitas, ferveat optimorum auspiciis respublica, ductuque illorum exeant in aciem, & procedant legum decretorumque vexilla, & pacis cohortes illis ducibus suo in loco statuantur. Ubi autem improbitas valet, non impemum illud quidem dicendum est, non civitas, non respublica, sed tyrannis & secessio & turbulentia: sicariorum temeraria, praeceps ad omnia flagitia. Quae cum deducta res est, quae alia possunt evertere civitates, si haec non evertunt, aut quod tandem consilium a malis expectandum est, nisi ut bonis se praebent oppugnatores, & sint impedimento, quicquid ad gloriam, ad decus, ad honestatem, decoratur; propensi ad libidinem, ad iniurias inferendas, ad excitandas seditiones, statumque civitatis evellendum. Pariterant olim Censores Romae, qui pessimum quomque Senatu pellerent. Qua dignitate aut officio quid sanctius? Floruisse illorum respublicam videmus, quam diu bonorum consilia valuerunt. Postea vero, quam ad

Effatum Platonis.

Zenonis.

ipſos rem calleant, priorem locum laudis
 obtinere, quam qui conſiliis aliorum invi-
 tantur. Nam Zeno, cui magis aſſentior,
 eos commendandos inprimis cenſet, qui ab
 aliis moveri malint, quam ipſi ſuo ductu
 rem gerere, ut, quanquam industria freti ſua
 valeant ipſi ingenio & conſilio ſint perſpi-
 caci, tamen, quid ceteris quoque videatur,
 explorent; & neſcire interdum, quae ſcias,
 haud inutile eſt. Fingunt Poetae, Iovem,
 cum quid gravius ſit deliberandum, convo-
 care reliquos Deos in concionem, & ordine
 rogare ſententiam, ut intelligamus, eo ma-
 gis conſulendos eſſe mortalibus, qui rerum
 praediti ſint experientia, quo ſunt in-
 genio hebetiore atque obtuſiore, quam Dii.
 Qui autem per ſe ipſum agit omnia, non
 tam proſpicere illum, putant, quae ad deli-
 berandum pertineant, quam contemni ſe &
 repudiari, tanquam rerum imperitos, arbi-
 trantur, affectique hac, ut videntur, iniuria,
 quaerunt, quamvis in ſumma laude, quid
 accuſent, aut, id ſi nequeant, illud ipſum, con-
 tendent, honeſtius atque utilius fieri potuiſſe.
 Quam invidiam diligenter tibi cenſeo fu-
 giendam. Sed labuntur in eam maxime,
 qui, cupidi gloriae inanis, omnem ſibi lau-
 dem ſtudent vindicare; nec volunt cum ce-
 teris communicare, ut videre in maximis
 rebus decernendis ſoli videantur. Quae laus,
 eſſi eſt magna, coniuncta tamen cum civium
 iniuria, plena eſt oſtentationis & inſolentiae,
 parit-

gas in exercitu ducendo; quam mali eives
 in regenda civitate, fugiendi. Illi uno im-
 petu vix possent docere; ut semper uno con-
 silio cuncta funditus labefactant. Sed iam
 ad reliqua pergamus. Tercium sequitur, Iuvat porro;
 quod positum in causis iudicandis praece-
 ptam iudicis integritatem postulat. Magna
 res & praeclara tibi, civitati salutaris, nullius
 privitam amicitiam ita colere, ut publica
 iura violentur. Pluris enim deus civium,
 quam amici gratia; faciendum est. Nullius
 inimicitias ita prosequi, ut non existimes,
 publica instituta privata caritate esse potio-
 ra. Denique nec praee, nec pretio, desec-
 dere ab eo loco, quem aequitatis muri tue-
 antur. Unde si civiles procellae te excu-
 tiant, tunc demum abeundum est propu-
 gnaculo, cum locum ipsum salva dignitate
 retinere non possis. Quanquam, si res exi-
 gat, in moriendū est patriae; & in poenibus
 & legibus defendendis. Hostes enim pu-
 blici sunt vindicandi; qui aequitatem oppri-
 gnant; qui tuatur, ibi defensor libertatis di-
 cendus, & salutis publicae propugnator.
 Quod cum in aeternis magnificum & glo-
 riosum, tunc his, qui civitati praesunt,
 necessarium. Solebant veteres Aegyptii
 Principis collo appendere veritatem,
 quam iudicium redditurus, semper ocu-
 lis subclausis intueretur. Extat Samii Py-
 thagorae vetus symbolum, legibus opem
 ferendam esse, iniquitatem debellandam.

Iuvat porro;
 neque gra-
 tiam, ne-
 que severi-
 tem culpam
 praebere;
 1157

sed perpetuo
 aequitatis
 maxime ha-
 bere ratio-
 nem.

Studendum
 iustitiae;

Exemplum
 Aegyptio-
 rum.

Pythagorae
 symbolum.

In vigilan-
dum commu-
ni potius rei
publicae ho-
no, quam cu-
iusquam pri-
vati,

capitulum 52

capitulum 53

capitulum 54

capitulum 55

capitulum 56

capitulum 57

capitulum 58

capitulum 59

stateram non transiliendam, cor non eden-
dum. Quibus clarissimus Philosophus aper-
te monet, qualem praestare se debeat, qui
magistratum gerat & in republica versetur.
Habendus est animus in consulendo liber,
in iudicando liberior, ut ea dicas, quae sen-
tias, & sentias, quae, legibus confirmata, ad
publicam utilitatem referantur. Nec state-
ram transilias, id est, quod aequum iustum-
que sit, ne transgrediare. Cor non edas,
id est, nullius animi perturbationibus subii-
ciare. Agitur amici causa; vide, ne mi-
tor, quia sit amici futura, sententia. Accu-
satur inimicus; nec ob hoc quidem asperias,
quia inimicus, nescio, an etiam levius, iu-
dicandum. Donandae sunt reipublicae pri-
vatae civium similitudines, ut, non quid tibi li-
beat, sed quid illi expediat, cogites. Pro-
pinquo dictus est dies; cave, sub pallio
propinquitatis nequitia deliteat. Denique
tibi persuadeas, oportere eam, qui magistra-
tum ineat, expere statim seipsum, & omne
suum studium & cupiditatem cum veste de-
ponere, indereque publicam personam uni-
versae civitatis, omnia & privata, & publica,
sui iuris arbitraci, existimare, quicquid respu-
blica, vel singulis quisque, patiatum detrimen-
ti, ad suam ignominiam dedecusque redunda-
re. Sed tamen ita corpori consulendum
est, ut singula membra concordii assensione
moveantur, nihilque sit omnino, quod a mo-
te tota deferatur, nihil, quod non subsequa-
tur

tur sponte sua. Itaque in hoc communi bono elaborandum est, ut non solum in dignitate positus, sed etiam privatis, civibus ne quid fluctuet, ne quid deerret, & veluti solutum atque abscissum a tota republica abesse videatur, sintque omnes participes communis boni, nec alter alteri inferat, aut inferri patiat, iniuriam. Quod ita fieri potest, si non magis doleant, qui acceperint iniuriam, quam qui non ipsi lacessuntur. Nihil enim tam est magnum atque impeditum, quod, si ex omni sui parte cohaereat & consistet, non facillime vertatur & cedat, ut navium magnae moles, concordie nexu compactae & colligatae, parva manu in maria pelluntur. Quae consensus rerum publicarum nulla via magis praestari potest, quam pari aequabilitate in omnes, unicuique tamen iuxta dignitatem tribuendo, etsi nullius rei, nisi publicae utilitatis, censeas habendam rationem. Hoc igitur secundum religionis observantiam & consultationem bonorum morum praecipuum est in magistratu bene gerendo, ut, cum te totum ad commodum civitatis instrueris, in hoc te armes, pro hoc, quoties opus sit, depraehetur, ut neminem, nisi quantum fert communis ratio, extollendum putes, deprimendum neminem, sed eas publicus arbiter legumque interpret nullam in partem; nisi quo te illarum sanctitas vocat, accessurus, existimes tibi iustitiae defendendae gratia, quasvis graves ini-

mici-

Servanda
igitur erga
omnes est
aequitas
dum tamen
cuique suum.

Effatum Pic-
taci Mity-
leni.]

Socratis sen-
tentia.

Quae sint in-
dicia corru-
pta.

Diversa di-
versorum

amicitias esse subeundas. Pittacum Mitylennum
eum, qui unus ex septem est habitus, solitum
dicere, tradunt veteres, malle se inter inimi-
cos, quam amicos, sententiam ferre. Nam ex
inimicis alterum amicum, ex amicis alterum
inimicum, futurum. Quod quamvis ita se ha-
beret, esse tamen, si quando in usu eveniret, ae-
quitatem amicitiae anteferendam, etiam si al-
ter esset inimicus. Haec tenenda lex est in iu-
diciis, ne iniustitiam, unicum malum, ut So-
crates solebat appellare, iustitiae, quod ma-
ximum est bonum, anteponamus. Nam
qui amore, aut odio, aut spe, aut metu, iu-
dicat, is, amplissima maiestate sua recedens,
vitae officia pervertit, civitati non medio-
crem facit iniuriam, communi iure violato.
Quo quid potest esse acriori supplicio ma-
gis dignum? Eam ob rem, cum in ceteris re-
bus honestiore vocabulo uti soleant legum
interpretes, haec turpissima appellatione cor-
rupta iudicia vocaverunt, quod aut primum
deffloratae pudicitiae, aut earum rerum,
quae in nihilum evanescent, dici consuevit,
ut corrumperentur. Quibus rebus, sicut in
iudiciis corrumperendis, praecipue adversant
integritas, ut plane intelligere possumus,
hanc potissimum rebus iudicandis praestan-
dam esse. Quod si quid ei desit, qui iudi-
cium est redditurus, quod ad moderatissi-
mam aequitatem pertineat; integer appel-
lari non potest. Cum autem varia sint ho-
minum officia, ut boni & compositi patris
fami-

DE REGENDO MAGISTRATU. 717

familias, domum instituere, liberos erudire; hominum,
boni agricolae, agros bene colere, fodere ^{diversarum}
& arare, etiam conductos; ut boni civis, ^{aetatum, of-}
iusto imperio, legibus, institutis, parere, ^{ficia,}
suis commodis civitatis utilitatem antepone-
re; ut optinatum, bene de communi liber-
tate sentire, magnificentius vivere; ut ma-
turae aetatis, consulere libere, defendere ho-
nestatem, iuventutem coercere, omni via
decus publicum augere; ut adolescentium,
vestigia maiorum imitari, excitari ad lau-
dem, gloriam virtute & ingenio quaerere;
ut vigilum, urbem custodire, pro portis ex-
cubare; ut denique omnium hominum di-
versa studia. Eius vero, cui commissa sit
respublica, nullum est singulare munus, ^{in uno quasi}
quod praeter cetera tueatur; complectitur ^{magistratu}
omnia omnium officia, quaecunque ad ^{concurrunt,}
commodum, salutem, ornamentum, reipu-
blicae pertinere videantur, tuerique com-
munē officium debet, efficereque, ut suum
quisque tueatur, ne quid domus, ne agri, si-
ve sint illi publici, sive privati, denique ne
civitas omnis, aliquo afficiantur inconmo-
dō, meminisse, ad utilitatem civilis socie-
tatis, ad salutem omnium, se esse constitu-
tum, cuius, quanto amplior est dignitas, tan-
to sunt delicta habenda graviora. Quippe
cum publico munere fungatur, delinquere si-
ne publica ignominia non potest. Laudan-
dus vero est, qui, sua dignitate servata, sic
vivat, ut iure accusari non possit. Magis
etiam

etiam commendanda frugi patris familias diligentia, qui domum frugalitate & modestia regat; multo tamen vehementius extollendus est & omnium clarissimus & laudatissimus iudicandus is, qui magistratum bene gerat, cuius illud erit studium acerrimum, cunctam rempublicam, veluti domesticam suppellectilem, componere, expolire, gubernare, ut, quanto viro maior familia est, & familia civitas, tanto huius opera, si recte administraverit, insignior, si prave, detestabilior. Nam si vigilare quemque suis rebus honestum est, quanto honestius erit, reipublicae providere? Contra, si negligere rem familiarem, ignavum censendum est, si liberos destituere, impium; quanto magis communi reipublicae deesse, patriam, id est, te ipsum, liberos, amicos, propinquos, parentes, Deos, fraudare, & impium, & nefarium, est iudicandum? Huic igitur rei omnis adhibenda est diligentia, non solum ne quid ex magistratu tuo respublica capiat detrimenti, sed etiam multo magis, ut concordia, ut moribus, legibus, institutis, crescat, nullaue pars omnino sit, cui debita cum diligentia non consulatur. Atque ita suprema fastigia curanda sunt, ut infima non negligantur, quemadmodum in pulchro & praestanti corpore lavandus quidem poliendusque vultus, sed nec capilli tamen ungiculaeque negligentius habendae sunt, cum parva labe magna saepe ornamenta foedentur.

tur. Si enim caste, si mansuete, si iuste, geras multa, & tamen exiguum aliquid relinquo officii, vel etiam si abiectissimis facies iniuriam, una macula fordebunt omnia, tanquam minus integre ex omni parte gesta esse videantur, ut in sublimi & magnifice structa domo non fere laudatur architectus, si vel basis una paulo sit incultior, aut lapis, quamvis exiguus, intorte collocatus. Vetus est Platonis comprobatio de lyra, in qua Dictum Platonis, si vel una chorda non consonet, omnis concentus offenditur. Par omnium fortuna convenientem quandam efficit in republica & aequabilem consensum multitudinis, si modo nullius dignitati & virtuti detrahatur, iuxta merita cuique tribuendo. Praeclara haec quidem, quae diximus, & praestantis in republica viri, si una ornamenta, sed afferentur alia quaedam non obscuriora, & quae eo spectent, ut ostendant, virum in magistratu constitutum & reipublicae gubernacula tenentem, nulla una virtute contentum esse oportere; sed opus esse virtutum omni praestare genere, ut sit tanquam speculum quoddam honestatis clarum atque splendidum, & quo se ceteri componant ad bene sancteque vivendum. Caput autem huius praeceptionis est iustitia, ad quam unam referuntur omnia. Est itaque omni opetibi enitendum, ne quid superbe, flagitiose, iniuste, facias, dicas, permittas, acerrimus defensor publicae honestatis; maxime omnium,

Heracliti.
Necessitas
ususque le-
gum in repu-
blica bene
constituta.

omnium, quæ ad leges & iura, tam huma-
na, quam etiam divina, pertineant, habeas-
que ante oculos præclaram illam Heracliti
sententiam, leges, uti muros, esse defenden-
das, cum multo sit periculosius civitatem
legibus carere, quam urbem muris. Tum
qui leges civitatis oppugnant, scelestiores ha-
bendi sunt, quam qui muros; nec solum ho-
stes iudicandi, sed etiam parricidae, cum ea
tollunt, quibus salus & omnium vita conti-
netur. Etenim turres & propugnacula viunt
externam depellunt, quæ rara est, & non
nisi a potentioribus infertur, vixque multis
seculis solet accidere, ut moenia pulsentur;
leges autem quotidiano præsidio civitatem
ab intestina iniuria tuentur. Muri, ne ab im-
peratoribus, ne a regibus, capiantur, opem
ferunt, quorum imperium æquum esse pot-
est & tolerabile; leges prohibent, ne tur-
pi & flagitiosæ multitudini, ne improbo-
rum libidini, serviamus. Quæ res ferre a
viris magni & constantis animi nullo modo
potest, ut, quisquis leges e civitate sustulerit,
quietem omnium libertatemque sustulerit,
quæ ad publicam utilitatem omniumque sa-
lutem sunt excogitatae, ut, quantum de le-
gibus, tantum de beata vita & libertate, de ci-
vium omnium incolumitate, subtrahatur.
Earum enim ope custoditur libertas, aucto-
ritas bonorum retinetur, retunditur temeri-
tas improbae multitudinis, simultates, &
contentiones submoventur, alitur concordia,
res

res foris domique amplificatur, passim agitur honestum otium, comprimuntur tumultus, sopiuntur inimicitiae, exstinguuntur odia, omnis omnium civium perturbatio depellitur, fortunae, opes, dignitates, denique bona omnia, legibus conservantur, florent, amplificantur, ut multo firmior sit eorum gloria, qui parto imperio legibus moderati sunt, quam qui bello pepererunt. Sunt, qui affirmant, solitum dicere Diogenem, sive Diogenis senserit alius, e grege tamen Philosophorum tentia, fuisse arbitror, qua in civitate nec leges valerent, nec amnis currens interflueret, in ea pernoctandum sapienti non esse. Et quod item Platonis. a Platone dictum nostri auctores usurparunt, sine legibus nec domum ullam, nec civitatem, nec gentem, nec hominum universum genus, stare, nec rerum naturam omnem, nec mundum, posse. Quae, etsi de divina lege dicta videantur, effunduntur tamen ad civitatum iura, quae ex illa priore tanquam in rivos e vivo fonte manaverunt. Tenenda sunt & naturae iura, ne cognationis & societatis, pietatis, amicitiae, ne quid inter propinquos, fiat iniuriae, ne quid fraudis inter socios, ne liberi parentibus adversentur, ne dissolvantur amicitiae, ne subeatur ingratitude, quo vitio nihil detestabilius, & ab universi humani generis societate magis alienum, nec cui defendendi sui facultas eripiat, ne bonis viris honor non adhibeatur, ne anteferatur mendacium

Descriptio
Iuris natu-
rae,

& gentium;

it. aequitatis,

Iustitiae,

veritati. Quae omnia iura naturae sunt, ut, cogente nemine, nulloque proposito supplicio, quisque tamen putet esse servanda, edoctus a natura, quae quosdam excitavit in nobis igniculos & fomenta virtutis, non a praeceptore tradita, sed ebibita ab ingenio. Accedunt eodem ritus gentium, nationum mores, instituta civitatum, decreta maiorum, quae nullo modo sunt contemnenda. Evertent enim funditus contempta civitatem, cuius salus in his maxime rebus est constituta. Tum qua de re ferenda est sententia, iudicium reddatur; alienae sententiae non facile derogetur. Servanda etiam, quae nulla lege constituta, tamen consensu omnium probata, recepta, usitata sunt, quae ad consuetudinem referuntur, tum quae ad veritatem, utilitatem, honestatem, pertineant, quae ex aequo & bono eliciuntur. Nihil est enim popularius aequitate, multosque habet honestos assensores, plures tamen cum utilitate coniuncta. Tamen cavendum, ut servantur promissa, pacta consent, non rescindantur conventa, iura quaesita nemini auferantur, largitiones non intercipientur, legata reddantur, tributa pendantur, vectigalia persolvantur. Haec si praestiteris, complexus eris prope omnes iustitiae partes, quae his in rebus fere tota versatur. Etiam non contemnenda est opinio bonorum, ut, qui magnis rebus gerendis plus sibi auctoritatis comparaverunt, a dignitate sua

fua non deiician- tur. Nam sunt etiam in- ter privatos gradus quidam contentiones- que honoris, ut alter alteri virtute, gloria, rebus gestis, antecellat. Quae si contemnan- tur, parient seditiones & tumultus, etsi nul- lum fiat inter plebem optimatesque discrimen, unicuique tamen, quod suum est, tri- buendo, eripiendoque, quod alienum. Nam hoc quoque ad iustitiam pertinet, ut opinio, ut dignitas, ut auctoritas, attendatur etiam apud quasdam nationes, ut aetas, quales fuisse Lacedaemonii traduntur, nullam rem magis venerari soliti, quam senectutem. Prae- terea in rebus iudicandis nonnihil laudis sibi vindicat clementia, quae propria est viri praestantis & mansueti, & magis naturae nostrae, imbecillitatem, quam legum severi- tatem, aut sceleris atrocitatem, cogitantis. Nam acerbius punire, nocentes torquere, excruciare, crudelissimi solent, iniurias autem moderate prosequi, magnifici animi opus est, & supplicia ad mansuetudinem suam, non ad sceleris atrocitatem, referentis. Non tamen dicam, oblivisci iniurias oportere. Nam id in magistratu nequaquam censeo faciendum; in privatis tamen hominibus nihil magnificentius & salutare, in Prin- cipe vero, ut, si sibi factae sint, nihil specio- sius, quam ignoscere, ita nihil perniciosius, si in ceteros, quam negligere. Est genus hominum immane & detestabile, qui nullo, nisi cruento, contenti cruciati, omnem ab-

clementiae,
eiusque prae-
stantia.

Nimirum
sunt scelera
quidem non
negligenda
prorsus, ne-
que tamen
acerbe nimis
punienda;

Sed etiam in
poenis mo-

iiciunt humanitatem, etiam in re tenui, novum aliquod supplicii genus excogitant, facta infectaque extorquent. Ii pro palmario habent, multis cladem intulisse. Quibus quid crudelius? ut non modo gubernaculis rerumpublicarum, sed etiam vita indigni esse videantur. Romani veteres negabant, ei fas esse lucem intueri, qui hominem vita spoliasset. Nec magni refert, lege quenquam occidas, an contra legem, si modo cupiditate impulsus occidas. Mihi autem videntur scelera non negligenda illa quidem, quae si praetereant impune, nihil est, quod non ausura temeritas sit; sed nec acerbius, quam ferat ratio humanitatis & magnitudo delicti, punienda. Athenienses, quorum praecepta de vita praeclara sunt habita, unde leges nostrae, tanquam e fonte, defluerunt, vel in gravissimo scelere cicutam afferebant, eo supplicio contenti, quod, etsi est leve, tamen eundem habet exitum, quem eculeus. Cui est Phalaridis taurus incognitus aut subscriptio Neronis, quorum alter eum, qui tam immane supplicium excogitasset, illo ipso in tauro necari iussit, alter, quoties esset civis mulctandus morte, dicere solebat, quam velle se se ignorare literas, ne alienae calamitati manum apponeret. Quod si crudelissimis tyrannis poenae acerbitas non placebat: quid iusto imperio & civili mansuetudine faciendum est? Haec autem eo spectant, ut invitum ad damnationem hominis accedas

accedas, ut, quantum voluptatis capias scelere comprimendo, tantum capias doloris, quod in scelus inciderint, qui sunt puniendi, nec, quod aetate nostra plerique solent, multos laqueo, plures securi, confecisse, glories.

Nam etsi punire latrones, fures, sicarios, & ceteros id genus, necessarium est, fortasse etiam gloriosum, tamen in id necessitatis non sponte est veniendum, ne, unde gloriam paulo avidius quaeras, ignominiam consequi videaris, si ex aliorum supplicio quaeras.

Cogat te necessitas ipsa puniendi, non excrucianti libido impellat. Nec solum crimina spectanda sunt, sed etiam causa, tempus, locus, persona inspicienda, ut quis sit is, qui deliquerit? miles temerarius limitem invaserit alienum, an compositus civis: agro paterno vicinum exturbaverit? adolescens in mulierem impudicam fecisse impetum dicatur, an natu grandis ingenuam? sicarius hominem vulneraverit, an inimicus? ab eo factum sit furtum, qui nunquam alias, an qui saepe, fecerit? a paupere propter inopiam, an propter avaritiam a locuplete? iratus convitium dixerit, an contumeliosus? pacis, an belli, tempore fuerit visus armatus? paraverit defensionem, an seditionem excitaverit? in libera civitate, an in municipio? consulto deliquerit, an casu atque fortuito? sponte, an invitus? suo ductu, an alieno imperio? ipse alios hortatus, an ab aliis impulsus? per imprudentiam lapsus

Qui in quo consistat, & qualis ille sit habendus, pluribus indigitatur.

pfus, an praecipitatus temeritate? dolo quid
 factum, an officio? in quibus omnibus casu-
 bus spectandus animus est. Spectandi etiam,
 ad quos pertinet iniuria, ut in hostes facta
 dicatur, an in socios? in propinquos, an in
 alienos? in cives, an peregrinos? in virum
 honestum, an infamem & detestabilem? in
 sacrum, an profanum? in privatum, an pu-
 blico munere fungentem? quo in loco fla-
 gitium commissum sit? in templo an in lu-
 panari? in foro, an in pomoerio? Haec
 omnia ab aequitatis fonte oriuntur, non fe-
 re semper explicato legibus ad unguem, iu-
 dicis tamen arbitrio reposita. In quo illud
 est magnificentissimum, imbecillitatem con-
 tra potentiam, inopiam contra divitias, tue-
 ri atque defendere, ut, cum tota respu-
 blica tuo sit commissa imperio, tuae tradita
 custodiae, quid infirmius sit, id maiore prae-
 sidio tueare, ut in urbium moenibus fieri
 solet, ubi, quae minus munita sunt, fortius
 defenduntur. Sunt, qui putent, fortunam
 quoque spectari oportere, ne seditiones ori-
 antur, quod fere accidit in minuta nobilita-
 te, aut potentium libidine compressa aequa-
 bili moderatione. Existimant enim, nisi
 aliquid permittatur licentiae, e sua se digni-
 tate esse deiectos; cogunt coetus & multitu-
 dinem concitant, adducti spe mutandae &
 arbitrio suo vertendae civitatis. Quae fluctua-
 tio est communis populis omnibus, ut aliqui
 aestuent cupiditate dominandi, quae res ad
 tyranni-

Diversa ho-
 minum de iu-
 stitia iudicia,

tyrannidem labitur, nisi resistatur. Sunt, diversa flu-
 quos moveat metus iudiciorum, ut, si legi- dia.
 bus parendum sit, poenas suppliciaque vere-
 antur, scelerum magnitudine involuti. Mul-
 tos colligit Aristoteles hoc aut ardore, aut
 metu, incitatos respublicas factionibus obli-
 gasse, ut Rhodiam nobilitatem contra plebem
 fuisse arma metui eorum, quae parari di-
 cebantur, ut Heraclienfes, aliosque permul-
 tos. Nam de studio dominandi non opus
 est exemplo; hi lupi, ut aiunt fabulae, us-
 quequaque inveniuntur. Hoc autem uno
 consilio putant evitari posse, si vento vela
 pandantur, & vehendum te, quo popularis
 vocat aura, permittas. Afferunt auctori-
 tem gravissimam Solonis, si modo auctori-
 tas est, ea dicenda, non querela potius.
 Quippe solitum dicere, aiunt, Solonem, quod Solonis effa-
 quidam adscribunt Anacarfi, leges aranea- tum.
 rum telae similes videri, siquidem telam il-
 lam, si quid leve imbecillumque inciderit,
 involvere & detinere, grave autem si quid,
 aut robustum, cedere, & rumpi; sic leges
 coercere invalidos, a potentioribus frangi,
 solere. Sed & ego fortasse, si de factioni-
 bus esset sermo faciendus, putarem, ut eu-
 ro carbasa darentur. Verum in libera civi-
 tate non arbitror, tantumque abest, ut assen-
 tiar, ut nihil existimem, a statu & salute re-
 rumpublicarum alienius, nihil perniciosius,
 his, qui vivunt legibus, ubi tenenda aequabi-
 litas est & moderatio iuris publici confer-
 vanda,

Laus modestiae in magistratibus gerendis;

vanda, ut nihil extollatur, nisi virtus, nihil, nisi quod contra virtutem sit, deprimatur, si modo ea virtus coniuncta sit legibus, in quibus posita est salus civitatis. Plurimum etiam laudis in magistratibus gerendis sibi vindicat modestia, ut nihil appetas, quod non sit appetendum, ut pecunias, ut opes alienas. Nascitur enim ex hac appetitus intemperantia depilatio, rapinae, extorsiones; nascitur etiam libido explendae voluptatis a lege prohibita. Nec ulla res est in administratione imperii flagitiosior, & quae magis offendat popularium animos, quam iniuria libidinis, ut stupra & adulteria, & quae sunt eius generis turpitudines, ut omnis violatio pudicitiae, quae ita custodienda est, ut nullum omnino libidinis in te vestigium videatur apparere. Haec enim omnia & ab honestate vitae & ab officii gravitate recedunt. Rerum autem omnium, nescio an turpissima sit, avaritia in magistratu, quae & odium parit, & maximas solet importare calamitates, & detrimenta gignit, & perverfam opinionem integritatis, ut, quem cupidum pecuniarum homines intelligunt, posse eum causis iudicandis integrum esse non putent. Ex eadem quoque praeceptione est frugalitas & victus moderatio. Efficat enim, ut & robustior in otio vivas, & quandam prae se fert opinionem honestatis. Contra ei, qui est deditus temulentiae & eluvioni, corporis vires enervantur, fluctuat animus, volu-

item frugalitatis & moderationis victus.

voluptatum cupiditatibus incensus, explendarumque libidinum, quarum origo est omnis a ventre & est pestifera civitati. Dignitate enim abiecta & contempta, res publica unius Principis intemperantia tota in licentiam luxumque dissolvitur. Prae-
 Solonis in hanc rem lex,
 clare Atheniensis Solon legem tulit, quae iubebat, temulentum Principem morte esse mulctandum, cum satius sit, unum hominem in republica perire, quam in uno viro foedari rempublicam. Et ne dicere nimis multa in eam sententiam videamur, colligenda sunt ei, qui gubernacula reipublicae teneat, omnia genera virtutum, vitiaque abiicienda omnia, ne qua parte deficiat. Quod si tanta integritas non detur in vita, ut perfecti eo omni parte simus, omniaque in nobis eluceant ornamenta virtutis, in hoc tamen studendum & laborandum est, ut praestare nitamur omnia, atque ita existimemus, ut, quoniam naturas imbecillitate optimi esse vix possumus, tanto aptiores esse ad hoc munus obeundum, quanto erimus vita meliores. Nec deterreri oportet, si qui magis idonei ad rempublicam capessendam plus industriae, ingenii, probitatis, attulerunt, quanquam improbitate nemo potest nos viacere, nisi ipsi vinci patiamur. Nam si primum locum honestae laudis non consequemur, eo plus nobis pariemus gloriae, quo propiores accedamus ad primum. Id autem cum in ceteris rebus est faciendum,

Quibus virtutibus

& qua mentis
praecipue
forma prae-
diti esse de-
beant in ma-
gistratu pu-
blico consti-
tuti.

Themistoclis
decretum.

tum maxime in republica gubernanda & gerendo magistratu. Cetera ad unius plerumque pertinent rem; magistratus propositam habet communem utilitatem universae civitatis, ut hoc diligentius gerendus sit, quo plures sunt, quorum est causa constitutus. Et, ut expressius totam hanc rationem intelligas, sunt, qui putent, hominem in magistratu positum ita pingi & exprimi oportere, ut nulla pars corporis vacet officio. Primum frontem ad tempus effingunt, ut lenis & porrecta in suadendo, aspera, rugosa, tetrica, in iudicando, quam & observare boni possint & improbi formidare. Vigiles sint oculi & circumspicientes, modesti tamen, nec quales Hypericles in Sophocle deprehendit, cui proxime sedentem egregia forma iuvenem laudanti, oportet, inquit, o Sophocles, Praetoris non solum manus, sed etiam oculos, continentes esse. Laudatur illud Themistoclis decretum, quo magistratus a ludis arcebantur, ne respublica ludere ipsa videretur. Etiam in ea civitate vetus consuetudo diu tenuit, ne minimus aditus esset in theatrum & scenam, nisi honesta modulantibus. Quod ea de causa faciebant, ne, qui essent in spectaculo, magistratus parum honesti spectatores fierent. Ego vero non eo te angustiarum compulerim, ut nihil spectes. Nam id moris diu est, quod obsolevit. Verum ne sine gravitate & modestia spectes, hoc ipsum est, quod prae-

praestare & potes & debes. Etenim nulla causa per urbem supatum incedere, equo impudenter circumvehi & discursitare, fenestris suspicere, noctu vagum errare, ludis omnibus interesse, & leve, & indecorum est; nec vacandum his rebus, quibus nihil subest dignitatis, sed iuri reddendo invigilandum, studendum concordiae civium, qua servata crescit civitas, sublata dissolvitur. Huc intendendi sunt oculi, hic tanquam pro portis excubandum. Sequuntur deinde aures duae, quarum altera accusatori est aperienda, altera pandenda defensori. In quo cavendum, ne quid temere credas, neve pertinax sis, ut, quod semel audieris, avelli non possit. Cogites, quis is sit, qui conetur persuadere, quae res, cui obiciatur, ne plus fidei improborum temeritate detractioni, quam bonorum innocentiae, adhibeas. Aurium enim nimius assensus linguas exacuit detractorum ad virtutem oppugnandam. Linguam, id est, orationem, tempus & causae variabunt. Acerba & mordax sit in castigando, in monendo conciliandoque maturior & suavior. Denique frontem ducem sequitur oratio, aut frons comes erit orationis. Larga manus & benefica, non tamen ambitiosa & prodiga. Quod si in altero peccandum sit, porrectam potius esse oportet ad munificentiam, quam unctam ad rapinas. Nihil est in viro claro, quod largitate & beneficentia magis eluceat, ab
omni

omni tamen ambitu seiugata ; nihil, quod vitam magis famamque denigret, quam ardens & insatiabilis cupiditas aliena rapiendi. Est autem ei, qui provinciae praesit, provincialium gratia, qui civitati, civium benevolentia, reportanda, non pecuniae, per vim & iniuriam extortae domum referendae. Hinc orta est maiorum lex de repetundis, ut eos, quibus praeessent, augerent opibus, non fortunis exspoliarent. Quod ut diligentius fieret, iis, qui magistratum cum laude gessissent in provincia, domi aes alienum persolvebant. Pedibus autem stabilitas quaedam desideratur, non vaga & discursitans, sed firma atque inhaerens, ne quaerendus, a quo ius reddi oporteat. Cautum erat lege apud veteres, non licere ei, qui gereret magistratum, provincia excedere, nisi voti solvendi gratia, quo pateret forum semper, & subsellia, & tribunal, quae loca publica esse voluerunt, quo aditus esset apertior. Denique nullum, volunt, esse membrum, quod ad salutem eorum, qui curae nostrae traditi sunt, non debeat celebrare, & consulendo, & agendo, ut tantum te laudis assecutum putes, quantum diligentia tua commodi fuerit respublica consecuta, tantum dedecoris, quantum illa detrimenti. Haec sunt, quae a nobis & literis & nunciis postulasti. Iacito tibi fundamentum colendi Dei. Quicquid inde aedificaveris, nullae procellae, nulla vis ferri labe-

Conclusio repetit quam brevissime haecenus dicta.

labefactabit. Iustitiam omnibus in rebus servato diligenter. Ea est in Deos, in homines, & in eos, qui mortui sunt, maiores nostros, ut Diis primitiae decimales, hominibus res, maioribus parentationes & exequiae, reddantur. Denique ita statuas tecum, nemini hominum maiorum fraudem inferendam, tum bonos viros non despicandos, publicis consultationibus admittendos, crudelitati, libidini, omnibus flagitiis, bellum indicendum, inserviendum publicae utilitati, legibus & aequitati semper innitendum, nunquam pretio, gratia, libidine, iudicandum, ob rem iudicandam pecuniam non accipiendam, vitandam omnis avaritiae suspicionem, cavendum, ne quam in rem, quam in hominem, aut immanior, aut propensior, fuisse videaris, denique, quicquid repugnat honestati, fugiendum. Haec si praestiteris, summorum hominum, qui rebus publicis praefuerunt, secutus vestigia, & nos profecisse aliquid his monitis laetabimur, & non solum vexilla, quae honori dantur eorum, qui munus suum praeclare obierunt, reportabis, sed civibus salutem paries, tibi gloriam ingentem comparabis, ut non eo solum dignus fuisse, quod gesseris, sed qui per gradus dignitatum ad ampliora extollendus videaris. Quae omnia facillime consequeris, si te reipublicae custodem, praesidem, propugnatorem, memineris esse.

nientissi-
mumque ma-
trimonii no-
men.

diderunt, plenum honoris, pietatis, reverentiae. Quo enim cariore ac sanctiore nomine domum venire poterat nupta, quo mater familiae iam tunc destinaretur cum veniret? An est ullus affectus in terris honestior aut reverentia maior ulla, quam matris, atque eius matris, quae sit consensu legitimo coniuncta cum patre, non soluto libidinis congressu volutata? Quippe non omnis mater ex matrimonio est, sed quae duntaxat maritalibus vinculis nexa, non licentia flagitii concita, in thalamos ierit nuptiales, consecratos ceremoniis, non caeca libidine in fornicarios sese concubitus praecipaverit. Ea enim est vera mater existimanda, quae tibi exploratum dederit patrem; & incertum habet patrem, quisquis ex lege non habet, transactaque res pro iudicio est, pessimam ei matrem esse, cui ex matrimonio non sit. Nec venit honesta consensio animorum, quo nuptiales taedae non pervenerunt, sitque impulsu libidinis obsceno, quicquid displicet, cum est factum. Iudicium est, quod robur & pondus adiicit rebus, nec quisquam est, qui non invitus peccet; maluit, atque si liceat, id idem assequi non peccando. Quod opus praecipuum est nuptiarum, ubi omnia fiunt summa cum benevolentia eorum, qui affinitate iunguntur, non afficiuntur iniuria. Et amplectimur reverentia sponsam, non modo quia nobis desponsa est, sed quoniam liberorum

rorum nostrorum, quibus nihil nobis potest esse carius, mater futura sine scelere nostro, sine offensione Dei, sine contumelia propinquo sum. Iure itaque matrimonii nomen sortita est res tanta, unde nati omnes matrem suam dignitate, patrem sine dubitatione, utrumque sine peccati infamia, habeamus. Sed ea res quam sancta fuerit semper & probata omnibus, infinita extant exempla, nec gens fuit ulla tam barbara, quae non solutam damnaret libidinem, matrimonium amplecteretur. Nam et si prisci Arabes, ut res ceteras, ita & uxores, communes habuerunt; quod fere idem fecisse creditur Britanni & Trogoditae, & in Graecia Lacedaemonii, quorum alteris catervatim, alteris familiarum, uxores erant, tertius promiscue habebantur: tamen & hi intra concessos genti limites sua quisque contenti uxoribus tenebantur, nihilque apud eos acerbius, quam adulterium, plebatur, cum extra familiares uxores catervatiasque lascivirent. Indi quoque veteres, non contenti unica, plures cum ducerent, alias voluptatis explendae gratia, prolis augendae alias, mercabantur. Quippe non dotem ipsi accipere, sed, quod & alias Cantabri fecerunt, ultro parenti offerre consueverunt. Indi quidam duntaxat bonis; Cantabris vero pro dignitate atque opibus erat proposita merces, quoniam aliqua inesset flagitii turpitudine his, quae ad voluptatem ducerentur.

in signis reverentia atque cultus,

in solutam contra libidinem & adulterium gravissima statuta poena. Exempla Arabum, Britanorum, Trogoditarum, Lacedaemoniorum,

Indorum

Cantabrorum,

Germano-
rum,

Aegyptio-
rum,

incertae cu-
iusdam gen-
tis,

Taxillorum,

Hos animos quantum attinet, secuti Germa-
ni, dabant ipsi dotem uxoribus, non acci-
piebant. Sed horum quoque par cura ser-
vandi matrimonii fuit, nec violati poena
diversa, si qui alienis abuterentur, capitale
habebatur. Aegyptii vero eodem depre-
henso scelere, viros quidem mille plagis
caedere soliti traduntur, mulieribus nasum
amputabant, ut, matrimonii iure violato,
qua parte corporis homines illexissent, ea,
contaminata pudicitia, foedarentur, & esset
testimonium flagitii in vultu, quod in vul-
tu libidinis fuisset incitamentum. Et tradi-
tum est, fuisse nationem aliam, ubi Rex gen-
tis nullam ipse quidem haberet uxorem, &
habere lex vetuit, ceterum per alias, &
quas libitum esset, diversaretur, ut, quam
nocte quaque potissimum mallet ex omni-
bus, eam interdiu accire ad se iuberet, isque
apud eos plurimum gloriaretur, cuius uxor
saepius fuisset accita. Sed Rex quidem ita
habebat, ceteri nihil aequae, ac matrimonii
iura, venerabantur. Erant & qui multo
impudentius uxores ducerent, haberent ta-
men observantius. Hi Taxilli in Asia po-
puli fuere, ubi, si quae essent puellae pe-
rum locupletes, producebantur a suis in fo-
rum in ipso aetatis flore, magna pompa,
tubis, classicisque procinentibus, atque ibi
confluente multitudine, puella ei, qui ad se
accessisset, primum posteriora corporis hu-
mero tenus, deinde anteriora, inspicienda
denu-

denudabat, atque ita, cui potissimum placuisset, nubebat. Sed nec hi quoque ad appetitum differebantur, sed contenti legibus eam tenebant, quam ultro acceperant. Paulo modestius Assyrii. Triumviros constituebant, appellabanturque praefecti nuptiarum, homines probati & graves. Ab his puellae, ubi essent iam nubiles, in multitudinem mediam producebantur. Horum si qui eas conducere vellent, praeconis voce denunciabant, atque ita locabantur, sed ut discedere ab his non liceret. Iam & hic matrimonia utcunque constabant, Babyloniiis vero non tam aperta quidem, sed tamen turpiora, compendia. Quippe apud eos puellae cum hospitibus solitae feruntur, exigua pecunia, & quanta hospiti libitum esset, in gremium coniecta, quam summam doti destinabant, mox maritabantur, ut, quamquam turpiter, tamen sine matrimonio non essent. Idem mos est Cypriis, vetustissimis fuit & in Sicilia Eraclicensibus; ut puellae, profectae ad littus maris, primo nuptiarum die publice prostarent, atque ita dotem lucrarentur, illaque esset commendatior, cui plures fuissent congressi; eumque congressum Veneris libationem appellabant. Per reliquam vitam continentissima, meliusque succedebant connubia & honestius, quam inchoabantur. Adhuc sultius & procacius Thebis, quae fuerunt, in Africa puellae viros ultro palam appellabant, &

Assyriorum,

Babyloniorum,

Cypriorum, Eraclicensium,

Thebanorum

Perfarum,
Aegyptio-
rum, Gracco-
rum.

Laudatur in
primis Ro-
manorum,
five Itolorum
continentia,
pudicitia.

cum quibus, quotque libitum esset, con-
spurcatae, mox domum reductae, lugeban-
tur a parentibus, ut mortuae, atque ita pau-
lo post despondebantur. Infinitum esset
per externa discurrere, remotasque natio-
nes, nationumque diversos & improbatos
inores, commemorare, apud quas etiam &
parentes liberis nubere, ut apud Persas, &
sorores fratribus, ut apud Aegyptios Grae-
cosque veteres, consueverunt. Haec eo
referuntur omnia, ut constet, divinitus adin-
ventum matrimonium ubique obtineri, ubi-
que coli, etsi multo sanctiora nostrorum
fuerunt instituta, atque ut in ceteris rebus,
ita hac nuptiarum quoque sanctitate, gentes
nationesque ceteras semper vicit Italia, ubi
nunquam eo dementiae aut libidinis ven-
tum est, ut vel pudicitia fuerit contemtui,
vel plures quisquam uno tempore uxores
inculcaverit. Sed quanto maiores nostri
exteros, tanto nos eos ipsos, hac ipsa nu-
ptiarum dignitate superavimus, nec divor-
tia, quae sponte fierent, nec repudia, quae
in viri essent potestate, admisimus. Mul-
to stabiliora sunt mysteria nostra, quia fun-
damentum iecerunt in petra, non ad casum
fluctuationemque opinionum quatiuntur.
Itaque maiores nostri, nondum nacti hanc
lucem, qua nos illustramur, ignoraverunt
quidem normam ritumque verum nuptia-
rum, quia verum sponsum Christum non
noverant, & Cananae nuptias atque appa-
ratum

ratum non aspexerant, sed tamen tanto ornatu atque copia, tanta superstitione & ceremoniis, rem peragebant, ut omne studium in id atque industriam impendisse videantur, dignique prope fuerint verum cognoscere matrimonium, qui tantum in illo exornando elaborarent. Operae pretium est, intelligere, quo cultu nuptias, qua auspiciorum observatione, celebrabant. Primum omnium puellae adhibebant consensum, ne qua nubere cuiquam invita cogatur. Inde, ubi dictus dies nuptiarum advenerat, & pompa maiorum ritu parabatur, sponsa virentibus floribus in corollae speciem distinctis, coma praetuebatur etiam verbena, quam Lucinae sacram, ut Veneri myrthum, putaverunt. Mater puellae variam suppellectilem, specilla, acus, calamistras, crinalia, innaures, frontalia, reliquumque mundum muliebrem in scrinia & cameram congerebat, eaque puellam anteibat, quo intelligeret, esse sibi cum omnibus fortunis suis, quae ad liberam foeminam pertinerent, e patris domo in aliam familiam emigrandum. Inde albi equi, quos vocabant Iovis, strati permagnifice apparabantur, & currui aut thesae, in qua sponsa insedebat, adiungebantur, ut candorem uxorum sine labe significarent, & sine macula esse oportere, & curru, cui per fornices transitus non esset, via patenti atque aperta, nullis latebris obno-

Mos cele-
brandi apud
eosdem nu-
ptias.

origo vocis
nuptiarum,

Vestis nu-
ptiales.

Anspicia.

xia, vectaretur. Tum qua via iter sponsae futurum esset, ea tota floribus sparsa, velis late impendentibus, tegebatur, ita, ut coelum non prius aspiceret, quam ad mariti domum pervenisset, ducebaturque capite circumvelato; unde nuptiae a nubendo, quod est velare, dictae existimantur. Patnarium etiam deferebat manu, farris cibariorumque plenum. Inde, ubi venisset ad limen primum vestibuli, sponsus arrectam eam sublimem, ita ut pedes pavimentum non tangerent, limini superiori incutiebat, ut aliquoties limen ipsum cervice feriretur, interdum canistro, quod ab infimae plebis puellis, quae non essent nuptae, ferebatur. Limina, in quae puella duceretur, fertis circumpendentibus coronabantur, testimonium novae ingentisque laetitiae, & e qua praecipue penderet domesticum decus. Puella veste induebatur purpurea, verum quae in suppari modum humeros non excederet, ne lacerti nudi relinquerentur, ut corporis reliquae partes sese inter modestiam & verecundiam custodirent, manuum opera in oculis spectarentur. Adde & collo monile, quo testaretur, victam iam esse, & in alterius futuram potestatem transcendere. Et limen ne pedibus contingeret, prohibebatur, ne quid offensionis accederet, omenque acciperet illaefae felicitatis. Eodem spectabat & candida infula, postquam utrumque contingens, ad puri confortii signifi-

ficationem. Thorus in aperto, exiguis & pressis gradibus stratus, apparabatur, ut pateret omnibus, & fieri posset ad honestum congressum praemissam & legitimam consuetudinem, ne vetita ac solita flagitia conspicerentur. Eam deinde pueri tres nobiles comitabantur, primus, qui facem accensam anteferebat, virginitatis insigne, quod ignem sacrum aeternumque Vestae solae virgines custodirent, etiam quia, servato more maiorum, sponsa ad excutiendum pudorem noctu linthea velatis oculis ducebatur; alteri duo pueri, arreptam veluti per vim e matris gremio, puellam ad virum tumultuario cursu deferabant, ad auspiciam futurae felicitatis, quod raptae a Romulo Sabinæ prospere feliciterque vertissent, Romanamque rem & foecunditate prolis & reconciliatione suorum amplificassent. Velato capite incedebant, ut redeundi ad suos, discedendique a marito, viam non prospicerent, neve oculos in alium quempian, quam in eum ipsum, ad quem ducebantur, deflecterent. Percutiebat limen, ut sciret, illo ingressam; iniussu viri nunquam egresuram, & cum egrederetur, nisi eodem rediret, caput, id est, decus & specimen suum, offensuram. Panarium cum farre & cibariis, aut canistrum, ferebat, ut intelligeret, illic sibi perpetuo vivendum esse, illic habitaturam. Eodem & camera cum mundo muliebri, scriniaque supellectili referta, pertinebant. Ingressa thalamum, cingulo

cingebatur ovilla lana confecto, quod mox a viro, cum thorum conscendisset, solveretur, futurae concordiae consensionisque auspiciū, ut, quemadmodum illa cincta compactaque fuisset, ita coniuncta cum viro concorsque perseveraret. Tum eodem auspicio hasta gladiatoria, qua gladiator quispiam confossus occisusque fuisset, puella, coma discriminabatur, ut, veluti hasta Myrmillionis inhaeserat corpori, ita uxor viro confertaretur, vel potius quo prolis gignendae robur fortitudinemque auspicaretur, quod res Romana re bellica militarique constaret. Idem annulo ferreo sine gemma, sponsae digitis indito, augurabantur, quod non auro, non argento, non gemma, sed ferro solo & fecunditate prolis, Romanum crevisset imperium, vel ut, capto auspicio, filii fortes ac robusti nascerentur, & eorum, qui uxores ducerent, robur virilitatemque probarent, quod auspiciū non solum nostris curae fuit, sed exterarum quaedam nationes tenterunt, inprimis Carnanii, qui trans Taurum incolunt, quorum nemini fas erat uxorem ducere, nisi prius cervicem caesi proelio hostis amputatam ad Regem pertulisset, ut, qui digni essent uxoribus, virtute atque robore probarentur, ceteri ut molles effoeminatique carenterent. Persae vero initio verpi aequinoctii, quo maior inesset membris calor, & valentior ad prolem robustam gignendam, duci uxores statuerunt, & qua die cum uxoribus

ipsis

Mores Carnaniorum,

Persarum,

ipsis congregarentur, quo sobria conciperetur proles, nil praeter malum aut carneli medullam vesci statuerunt. Sed de nostris sit sermo, quorum sanctiores nuptiae & fortiora pignora fuerunt. Puella verbera percipiente caput, floribusque variis, tristis tamen, viri domum ingredi iubebatur, quod virginitatem, cuius foeminae cura debet esse praecipua, & recuperare nullis artibus potest, paulo post esset amissura. Ubi paulisper stetit, lanea mox in sella confidebat, quod, totam suppellectilem omnesque divitias lana constare, maiores voluerunt. Ideoque Talassionem nuptiis acclamare soliti, quod lanificii vim significationemque haberent, cui materfamilias praeponabatur, domesticaeque curae praeficiebatur omni, ut lanam, in qua universa erant veterum bona, conieceret. Eandem ob rem euntem ad sponsum puellam invenes aliquot colum, fufum, flamenque praeferentes, antecedeabant, quod in his & cura & studium futurum esset mulieris. Cum pervenisset ad ianuam, & pro foribus substitisset, interrogata, quod esset ei nomen? Caiam se vocari dicebat, quod eo fuisset mater Caia Coccilia, Tarquini uxor, una in lanificio mulier a priscis celebrata. Multa quoque ad omnes diuturnitates miscebantur. Nulli pronubae attingere sponsam mittebatur, nisi quae unum duntaxat habuisset virum, ceterae, quae nupissent pluribus, procul inde arcebantur.

Reliqui Romanorum in nuptiis celebrandis servati mores, ritus, ceremoniae.

Viduae admittebantur nullae, quamvis arctissima propinquitate coniunctae, ut perennitas quaedam promitteretur, vitaeque utriusque longissima, nullis aliis nuptiis interrompenda. Et cum fax illa, quam puer nobilis praeferebat, quantum satis esset, praeluxisset, ab amicis propinquisque utriusque diripiebatur, ne aut uxor eam nocte sub lecto collocaret, quam rem funestam viro arbitrabantur, aut vir in sepulchralibus funeribusque sacris comburendam curaret, unde fatum sponsae portendebatur. Tum hi pueri, quos diximus, omnes patrini matrumque deligebantur, nec ulli, diversis parentibus nati, aut orbat altero illorum, anteibant, ut, qui futuri essent utrique liberi, non ex alio viro uxoreve alia fulciperentur. Porro ad prolem multiplicandam & porca, quod foecundissima sit, nuptiis mactabatur, & nuces late ante ianuam, quod his ludere pueri soleant, spargebantur. Clavus item ad facilitatem partus in vestibulo figebatur, ubi res divina fieret. Faces quinque accensae in orbem puellam lustrabant, ne aut pauciores pareret in vita omni, aut uno partu plures, quod & discrimini foret parienti, & prodigiosum putabatur. Inter sacrificandum postes vernino adipe, ne qua fasciatio fieret, inungebantur, quod arcere ea res veneficia incantionesque putaretur. Aderant deinde novi apparatus ceremoniae. Ubi iam pernoctassent, postridie nuptiarum
com-

compotatio promiscua viro uxoriq̃ue apparabatur, repotionemq̃ue vocabant. Vir praeterea ignem & aquam, in quis commutatio vitae omnis sita est, uxori porrigebat, ut, quemadmodum his, quibus exilium indictum erat, civium communione, & igni, & aqua, interdicebatur, ita vir uxori, qua cum victurus habitaturusque esset, ignem atque aquam summi consensus mutuaeque societatis auspiciū communicaret, vetabaturque alter alteri domo quicquam dare, quod fere ad nos usque pervenit, ne largitiones inter virum uxoremque fiant, quoniam supervacaneum erat, vicissim se donare, quorum omnia esse communia oporteret, nihilque alter haberet, quod non futurum & alterius videretur. Infinita quippe sunt, quae veteres instituerunt in ornandis nuptiis, quorum magnam partem ipsi reiiciimus, quaedam obtinemus, scilicet, ut sponte fiat & cogi quis invitus non possit. Inde sponsam, *Nomen sponsae unde ortum.* quod sponte consentiat, putant appellatam. Et observatio temporis, ut non semper liceat. Quippe illi neque festis diebus virgines duci volebant, quod nefas esse putarunt, cuiquam vim inferri, neque viduas, nisi festis, cum concursus non fieret, & multitudo extra urbem per agros vagaretur, ita virginem adspici, a multitudine ad maritum euntem, pulcherrimum putabant, viduas non ita. Et Iunio aut Aprili, vel qui finitimi essent mensibus nuptias fieri decreverunt, quod

Nomen sponsae unde ortum.

Tempus celebrandarum nuptiarum a Romanis praestitutum.

quod ea pars anni laetior esset, & in excrementum humoremque uberior, gestireque omnia naturae impulsu viderentur ad fructus pariendos, universaeque florent.

Quae tamen omnia in meliorem ordinem redacta adhuc florentissime videntur;

& ita quidem, ut, repudiis & divortiiis sublati, vinculum hoc, matrimonii scilicet, sit indissolubile.

Haec, inquam, omnia a maioribus tradita nobis, etsi magna ex parte obsoleverunt, tamen pleraque adhuc ita constant, ut non mutata a nobis, sed emendata, esse videantur, tantoque nos honestius facimus nuptias, quam prisca, quanto est nostra religio sanctior, quam illorum fuit. Repudia & divortia sustulimus, rem divinam adauximus, amovimus auspicationes, ceremonias sanctiores instituiamus. Primumque putavimus divelli a viro uxorem non posse, cum indissolubilia sunt opera Dei, & quod ille colligaverit, id dissolvere homines non debere. Maius est enim vinculum Dei, quam conglutinatio naturae. Instituit parens omnium Deus sanctissimum hoc mysterium, nec minore vimunivit, quam instituerat, voluitque sic esse confixum & stabile, ut mas in foemina, foemina in mari, & vivere & esse viderentur; nec esset sine altera alter, quorum sine altera alter nasci non potuit, fieretque nexus quidam archissimus, non diversitate morum, non taedio convictus, non satietate consuetudinis, non morbo, non senio, non denique ulla humana vi, dissolubilis. Quod nisi e mente summi Dei fuisset, nunquam tantus omnium assuisset assensus, cum iam constet, nullam gentem fuisse nullamque nationem, quae

Cuius contrahendi cupidine ad unum pene omnes ducuntur.

quae matrimonii legibus & nuptiarum solennitatibus non sit usa. Hoc barbari, hoc Graeci, hoc Latini, hoc omnis recessus orbis, omnis locus, omnes orae, tenuerunt, nec quisquam mortalium est aspernatus, nisi qui humano generi infestus, Deo invisus, sibi naturaeque ingratus, fuisset inventus; atque ita tenuerunt omnes, ut Principum extent civitatumque decreta, quibus ducere uxores iuvenes ad prolem augendam compelleretur. Itaque, ut multa sanctissime Lycurgus Lacedaemoniis, ita hoc quoque, instituit, ad civitatis amplificationem ratus & orbis terrarum ornamentum pertinere, ut quamplurimi nascerentur, legemque tulit, ut, qui uxorem non ducerent, hi & aestate arcerentur a ludis & spectaculis, ac conspectu prope omnium amoverentur; hyeme vero nudi forum circumirent, seseque detestarentur, & pati iusta dicerent, quod legibus non paruissent, quod, quantum in se esset, civitas non staret, nec imperium, sed servitutem mererentur, quia, quibus tueri & propagare imperium possent, non procrearent. Et cum quisquam iuvenis sponte quemque senem observaret, soli, qui uxoribus carerent, contemnebantur. Itaque cum ex his quidam annis plenus in theatrum venisset, postulas- setque a iuniore locum: nunquam, inquit ille, o senex, tibi, cedam, quod pueros, qui aliquando & ipsi cedere mihi possent, non genuisti. Tulit & legem Augustus Caesar, Augusti Cae-
candem-

aris alio-
rumque le-
ges.

eandemque & alii quidam postea confirma-
verunt, ut inventuti uxores darentur, popu-
lumque amplificarent. Nec contentus le-
gem promulgasse, Augustus privigni filios
adhuc pueros populo Romano in publico
spectaculo ostendit, hortaturus, Germani-
cum, privignum suum, in tam pulcherrimo
fructu, imitarentur. Et veteri lege cresce-
re iussum est humanum genus, & annus ei
concessus ad immunitatem, qui uxorem du-
xisset, & proletariorum maioribus nostris
ingens fuit cura. Qui caelibem age-
rent vitam, nisi sacerdotiis functi, eiicieban-
tur e templis, quod, quantum ad eos specta-
ret, exstingui altarium ignem, & Dei cultum
negligi ac funditus tolli, paterentur; homi-
num genere paulo post defecturo, nisi dare-
tur liberis opera, per quos incolitur terra-
rum orbis & frequentatur. Etiam haere-
ditatum & caducorum incapaces habentur
indigni, quibus aliena bona legarentur, cum,
quibus ipsi honeste legare possent, non pro-
crearent. Ceteris & munera publica & iu-
ra filiorum & congiaria Principum confere-
bantur. Tanta & utilitas nuptiis & reveren-
tia inerat. Quid igitur matrimonio san-
ctius? quod non ex opinione hominum
inani, sed ex Principis omnium Dei mente,
factum est, nec novissime institutum a no-
bis, sed ab illo iam a prima origine mundi
huius excogitatum; habuitque prius uxo-
rem homo, quam matrem, quam filios.
Ideo

Ideo & quod primum omnium habuit, iussus id est ad ultimum servare. Relinques, inquit Salvator, matrem & patrem, & fratres tuos, adhuc autem & sorores tuas, & haerebis uxori tuae. Quam ob rem ita, nisi quia mater & pater, fratres & sorores, naturae sunt opus, uxor Dei mysterium est? Ita, si quis parentem occiderit, supplicio quidem afficitur acerbissimo, sed quod sit in rerum natura, ut igni, aqua, aere, terra, careat, indignus his elementis, per quae pater vitam illi ingenuerat. Uxorem vero quisquis peremerit, divina quoque proponitur poena, **Poena interficientis uxorem.** excluditur sacris aedibus, hominum commercio excluditur, non vinum & ne ficeram quidem bibere, non ludos adspicere, non in convivium venire, fas est. Interdicitur secundis nuptiis, & thesauro illo pretiosissimo Eucharistiae inhibetur, indignus viatico Dei, qui sustulit opificium Dei, nec alteras sperat nuptias, quoniam, quo sacrosanctius mysterium nuptiarum, eo se fecit indigniorem, qui violavit, omnium destituentus auxilio, tristitiaque opprimendus, qui uno scelere, & datum sibi a Deo auxilium, & praebitam laetitiae confortem, ausus fuerit extinguere. Etiam Deus ipse nubere matrem voluit, non ut viro contaminaretur, quae semper esset virginitatem retentura, sed ut matrimonio non careret. Et ut nasci ipse sine viro voluit, ita sine nuptiis nasci non voluit, non quia necesse esset, ma-
trimo-

Augetur sanctitas matrimonii per ipsius Servatoris nativitatem in matrimonio factam.

Et est illud
solum funda-
men, per
quod civita-
tes, conven-
tus, & omnis
pene mundus
consistit.
Neque id ta-
men, nisi le-
gitimum.

Commoda
matrimonii.

trimonio gigni eum, qui ante omne matri-
monium fuisset, verum ut matris exemplo
ad illud ipsum nos hortaretur. Hoc civi-
tates, hoc conventus, hoc pene mundus
omnis consistit. Nam nisi certum esset
cuique & exploratum de liberis, promiscuo
ferarum more, aut spurca libidinis licentia
nasceretur, quis diligeret, quis curaret, quos
suos esse non crederet, nesciretque, an quic-
quam ad se pertineret? Vulgo nascitur, quis-
quis matrimonio non nascitur; nec legiti-
mum ille habet patrem, cui mater contu-
git sine lege, non ad foedus societatis huma-
nae, nexumque coniugalem devicta patri, sed
ad tactum pruritumque congressa. Inde le-
gum sanctitas decretaque veterum sapientum,
institnere, neque posse eum haereditatem esse,
neque sacris initiari, cuius matrem patri nu-
ptiae non devinxissent. Et Philosophorum
quidam ad adolescentem, soluta atque impu-
dica natum matre, cum saxa in forum ia-
ctaret, cave, inquit, o adolescens, ne patrem
ferias, qui ad populum iactes. Populi est
filius, immo nullius est filius, vel si ita ma-
vis, potius cuiusque est filius, qui in nuptas
matris filius est. Matrimonium certos li-
beros facit, non dubios instituit haereditatem;
conventum naturae cohonestat, cupidinem ac
impetum illum propagationis appetitumque
congressus sine labe extinguit; matrem foe-
minae, foeminam mari, certo cum fructu,
nulla cum infamia, connectit. Sine matri-
monio

monio nec paterfamilias dici quisquam, nec plane domus appellari, nec augeri stirps, nec communicatio consiliorum fieri, potest, nec, benevolentia quae maxima sit in terris, percipi. Uxor domum ornat, regit penetralia, virum ad omnia iuvat, adstat consiliis, laetis applaudit, tristibus consolatur, hospites ipsa excipit, propinquos, cum adveniunt, ipsa complectitur, penates curat, ut mensa, ut lectus, ut omnia, in parato sint, facit, domesticam suppellectilem ipsa distinguit, ipsa tractat, ipsa componit, multa addit industria, diligentia cuncta digerit, fide universa custodit, nocturnus diurnusque comes, socia thori, custos laris, magistra domus, mater gentis, praefecta familiae, rem rei familiaris. Nihil fere habet, qui caret Incommoda uxore, quod dicere possit suum; ser- caelibatus.
vi expilantur, suffurantur famuli, sodales & vicini carpunt, non stipatoria, non capae, non scrinia, tuta sunt ab insidiis, omnia iacent exposita fraudi atque neglectui, situ omnia sonant, domus sordida est tota, nihil reconditum, nihil distinctum, sine modo, sine ordine, sine nitore, dissipata & profecta sunt omnia. Tum qui uxorem non habet, domi non est, etiam cum est domi, alio cogitat, alio suspirat, habitat tanquam externus in diverforio, non animum, non domicilium figit, non cubiculum penatesque recognoscit, invitus repetit lares, plenos solitudinis & con-

fortii vacuos; denique non lumen lucet, non cibus sapit, non potus, non quicquam gratum est sine uxore. Si habeas filios, pudet adspicere illegitimos, & ignominiae illorum te miseret; si vero non habeas, desertum te & destitutum sine posteritatis spe ingemiscis. Tum si adsint divitiae, vel careas liberis, miserum est, illas ad alienos pervenire, vel habeas extra legem natos, longe miserrimum est, labores sudoresque tuos maiorumque tuorum tuis liberis, tuo sanguini, non posse relinquere. Uxorem vero in oculis adspicere felicitas est, & per liberos successionemque familiae & nominis, & quando est idem pene, quod tu, & duobus in corporibus unus est animus, unusque consensus. Sola uxor non invidet viro, aut uxori vir, eadem vult, quae tu, eadem illi tristitia, eadem iucunda, quae tibi, coniuncta vita, coniuncta fortuna, est, vix potest superesse in vita, cum demigras, ut Getarum illae, quae mortuis viris sese una coniiciebant in rogos, quo simul morerentur, ut, quos vita coniunxisset, eos nec mors quidem divelleret. Magna vis est caritatis uxoriae. Sola infinite te amat, cum tota ex te uno dependet, tota in te uno quiescit. Cedunt liberi, cedunt fratres, cedunt ipsi parentes, uxoris benevolentiae, & saepe uxor mariti mortem redemit, sua vir uxoris. Nec temere venit in exemplum Rex ille, cui, aut, cum sibi moriendum esset, aut alius, qui

Vis amoris
caritatisque
uxoriae

Exempla

DE DIGNITATE MATRIMONII 755

qui sponte id subiret, opponendus, nullo propinquorum aut amicorum invento, sola uxor Alcesta se obtulit, & alter, cum ex lapsu serpentum instare aut sibi, aut uxori, Corneliae, mortem, augures praedixissent, idque in eius repositum arbitrio esse, caelo suo serpente, illa servata, ipse extinctus est. Infinita sunt exempla mutuae pietatis; nec ullus est affectus amoris tam vehemens & sanctus, quam qui viris bonis in uxores, eiusque praestantia; uxoribus in viros, est. Hic praecepta insunt divina, ut uxor parentibus, liberis, rebus, post Deum omnibus, anteponatur; hic naturae merita longe superantur. Natura non amplius, quam unum, nobis dare patrem potest, uxor, ut multorum ipse pater efficiaris, potest; & pater uno nos gignit congressu, mater mensibus paucis absolvit. Uxor nobiscum est, nobisque inservit semper, nunquam discedit a nobis, nisi cum moritur, perdurat nobiscum ad vitae exitum, tam diu nos comitatur atque obtemperat, quam diu spirat. Filii aliquando exeunt e parentum potestate, vel emancipati, vel religionis libertate perdit, alterum sibi domicilium comparant & sibi ipsis vivunt, quaerunt, commercantur, sola uxor ne pedem arctissima quidem flehit a viro, semper in manu, in ma connexio potestate nostra, est tota, nec ante desinit nostra esse, quam vivere. Quicquid illa lucri, inter virum quicquid iacturae facit, viro facit, divitiae et uxorem. illi eadem, quae viro, paupertas eadem,

par dignitas, communis accessio. Et cum
liberos discedere a parentibus, parentes a libe-
ris, nulla lex vetat, & interdum aut angu-
stiae domus cogant, aut pestilens morbus im-
pellat, aut causae aliae suadeant, uxorem hu-
manae ac divinae leges unius cubiculi sem-
per atque convictus consortem esse volue-
runt, ut, quae e viri costa in viri auxilium
facta esset, ea nunquam seiungeretur a viro,
nec sontoico, nec elephantico morbo, nec ul-
la pestilentiae vi, maritum dereliqueret,
quia nemo discedit a se, nemo se ipsum
derelinquit, comes in tectis, comes in le-
cto, comes in prole suscipienda, in
periculis, in laboribus atque in omni for-
tuna, in omnibus vitae actionibus comes,
neque in somnis, neque in vigiliis, abscedit,
una caro, mens una, concordia instituta divi-
nitas, humanis quoque legibus confirmata,
recepta a barbaris, admissa per omnes seces-
sus orbis terrarum, quia facile inferitur
omnium mentibus, quod divinum est. lu-
re itaque nulli ludi, nulla spectacula, festa
nulla, denique nulli vitae nostrae actus, tan-
ta ceremonia pompaque celebrantur, quan-
ta nuptiae, cum fuerint ornatu rerum, amico-
rum congressu, concursu propinquorum, ap-
parantur tecta, parietes prope ipsi ac trabes
excitae congratulari & gestire laetitia viden-
tur, novamque dominam laris consalutare, ac
poscere novam familiam, per quam incolan-
tur atque inhabitentur, nunc epithalamis

nunc

Unde colligi-
tur, iure me-
ritoque in
nuptiis cele-
brandis ritus,
pompani,
aliasque ce-
remonias ad-
hiberi.


DE DIGNITATE MATRIMONII.

nunc cantu & tripudijs, complenda sunt omnia. Venit in novam domum nova domina domus, venit in familiam mater, non futura familiae genetrix eorum, quos ipse procreabis, qui tuis rebus dominabuntur, te per omnia referent. Tu vero, marite, quisquis

es, sic existima, venire ad te uxorem, matrem filiorum tuorum, aviam nepotum, Dei manu commendatam, tibi datam ad societatem, non ad servitutem, ad obsequium, non ad mancipium, ad imperium tuum, sed cum gratia, ad potestatem, sed cum reverentia, ut praesit vir, quoniam prior factus est, adsit uxor, quae ex illius costa illi similis facta est, non subdit, quae e latere, non ex pedibus, facta est.

Inter virum & uxorem vero summa est servanda aequalitas.

FINIS.



INDEX



I N D E X

RERVM MEMORABILIVM

A

A cerra <i>deditionis recepta</i>	Pag. 377.
Adulterii <i>gravissima apud omnes penes gentes statuta puna</i>	737. sqq.
Aegyptiorum <i>mos nubendi</i>	738.
<i>justitia</i>	713
<i>religionis observandas</i>	
<i>studium</i>	706
Aequitatis <i>descriptio</i>	722
<i>in magistratu gerendo erga omnes</i>	
<i>servandas necessitas</i>	715 sq.
Aerii <i>montis descriptio</i>	490
Aethiopum <i>religionis observandas stu-</i>	
<i>dium</i>	706
Agamemnonis <i>apud Homerum desiderium</i>	712
Alexandri <i>Macedonis maxime ingrati-</i>	
<i>tudo</i>	563 sq.
Alfonfi, Regis <i>Sicilliae, ad Brachium oratio.</i>	
	333 sqq.
<i>munera inter Brachi-</i>	
<i>quos distributa</i>	348
<i>ad Brachium Legati</i>	
<i>alteri</i>	396
<i>tertii</i>	397
Alfonso, Regi <i>Sicilliae, a Joanna, Regina</i>	
<i>Neapolitana, fructus insidias</i>	401 sq.
Amoris <i>caritatisque uxoris vis</i>	754
<i>exempla</i>	ibid.
<i>praestantia</i>	755
Anatum, <i>quae in Thrasimeno reperiuntur,</i>	
<i>descriptio atque aucupium</i>	513
Angarium, <i>urbs, capsum</i>	350
Anguilla	

INDEX

Anguillarum in Thrasimeno piscatio	507 sq.
Animi humani excellentia	556 sq.
Animus est salus fons atque origo omnis gratiae, libertatis, beneficentiae, malevolentiae, cultus Divini.	636 sqq.
Anserum, qui in Thrasimeno reperiuntur, descriptio atque auspicium.	513
Antria, oppidum, a Brachio capta	180
Aquila, urbis, obsessa	403. 407 sqq.
Aquilae, urbis, descriptio	401
Aquilanorum perfidia bello ferroque vindicata	403
portinacia	405 sq.
crebri ad Joannam, Reginam	
Neapolitanam, nunti	408 sq.
maximae angustiae	410 sq.
nubus ad Reginam missus nuntius	411
Arabum mos nubendi & adulterii poena	737
Archelai de ingratitude sententia	643
Ariminensium ad Brachium Legati	243
Aristippi de vitis sententia	534
Arsium Sfortianis proditum	271
a Brachio multo labore recuperatum	272 sq.
Affyriorum mos nubendi	739
Augusti Caesaris de matrimonii contrahendis edictum	749 sq.
B.	
Babyloniorum mos nubendi	739
religionis observandae studium	706
Baiani fontis celebritas	635
Balicionum Gentis magnitudo	572
Nelli celebritas	573
Pandulfi celebritas	573 sq.
Barbini (Alberici) expeditio	26 sq.
ad Brachium literas	34
Bbb 4	Barculi-

INDEX.

<i>Bartoliorum descriptio</i>	520 <i>sq.</i>
<i>Bistia, oppidum, a Brachio oppugnata</i>	179
<i>Beneficentia a feris neque discenda est, neque expectanda</i>	625 <i>sq.</i>
<i>Beneficentiae continua necessitas</i>	596 <i>sq.</i>
<i>studendum est neque propter gloriam, neque propter utilitatem</i>	603 <i>sqq.</i>
<i>Beneficium a dante occultandum</i>	661
<i>ab accipiente manifestandum est.</i>	662
<i>exempla</i>	662 <i>sq.</i>
<i>Berthae, Brachii uxoris, mors</i>	277
<i>Biordi cum Brachio colloquium</i>	15
<i>Bonifacii, Pontificis, cum Perusinis foedus</i>	13
<i>Bononia in ordinem redacta a Brachio</i>	132
<i>recepta</i>	305
<i>Bononiensium copiae atque Duces</i>	298
<i>Brachianae familiae origo</i>	5 <i>sq.</i>
<i>Brachianorum praedationes</i>	300
<i>cum militibus Regis Siciliae</i>	
<i>de suo usurarumque more bellandi contentio</i>	337 <i>sq.</i>
<i>erga suum Ducem fides</i>	424
<i>pariter atque ipsorum hostium</i>	
<i>propter suum ducem amissum lucus</i>	424
<i>Brachii (Andreae) natiuitas</i>	7
<i>adolefcentis exorcitia & fata</i>	ibid.
<i>primum stipendium militare</i>	9
<i>prima excursio</i>	ibid.
<i>accepta quaedam vulnera</i>	10
<i>cum Biordo colloquium</i>	15 <i>sq.</i>
<i>exilium</i>	16
<i>ad Florentinorum castra susceptum</i>	
<i>iter</i>	17
<i>res gestae atque consilia</i>	17 <i>sq.</i>
<i>fata Viterbii</i>	25
<i>Volsuvii & Fulgentii</i>	26
<i>stipendia apud Albericum Barbianum</i>	26 <i>sq.</i>
<i>Brachii</i>	

INDEX.

brachii	Victoria a Bononiensibus reportata	28
	sententia & consilium	29
	virtus ab Alberico pro concione laudata	30
	& mirifice compensata	31
ros	auxilium Patavinis praestitum contra Vene-	31
	gloria atque virtus ipsi invidiam parit	32
	interficiendi consilium	33
	ipsi per Alberici uxorem nuntiatur	ibid.
	fuga ad Bononiensium castra	34
	aegre habet Alberici exercitum	ibid
	ad Alberici literas responsio	35
	iter in Hetruriam susceptum	37
	anilium Rothenis praestitum	38
	ad suos cohortatio	43
	cum Angelo Pergulensi pugna	44
	in resistendo virtus	46
	in dimicando successus	46 sq.
	cum Ludovico Firmano pugna & victoria	48
	cum eodem initum foedus	50
	auxilium Ludovico praestitum contra Ascu-	51
lanos	ad suos adhortatio	56
	iter in agrum Cingulanorum susceptum	56 sq.
	cum Cingulani pugna & victoria	58 sq.
	ad Legatū Ladislai Regis Neapolitani, re-	61
sponso	Romam versus iter	62
	variae excursiones	65 sqq.
	in castris Florantinorum cum exercitu suo	74
adventus	consilium	75
	copiis Regis Ladislai occursum	76
	variae cum his velitationes	77
	elegans a Julio Caesare praefecto regio Fra-	78
cta,	ad cenam ironicam invitati responsio	79
	cum Caesariis pugna & victoria	81
	iter Romanum	81

INDEX

Brachii excursions	81 /q.
<i>iter Bononiense</i>	85
<i>excursions in fines Interamnensium</i>	87
<i>irruptio in Perusiam</i>	90
<i>Gallorum Italorumque maximo exercitu</i>	
praefecti singulare gratiae mentis specimen	92
<i>cum Ladislao Rege pugna</i>	93 /q.
<i>ad suos cohortatio</i>	96
<i>virtus laudata</i>	99
<i>reditus Torsanum</i>	<i>ibid.</i>
<i>cum Perusinis pugna & victoria</i>	100 /qq.
<i>iter in Tudertinum susceptum</i>	103
<i>cum Querquetensibus pugna</i>	108
<i>cum exercitu ingentique praeda Fractulorum</i>	
reversio	112
<i>ad Camertes oratio</i>	115 /qq.
<i>continue excursions</i>	121
<i>binae cum Comite Carrarias pugnas</i>	124 /qq.
<i>praelium cum Faventinis</i>	129 /q.
<i>cum Michilaeo Cotignolano</i>	131
<i>varia itinera</i>	135 /qq.
<i>variaeque excursions</i>	138 /qq.
<i>eruptio mirae compensata</i>	141 /q.
<i>cum Rege Ladislao colloquium</i>	143 /q.
<i>iter Bononiense</i>	144
<i>vitae insidiae a Pontifice structae</i>	145 /q.
<i>praelium cum Crasso Venusino commissum</i>	147
<i>excursio in agros Foroliviensium</i>	147 /q.
<i>in Ravennatē, Fanensem, Arimi-</i>	
<i>nensem & Pisauriensem, agros</i>	148 /q.
<i>pugna cum Pandulfo Malatesta</i>	149 /q.
<i>iter Perusinum</i>	156
<i>cum Perusinis velitationes</i>	159 /q.
<i>ad Florentinorum Legatos responsio</i>	<i>ibid.</i>
<i>impetus minus felices</i>	174 /q.
<i>profectio in Tbraſionem</i>	176
<i>praelium cum Perusinis</i>	183
<i>cum Ciccobolano</i>	185
<i>cauta sollicitudo</i>	187
	Bra-

INDEX.

Brachii novum inusitatumque pugnandi genus	189
<i>oratio ad exules Perusinos</i>	190 sqq.
<i>ad milites</i>	198 sqq.
<i>cum Carolo Malatesta praelium</i>	206 sqq.
<i>victoria</i>	210 sqq.
<i>cum Cinello colloquium</i>	218 sqq.
<i>cum Legatis Perusinarum tractatio</i>	221 sq.
<i>cum exulibus deliberatio</i>	222 sqq.
<i>Perusiam ingredientis comitatus</i>	227 sqq.
<i>oratio habita in senatu Perusino</i>	234
<i>nova lex</i>	<i>ibid.</i>
<i>abiturientis praecautio</i>	235
<i>nova expeditio</i>	<i>ibid.</i>
<i>ad Legatos Venetorum acerrima responsio</i>	241
<i>in Tudertinos atque Spoletanos expeditio</i>	244
<i>iter Romanum</i>	<i>ibid.</i>
<i>cum Legato Pontificis in castris colloquium</i>	244 sq.
<i>excursiones</i>	247
<i>cum Legatis Romanis de tradenda urbe pactio</i>	<i>ibid.</i>
<i>exercitus peste correptus</i>	248
<i>cum finitimis inimicitias</i>	255
<i>cum Senensibus societas</i>	<i>ibid.</i>
<i>ad Martinum Pontificem Legati</i>	260
<i>bellum contra Guidonem Feltzanum</i>	261 sq.
<i>simul ac gregarii cujusdam militie inusita-</i>	
<i>tum usus</i>	263 sq.
<i>ad Sfortiam literas</i>	265
<i>cum Tartalia ad Velfundum conjunctio</i>	266
<i>ad Pontificis sui opprimendi cognitae artes</i>	
<i>consilium</i>	269
<i>laudata celeritas</i>	270
<i>ad Pontificem Legatus</i>	279
<i>expeditio in Tudertinos suscepta</i>	281
<i>Florentiam tendentis comitatus</i>	282 sq.
<i>cum Guido Feltzano amicitia restituta</i>	291
<i>cum Pontifice initum foedus</i>	293 sq.
<i>novum contra Florentinas bellum</i>	295
	Brachii

INDEX

<i>Brachii nova coepta aedificia</i>	295/4
<i>iter in fines Bononiensium susceptum</i>	297
<i>cum Liso pugna</i>	298/4
<i>cum Nicolo, Berardi. Camertis sorore, celebratae nuptiae</i>	309
<i>ad Joannae, Reginae Neapolitanae, Legati</i>	309
<i>responsio</i>	315
<i>nova expeditio</i>	316
<i>in Samnites iter</i>	317
<i>edictum</i>	322
<i>adventus Neapoli</i>	327
<i>cum Rege Siciliae conjunctio</i>	328/4
<i>magnificentissimus in urbem Neapolitanam ingressus</i>	330/4q.
<i>novi honores</i>	332/4
<i>ad Alfonso, Regem Siciliae, responsio</i>	337
<i>ad Hispanozeratio</i>	339/4q.
<i>et Regis Alfonso cum suis praefectis animi gratia susceptum iter</i>	348/4
<i>nova expeditio</i>	350
<i>peditatus Lyrin fluvium trajicit</i>	358/4
<i>insignis praeda longe lateque coacta</i>	360/4q.
<i>oratio ad populum Campanum</i>	362/4
<i>filius recens natus</i>	373
<i>profectio Neapolitana</i>	385/4
<i>reditus in Hetruriam</i>	387
<i>nova dignitas</i>	397
<i>plausibus publicis condacurata</i>	398/4
<i>ad Pontificem legati</i>	400
<i>iter Neapolitanum</i>	ibid.
<i>pugna cum Jacobo Caudola gravissima</i>	416/4q.
<i>miser flebilisque exitus</i>	420
<i>cladis causas atque praesagia</i>	421/4
<i>corpus primo Romam, post vero Perusiam, delatum, dignissimoque tempore loco repositum</i>	425
<i>Brachius captus a Feltranis</i>	9
<i>ad Fractam oppidum</i>	15
<i>Brachii</i>	

INDEX

<i>Brachius a Pontifice deceptus</i>	24
<i>commendatur ab Alberico Pontificis Legato,</i>	
<i>Bononiam praesidio tenenti</i>	36
<i>Carolus Malatestam ex sinibus Cameris-</i>	
<i>um pellit</i>	52
<i>Lepirum capit</i>	55
<i>a copiis Regis Ladislei oppugnatus virtute</i>	
<i>sua liberatur</i>	71
<i>Montonum per prodicionem capere tentat</i>	110
<i>totam regionem vastat</i>	111
<i>a Pontifice Bononiam praeficitur</i>	147
<i>seditionem Bononiensem feliciter tollit</i>	150 sq.
<i>obviam profisciscitur Paulo Ursino</i>	167
<i>injurias sibi illatas acerrius ulciscitur</i>	236
<i>varia in fidem recipit oppida</i>	237
<i>turbas Perusinas decreto restinguit</i>	243
<i>a Pontifice basis religionis devotusque ju-</i>	
<i>dicatus</i>	255
<i>cogit pacem redimere numerata pecunia</i>	
<i>Ludovicum Firmarium</i>	256
<i>Ulißem Ursinum</i>	257
<i>Cocchium Salimenum</i>	ibid.
<i>Lucenses</i>	ibid.
<i>Nursinos</i>	59
<i>Sfortianos praedatores dissipat</i>	269
<i>cum suis, a Florentinis magnifice habitu</i>	284 sqq.
<i>a Pontifice perbenigne exceptus</i>	286
<i>Pontifici sua desideria exponit</i>	287 sqq.
<i>natam ex concubina filiam Roberto Mala-</i>	
<i>testas despondit</i>	295
<i>praedantes, qui Medicinas erant praesidio</i>	
<i>locati, ad Oriolum fundit, fugat, plerosque ca-</i>	
<i>pit</i>	301 sqq.
<i>Nucerias custodis horrendum & atrox faci-</i>	
<i>nus ulciscitur</i>	312 sqq.
	Bra.

INDEX.

<i>Brachius Samnites, Placentinos & Sulmonenses in fidem recipit</i>	318	sq.
<i>Castellum maris expugnat</i>	351	
<i>arcem obsidet</i>	352	
<i>ob advenientes hostes iterum relinquit</i>	352	sq.
<i>agmen Capuam perducit</i>	355	
<i>Minianum Sanctumque Victorem capit</i>	356	
<i>finis Pontificis depopulatur</i>	ibid.	
<i>Castellum novum Sanctamque Luciam expugnat</i>	ibid.	
<i>Legatis Pontificis haud benigne respondet</i>	356	sq.
<i>mox cum iisdem paciscitur</i>	357	
<i>eum equitatu Lyrin fluvium trajicit</i>	358	
<i>hostium consilia dolo eludit</i>	374	sq.
<i>Sfortiam copis Neapolitanis praeficiendam curat</i>	386	
<i>Tyernates ad deditionem adhortatur</i>	387	
<i>cum eorum Legatis sermones miscet</i>	388	sq.
<i>castra admovet</i>	389	
<i>cum aliis eorum Legatis colloquitur</i>	390	sq.
<i>Tyernum arctiori obsidione cingit</i>	392	sq.
<i>deditione recipit</i>	395	
<i>Perusiam redux factus magnificentissime excipitur</i>	395	
<i>aedificia publica refici curat</i>	395	sq.
<i>auxilium Regi Siciliae mittit</i>	397	
<i>varia oppida atque castella expugnat</i>	402	sq.
<i>Aquilam, urbem, obsidet</i>	403	
<i>Larigianum, quod ad bastem descenderat, expugnat</i>	404	sq.
<i>paulo crudelius saevit</i>	405	
<i>Florentinis, mustante ipso milite, auxilium mittit</i>	407	
<i>novas copias conscribit</i>	ibid.	
<i>Aquilam, urbem, multo gravius obsidet</i>	407	sq.
	Bra.	

INDEX

Brachius adversus auxilia, quae adventant, pugnam parat	412 /q.
caduceatorem ad hostium castra mittit	413 /q.
cui ab imperatore jactanter responsum	414
suorum consilium reficit	415 /q.
gravissime vulneratus capitur	420
triduo post moritur	421
Britannorum mos nubendi & adulterii poena	737

C

Caelibatus incommoda	753
Cales, urbs, a Brachio recepta	321
Calonica, oppidum, a Brachio capta	86
Calzarolum a Brachio captum	39
Camertium ad Brachium responso	120
Camilli exulantis erga patriam beneficentia	598 /q.
Campani (Jo. Ant.) de Ingratitudine scripturi	
bonesta excusatio	523 /qq.
defensio	525 /qq.
animus	528 /qq.
instituti ratio occasioque	537 /qq.
studium philosophandi	675 /q.
encomium	679
Campani ad Brachium Legatos mittunt	321
lubentissime eum suum Domitium agnoscunt	364
plausus publicos agunt	ibid.
Canale oppidum expugnatum	399
Cantabrorum mos nubendi & poena adulterii	738
Capijugum expugnatum	319
Capuae annonae caritas	379
Brachii adventu	
sublata	380 /q.
arx superior in Brachii potestatem recepta	
Carnaniorum mos nubendi	744
Carrarum Comes cum Brachio per Legatos de pace transigit	316
	Carra-

INDEX.

<i>Cartagiae Comes filium obsidem mittit</i>	17
<i>Casilinum a Brachio oppugnatum</i>	105
<i>Castanea, oppidum, incendio vastata</i>	210
<i>Castellum a Brachio occupatum</i>	77
<i>Leonis a Brachio captum</i>	186
<i>maris expugnatum</i>	351
<i>novum a Brachio expugnatum</i>	386
<i>Sangri a Brachio in fidem receptum</i>	321
<i>Castilionium a Brachio captum</i>	105
<i>Castitionum a Brachio captum</i>	39
<i>Caudola (Jac.) Brachianor, qua potest, fugit</i>	320
<i>ejus c. in Brachio pugna & victoria</i>	41 / 199.
<i>Cervariorum, rerum, descriptio</i>	490 / 19.
<i>Cesena portus a Brachio occupatus</i>	133
<i>Charitum apud veteres delineatio</i>	664
<i>Cinelli cum Brachio colloquium</i>	217 / 199.
<i>Cingulanorum cum Mars. Faventino contra Brachium conspiratio</i>	55
<i>Citionum a Brachio occupatum, Senensibusque restitutum</i>	254
<i>Civitatum beneficarum liberaliumve quae sit constitutio</i>	600 / 19.
<i>Clementiae descriptio & praestantia</i>	723 / 19.
<i>Collazonum a Brachianis expugnatum</i>	85
<i>Collis medius a Brachio occupatus</i>	162
<i>Columella, urbs, a Brachio capta</i>	65
<i>Corcianum a Brachio oppugnatum</i>	ibid.
<i>captum</i>	180
<i>Cortona a copiis Ladislai, Regis Neapolitani, abfessa & prodita</i>	76
<i>Cygnorum, qui in Thrasimeno reperiuntur, descriptio atque aucupium</i>	511
<i>Cypriorum mos nubendi</i>	739
D	
<i>Darii erga Silophonem Samium animus</i>	511
<i>Democriti deliramenta humana videntis excusatio</i>	640 / 19.
<i>Demosthenis exulantis erga patriam beneficentia</i>	499
<i>Deorum</i>	

INDEX

Deorum immortalium insignis erga homines benefi-	
centia	600 sqq.
largos atque beneficos se prae-	
bentium conditio	659 sq.
Deruta a Brachio expugnata	65
iterum capta	173
Diogenis de civitate sententia	721
Cinici de vitiis sententia	534
eadem carpendi finis	639 sq.
Disputationis finis atque utilitas	539. sq.

E

Eraclienſium mos nubendi	739
Eugubii ſuburbia igne, agri depopulatione vaſtati	281
Eugubium a Brachio fruſtra obſeſſum	280
Exemplorum uſus	696 ſq.

F

Faventini (Mart.) cum Cingulanis contra Brachi-	
um conſpiratio	55
Feltrani capiunt Brachium	9
Feltranus (Guido) a Brachio bello petitur	261
cum Brachio in amicitiam redit	291
Ferae ob feritatem naturae neque beneficae, neque	
liberales, evadere poſſunt	629 ſq. 634
ſolo impulſu naturae aut ſenſus trahuntur	633. ſq.
Ferarum pro beneficiis, liberalibus, aut gratis, habita-	
rum exempla	627 ſqq.
Firmani (Lud.) ab exercitu ſuo fuga	40 ſqq.
Firmanus (Lud.) cogitur pacem redimere a Brachio	
numerata pecunia	256
Florentinorum res deſcriptae	72 ſq.
ad Brachium legati	73. 168
176. 262. 399. 406.	
cum Regis Ladislai copiis pugna &	
viſtoria	75 ſq.
quoad Brachius Florentiae moraba-	
tur, inſignis apparatur	289 ſq.
Ccc	Foedus

INDEX

<i>Foedus inter Pontificem & Ducem Mediolanensem percussum</i>	378
<i>Fortunati (Divi) oppidum a Brachio expugnatum</i>	157
<i>Fractula obfessa</i>	107
<i>a Brachio liberata</i>	108
<i>a Perusinis oppugnata</i>	121
<i>Frugalitatis in magistratu gerendo praestantia</i>	728 sq.
<i>Fulicarum, quae in Thrasimeno reperiuntur, descriptio atque aucupium</i>	513

G

<i>Gallorum religionis observandae studium</i>	706
<i>Germanorum, avium, quae in Thrasimeno inveniuntur, descriptio atque aucupium</i>	513
<i>populi, mos nubendi & poena adulterii</i>	738
<i>Glomefium direptum incenditur</i>	271
<i>Graecorum de ingratitudine sententia & exempla</i>	654 sqq.
<i>mos nubendi</i>	740
<i>religionis observandae studium</i>	706
<i>Grati hominis descriptio</i>	626
<i>Gratia a feris neque discenda, neque expectanda est</i>	625 sq.
<i>Gratiae recipiendae spes multos reddit liberales atque beneficos</i>	665 sq.
<i>cessans omnem tollit liberalitatem atque beneficentiam</i>	666 sq.
<i>referendae tempus atque modus</i>	670
<i>Gualdum a Brachio occupatum</i>	121

H

<i>Heracliti deliramenta humana miserrantis excusatio</i>	640 sq.
<i>de iustitia sententia</i>	720
<i>Hesiodi de magistratu regendo sententia</i>	709 sq.
<i>Hominis prae ceteris animalibus praestantia</i>	631 sq.
<i>quae sit conditio</i>	660
<i>Homi-</i>	

INDEX.

Hominum diversorum diversa officia	716 sq.
<i>magistratu concurrunt</i>	in uno quasi 717 sqq.
<i>diversa de justitia judicia</i>	726
<i>diversa studia</i>	727
Humanitatis ratio beneficentiae necessitatem docet	598 sqq.

I.

Jacii, vetis, descriptio	495 sq.
Janiculum a Rege Ladislao occupatum	92
<i>a Brachio oppugnatum & captum</i>	95 sqq.
Imperatorum beneficorum liberaliumve quae sit conditio	660 sq.
Incertae cujusdam gentis mos nubendi & poena adulterii	737
Indorum mos nubendi & poena adulterii	738
Ingenii vis atque potestas	556
<i>excitatur necessitate</i>	559
Ingratitudinis perniciosissima detestandaque facies	540. 618. sq. 680. sqq.
<i>mentio maxime odiosa</i>	571 sq.
<i>diviso</i>	578
<i>definitio</i>	ibid.
<i>turpitudine naturalis</i>	681
<i>turpissimi effectus</i>	681 sq.
<i>justum odium</i>	686
<i>vitandae seriae admonitio</i>	694
Ingratitudo tollit omnem liberalitatem & humanitatem	541 sq. 562 sq.
<i>dedecet potissimum Reges atque Principes</i>	564 sq.
<i>utilis & necessaria visa qua sit</i>	577 sqq.
<i>num sit naturalis</i>	591 sq.
<i>neque naturalis, neque bona, neque utilis, neque necessaria</i>	642
<i>omnium flagitiorum vitiorumque mater</i>	657 sqq.
Ingratorum quot sint genera,	687 sqq.
<i>Ecc a</i>	542. 608 sqq. 669.
<i>Ingra-</i>	

INDEX

Ingratorum <i>genus primum</i>	543 <i>sqq.</i>
<i>secundum</i>	546 <i>sqq.</i>
<i>tertium</i>	550 <i>sqq.</i>
<i>quartum</i>	561 <i>sqq.</i>
genera inter se conferuntur	567 <i>sqq.</i>
genus tamen turpissimum est quartum	569 <i>sq.</i>
fugiendorum causa	570
exempla hominum	579 <i>sqq.</i>
<i>ferarum</i>	584
<i>avium</i>	585
<i>naturae</i>	586
<i>terrae</i>	587 <i>sqq.</i>
<i>Deorum immortalium</i>	590
<i>coeli</i>	590 <i>sq.</i>
<i>aliae quaedam species</i>	609 <i>sqq.</i>
<i>alia genera</i>	610 <i>sqq.</i>
<i>visuperatio</i>	688 <i>sq.</i>
Interficientis uxorem apud Romanos poena	751
Joannae, Reginae Neapolitanae, ortus resque gestae	264 <i>sqq.</i>
<i>legati ad Brachium</i>	308
<i>ad Pontificem & Ducem Mediolanen-</i>	
<i>sem</i>	409
<i>alii</i>	411
Jonarum ex ingratis ingratos subita conversio	611 <i>sqq.</i>
Jovis Dodonei fontis celebritas	635
<i>item Hammonis</i>	<i>ibid.</i>
Italiam factiones, civiliaque & domestica bella con-	
<i>ficiunt</i>	11 <i>sq.</i>
Judicia corrupta quae sint	716 <i>sq.</i>
Juris Naturae & gentium descriptio.	722
Justitiae in magistratu gerendo necessitas	713 <i>sqq.</i>
<i>descriptio</i>	722 <i>sq.</i>
<i>diversa de eadem judicia</i>	726
L	
Lacedaemoniorum mos atque causa in conviviis ser-	
<i>vos temulentos admittendi</i>	535
<i>nubendi & poena adulterii</i>	737
<i>Ladislai</i>	

INDEX.

Ladislai, Regis Neapolitani, ad Brachium legati	60
<i>literae</i>	65. 67
<i>in Brachium perfidia</i>	67
<i>de capiendo Brachio consilium</i>	70
<i>bellum contra Florentinos</i>	72 sqq.
<i>fuga</i>	98
<i>auxilium Perusinis praestitum</i>	124
<i>cum Pontifice inita pax</i>	127 sq.
<i>improbitas accusata</i>	134
<i>cum Brachio colloquium</i>	143 sq.
<i>mors</i>	144
Larigianorum defectio	403 sq.
<i>a Brachio paulo crudelius</i>	
<i>vindicata</i>	405
Legati Pontificis ad Romanos a Brachio obfessor	
<i>oratio</i>	—245 sq.
Legum in republica bene constituta necessitas atque	
<i>usus</i>	720 sq.
Libidinis solutae & adulterii apud gentes varias	
<i>poena</i>	737 sqq.
Lucentes coacti pacem redimere a Brachio nume-	
<i>rata pecunia</i>	257
Lucia Sancta, oppidum, a Brachio expugnatum	356
Lucii piscis descriptio	506 sq.
Ludi equestres a Brachio instituti Perusiae	250 sqq.
<i>Florentiae</i>	291 sq.
Ludovici Galli in Italiam trajectus	80
Lycurgi de matrimoniis contrahendis institutum	
	749
Lyris fluvii descriptio	357
M	
Magistratus vis & effectus	697
<i>gerendi grave munus, quibus leve vi-</i>	
<i>deatur</i>	698
<i>qui rite gerere cupiunt, quibus virtuti-</i>	
<i>bus, & qua, tam corporis, quam mentis, forma,</i>	
<i>praediti esse debeant</i>	698 sqq.
Malatestae (Car.) auxilium Perusinis praestitum	174
<i>Perusiam adventus</i>	184
Ccc 3	Mala-

I N D E X.

Malatestae ad suos oratio	204
<i>cum Brachio praelium</i>	206
<i>clades</i>	210 sqq.
<i>honestæ captivitas</i>	213 sq.
<i>quædam oppida in fidem veniunt Brachii</i>	237 sq.
<i>(Rob.) cum Brachii ex concubina nata</i>	
<i>filia nuptiæ</i>	295
Mantinianum a Brachio captum	180
Marfanesium expugnatum	327
Marfanum a Sfortia obsessum	127
<i>a Brachio liberatum</i>	<i>ibid.</i>
Martini Pontificis Brachium opprimendi miræ	
<i>artes</i>	268
<i>ad Brachium amica responsio</i>	289
<i>cum Brachio initum foedus</i>	295 sq.
Matalonium in fidem receptum	385
Mathematicorum de Brachio recens nata præ-	
<i>sagia</i>	7
Matrimonii origo	734
<i>præstantia</i>	734 sq.
<i>insignis apud omnes pene gentes reveren-</i>	
<i>tia atque cultus</i>	735 sqq.
<i>vinculum indissolubile</i>	748
<i>contrahendi cupido universalis</i>	748
<i>leges</i>	749 sq.
<i>sanctitas</i>	751 sq.
<i>commoda & effectus</i>	752 sqq.
Medicina, oppidum, expugnata	303 sq.
Mediocrîtatis in magistratibus gerendis usus	699 sq.
Memoriæ vis atque facultas	556
<i>excitatur necessi-</i>	
<i>tate</i>	559
Mergorum descriptio atque aucupium	510 sqq.
Minianum captum a Brachio	356
Misianum occupatum	180
Modestiae in gerendo magistratu laus atque præ-	
<i>stantia</i>	728
Mons, oppidum, a Brachio oppugnatum	104
Mons	

INDEX.

Mons, oppidum, iterum relictum	105
altus a Brachio captus	39
Monticellum a Brachio occupatum	105
Montis Flasci descriptio	266
urbis descriptio	491 sq.
Morum ratio atque effectus	559 sqq.
Motus Britanniae	455
Germaniae	ibid.
Hispaniae	ibid.
Italiae	ibid.
Mucili, reticuli, descriptio	503 sq.
N	
Narnienses a Brachio fugati	167
Naturae excusatio	536 sqq.
quae sint	644
Naturalia quae sint	645
Neapolitanorum res angustiae	326
turbae	399
Nicolai Papae erga Pium animus	440
mors	445
Sulmonensis encomium	621 sqq.
de ingratitude sententia	679 sqq.
Nuceriae custodis horrendum & atrox facinus	310 sqq.
a Brachio vindicatum	313 sq.
Nuptiarum apud omnes gentes singularis honor atque cultus	735 sqq.
honestissimum convenientissimumque nomen matrimonii	ibid.
vocis origo	742
celebrandarum ratio, atque modus	756
Nursini coacti pacem redimere a Brachio numerata pecunia	259.
O	
Opinionis vis atque potestas	643 sq.
Ottinij ad Brachium epistola	68.
P	
Pacani, custodis arcis Capuae superioris, pertinacia	364 sqq.
virtute Brachii fracta	366 sqq.

INDEX.

Paganum captum	35c
Pagellae, retis, descriptio	516 sq
Palanti exulantis erga suos beneficentia	599 sq.
Pergula a Brachio in potestatem recepta	26c
Persarum nubendi mos	74c
<i>tempus atque modus</i>	744 sq.
<i>religionis observandae studium</i>	70c
Perusia venit in potestatem Pontificis	13
<i>a Brachio obsessa</i>	153
Perusiae descriptio	88 sqq
<i>dedendae conditiones</i>	22c
Perusinae turbae	10 sqq.
Perusinarum rerum nova facies	230 sqq
Perusini agri praestantia	517
<i>a Brachio fugati</i>	63 sq
<i>iterum bellum parant</i>	8:
<i>a Fraetulanis dissipati</i>	122
<i>venenatis telis usi a Brachio gravissime re-</i>	
<i>prehenfi</i>	18:
Perusinarum foedus cum Bonifacio, Pontifice, ini-	
<i>tum</i>	13
<i>ad Ladislaum legati</i>	66. 123
<i>solicitude</i>	84. 178
<i>praelium cum Brachianis</i>	100. 183
<i>clades atque fuga</i>	101
<i>apparatus bellicus</i>	106
<i>terror atque questus</i>	113
<i>cum Brachio velitationes</i>	159 sqq.
<i>legati ad Carolum Malatestam</i>	173
<i>ad Brachium</i>	177. 179. 180
<i>diffidium</i>	181
<i>de auxilio adventante laetitia</i>	186
<i>fusorum luctus</i>	215 sq.
<i>consilium</i>	216
<i>ad Brachium caduceator missus, nimio</i>	
<i>potu confectus, domum redire obliviscitur</i>	216 sq.
<i>alius missus, Cinellus</i>	217
<i>legati</i>	221
<i>annua a Brachio imperata tributa</i>	249
<i>Perusi-</i>	

INDEX.

Perusinorum ad Martinum Pontificem legati	254
Petra Melina a Brachio capta	103
Philippi Macedonis exemplum ingrati- tudinem seve- rissime coercentis	565 sqq.
Atheniensium libertatem opprimere nitentis consilium	712
Philosophia laudata	575 sqq.
bene beateque vivere docet	674 sqq.
Picinini (Nic.) virtus	282
Pietatis laus atque fructus	701 sqq.
honor atque veneratio	704 sqq.
Pii II. Pontificis origo	435
nomen	ibid.
studia admodum pueri	ibid.
primum, idque perdifficile, Basileam iter	436
alterum eodem & hinc per Germaniam & Belgium in Scotiam usque protractum, iter	436 sq.
tertium	437
varia munia	ibid.
variae legationes	438
nomine Caesaris susceptae	438 sq.
Mediolanensis	440
Neapolitana	441
publico Senensium nomi- ne ad Nicolaum Pontificem suscepta	443 sq.
ad Pannonios, Bobemos, Nericos, ceteramque Germaniam, & aliae	444 sq.
ultima ad Calixtum, Pontificem, Nicolai successorem	446
Pontificis renunciati prima decreta	447 sqq.
iter Mantuanum	449
discrimen vitae Narniense	449 sq.
pompa Perusiae acta	450
res gestae Senae	450 sq.
Florentiae	451 sq.
Bononiae	452
Ferrariae	452 sq.
Mantuae	453 sqq.
Ccc 3	Pii II.

INDEX.

Pil II.	<i>magnanimitas</i>	457 sq.
	<i>finium Imperii Pontificii augmenta</i>	458 sq.
	<i>ipsis summis Principibus verenda auctoritas</i>	
		459 sq.
	<i>prudentia singularis</i>	461 sq.
	<i>clementia</i>	463
	<i>contemptus pecuniarum</i>	463 sq.
	<i>instituta quaedam laude dignissima</i>	464 sq.
	<i>liberalitas</i>	465 sq.
	<i>magnificencia</i>	466 sq.
	<i>studium peregrinandi</i>	467 sqq.
	<i>ratio studiorum</i>	470
	<i>cura rei publicae</i>	470 sq.
	<i>familiares</i>	471 sq.
	<i>adoptivi</i>	473
	<i>urbanitas & facetiae</i>	473 sq.
	<i>studium aedificandi</i>	474 sq.
	<i>amor literarum</i>	476
	<i>scripta</i>	476 sqq.
	<i>ars divinatoria</i>	478 sq.
	<i>forma corporis</i>	479
	<i>meriti</i>	<i>ibid.</i>
	<i>praesagia magnitudinis</i>	479 sq.
	<i>pericula vitae</i>	480 sqq.
	<i>praesagia mortis</i>	482 sq.
	<i>severitas in paranda expeditione in Turcas</i>	483 sq.
	<i>ultimum iter</i>	484
	<i>novissimus morbus</i>	484 sqq.
	<i>mors</i>	488
	<i>funus</i>	<i>ibid.</i>
Pius II.	<i>a Felice Anti-Papa, ad Federicum, Caesarem, missus legatus donatur laurea, moxque ipse Caesaris adscribitur amicis</i>	438
	<i>Romae honorifico exceptus</i>	439
	<i>Tergestanis praeful praefectus</i>	<i>ibid.</i>
	<i>Spodiocanus efficitur</i>	<i>ibid.</i>
	<i>Antistes Senensium designatus</i>	441
	<i>mittitur a Federico ad Bohemos</i>	<i>ibid.</i>
		Pius II.

INDEX.

Pius II. <i>insidias a Senensibus sibi structas mirè eludit</i>	441 sq.
Leonorae, Federici sponsae, obviam profiscitur	442.
Pisces eam excipit	443
Senae Federico exhibet	ibid.
a Calixto Romae Cardinalis designatus	446 sq.
eo mortuo, in ipsius locum succedit	447
redux factus Senam	456
Romam, omni nisu componere allaborat motus Italiae, Britanniae, Hispaniae, Germaniae	456 sq.
Pila, urbs, a Brachio capta	173
Pittaci Mityleni de aequitate sententia	716
Platonis de magistratu regenda sententia dictum de lyra	711
de legibus	719
Pons Patulus a Brachio captus	721
a Ladislao obsessus	102
iterumque relictus	135
Praeceptorum usus	136
Praetula a Brachio capta	697
Pyrrhonorum de ingratitude sententia	102
Pythagorae symbolum	642
	713 sq.
Q	
Quadra a Brachio capta	87
Querquetensium cum Brachio pugna	108
R	
Ratio omnis mutationis, cui vita hominum subiacet, causa rerum atque actionum humanarum gubernatrix	632
Reipublicae commune bonum anteponendum privati cujuscunque	632 sq.
Religionis apud omnes fere gentes observandae studium	714 sq.
Christianae finis primarius	707sq.
Reli.	696

INDEX.

Religionis, secundum ejusdem praecepta vivendi norma atque modus	ibid.
Ripa, oppidum, a Brachio capta	169
Roccha Contracta a Ladislao Rege obsessa	132
Rocchi, reticuli, descriptio	515 sq.
Rocchorum descriptio atque usus	509 sq.
Romanorum a Brachio defectio	249
ingratorum poena	617 sq.
de ingratitude sententia	648
exemplis comprobata	648 sqq.
religionis observandae studium atque servor	707
continentia atque pudicitia	740
mos celebrandi nuptias	741 sqq. 745 sqq.
vestes nuptiales	742
auspicia	742 sqq.
celebrandarum nuptiarum praestitu- tum tempus	747 sq.
Rucellecum a Brachio captum	86

S

Salimenus (Cocchus) cogitur redimere pacem a Brachio numerata pecunia	257
Saxoferratenfes a Brachio deficiunt ad obsequium rediguntur ibid.	253
Scelerum puniendorum ratio atque modus	724 sqq.
Senensium cum Brachio societas	285
Sensuum differentia	556
Serra a Brachio expugnata	279 sq.
Sfortia a Joanna, Regina Neapolitana, contra Bra- chium missus	265
a Brachio in fugam conjectus	267. 381
Duces Pontificis convocat	321
castra Brachii petit	382
reconciliatur Brachio	382 sqq.
Reginae Joannae	383
cura Brachii copiis regis Neapolitanis praeficitur	386
Sfortiae ad Brachium literae	265
	Sfor-

INDEX.

Sfortiae apparatus bellicus	297
expeditio Neapolitana	305 sq.
cum Tartalia conjunctio	352 sq.
discessus ab hoc parum amicus	354 sq.
cum eodem simulata reconciliatio	357
in Sueffanum agrum iter	ibid.
ad Aeternum miser exitus	409
Sfortiani praedatores a Brachianis dissipati	269 sq.
Socratis sententia de vitiis	533 sq.
de aequitate	716
Solennia in memoriam Caroli Malatestae a Brachio	
profligati Perusiae quotannis repetita	249 sqq.
Solis Introgoditis fontis celebritas	635
Solonis de legibus effatum	727
de temulento Principe lex	729
Spaternarum descriptio	505 sq.
Spina a Brachio occupata & direpta	166
Spoletanae arcis descriptio	262 sq.
Spoletum a Brachio obsessum	ibid.
deditione facta in fidem receptum	ibid.
Sponsae nomen unde	747
Strigilum, qui in Thrasimeno occurrunt, descriptio	
atque aucupium	513
Strygis fontis nomen unde ortum	635

T

Tartalia jungit cum Brachio castra	266
a Pontifice sollicitatus ab eo deficit	268
Urbevetanos contra Brachium sollicitat	277
fuga delapsus	279
a Sfortia occisus	378
Tartalidae perfidia	277
cum Sfortia conjunctio	350 sq.
ab hoc discessus parum amicus	354 sq.
cum eodem simulata reconciliatio	357
in Sueffanum agrum iter	ibid.
a Sfortia occisi copiae fugiunt ad Brachium	379.
Taxillorum mos nubendi & poena adulterii	738 sq.
	Ter-

INDEX.

<i>Terra neque benefica, neque liberalis, neque malefica, neque ingrata, dici potest</i>	634 sq.
<i>Thebanorum mos nubendi</i>	739 sq.
<i>Themistoclis de magistratibus publicis decretum</i>	730
<i>Theophrasti de brevitae vitae sententia</i>	535
<i>Throrum descriptio</i>	498 sqq.
<i>circa eosdem retia tendendi labor</i>	501 sq.
<i>piscandique modus</i>	502 sq.
<i>Thrasimeni lacus descriptio</i>	176. 492 sqq. 519 sqq.
<i>insularum in eo exsurgentium descriptio</i>	492
<i>orarum adjacentium situs ratioque vendi</i>	493
<i>diversarum diversa navigia</i>	493 sqq.
<i>piscandi modus</i>	495
<i>retium, quibus piscantur, descriptio</i>	ibid.
<i>opportunitates piscandi</i>	497 sq.
<i>studium pisces servandi</i>	504
<i>piscandi genus per hamos</i>	505 sqq.
<i>aucupia autum</i>	510 sqq.
<i>pulcherrima conditio</i>	517 sq.
<i>accolarum piscatorum praecipui labores</i>	521 sq.
<i>Ticinum a Brachio captum</i>	87
<i>Timonis Atheniensis austeritas</i>	641 sq.
<i>Tophi, retis, descriptio</i>	508 sq.
<i>Torsianensium ad Brachium legati</i>	177
<i>Torsianum a Brachio captum</i>	86
<i>Trogoditarum mos nubendi & poena adulterii</i>	737
<i>Tudertinorum a Ladislao ad Pontificem desectio</i>	141
<i>ad Brachium legati</i>	178
<i>Tudertum Ladislao deditum</i>	141
<i>ab eodem obfessum</i>	ibid.
<i>Turbae Bononienses</i>	150
<i>Camertinae</i>	114
<i>Neapolitanae</i>	399
<i>Perusinae</i>	10. 17. 242
<i>Romanae</i>	25. 37. 80.
<i>Tutius praefectus Fractae</i>	14 sq.
	Tyfr-

UNIVERSITY OF MICH



3 9015 06307 415

